

Հրատարակչական Հեկտորիան № 6


ՍՏ. ՏԻՐ-ԱԽԵՏԻ-ՔԵԸՆ

# ՊԱՏՄԻԱԾ ՔՆԵՐ




891. 99
Տ-37

Թիֆլիս  
և «ՀԵՐՄԵՍ»  
1912



ՀԱՅԱՍՏԱՆԻ ԲՆԵՐ

100





12 MAR 2011

Կովկասի Հայոց Հրատարակչական Ընկերություն № 6

891.99

S-370

ՍՏ. ՏԷՐ-ԱԻԵՏԻՔԵԱՆ

4



# ՊԱՏՄԻԱԾՔՆԵՐ

1005  
22550

7. N° 140 (2)

4390



Թիֆլիս

Տպարան «ՀԵՐՄԷՍ»



111

30  
31

58199

14 .08. 2013

ՀԱՅԿԱԿԱՆ ՏՊԱԳՐՈՒԹԵԱՆ

ՉՈՐՍՀԱՐԻԻՐ ԱՄԵԱՅ

ՅՕԲԵԼԵԱՆԻ

Յ Ի Յ Ա Տ Ա Կ

(1512—1912)



## ՃԱԿԱՏԻՆ ԷՆ ԷՐ ԳՐԱԾ

### I

—Նրա գլուխը հոդեմ, գնում չեմ. նա փիս ա. ես ուզում եմ մեր տանը կենամ. էլ նրանց տունը չեմ գնում,—ասում էր Չորթանանց Բարսեղի աղջիկ Վարդին իր մայր Ռեհանին, որը հարկադրաբար պահանջում էր նրանից մի ինչ-որ տեղ գնալ:

—Աղջի, դու մեզ խայտառակում ես, ւն քո ծնւած օրը սե ըլի. մեզ թշնամու սրտով ես անում. քո խեղճ հէրը ամաչում ա, թա շէնամէջ դուրս գայ,—ասում էր Ռեհան աքիրը,—էսօր տասն օր ա, ինչ սարից տուն չի գալիս. ի՞նչ ա, ամաչում ա, լօխն էլ ծածուկ-աշկարայ վրէն ծիծաղում են: Բա ես, ես. գետն ինձ տանի. աչքերս տափին գցած եմ շէնամիջով անցնում: Ժամից ընկել եմ քո պատճառով. ամաչում եմ ժամ գնալ. հարիւրը հարիւր բան ա ասում. վախլախելով եմ ջուրը գնում. հէնց եմ գիտում, թա քարերն էլ ինձ վրայ ծիծաղում են, ինձնով տնազ են անում. մի մարդ տեսնալիս փշուր-փշուր եմ ըլում ամաչելուց, միսս վէր ա թափում թամամ. ճարս կտրած ուշս դարձնում եմ տափին ու ասում՝ ւն տափ, դու ճղի, ես մէջդ ընկնեմ, փրկեմ... Ասն ահր՝ ի՞նչ անենք մենք, որ ջուրը, որ հողն ընկնենք, ի՞նչ հողն ու ցելը գլխնե-րիս տանք էս խայտառակութիւնից ազատելու համար... Ինչո՞ւ ես ահր մեզ սաղ թաղում. ինչո՞ւ չես ահր խեղճ գալիս մեզ, քո անձար ծնողներին:

Վարդին գլուխը կախած լուռ լսում էր:

— Ի՞նչ ես տազ արել, ի՞նչ. սիրտս տրաքւում աս, մի բան ասա՛:

— Է՛ն աս ասում եմ, որ գնում չեմ...

— Խի, նա աչքդ հանել ամ. ինչո՞ւ չես գնում:

Վարդին ոչինչ չէ պատասխանում. նա լուռ լաց է լինում. նա հասկանում է ծնողների անտանելի դրուժիւնը, բայց անգոր է նրանց օգնել, նրանց այդ դրութիւնից հանել: Արտասուքը հեղեղի պէս թափւում է նրա աչքերից:

— Ի՞նչ ես լաց ըլում, ի՞նչ. օրօրոցի բախայ կես. քեզ բան եմ ասում, պատասխան տու՛ր, արինը սրտիցս կաթում աս հէր,— ասում էր բարկացած Ռեհան աքիրը,— էսօր երկու շաբաթ աս տանը նստած ամեն օր լաց ես լինում, երբ հետդ խօսում եմ, երբ ասում եմ, որ գնաս... Բաւական ամ, բօլ ամ, հերիք, ամ. լաւ բօլ խաթրդ պահել եմ, լաւ բօլ կակոդ, քաղցր եմ խօսացել հետդ... Աբուռդ երեսիդ գնա էսօր քո մարդի տուրը, թէ չէ քեզ կապած, շէնամիջով քարշ տալով կը տանեմ... Դու մեզ խայտառակել ես, պրծել. էդ խայտառակութիւնն էլ վիզ կուռնեք հէր ու մէր ու քո գլխին շան օյին կը դնենք, թամամ շան օյին... Ես դեռ քեզ խնդրում, աղաչում, պաղատում եմ, որ քո կամքով սուս ու փուս գնաս քո սկեսոր ձեռքը պաչես, նրա ստներն ընկնես, մեղայ գաս, նրան հլու-հնազանդ հարսնութիւն անես, քո մարդին էլ ընդունես, մարդի տեղ դնես նրան... Լսում կես. համաձայնում ես գնամ, ասա. լալկեւ չէս հու, խօսա՛. տուն ես քանդում է, տազ անիլի վախտը չի. գնում կես:

— Չէ, ես նրա կուշտը չեմ գնում,— պատասխանում է հեկեկալով Վարդին:

— Չո՛ւ, չո՛ւ. գլուխդ հողեմ, չո՛ւ,— ասում է գայ-

րոյթով Ռեհան աքիրն ու մի քանի անգամ իրար ետեւից երկու ձեռքով բամփում խեղճ Վարդիի գլխին,— ինձ մի գնդակ, մի շիւ ընկած գիւլա դիպած պտէր, բալքի ես չորած չը լինէի ու քեզ ծնած: Ասուած քեզ ինձ համար, իմ մարդի, իմ որդկերանց ու իմ օջախի համար պատիժ աս ուղարկել, աս օձի ճուտ... Ամօթ ու արուռ չի կայ քեզանում. ուզում ես մեզ էլ արուռից զցել... Ի՞նչ անեմ, ի՞նչ ասեմ քեզ, որ սիրտս հովանայ. կսկծաս դու, կսկծաս ինձ պէս. քո հոգին էն դնումը ոչ հանգիստ ու դադար գտնի... Տէր Ասուած, մարդ իրանից ծնւածին էս կասի, որ ես ասում եմ. ահր էս լուած ու տեսած բան ամ... Քո հոգին հուրը մաշի է, հուրը, ամ սաթայէլ, ամ կուճուր սատանայ, ամ դեւ Ո՛ւր աս, էն որ խաչից կըլի, որ մեռնես տաննը թաղենք ու պրծնենք քեզանից. խեղճ ենք մենք քո ձեռիցը, խեղճ են իմ մարդն ու իմ որդիքը. կազաւենք խայտառակելուց... Էդ հասակում որ դու էդհէնց մեզ քարքար ես բերում, մեր տունն ուղղակի քանդելու ես մեր գլխին, երբ մեծանաս... Գետը քո տէրովը տանի, գետը: Էն խեղճ, էն գառան նման տղէն էն որտեղից եկաւ քեզանով ընկաւ: Ասենք նա չի եկաւ, նա. վայ մեզ. մեր մեղքին թողութիւն չի լինելու. մենք նրան բերանք, մենք, մենք նրան հորսեցինք, ազգական ու բարեկամ նրա ետեւից զցելով. ասեցինք՝ լաւ տղայ աս, փսում-փսում անենք, դէպի մեզ բերենք էդ կերպաւ ու քեզ, գլուխդ հողեմ, պսակենք նրա հետ ու բախտաւորացնենք... Նրան հազար տեղից աղջիկ էին տալիս. նա քեզանից շատ լաւը, շատ արուռինը կը գտնէր, եթէ մեզ չը պատահէր, եթէ քեզ պէս անիծւածի համար մենք նրան ճանկ չի զցէինք: Ես, քո հէրը, քո աղպէրքը, տէրտէրի, բարեկամների խնդրելով, հազար ու մի սուտ խոստումներ տալով, քեզ գո-

վելով, ծաղկացնելով, նրան խարեցինք ու քեզ պէս սև  
օձին նրա ճտովը փաթաթեցինք: Մի սաղ տարի խեղճ  
տղէն գալիս էր գնում. ամեն գալով երկու ջիւր կան-  
փեա ու չամիչ էր բերում քեզ համար: Էն լաւ էր, որ  
ուտում էիր. էն վախտը նա լաւ տղայ էր, չէ... Ամեն  
օր եախէս բռնած ասում էիր՝ անան, չամիչ տուր, ան  
նան, կանփեա տուր: Էն չամիչն ու կանփետը Գրի-  
գորն էր բերում է, ջո մարդը, էն որ հիմի գլուխը հո-  
ղում ես, ուզում չես երեսը տեսնել: Էդ հնց ա, որ  
երբ նրա չամիչն ու կանփետն ուտում էիր, նա լաւ  
էր, ուզում էիր, որ ամեն օր գայ, ամեն օր լաւ-լաւ  
գատեր բերի քեզ համար, իսկ պսակեցիր հետը թէ չէ,  
փիսացաւ, կշտիցը փախար, բէյմուրազ արիւր խեղճ  
տղին. մի օր գոնէ չը մնացիր նրանց տանը, մի կէնտ  
օր. գոնէ մի օր նրա մօրը հարսնութիւն չարիր, ան-  
նամուս. առաջին գիշերը փախար նրանց տանից, հա-  
րա-հրոցը շէնի մէջ գցելով, մեզ ու նրանց, մեր նոր  
խնամունց, տանով-տեղով խայտառակելով, մեր էնքան  
ծախսերը ոտի տակ տալով, մեր ամակը, մեր աշխա-  
տանքը բանի տեղ չը գնելով... Երեք օր, երեք գիշեր  
մենք ու խեղճ խնամունք սաղ դեղը գլխներին հաւա-  
քած քեզ հարսանիք արինք. ամեն բան դու ոտի տակ  
տւար. համ արած ծախսերը դուր կորան, համ մեր ու  
նրանց աբուռը, մեր թամուզ անունը, մեր պա-  
տիւը... Ը՛հ, ջո հողին ոչ դինջանայ, ո՛չ, ան դե, ան քաչ-  
քը... Հասկանում ես ինչ եմ ասում. ծծկեր մանուկ  
չես հու. մարդի գնացած կնիկ ես. խելքդ գլուխդ հա-  
ւաքի ու գնան ջո հարսնութիւնն արա... Լուսմ ես.  
Քնչ ես տաղ արել. լեզուդ լալկել հու չի. էս իրիկու  
կը գնաս, ասան: Քո մօրաքիրը որ գայ քեզ տանելու,  
հետը կը գնան ջո սկեսրանց տունը: Քո մօրաքօրն ասել  
եմ, որ էս իրիկու գայ քեզ տանի. լուսմ ես. պէտք ա

գնաս. ուրիշ ճար չի կայ. դու տանը պահելու զատ  
չես... Ի՞նչ ես ձայնդ կտրել, լեզուդ չլղանը տարել չի  
հու. ասան՝ աբուռդ երեսիդ գնալու ես. հը՛, ասան, թէ  
չէ ծամերդ պոկում եմ էս սհաթիս:

—Չէ, մեր տունը լաւ ա, ես ուզում եմ մեր տա-  
նը կենամ. անան, քեզ մատաղ, ես ջո ցաւը տանեմ,  
թող մեր տանը կենամ. էնտեղ լաւ չի, էնտեղ փիս  
ա,—ասում էր աղիողորմ ձայնով Վարդին:

—Չէնդ կտրի ու պատրասուի, որ իրիկունը գնաս:

—Վոյ, քեզ մատաղ, անան, եանի թող արա մեր  
տանը կենամ էլի:

—Թող չեմ անիլ. լաւ բոլ կացել ես. դու մարդի  
գնացած կնիկ ես. գնան ջո մարդի կուշտը. օրէս ետը  
ջո տէրը նա ա. նրա կշտին պէտք ա կենաս. գնան տաղ  
արած:

—Չէ, անան, գնում չեմ, գնում չեմ. վոյ, ես  
նրանից վախում եմ. նա փիս ան...

—Պէտք ա գնաս, գլուխդ հողեմ. փիսը, անիծ-  
ւածն ու բեղասիլը դու ես. ջո մարդի պէս լաւ տղայ  
չի կայ մեր շինումը. սաղ գեղումը նա մի հատ ա:

—Գնում չեմ, ուզում չեմ. նա փիս ան, անան.  
նա ինձ հետ փիս-փիս բաներ ա անում...

—Ի՞նչ, ի՞նչ. գլուխդ հողեմ, էդ ինչ ասեցիր:

—Էն ա նա ինձ հետ փիս-փիս բաներ ա անում  
էլի... Էլ գնում չեմ. նրա գլուխը հողեմ, նա փիս ա...

—Ատա ջո գլուխը հողի, ջո. փիսն էլ ես դու,  
լիրբ-անդգամն էլ,—ասաց խիստ բարկացած Ռեհան  
աքիրը ու վերցնելով օջաղից երկաթէ մաշան սկսեց  
նրանով անխնայ ծեծել խեղճ Վարդիին, ասելով—նա  
հնց ա փիս-փիս բաներ անում. էդ ի՞նչ ես ասում.  
ասել եմ, որ ջո բերանից էդ խօսքերը լսեմ ոչ, ան  
լիրբ, ան անամօթ. դու էլի ասում ես. ով քեզ խօսա-



ցնում ա, հէնց էդ ես ասում. էս երկու շաբթումն էս-  
քան ասել ես, որ սաղ գեղումը տարածել են էդ խօս-  
քերը, ամեն քիւնջ ու պուճախում հէնց էդ ա լուում.  
էլ ջահիլ-ջնուլ, լօթի-լաքեաթայ, շուն-գիլ չը կայ, որ  
իրենց-իրենց չասեն էդ խօսքերը ու հոհուալի մեղ վը-  
րայ ծիծաղեն... Ի՞նչ ա. անքէթ, անմեղ մանուկ ես.  
խելքդ բան չի կտրում հը՞. տասնմին տարեկան զըր-  
փի դատ ես. բոյդ բոյիս ա հասնում. ի՞նչ ա, կանոխ  
եմ քեզ մարդի տւել. ուզում էիր տանը նստել, պա-  
ռաւել ու պատիժ դառնալ վրաս... Ափսոս, ափսոս,  
որ մի երկու տարի առաջ չի քեզ մարդի տւայ. իննը,  
տասը տարեկան հասակում եթէ գնայիր, շատ խոնար,  
շատ հնազանդ հարսը կըլէիր, միսդ էլ որ կարէին,  
սուս կը կենայիր: Մեծացել ես, բոյդ քշել, լեզուդ էլ  
երկարացրել, շատ երկարացրել: Ես տասը տարեկան  
եմ մարդի գնացել. արուսին, խոնարհ հարս եմ ըլել.  
ինձանից ոչ ոք ձէն ու ծպտուն չի լսել. ինչ տեսել  
եմ, տազ եմ արել. իմ ցաւը, իմ դարձը ես, մենակ  
ես եմ գիտացել. միշտ արուս երեսիս հարսնութիւն  
եմ արել: Հիմի քեզ էդ ի՞նչ ա ըլել, որ դու համ էն  
խեղճ տղին ես խայտառակում, համ մեզ համ նրանց  
տունն ես սաղ գեղումը տնազատեղ շինում, համ մե-  
րը: Բաւական չի, որ վերելայ միջին մարդիդ տեղիցը  
դուրս ես թուլ ու սուգ ու շիւանով, հարա-հրոցով,  
գեղը տակն ու վրայ անելով փախել, եկել հէրանց  
տուն, հիմի էլ ում հետ խօսում ես, ասում ես, թէ  
նա փիս փիս բաներ էր անում քեզ հետ... Էդ ի՞նչ ա.  
էնքան անքէթ ես, որ հասկանում չես ասածդ: Ասել  
չեմ, որ եթէ քեզ մորթելիս էլ որ լինեն, էլի դու էդ  
խօսքերը չասես. հը՞, հը՞. էդ ինչո՞ւ չես հասկանում,  
դժոխքի ծնունդ,—ասում էր Ռեհան աքիրն ու երկա-

թէ մաշան բոլոր ոյժով իջեցնում խեղճ Վարդիի գլխի,  
ուսերի, մէջքի ու կողքերի վրայ:

Վարդին կծկեց, արիւնլիկ ու ուժասպառ ընկաւ  
մօր առաջին, շարունակելով ազատել նրան՝ թողնել  
իրան հօր տանը, չուղարկել այն ատելի մարդի մօտ,  
որը նրա հետ այնպիսի քստմենլի, այնպիսի «փիս-  
փիս» բաներ էր անում...

Ռեհան աքիրը յողմեց ծեծելուց, թողեց իր դո-  
հին ու գնաց իր քրոջ մօտ, որն այդ երեկոյ պէտք է  
գար ու տանէր Վարդին նրա սկեսրանց տունը:

## II

Վարդիի տասը տարին դեռ նոր էր լրացել, երբ  
նրան մարդի տւեցին. ոտը տասնմէկում դնելուն  
պէս նրան ուղիղ տասնմէկ տարեկան յայտարարե-  
ցին ու պսակեցին:

Հողեր կառավարութիւնից թոյլտուութիւն ըս-  
տանալու համար տէր-տէրը, Չորթանանց տանը տա-  
նուտէրի ու երէցփոխի հետ միասին լաւ կոնծելուց  
յետոյ, իր յայտարարութեան մէջ Վարդիի տարիքը  
հասցրեց 15-ի, իսկ նրա փեսացու Գրիգորինը 25-ի.  
առաջինին աւելացրեց մօտ հինգ տարի, իսկ երկրոր-  
դից պակասացրեց երեք տարի, ասելով՝ «աղջկայ 15-ն  
ու տղի 25-ը իրար շատ սաղում են»:

Երբ մօտենում էին հարսանիքի օրերը, Վարդին  
աւելի ու աւելի ուրախանում էր. նրան շատ հետա-  
քրքրում էին հարսանիքի իրարանցումը, զուռնան,  
դաւալի առաջին պարող երիտասարդների ու երեխա-  
ների ժխորն ու պարերը. ևս առաւել նրան հե-  
տաքրքրում էին նորահարսի շորերը, զարդարան-  
քը, ոսկեթել թագը, որը գնելու էին նրա գըլ-

խին. անչափ, ամենից շատ նա հետաքրքրուում էր այն գեղեցիկ զգեստով ու ընծաներով, որը բերելու էր նրա համար պսակի օրը նորափեսան: Խնամուկն տանից ամեն օր, նրանց հարևանների միջոցով, լուրեր էին գալիս պատրաստող զգեստի ու ընծաների մասին. ասում էին, որ Գրիգորը պէտք է այնպիսի շորեր բերի իր հարսնացուի համար, որ գիւղումը դեռ ոչ ոք տեսած չը լինի, որ ամբողջ գիւղը հիացած ու բերանրաց մնայ: Այդ լուրերի ազդեցութեան տակ Վարդիի հետաքրքրութիւնը վառուում էր ու վառում. նա անհամբեր սպասում էր հարսանիքին. նա առաջուց պարծենում էր արդէն իր ընկերուհիների, իր նման փոքրահասակ աղջիկների մօտ, իրեն սպասող բարիքներով, ասելով, որ իրենց խնամուկն տանէն իր հարսանիքով պէտք է իր համար «Թագա շորեր ու շատ լաւ-լաւ գատեր» բերեն: Բայց ամեն բանից շատ Վարդիին հետաքրքրում էին չամիչը, կանփետն ու շաքարով շինած գատերը», ինչպէս նա ու մայրն անւանում էին այն քաղցրաւէնիքը, որն այնպիսի առատութեամբ բերում էր նրանց տունը նրա փեսացու Գրիգորը:

Մի ամբողջ տարի նա նշանւած մնաց: Շաքաթը մի կամ երկու անգամ Գրիգորը գալիս էր նրանց տունը ու միշտ չամիչ, կանփետ, խուրմա ու շաքարով շինած գատեր» էր բերում: Վարդին նրա երեսը չէր տեսնում, նրա հետ չէր խօսում: Խեղճին ստիպում էին ամբողջ ժամերով թագնւել. նա կծկւում, կուչ էր գալիս տան ամենամութ պուճախում, ցորենի ամբարի ետևում: Երբ Գրիգորը գնում էր, նրա բերած քաղցրաւէնիքից Ռեհան աքիրն առատութեամբ տալիս էր Վարդիին ու ասում՝ «Ա՛, քեզ մատաղ, իմ ազիզ բալա. էս բաները, էս շաքարով շինած գատերը, քեզ հա-

մար խնամուկն տղէն ա բերել»: Գրիգորը յայտնի էր Վարդիին «խնամուկն տղայ» անունով: Նա ուտում էր քաղցրաւէնիքը, ու «խնամուկն տղէն» թւում էր նրան մի շատ լաւ, շատ բարի ու հրաշալի մարդ. նա կարծում էր, թէ խնամուկն տունը կանփետով ու չամիչով միշտ լիքն է. կարծում էր, թէ «խնամուկն տղէն», երբ նրան տանի իրենց տունը, երբ հետը պսակի, պէտք է նրան միշտ լաւ-լաւ շորեր հագցնի ու միշտ չամիչ, խուրմա ու շաքարով շինած գատեր» ուտացնի. իսկ ինքը, Վարդին, դորա փոխարէն պէտք է նրանց նանի ոտները լանայ, մէջքը քորի, գլուխը քթի ու նրանց համար առաւօտ-երեկոյ ջուր բերի աղբիւրից: Իր ապագայ կոչման ու իսկական պարտաւորութիւնների մասին նա ոչ մի գաղափար չուներ: Մայրը նրան միշտ ասում էր, միշտ յիշեցնում էր, որ նա պէտք է խոնարհ, շատ խոնարհ հարսը լինի, պէտք է իր սկեսօր ոտները լանայ, նրա մէջքը քորի, տան ճրագ-կրակը տեղը պահի, ջուրը գնայ, տներն ու դռները սրբի և այլն. «խնամուկն տղէն» էլ դրա համար սիրուն, գեղեցիկ շորեր կաննի, նրա ջրերը չամիչով ու կանփետով միշտ լիքը կը պահի: Այդ պատճառով Վարդին գիշեր-ցերեկ մտածում էր «խնամուկն տան» մասին. քիչ էր մնում, թէ առանց պսակելու փախչի, գնայ նրանց տունը:

Հարսանիքի օրերում Վարդիի ուրախութեան չափ չը կար. պսակի շորերն ու ընծաները նրան խելքահան արին: Երբ պսակ տանելուց առաջ նրան հագցրին ու գլուխն էլ նորահարսի գլխի պէս շինեցին, զարդարեցին, նա այնքան ուրախացաւ, որ քիչ մնաց, թէ դուրս վազի տնից ու իր սովորական մանկական պարծենկոտութեամբ ցոյց տայ իր զարդերը իրենց հարևաններին, իր խաղընկեր, իր հասակակից երեխաներին.

նրան զօռով պահեցին տանը, վարագոյրի ետևում, ասելով՝ «Հիմի դու հարսն ես, և վարդ, էլ բախայ չես, կուճուր աղջիկ չես. ամօթ ա, չի կարելի դուրս վազել, չի կարելի խօսալ. պէտք ա անխօս կենաս»:

Վարդին ուրախ-զարթ գնաց պսակ: Նա գնում էր եկեղեցի աչքերը գետնին յառած, բայց երբեմնակի, շրջապատողներից աննկատելի կերպով, մտիկ էր տալիս իր առաջից քայլող «խնամուկն տղին», որին նա առաջին անգամն էր տեսնում, որը նրա համար այնքան լաւ բաներ էր բերել ու պէտք է դեռ այդպիսի բաներ, նրանց տունը գնալուց ու նրանց հարսը դառնալուց յետոյ, շատ տար նրան, տար իր ձեռքով, տար ամեն օր...

Պսակի երկրորդ օրը, իրիկնադէմին, Վարդին տարան խնամուկն տունը: Երբ դաւալն ածեց մեղամաղձ «տարան հայ» ու «կուռդ կտորի, հարսնամէր» եղանակը, Վարդին զգաց, որ հօր տնից յաւիտեան բաժանուում է. նա լաց եղաւ, հեկեկաց, բայց շուտով հանգստացաւ ու սովորական կենսաթրթիւ տրամադրութեան եկաւ, քանի որ մերձաւորները յիշեցրին նրան խնամուկն տունը ու այն անսպառ բարիքները, որոնք սպասում էին նրան այնտեղ: Վարդին առանց տատանելու հաստատ քայլերով առաջ ընթացաւ «խնամուկն տղի» ետեկց:

### III

Հարսանիքի նախընթաց օրը Վարդիի մայրն ու նրա մօրաքոյր Զառին քաշեցին մի անկիւն ու երկար փսփսացին իրար ահանջի: Նրանք երկար ու ձիգ խորհրդակցեցին այն բանի մասին՝ հարկաւոր է արդեօք բացատրել Վարդին իր ապագայ ամուսնական պար-

տաւորութիւնները, թէ ոչ. հարկաւոր է նրան նախապատրաստել այդպիսով: Ետտ մտածեցին, շատ դէս ու դէն ընկան քոյրերը. վերջապէս որոշեցին բացատրել Վարդիին ամեն բան: Յանձն առաւ այդ նրա մօրաքոյրը՝ Մօտ կանչեցին հարսնացւին. նայեցին նրա անմեղ մանկական երեսին... Մայրը բան չասեց, հեռացաւ. ամաչեց, կարմրեց, իր անմեղ պսակող մանուկին տեսնելով: Մօրաքոյրը գրկեց նրան, համբուրեց. «և վարդ, գիտում ես ի՞նչ կայ, քեզ մատաղ»,—ասաց նա ու էլ բան չը կարողացաւ ասել. ծմբաց, ծմբաց. ամաչեց, կարմրեց. Վարդիի մանկական անմեղութիւնը նրա լեզուն կապեց, կաշկանդեց իսպառ. նա իր գժւար դրութիւնից դուրս եկաւ, ասելով Վարդիին՝ «Ի՛նչ քեզ մատաղ, լաւ հարսնութիւն արն, քո սկեսօրը միշտ լսի, խոնարհ ու հնազանդ կաց»: Մօրաքոյրը մի անգամ էլ համբուրեց Վարդիին ու բաց թողեց:

Ռեհան աքիրը, Վարդիի մայրը, իսկոյն մօտեցաւ իր քրոջը: Սօսակցութիւնն սկսելուց առաջ նրանք Վարդիին ուղարկեցին դուրս խաղալու:

—Հը՞, աղջի, և Զառ, ի՞նչ դառաւ, մի բան չինեցիր,—հարցրեց նա քրոջը:

—Չէ, քեզ մատաղ, Ռեհան. լեզուս կապւեց. ես էլ քեզ պէս ամաչեցի. Վարդին հէնց ա անմեղ գառն ըլի. մեղք ա նրա հետ էնհէնց բաների մասին խօսելը:

—Աղջի, բա էս ո՞նց անենք. էնհէնց անմեղ ճամբայ դնելով խէր չենք անիլ, և իմ քիր:

—Բան չի կայ. թող էնհէնց անմեղ գնայ. Ասուած ինքը նրա միտքը կը բանայ,—ասաց Զառին:

—Աղջի, գնամ Բեօխւայ. Հերիքին կանչեմ. նա լեզւանիկ ա, նա ամեն բան պարզ կասի, կը հասկացնի, քաշւիլ, ամաչիլ չի մեզ պէս,—ասաց Ռեհան աքիրը, ակնարկելով գիւղի ազգեցիկ կանանցից մէ-



կին, որը յայտնի էր Գեօխայ Հերիք-աքիբ անունով, որը մեծ յարգանք, դիրք ու պատիւ ունէր գիւղում, որից բոլոր կանայք, մանաւանդ ջահիլ աղջիկներն ու հարսները, սաստիկ վախենում էին:

—Չէ, հողեմ Գեօխայ Հերիքի գլուխը,—ասաց Ջառին,—նա ամեն բան կասի, կը վախեցնի Վարդին. ահր խեղճ բախէն, Վարդին, ջահիլ ա, շատ ա ջահիլ. կը վախի ու էլ ուզիլ չի պսակ գնալ, լաց կըլի, կը խայտառակի, բէյարուս կանի մեզ... Լաւն է ա, թող անմեղ գնայ, ա իմ քեր. թող ուրախ, թոթոալի գընայ. նրա միտքն իրան-իրան բաց կըլի. էն աղին կը տեսնի, սիրաը կը բռնի նրան... Մի խօսքաւ, Աստուած ողորմած ա. շատ մի դարդ անիլ:

Քոյրերը որոշեցին Վարդին անմեղ ճանապարհել: Նա գնաց խնամուկն տունը բոլորովին անմեղ, մանկական ուրախութեամբ բռնկւած, շամիչ, կանփետ, «շաքարով շինած դատեր» ուտելու ու լաւ-լաւ շորեր հագնելու յուսով:

Հարսանիքից յետոյ նրան իր սկեսուրը երեք գիշեր քնեցրեց իր ծոցում. նա այդ արաւ՝ ընտելացնելու համար նորահարսին իրենց տանը:

Չորրորդ գիշերը Վարդին տարան մի փոքրիկ սենեակ, որի յատակը ծածկւած էր կապերտներով, ուր պատրաստած էր անկողին: Այնտեղ նրան սպասում էր «խնամուկն տղէն», նրա ամուսին Գրիգորը: Նրան թողեցին Գրիգորի մօտ ու հեռացան:

Վարդին ամաչում էր նրա հետ խօսել, բայց չէր վախենում նրանից. նա շատ հետաքրքրում էր Գրիգորի երեսը մօտիկ տեսնել. այդտեղ կայացաւ նրանց առաջին տեսակցութիւնը: Գրիգորը ծածուկ, ջուրը գնալիս, նրան տեսած էր մի քանի անգամ ու հաւանած, իսկ Վարդին առաջին անգամն էր նրա դէմքը

տեսնում. մանկական անմեղ ժպիտը դէմքին լուս դիտում էր նրան, իր համար այնքան լաւ-լաւ դատեր բերած «խնամուկն տղին» ..

Գրիգորն իսկոյն լցրեց Վարդիի գրպանները չամիչով, բաղդադի խուրմայով ու կանփետով. բարձի տակից հանեց մի արկղ, որի մէջ կային «շաքարով շինած դատեր». բացեց արկղը, դրեց Վարդիի առաջին ու ասաց քաղցր ձայնով՝ «կէր, քեզ մատաղ, կեր. էդ լօխ քեզ համար եմ առել. կէր, էլ կասնեմ: Վարդին նստեց անկողնի վրայ ու սկսեց ամաչելով ուտել «շաքարով շինած դատեր»...

Շուտով նորապսակների սենեակի խորհրդաւոր լուսթիւնը խանգարեց մի անօրինակ ճշով: Իրարանցումն ընկաւ տան մէջ: «Գնում եմ մեր տուն, մեր տուն... վայ, նանէ, վայ...» լուում էր նորապսակների սենեակից:

Տնեցիները քնաթաթախ դէս ու դէն ընկան, չիմանալով ինչ է պատահել, ինչուսն է բանը: Շան հաջոցը, դռների ճուռոցը ու տնեցիների ձայները իրար խառնեցին: Ընդհանուր իրարանցման ժամանակ նորապսակների սենեակի դուռը յանկարծակի բացեց ու մի կիսամերկ հերարձակ մանկահասակ կին դուրս թուս աջտեղից ու փախաւ: Փախչողը նորապսակ հարսն էր: Վարդին՝ սարսափով, զայրոյթով ու զզւանքով բռնկւած՝ կէս գիշերին գիւղամիջով կիսամերկ փախաւ, գնաց իրենց տունը:

Խայտառակութիւնը անչափ մեծ էր ու անչափ անտանելի երկու խնամի տների համար:

Հետեւալ օրը վաղ առաւօտեան դէպքի մանրամասնութիւնները այլ և այլ յաւելւածներով տարածեցին գիւղում:

1005  
29550

Պատմաճօճեր



## IV

Խնամի տների անդամներն ամաչում էին գիւղամէջ դուրս գալ. ամեն քայլափոխում նրանք նկատում էին ժպտացող դէմքեր ու լկտի հայեացքներ:

Վարդիի փախուստից յետոյ Գրիգորն անձնասպանութեան փորձ արաւ. նրա ձեռքից հրացանը զօռով խլեցին: Երբ Վարդին դուրս թռաւ սենեակից, նա ուզեց հրացանն առնել, նրա ետեից ընկնել, որ համ նրան սպանի, համ իրեն. լաւ էր, որ հրացանը շուտ չը գտաւ: Նրան մի կերպ հանգստացրին. խոստացան հետևեալ օրը յետ բերել Վարդիին:

Չորթանանց տանից իսկոյն պատգամաւորներ եկան նորափեսեանց տունը. նրանք թախանձանօք ներողութիւն խնդրեցին ու խոստացան շուտով Վարդիին խելքի բերել ու վերադարձնել: «Չա՛նիլ ա, բախայ ա դեռ,—ասացին նրանք,—խելքը դեռ բան չի կտրում. անքէթ ա թամամ, բոլորովին անմեղ ա, սեն սպիտակից դեռ չի շոկում. բիրդան վախեցել ա ու փախել. էնհէնց բանի մասին ահր իր օրումը նա, մինչև իր մարդի կուշար գալը. լսած չի ըլել բնաւ. տանն էլ հարսանիքից առաջ բան չենք ասել, անմեղ ենք ճամբայ դրել: Աստծու խաթրի համար մի քանի օր սպասեցէք. խելքի կը բերենք ու կը վերադարձնենք, մեր ձեռաւ կը բերենք ձեզ յանձնենք»:

## V

Տնեցիք սկսեցին Վարդիին խելքի բերել. նրան խնդրում, աղաչում էին, որ վերադառնայ իր սկեսրանց տունը. նա չէր լսում, չէր համաձայնում գնալ. նրան սպառնում ու ծեծում էին, այն էլ շատ անխնայ. նա

դարձեալ չէր լսում. նա մի ձէնի կրկնում էր, որ չի գնայ, քանի որ «խնամունց տղէն» նրա հետ փիս-փիս բաներ է անում...

Նրան կատաղարար ծեծում, գանակոծում էին ու արդելում այդ բառերն արտասանել, քանի որ նրա փախուստի հէնց առաջին օրը այդ դարձեալ նրա բերանից դուրս գալուն պէս՝ տարածեց ամբողջ գիւղում ու ընդհանրական ծիծաղի, ծաղրի առարկայ դարձաւ... Բայց խեղճ Վարդին, երբ նրան նեղն էին գցում, երբ նրան ստիպում էին գնալ սկեսրանց տունը, մեքենաբար կրկնում էր՝ «չեմ գնում, նրա կուշար չեմ գնում. նա փիս ա, նա ինձ հետ փիս-փիս», ևյդ բաների վրայ նրան իսկոյն լռեցնում էին գլխին բամփելով, արգելում էին շարունակել, արգելում էին կրկնել երբ և իցէ, սպառնալով հակառակ դէպքում լեզուն արմատից կտրել...

Ռեհան քօրին իր քոյր Չառիի հետ միասին շատ էր դէս ու դէն անում իր ժամօթ ու արուռ կորցրած աղջկան խելքի բերելու համար: Նրանք նախ դիմեցին գիւղի իմաստունին, գրբացին. խնդրեցին, որ նա գիրանի՝ սատանաներին Վարդիի սրտից դուրս քշելու համար, Վարդիի սիրտն այդպիսով սատանաների ձեռքից խլելու ու իր ամուսնուն տալու համար... Գրբացը երկու հաւ ու մի թունգի գինի ստանալուց յետոյ գիրն արաւ, հաւատացնելով, որ իրեք օրից յետոյ Վարդին իր կամքով սուս ու փուս կը գնայ իր ամուսնու մօտ:

Երեք օրն անցաւ, բայց գիրն իր հրաշագործ ոյժը ցոյց չը տուց. Վարդին չը մտածեց անգամ տեղից շարժել:

Գիմեցին այն ժամանակ տէրտէրին: Բարեկրօն հայրը, գիւղի երկարամեայ հովիւ տէր-Մխիթարը, եկաւ, ծալապատիկ նստեց, լաւ կերաւ, խմեց, ընտթի քա-

շեց ու դարձեալ խմեց. կատարը լաւ տաքացնելուց յետոյ հրամայեց դուրս բերել Վարդին պուճակից, տան մուտք անկիւնից, ուր նա այցելուներից թագնուում էր իբրև նորահարս: Թեղճը դողդոջուն քայլերով եկաւ ու կանգնեց տէրտէրի առաջին: Տէր-Մխիթարը մեկնեց նրան իր ձեռքը, համբուրել տւեց այլ ու մի երկար քարոզ կարդաց նրա գլխին. յիշեցրեց նրան իր տատին ու մօրը, որոնք պսակւել էին տասը տարեկան հասակը հազիւ բոլորած. սպանաց նրան, իբրև իր օրինաւոր ամուսնուն անհնազանդ կնոջ, դժոխքի սարսափներով, յաւիտենական ահաւոր տանջանքներով. սպանաց գրկել նրան եկեղեցի յաճախելու իրաւունքից ու ս. հաղորդութիւնից, իբրև ուխտադրուժ կնոջ, ու վերջում դարձաւ նրան, հարցնելով՝ «Հ՞ը, հասկացանք, ինչ որ ասեցիք. էս իրիկու գնձում ես քո մարդիկուշտը, թէ ոչ. ասան, ամաչիր մի. ամաչի քո արածից, այլ ոչ ինձ հետ խօսալուց»:

Վարդին լուռ էր: Գետնին յառած նրա աչքերից գլորւում էին իրար ետևից նրա գունատ, թառամած այտերով արտասուքի կաթիլներ:

Մայրը մօտեցաւ նրան ասելով՝

— Ի՞նչ ես տաղ արել. տէրին պատասխան տուր. ասան՝ գնձում ես:

— Չէ, — դողդոջուն ձայնով կամացուկ պատասխանեց Վարդին:

— Չո՞ւ— ասաց բարձրաձայն մայրը:

— Ի՞նչ ա, ուզում չի գնանք, — հարցրեց տէրտէրը:

— Չէ, մ տէր, չէ. սրա ծնւած օրը սև ըլի, չէ:

— Դէ ես էլ էղհէնց անզգամի ու լիրբի հետ խօսալու բան չունեմ, — ասաց տէր-Մխիթարը, վեր կացաւ տեղից ու վերցնելով անկիւնից գաւազանը, մի բանի անգամ ուժգին խփեց նրանով խեղճ Վարդիի

մէջքին ու ոտներին ասելով՝ «Թեղի եկ, անիրաւ, խելքի եկ. մի շնանալ, նզովեալ. հայի հաւատին, հայի աղաթին ու ամուսնական սուրբ առաջաստին հաւատարիմ եղիք է, հաւատարիմ. ասուածային օրէնքն ու իմ արած սուրբ պսակը ոտի տակ մի տալ, թէ հու չէ քեզ քո ծամերովը մի խամ քուռակի պոչից կապել կը տամ, բաց կը թողնեմ ու մեծ կտորդ ականջդ շինեմ, էնքան քեզ քար ու քար քաշ տալ կը տամ»...

Տէրտէրն այդպէս հայրաբար պատժելով կամակորութեամբ ու անհնազանդութեամբ իրեն, տէրին, դիւղի քահանային, անչափ զայրացրած «ուխտադրուժ կնոջ», սիրտը հովացրեց ու դուրս գնաց:

Նրա գնալուց յետոյ մօր և աղջկայ մէջ տեղի ունեցաւ ամենօրեայ սովորական խօսակցութիւնը: Մայրը նախ խնդրեց, աղաչեց, յետոյ դիմեց սպանալիքի ու ձեծի. երկաթէ մաշայով կապտացրեց խեղճ Վարդիի մարմինը, թողեց նրան հեծկլտալիս տան մուտք պուճակում կծկւած, իսկ ինքը գնաց իր քոյր Զառիի մօտ՝ նրա հետ նորից խորհրդակցելու, միասին մի նոր ճար փնտրելու...

## VI

Զառին, հաւատացած լինելով, որ տէրտէրն անպատճառ կազդի Վարդիի վրայ, պատրաստւել էր արդէն այդ երեկոյ գալ ու տանել նրան սկեսրանց տունը: Երբ քոյրը պատմեց նրան տէրտէրի քարոզի ու յորդորների անաշողութեան մասին, Զառին, իբրև ծայրայեղ միջոց, խորհուրդ տւեց դիմել գիւղի կանանց «քեանդ խուղա», կանանց իւզբաշի, նրանց տանուտէր: Բեօխայ չեբիքին, որից Վարդին անշուշտ կը վախենայ...



Քեօխայ Հերիքը մի խստաբարոյ ու խստասիրտ կին էր, հինաւուրց կարգերի, սովորութիւնների ու սուանդութիւնների խստապահանջ պահապան: Նրանից վախենում, քաշուում էին բոլոր կանայք, իսկ երիտասարդ, ջահէլ հարսներն ու աղջիկները ուղղակի սարսափում էին. վերջիններից ոչ ոք չէր համարձակուում նրա մօտ խօսալ, նրա մօտ երես կամ բերան բաց անել: Հերիք աքիրը ոչ ոքի հետ հանաք անել չէր սիրում, երբ որևէ շեղում էր նկատում հնաւանդ կարգերից ու ադաթներից: Կանայք, մեծ յարգանք տածելով դէպի Հերիք աքիրն ու անպայման խոնարհելով նրա հեղինակութեան առաջ, յաճախակի դիմում էին նրան գանգատներով, դիմում էին խորհուրդ հարցնելու. բոլորին էլ բաւարարում էր Հերիք աքիրը. որին խորհրդով, մայրական խրատներով էր խելքի բերում, որին իր խիստ, իր անհակաճառելի քեօխայական հրամանով: Գիւղի տանուտէրը, իսկական քեօխան, երբէք չէր խառնուում այնպիսի գործերի մէջ, որոնք բնականօրէն, ըստ իրենց առանձնայատուկ էութեան, Հերիք աքորն էին ենթարկուում:

Եթէ այդպիսի գործով դիմում էին տանուտէրին, նա ասում էր՝

— Էդ կնկայ գործ ա, իմ խելքի բանը չի. գնացէք էն գլխամեռին ասեցէք, մեր Հերիք աքորը. էդ բաները նա լաւ ա գիտում. էդ շարը նա ինձանից լաւ կը կտրի:

Նրա հօրն օղորմի, — աւելացնում էր ինքն իրեն խօսելով տանուտէրը, — էս շէնը շիտակ էդ մասնումը եօրա ա տանում ու իմ գլուխն ազատ պահում կնանունց գանգատներից. որ օխտն ուղբաշի ըլին էս շիտումը, էլ չեն կարող կնանունցը քարսազի անել, նրանց գանգատներին բաւականութիւն տալ: Ասուած հեռու

տանի կնանունց դալմաղալը. նրանց լեզուն տղամարդկանց կշտին երբ բացուում ա, թագաւորն ինքը կարալ չի նրանց տազացնի. նրանց դարմանը մեր Հերիք աքիրն ա...

Տանուտէրներից մինը սխալուում է մի անգամ ու տնօրինում Հերիք աքորը ենթակայ մի գործ. բայց շուտով փոշմանում է իր արածը, քանի որ Հերիք աքորից հրապարակով խիստ յանդիմանութիւն է լսում, խստօրէն կշտամբուում: Հերիք աքիրը, որին իսկոյն զեկուցանում են տանուտէրի արածի մասին, նոյն օրը և եթ պատահում է նրան ժամի ճանապարհին, կանգնեցնում, իր իշխանների մօտ մի լաւ կշտամբում ու ասում վերջում՝

— Մղափուն ես, ա ուղբաշի, ափսոս, շատ ափսոս, որ բեղերս հլորած տղամարդ չեմ. մզամ քեզ պէս ես շէն կը պահէի, քեզ պէս շէն ու ոահաթ կը կառուվարէի. հս էս շէնը հիմի մի քաղաք, մի շհար էի շինել, մի շհար, թագաւորի ուրան նստած տեղի, Պետրիպօլի, պէս մի շհար...

Տանուտէրը չը յանդգնեց պատասխանել, հակաճառել Հերիք աքորն ու այդպիսով յարգելով նրան, լուռթեամբ լսեց նրա յանդիմանութիւնը ու վերջում միայն ասաց, որ կանանց գործերում այլ ևս չի խառնուել:

Ռեհան աքիրը իր քոյր Զառիի հետ գնաց, խընդրեց Քեօխայ Հերիքին գալ ու խելքի բերել իր կապուկոտոր եղած աղջկան: Քեօխան սկզբում մերժեց նրանց խնդիրը. նա նեղացած էր, որ հէնց դէպքի հետևեալ օրը չեն դիմել իրեն. հողեց գրբացի ու տէրտէրի գլուխները, որ կարողացիլ չեն բան շինել. ասաց, որ Վարդին իր առաջին ծպտալ չի կարող, որ նրան իսկոյն խելքի կը բերի... Ռեհան աքիրն ու Զառին

մի կերպ շարժեցին տեղից Քեօխին, որը հողելով ժամանակակից անաբուռ ու անամօթ հարսների ու աղջկերանց գլուխները, ճանապարհուց Չորթանանց տունը:

—Ո՞ւր ա էն հայասուղ սատանէն, կանչեցէք էս սհաթիս,—տուն մտնելուն պէս ասաց խրոխտ ձայնով Քեօխայ Հերիքը:

Տան հեռաւոր մուժ պուճախից Վարդիին դուրս բերան Քեօխի առաջը: Մայրն ու մօրաքոյրը հրամայեցին նրան համբուրել Հերիք աքոր ձեռքը, բայց Քեօխան չարժանացրեց նրան այդ պատւին, յետ քաշեց ձեռքն ասելով՝

—Դրա գլուխը հողեմ, ես էդնէնց հայասուղին ձեռք չեմ տալ, որ պաշի. պէտք ա արուսն ուրան հաւաքի, հրամանս կատարի. ետնայ:

Վարդին սարսափով նայեց Հերիք աքոր ահաւոր դէմքին ու խոնարհեց գլուխը: Նա, ինչպէս նաև գիւղի միւս երեխաները, վաղ մանկութիւնից սկսած միշտ ահ ու դողով էր լսել Քեօխայ Հերիքի անունը: Մանուկ հասակում, երբ նա լաց է եղել, որիէ չարութիւն է արել, միշտ սպառնացել են տանել նրան Քեօխայ Հերիքին տալ՝ նրա թշերը շիկացած շամփուրներով դադելու համար: Երբ նա պատահել է Քեօխայ Հերիք աքորը, սարսափով փախել է միշտ ու թագնել իրենց հաւարունում կամ ամբարի կտուում, այնքան մեծ է եղել նրա երկիւղը Հերիք աքորից:

Սյժմս ահարկու Քեօխան եկել է նրանց տունը՝ նրան խրատելու, նրան խելքի բերելու համար... Հեշտ չէր նրա առաջին կանգնել ու նրա խրատը լսել:

—Աղջի, ւն անդգամ սաթայէլ,—ասաց Քեօխայ Հերիքը,—դու էդ քանի՞ գլխանի ես, որ մարդիդ թողնում ես ու փախչում. ոչ մօր ես լսում, ոչ հօր, ոչ տէրտէրի, ոչ իշխանի, ոչ մեծի, ոչ կուճուրի: Իսկի

ինձ ճանաչում ե՞ս, ինձ. գիտում ե՞ս ով եմ ես... Էդ կաշիդ մի պինջ դանակով կը մաշկեմ, պինջ դանակով, շուն անիծած. աչքերդ կը հանեմ ագռաւներին տամ, իսկ եթէ ինձ հակառակ խօսք ծպտաս, լեզուս տակուկից, թամամ արմատից, կը կտրեմ ու շներին կը տամ: Ինձ կնանուց Քեօխայ կասեն հն. լաւ իմացի. էս գեղումը ոչ մի կնիկ իմ խաթրը կոտրում չի, իմ ասածը տափը չի գցում. լօխն էլ ինձ լսում են. դիտում ե՞ս. ինչ ասում եմ, լօխն էլ ընդունում են. հասկանում ե՞ս: Էսօր քսան. քսանհինգ տարի ա, ինչ ինձ Քեօխայ են ասում. էս քսան տարումը ոչ մի կնիկարմատ իմ խօսքը ծով չի, ոչ միսն ինձ հակառակել չի. էդ լաւ գիտն, լաւ իմացի հն, լաւ: Եթէ հիմի դու ինձ հակառակես, իմ խօսքը չը լսես, իմ հրամանը չը կատարես, էդ թուշերդ հէնց էս սհաթիս կարմրացրած շամփուրներով կը դադեմ, կարմրացրած շամփուրներով: Էս իրիկու քո մօրաքիր Չառիի հետ տազ արած, սուս ու փուս, պուռչ-պուռչի դրած, կը գնաս քո սկեսրանց տունը, քո սկեսօր ձեռքը կը պաշես, ջուր կը տաքացնես նրա ոտները լանաս, գլուխը կը քթես, մէջքը կը քորես ու յետոյ... յետոյ... հն, կը գնաս քո մարդի տեղը շինես ու դու էլ էն տեղումը... դէ ես քեզ քնց ասեմ ահր, ւն սատանի ճուտ. դու ամեն բան ինձանից լաւ ես հասկանում. օխտը կնկայ խելք ունես. նհախ քեզ անքէթ բախայ ու անմեղ գառն ես ձևացնում. հն, դու էլ էն տեղումը...ը...ը...կը ստակես, քո մարդի կշտին քուն կը լես... Կտում ե՞ս, կը գնանս, սաս. համաձայն ե՞ս. ի՞նչ ես տազ արել, պատասխան տուր, գլուխդ հողեմ. քեզ հետ եմ խօսում:

Վարդին լուռ արտասուում էր ու դողում ամբողջ մարմնով:

—Ի՞նչ ես լաց ըլում,—շարունակեց Քեօխայ

Հերիքը,—լաց-մացն էն զոլին դիր ու պատասխանի  
ինձ. ասան՝ էս իրիկու գնում ես, թէ չէ. ասան՝ հա, հը,  
շուտ. կանոխ արան, նազ մի անիլ: Ինձ Քեօխայ Հե-  
րիք կասեն հա. ես հանաք-մանաք չեմ սիրում. բե-  
րանդ բաց, գլուխդ հողեմ. խօսան, ասան՝ հա, Հերիք  
աքիր, գնում եմ: Չէ, դու թամամ լալկել ես, ոնց  
տեսնում եմ. քո միտքն էստեղից, էս տանից, պուկ  
գալի չի. դու էս օջաղը խայտառակելու ետևից ես.  
դէ լաւ:

—Աղջի Ռեհան,—դարձաւ Քեօխայ Հերիքը Վար-  
դիի մօրը,—գնան շամփուրները բեր, կրակումը դիր  
կծացրու, մի լաւ կարմրացրու ու թող մի ես սրա  
թուշերը դաղեմ. էն վախտը թամաշա արան, տես՝ ոնց  
ա սա վազ տալով սկեսրանց տունը գնում... Ի՞նչ ես  
կանգնել, շան տղի կնիկ,—բարկացաւ Քեօխան Ռե-  
հանի վրայ,—քեզ բան եմ ասում. ես էստեղ մասխա-  
րութիւն չեմ անում. գնա էս սհաթիս շամփուրները  
բեր ու կրակումը դիր:

Ռեհան աքիրը գնաց դէպի պուճախը շամփուր-  
ները բերելու. այնտեղ, պուճախում, նա իրեն այն-  
պէս էր ձեացնում, թէ փնտրում է շամփուրները:

Վարդին, որը վաղ մանկութիւնից լսել էր ան-  
թիւ անգամ, թէ Քեօխայ Հերիք աքիրը չար, անհնա-  
զանդ ու կամակոր երեխանց թշերը դաղում է կար-  
մրացրած շամփուրներով, այդ ահաւոր պատժի ուր-  
ւականը իրենից այդքան մօտ տեսնելով, անպայման  
հաւատալով Հերիք աքօր սպառնալիքներին, սարսա-  
փահար ընկաւ նրա ոտներն ասելով՝

—Հերիք աքիր, քեզ մատաղ, կը գնամ, կը գնամ.  
Թուշերս դաղիլ մի, Հերիք աքիր...

--Չէ, պէտք ա դաղեմ. դու իմ խօսքը տափը

զցեցիր, իսկոյն չը լսեցիր ինձ. թուշերդ դաղիլ պտեմ,  
դաղիլ, ճնճոստացնիլ խորովածի պէս...

—Վոյ, Հերիք աքիր, քեզ մատաղ. կը գնամ, կը  
գնամ. իմ սկեսօր ոտները կը լւանամ. իմ թուշերը  
դաղիլ մի, Հերիք աքիր, քեզ մատաղ, Հերիք աքիր...

—Իէ լաւ, տեղդ կանգնի. ձեռս պաչի,—ասաց  
Քեօխան մեղմացած.—էդհէնց, ապրես. խոնարհ կաց  
միշտ, խոնարհ մեծերիդ լսի. որ քո մեծերն ասեն՝  
գնան կարմնջովը դվէր ընկի, պէտք ա առանց ձէն ու  
ծպտուն հանելու գնաս դվէր ընկես. որ ասեն՝ գնան  
վարար գետն ընկի, պէտք ա տաղ արած գնաս ընկ-  
ես. լսում ես:

—Հա:

—Իէ ապրես, ապրես, ա որդի. ապրես ու դօրանաս,  
ապրես ու խելօքանաս: Հէնց արա, որ քո մէքն ինձ մին  
էլ չի կանչի քեզ խրատելու. որ մին էլ կանչեց, էլ  
հետդ բան չեմ խօսելու. տաղ արած գալ պտեմ, շամ-  
փուրները կրակում գնեմ, մի լաւ կարմրացնեմ ու  
թուշերդ դաղեմ. ինչքան լաց լինես, աղաչես, պաղա-  
տես, ուշ չեմ դարձնիլ: Ասածներս մտիդ պահիլ պը-  
տես:

—Հա, Հերիք աքիր:

—Իէ շատ ապրես, դօրանաս:

Վարդին կրկին անգամ համբուրեց Հերիք աքօր  
ձեռքը:

Ռեհան աքիրն ու Չառին իրենց երախտադիտու-  
թիւնը յայտնեցին նրան: Քեօխայ Հերիքը մի բաժակ  
արաղ խմեց, օրհնեց Չորթանանց օջաղը, օղորմի տուա-  
նրանց հին ու նոր ննջեցելանց ու գնաց:

## VII

Նոյն օրը երեկոյեան Վարդին իր մօրաքոյր Զառիի հետ գնաց իր սկեսրանց տունը: Նրան խստիւ պատւիրել էին լաց չը լինել, երեսը միշտ ծածկած պահել: Մեծ դժարութեամբ զսպելով արտասուքը, նա դողդոջուն շրթունքներով համբուրեց սկեսրի ձեռքը ու գլուխը խոնարհած կանգնեց նրա առաջին: Սկեսուրը քիչ կշտամբեց նրան, խրատ կարդաց ու յետոյ պատւիրեց ջուր տաքացնել՝ իր ու հանդից սպասուող տնեցիների ոտները լանալու:

Զառին թողեց Վարդին իր սկեսրի մօտ ու գնաց:

Վարդին այդ երեկոյ նամուսով հարսնութիւն արաւ. կրակը թեժացրեց, ջուր տաքացրեց, լացաւ սկեսրի, պատրուհի ու հանդից եկած տնեցիների ոտները. քորեց, երկար քորեց սկեսրի մէջքը:

Գրիգորն այդ երեկոյ բոլորովին չերկաց. Վարդիի բախտից նա սարին էր. գնացել էր այնտեղ խոտ հընձելու:

Չորս օր Վարդին խաղաղ ապրեց իր սկեսրի մօտ: Բարի սկեսուրը քնացնում էր նրան իր ծոցում:

Շաբաթ երեկոյեան Գրիգորն եկաւ սարից: Նա լսել էր, որ Վարդին փոշմանել ու վերադարձել է. ուրախ էր. երջանիկ էր զգում իրան:

Նոյն գիշերը Վարդիին տարան այն սենեակը, որն այնքան ատելի էր նրա համար, որը նրան կատարեալ դժոխք էր թւում, որտեղ սպասում էր նրան, ոչ թէ այն լաւ, այն բարի, չամիչ ու կանփետ բերող «խնամունց տղէն», այլ մի ատելի, մի վատ մարդ, խեղճ Վարդիին տանջող մի զազան. Գրիգորն առաջին գիշերից յետոյ թւում էր Վարդիին մի արիւնարբու, մի վայրագ զազան...

Գրիգորը փորձեց գրաւել, սիրաշահել նորահարսին «շաքարով շինած զատերով» ու չամիչով, բայց ի գուր. նա ոչ մի բանի մատով չը դիպաւ ու մի խօսք անգամ չը խօսեց իր ամուսնու հետ:

Կէս գիշերին կրկին լսեց ձիչ, աղմուկ, վայնասուն նորապսակների սենեակից...

Վարդին դարձեալ փախաւ, անհետացաւ խաւարի մէջ...

Կարծեցին, թէ նա փախաւ հէրանց տունը. այդ պատճառով սուս կացան. իսկոյն և եթ նրան փնտրելու չը գնացին, մարդ չուղարկեցին նրա ետևից. չուգեցին աղմուկ բարձրացնել ու այդպիսով նոր խայտառակութիւնը իսկոյն և եթ յայտնի դարձնել ամբողջ գիւղին:

Լուսանալուն պէս մարդ ուղարկեցին Չորթանանց տունը: Յայտնեց, որ Վարդին այնտեղ չէ, որ նա տուն չի վերադարձել:

Դէպքն իսկոյն յայտնի դարձաւ բոլորին. իրանցումն ընկաւ գիւղի մէջ. բոլորն էլ ցաւում, ափսոսում էին խեղճ, դժբախտ հարսին. բոլորն էլ համոզւած էին, որ նա սպանել է իրան, անկասկած ցած է նետուել գիւղի շրջակայ ժայռերից մինից:

Վարդիի մայրը, հայրը, եղբայրները, ազգականներն ու նրանց հետ շատ գիւղացիներ ու գեղջկուհիներ ընկան գիւղի շրջակաները՝ Վարդիին փնտրելու. առաջին օրը դատարկաձեռն վերադարձան տուն. երկրորդ օրը կէսօրից յետոյ սկսեցին մարտգնեքը փնտրել ու իրիկնապահին դտան խեղճին գիւղի ծայրին գտնուող մարագներից մինի մութ ու խոնաւ անկիւնում կծկւած: Նրան բերան տուն: Երկրորդ չարաբաստիկ գիշերուայ կրած բարոյական ու ֆիզիքական տանջանքներից ու երկու օրուայ քաղցից նա անչափ հալւել, մաշւել էր. նրա-



նում ոյժ չէր մնացել: Թէև ամառ էր, բայց նա մրսել էլ էր, տանջւել էր դիշերւայ զովից, քանի որ գազանացած «խնամունց տղի» ձեռքից փախել էր համարեա կիսամերկ: Նա դժւարութեամբ էր քայլում: Մօրաքոյր Զառին փաթաթեց նրան իր վրայի ծածկոցում, շալում, ու խտտեց ինչպէս ժանուկի. Վարդին այնքան հիւժւել էր, որ բնաւ ծանրութիւն չէր պատճառում Զառիի ուժեղ կռներին:

Երբ մտան գիւղը, սկզբում գնացին այն փողոցով, որը տանում էր դէպի խնամունց տունը, Վարդիի տանջանաց վայրը: Նա կարծեց, թէ իրեն զարձեալ տանում են այնտեղ ու ջղաձգօրէն աղաղակեց՝ «գնում չեմ, գնում չեմ, էնտեղ փիս ա... վայ... Վերջին բառն արտասանելուն պէս նա ուշաթափւեց: Մօտիկ տնից բերած ջրով նրան ուշքի բերան ու տարան իրենց տունը:

### VIII

Վարդիի հետ իրանց տնեցիք մի քանի օր լաւ վարւեցին. բայց էլի հաշտուել իրողութեան հետ, տանել խայտառակութիւնը չը կարողացան: դարձեալ սկսեցին խնդրել, աղաչել նրան՝ վերադառնալ սկեսրանց տունը, վերադառնալ իր մարդի կուշտը. դարձեալ սկսեցին սպառնալ, դարձեալ սկսեցին ծեծել խեղճին, ծեծել անխնայ:

Գրիգորը մարդ ուղարկեց Չորթանանց տունը ու պատւիրեց յայտնել նրանց, որ նա հրաժարուում է իր «հայասուզ» կնոջից ընդ միշտ ու պահանջում է նրանցից իր արած ծախսերը նշանդրէքի, գնալ-գալու, ընծաների ու հարսանիքի վրայ: Չորթանանց Բարսեղը, սարսափած այդ պահանջից, խնդրեց պատգամաւորին

յայտնել Գրիգորին, որ երեք օրից յետոյ, ամենաուշը երեք օրից, իր կնոջը կը տեսնի իր մօտ բոլորովին խելքը գլխին...

Եւ նա սկսեց խեղճ Վարդիի խելքը գլուխը բերել... Առաջին փախուստից յետոյ նա այնքան էլ չը միջամտեց. Վարդիի «խելքը գլուխը հաւաքելը» յանձնեց այն ժամանակ իր կնոջ ու նրա քոյր Զառիին. այս անգամ այդ գործն իր ձեռքն առաւ: Նորափեսան իր դրամական պահանջով նրան սարսափեցրեց ու կատաղեցրեց անչափ, և սկսեց նա իր գայրոյթին յագուրդ տալ վայրագօրէն ծեծելով խեղճ Վարդիին:

Աւելի կատաղեց Բարսեղը, երբ տանուտէրը, որին գանգաւուել ու «տեսել» էր Գրիգորը, կանչեց նրան իր մօտ ու Գրիգորի անունից նոյն առաջարկութիւնն արաւ, ակնարկելով, որ յապաղման դէպքում նա, տանուտէրը, ամենախիստ միջոցներով կը հարկադրի նրան կատարել իր փեսայի պահանջը...

Նորափեսան իր աներից պահանջում էր երկու հարիւր յիսուն բուբլի. այդքան նա ծախս էր ցոյց տալիս: Չորթանանց Բարսեղը եթէ իր ողջ տուն ու տեղը ծախէր, հազիւ երկու հարիւր յիսուն բուբլի գոյանար. նա աւելի շուտ իր աղջկանը կը մորթէր, ինչպէս ինքն էր ասում, քան կը հրաժարւէր իր փեսայից ու երկու հարիւր յիսուն բուբլի կը տար նրան: Անտանելի էր այդ, իսպառ անտանելի՝ Բարսեղի ու նրա ամբողջ ընտանիքի համար. բաւական չէր, որ աղջիկը խայտառակած ընդմիշտ մնալու էր տանը, տան՝ մնացած պառաւած աղջիկ էր դառնալու, մշտական պատուհաս, «բաշ ու բալա» էր լինելու այդպիսով իր ծնողների ու եղբայրների համար, դեռ պէտք է երկու հարիւր յիսուն բուբլու մշտական ծանր պարտքի լուծն էլ դնէին իրենց վզին, մի անտանելի

լուծը, որի տակից դուրս գալու հնարաւորութիւն երբէք չէր լինելու...

Բարսեղը զնաց Գրիգորի մօտ՝ անձամբ բանակցելու. ինչորեք նրան յետ կանգնել իր մտքից, տէրութիւն անել իր «ապրանքին», իր կնոջ, Գրիգորը հրաժարեց վճառքար: Բարսեղը շարունակեց խնդրել, համոզել, ասելով՝

— Ադա, նա օրէս ետն իմ աղջիկը չի է, իմ աղջիկը, քո կնիկն ա, քո ապրանքն ա. աչքը հանի, խեղդի, սպանի ու քո ասածն արնա: Բա տղամարդ չես դիւ, էդ փափախն ինչի՞ համար ես գլխիդ դնում, որ կարողանում չես տղամարդութիւն անիլ: Բախին որ շօշն են տալիս, վարժապետին ասում են՝ վարժապետ, միսը քեզ, ոսկորն ինձ. թակի, սպանի, միսը կեր, ինձ համար մենակ ոսկերքը թող, ամա մարդ շինի է, մարդ: Հիմի ես նրան տեղովը քեզ եմ տւել՝ համ միսը, համ ոսկերքը. ետ չեմ ուղիւու քեզանից. միսը կեր, թակի, սպանի, մենակ ոսկերքը թող, ու էն վախտը նա կնիկ կը դառնայ քեզ համար, արուսին հարսը կը դառնայ քո ծնողաց համար, ձեր տան համար: Մըտիցդ շատ ես խեղճ, շատ ես ամաչկոտ. տղամարդի դայդի չես դուրուր գալիս. դուռը պինդ կողպի, դիւի, որ էն շան ծիծ ծծածը չը կարողանայ փախչի: Որ մեռնի էլ, բան չեմ ասիլ. ուզում եմ, մեր քօթիւի ձեռքով լեզուիցս քեզ մի թուղթը տամ, որ եթէ, ասելի չի, նրա գլուխը մի փորձանք դայ քո կշտին, խօսամ ոչ: Ասեցի, որ քո ապրանքն ա. էն ա որ պսակել ես, որ նրա հետ միասին խաչ ու աւետարան ես համբուրել, յաւիտեան քոնն ա, ոտով, ձեռով ու գլխով քոնն ա. Աստուծու օրէնք ա, Աստուծու կարգադրութիւն ա էդ. եթէ թիքա-թիքա էլ կոտորես նրան, էլի ես բան չեմ ասիլ բնաւ: Մինչև մի երեք օրը նա խելքը դլսին կը

գայ քո կուշտը. մի երեք օր էլ դիմացի, կէնտ երեք օր: Ես ինքս կը բերեմ նրան քո կուշտը ու իմ ձեռաւ քեզ տամ, յանձնեմ: Հը՞, ինչ ես ասում, ինչ ես տագարել:

— Ի՞նչ ասեմ դէ. բա որ մին էլ ինձ խայտառակի,— ասաց Գրիգորը:

— Ասեցի՛ դիւի օթախիդ դուռը, նրան դիւած, դուդասդի պէս տունն գցած պահի, որ փախչի ոչ:

— Էդհէնց պահել չի. կարող ա մի հանգաւ դուրս պըծնել ու փախչել: Էն օրը շատ աշխատեցի պահել. լաց ըլաւ, հարա-հուրա արաւ. տեսայ որ ինձ խայտառակում ա, բոշ արի. նա էլ բաց ընկաւ ու փախաւ. որ մին էլ էդհէնց անի, հնց անեմ էն վախտը:

— Էն վախտը տագարած թւանքդ առ, կրակ տու ու վեր գցի: Ես իմ կողմանէ իրաւունք եմ տալիս. թուղթը կը տամ, որ էդհէնց բան եթէ անես, գանգատ չանեմ:

— Հէչ խելքից մօտիկ բան չի էդ,— ասաց Գրիգորը:

— Բա որն ա խելքից մօտիկը. իմ տունը բանդիլը... Ես հնց անեմ, ինչ հողն ու ցեխը գլխիս տամ. տանով-խիզանով գնամ, որ վարար գետ ընկնեմ, որ ինձ տանի... Երկու հարիւր յիսուն մանէթ շարմա ես ուզում. պէտք ա գնամ հարիւրին քսան-երեսուն մանէթ շահ տամ, ինձ ու իմ տղերանց փողատիրոջ յաւիտեանական ճորտը շինեմ, որ քո ուզած փողը ճարեմ ես: Էդ բաւական չի. խայտառակած աղջկանս էլ պէտք ա տանս պահեմ, մուհտա հացակեր պահեմ օջաղիս դրաղին, պատիժ ու պատուհաս պահեմ ինձ ու իմ տղերանց համար... Բա քո Աստուծո՞ն հըր ա, այ տղայ. լաւն էն ա, թւանգդ առ ու եկ լօխիս էլ մի անգամից կոտորի էլի. խի՞ ես մի տեղ, միասին կե-

բած էնքան աղ ու հացը էդհէնց ոտի տակ տալիս, ա՛ստղաթիխէրի տղայ,—ասաց դողդոջուն ձայնով Բարսեղը:

—Դէ ես ճնց անեմ, Բարսեղ ամի,—ասաց Գրիգորը,—իմ թայ ու թիւշ տղերանցից համանչում եմ, շատ եմ համանչում... Շատ ես նեղն ընկած, տեսնում եմ. բա ես քեզանից լաւ եմ. ես աւելի փիս նեղ դրութեան մէջ եմ. համանչելուց մնացել եմ տուն ընկած, տանը նստած, կարողանում չեմ բանի, գործի գնալ. գիտում եմ թա քարերն էլ ինձ վրայ ծիծաղում են... Ո՞նց անեմ դէ, Բարսեղ ամի, խեղճ եմ գալիս քեզ, ամա ճար չեմ գիտում քեզ համար:

—Ճարը քո ձեռքին ա՛ իմն էլ, բոնն էլ. էն ա որ նրա լացին, հարա-հրոցին մհալ չի գնես ու տղամարդութիւն անես, նա խելքի կը գայ, ու էդ լաւ ճար կըլի երկուսիս համար էլ:

Գրիգորը լուռ մնաց: Բարսեղը նրա լուռութիւնը համաձայնութեան նշան համարելով, շարունակեց.

—էն ա ոնց ասեցի, չլայ երեք օրը իմ ձեռաւ կը բերեմ քեզ յանձնեմ ու ինքս էստեղերք, ձեր տան թիւշերում, մի քանի գիշեր, չլայ նրա խելքի գալը, դարաւուկ կը քաշեմ. որ մին էլ փախչի, առաջը կը կտրեմ, մի քար գցեմ գլխին ու սպանեմ, ու էն վախտը թող ինձ կատրօծնի տանեն. լաւ ա Աբիբ գնամ, քան խայտառակած աղջկայ ու անպատիւ ըլած օջաղի տէր ըլեմ էստեղ...:

—Դէ դու ես գիտում, Բարսեղ ամի,—ասաց մնգմացած Գրիգորը,—չարը ջհաննամը. էդքան որ ասում ես, մին էլ կընդունեմ, բեր. էդ սպանիլ-մսպանիլն էն ղոլին դիր. նեղացած մարդ ես, ասում ես. սրտինդ չի հու. ամա մի կերպ, մի հանգաւ խելքի բեր, խրատի ու Աստծու խաթրի հետի ինձ խայտառակութիւնից

ազատի. գեղամէջ չեմ կարողանում դուրս գալ. համանչելուց քիչ ա մնում, թա տափը ճղեմ ու մէջը մտնեմ... Բարսեղը գնաց տուն ու իր կնոջ հետ միասին սկսեց խրատել, խելքի բերել Վարդիին, այն է՝ ձեռքի, ձեռքի անխնայ ու անողորմ:

Նրան կատարելապէս ահաբեկելու ու այդպիսով ստիպելու համար, որ կամովին գնայ սկեսրանց տունը, հաշուի այնտեղ իր դրութեան ու իր դերի հետ ու երրորդ անգամ փախչելու մասին չը յանդգնի մտածել անգամ, Բարսեղն ասաց՝

—էս անգամ ես ինքս պտեմ քեզ տանիլ քո սկեսրանց տունը. մի երկու օր էլ քեզ ժամանակ եմ տալիս, որ քեզ ու քեզ խելքի գաս ու արուող երեսիդ տաղ արած գնաս հարսնութիւնդ անես. թէ հու չէ ծամերիցդ բռնած կը տանեմ տամ քեզ քո մարդին ու գիշերները թւանգս ձեռիս նրանց տան կշտին նստեմ դարաւուկ քաշեմ. փախար. թէ չէ, կրակ կը տամ սպանեմ քեզ ու ջամդաքդ գցեմ շների առաջը... Լաւ բոլ խայտառակեցինք քեզ պէս օձի ճուտի պատճառաւ... Ի պատասխան նա խօսք անգամ չը ծպտաց. լաց էր չինում խեղդած ձայնով. բարձրաձայն լաց լինել չէր համարձակում: Յոգնեցին ձեռքուց ու թողեցին սիւնի մօտ վայր ընկած: Ծեծւած, ջարդւած, անչափ ու անողորմ չարչարած, քաշեց նա տան մութ անկիւնը, այնտեղ, որտեղ դրած էր ցորենի ամբարը: Ի՞նչ անէր խեղճ Վարդին. երբ մտնաբերում էր շինամուկն տղին, ու նրա արարմունքը, փշաքաղում էին նրա մագերը, դողում էր նա ամբողջ մարմնով... Ո՞նց անէր, ինչպէս ազատէր նրանից, էն փիս տղից. ապէրն սպառնում է գօռով տանել. եթէ չը գնայ, ծամերից բռնած քարը տալով կը տանի. եթէ մին էլ փախչի, էն վախտն ապէրը նրան վէր կը գցի, կը սպանի ու, ոնց ինքն ապ



սեց, շներին կը տայ ուտելու... Իսկ եթէ զօռով տանը մնայ, ինչքան ծեծեն, տեղից չը շարժւի, ապէրը քարշ տալով անգամ չը կարողանայ տանել, այն ժամանակ Հերիք աքիբը կը դայ ու նրա թշերը կարմրացրած շամփուրներով կը դադի. չէ որ ասեց, որ մի անգամ էլ եկաւ, էլ նրա հետ խօսելու չի, ուղղակի շամփուրները կարմրացնելու ա ու իր ձեռքով նրա թշերը դադելու...

Անցաւ երեք օր, դառը, դժոխային օրեր... Ամեն օր դիմում էին նրան ու պահանջում, որ վեր կենայ ու արուսն երեսին իր մօրաքոյր Ջառիի հետ գնայ իր սկեսրանց տուն. նա չէր զնում, ի հարկէ, ու ծեծւում էր վայրագօրէն. նրան տանջում էին սովով, մի կտոր ցամաք հաց էին շալրտում, թքելով ու մրելով խեղճին, գլուխը հարիւր անգամ հողելով... Ռեհան աքօր սըրտում Վարդիի համար գուլթ չէր մնացել ընաւ. իր տան, իր օջաղի պատիւը, որը նրա ու իր ամուսին Բարսեղի խորին համոզմամբ արատաւորել էր Վարդին իր «հայասուգութեամբ», նրա համար անհամեմատ թանկ էր Վարդիից...

Չորրորդ օրը հայրը, ըստ սովորականին լաւ ծեծելուց յետոյ, վճարաբար յայտնեց, որ երեկոյեան մութն ընկնելուն պէս նա ինքն իր ձեռով կը տանի նրան ուր հարկն է ու կը յանձնի իր տիրոջ, իր մարդին, որի ապրանքն է նա... Վերջին անգամ հայրը նրան կամովին զնալու ժամանակ տւեց մինչև երեկոյեան ճրագավառոցը, մինչև իր վերագարձն արտից, ուր նա զնաց հունձ անելու:

— Աղջի,— ասաց նա տանից դուրս գալիս իր կնոջ,— Թւանգը դարմանի տակից էսօր հանի, հազրի, պատրաստի մինչև իմ գալը. մի տասը-քսան պատրօր էլ հանի: Էս զիշեր ես պէտք ա դրան էնտեղ, նրանց

տան թիւշումը, դարաուլ քաշեմ տեսնամ դա հնց ա փախչում ուրան մարդի կշտից...

Սառսուսն ընկաւ Վարդիի ջանը. անօրինակ սպառնալիքից, ահօելի սարսափից նրա մազերը փշաքաղեցին, գոյնը կորցրեց նա իսպառ. սկսեց զողալ, ցնցել ուժգին... Այն փիւ տղան ու այն զարշելի նկուղը, որտեղ նրան առանձնացնում էին նրա հետ, իրենց ամբողջ զազրելի այլանդակութեամբ ու քստըմնելիութեամբ իսկոյն պատկերացան նրա երեւակայութեան մէջ ու մեխեցին նրա ուղեղում. նա հազիւ էր շնչում. սառը քրտինքը թափւում էր կաթիլ-կաթիլ նրա ճակատից ու խառնւում նրա արտասուքի հետ...

Կէսօր էր, երբ յանկարծ ջրաբաշխը կանչեց Ռեհան աքօրը բաղջան ջրելու: Լոբին չորանում էր, պէտք էր ջրել. նա շաապով գնաց բաղջան, որը գտնւում էր գիւղից դուրս: Վարդին բոլորովին մենակ մնաց. թէ տանը, թէ դրսում ոչ ոք չը կար տնեցիներից. ամառւայ օր էր. բոլորն էլ բանի, գործի հտեից ցրւած էին դէս ու դէն վաղ առաւօտից: Երբ մօր զնալուց յետոյ տունն ու դուրսը բոլորովին խովլաթեցին, Վարդին դուրս եկաւ տնից, բայց ոչ իր հասակակիցների հետ խաղալու կամ սկեսրանց տունը զնալու համար...

## VIII

Բարսեղն իր որդեկերանցով բաւականին ուշ վերադարձաւ արտից: Ճրագավառոց էր արդէն, բայց տանը ճրագ չը կար վառած: Նրանց գալուց յետոյ, քիչ անցած, եկաւ Ռեհան աքիբը, որը ջրի բարակութեան պատճառով այդչափ ուշացել էր բաղջում: Տըղամարդիկ դրսում նստած էին, երբ նա եկաւ: Տուն մտաւ ճրագը վառեց. նրանք էլ իսկոյն ներս մտան

նրա ետևից: Բոլորն էլ հայեացքներով Վարդիին սկսեցին փնտրել. չը կար, չերևաց նա: Կարծեցին, թէ հօր ահռելի սպառնալիքից վախեցել է ու ինքնակամ զնացել խնամունց տունը, կատարել բոլորի բաղձանքը: Բարսեղի տղաներից մինը հօր պատուէրով իսկոյն վազեց այնտեղ՝ ստուգելու այդ ուրախալի ենթադրութիւնը. հազիւ մի քանի բոլակ անցած հեւալով ներս ընկաւ նա տուն ու յայտարարեց, որ Վարդիին այնտեղ չէ:

—Նրա գլուխը հողեմ, ամբարի քամակումը կըլի. սատանի պէս էնտեղ կուչ եկած ա ըլում միշտ,— ասաց Ռեհան աքիրն ու քայլերն ուղղեց դէպի տան այն պուճախը, որտեղ գտնուում էր ցորենի ամբարը. մօտենալուն պէս ասաց՝— Ինչ ես քաշկի պէս շալաւեւել, մտել ամբարի քամակը ու վէր ընկել էդտեղ, ա՛ գրողը քեզ տանի. դուրս եկ էս սհաթիս, գլուխդ հողեմ:

Բայց այնտեղից ձայն-ծպտուն չը լսեց:

Ռեհան աքիրը գլուխը թեքեց դէպի ամբարի ետևի մութ խոռոչը, ճրագ ուզեց, որն իսկոյն հասցրին նրան. նայեց ու զարմացած և ապշած մնաց. Վարդիին այնտեղ չէր:

Բոլորն էլ իսկոյն դէս ու դէն ընկան. Վարդիին չը կար ոչ տանը, ոչ դրսում՝ գոմում, մարագում, հորթատանը, հաւաքնում ու հին, կիսախարխուլ ներքնատանը: Վաղեցին հարեանների տները. այնտեղ էլ չը դտան: Տակն ու վրայ արին գիւղում բոլոր բարեկամների տները. Վարդիին չը կար ու չը կար: Շատերի հարց ու փորձ արին, տանուտէրի հրամանով գզիրն սկսեց այս ու այն կտուրից բարձրաձայն աղաղակել, կանչել Վարդիին տեսնողներին, բայց դուր. ոչ ոք Վարդիին այդ օրը չէր տեսել: Պարզ էր, որ նա մի փորձանք էր բերել իր գլուխը, որ նա գլուխ էր վերցրել

ու կորել հօր տնից՝ երբէք յետ չը վերադառնալու դիտաւորութեամբ:

Ռեհան աքիրը, զգալով այդ՝ սուգ ու շիւանը գցեց տունը: «Մախիս գտէք, ձեզ մատաղ, բախիս»,— ասում էր նա լալագին ձայնով:

Հայր, եղբայրներ, ազգականներ ու հարեաններ մի-մի ճրագ ձեռներին դուրս զնացին գիւղից՝ նրա շրջակաների մարագներում, այգիներում ու ձորերում կորած Վարդիին փնտրելու: Փնտրեցին ամբողջ գիշերը, ոչինչ չը գտան, փնտրեցին հետեւալ օրը, դարձեալ ոչինչ չը գտան, երկրորդ օրն էլ անհետեւեց անցաւ. երրորդ օրը միայն, երբ հաց թխելու համար վերցրին ներքի հինաւուրց անմարդաբնակ տան մի անկիւնում գտնուող թոնրի վրայ շարած տախտակները՝ թորոնը վառելու դիտաւորութեամբ, տեսան այնտեղ խեղճ Վարդիին կծկած ու անշնչացած. թորոնից հանեցին նրա դիակը...

Ակներև էր, որ խեղճն իրեն սպառնացող սոսկալի արհաւիրքներից ազատելու համար թորոնն էր ընտրել ամենաապահով պատասպարան իր համար. վերցրել էր ըստ երևոյթին տախտակներից մինը, ներս ցատկել ու ներքեկից տախտակը կրկին իր տեղը դրել, որ ոչ ոք նրան չը նկատի, պատահամբ չը գտնի այնտեղ. մեռել էր կրած տանջանքներից, սարսափից, վշտից ու քաղցից...

## IX

Հետեւալ օրը սուգ ու շիւանով, աղիողորմ լաց ու կոծով թաղեցին Վարդիին: Երբ դազաղը դուրս բերան եկեղեցուց ու վայր դրին դրսում մերձաւորների վերջին հրաժեշտի համար, Ռեհան աքիրն ընկաւ



նրա վրայ, գրկեց պսակի շորերով ու գոյնզգոյն թարմ ծաղիկներով զարդարած, պճնած Վարդիին, աղաղակելով՝ «Ձեզ մատաղ, ինձ էլ տարէք սրա հետ թաղեցէք, ինձ էլ, ւն իմ գլուխը մեռնի. մեղաւորը ես եմ, ես, իմ անմեղ բախին ես խի՛ կանոխ մարդի տւայ, ւն իմ կուռը չորանայ, ւն իմ աչքը դուրս գայ... Ես քեզ մատաղ. ւն Վարդ»,—դարձաւ նա հեկեկալով դագաղում պառկած անմեղ գառնուկին, որը փոքրիկ թաթիկները կրծքին խաչած ու իր սիրելի եղածաղիկի թարմ արցունքափայլ փնջերով շրջապատուած, կրած տանջանքների դրոշմը դէմքին, կարծես քնած լինէր... Եղածաղիկը հէնց այդ օրը վաղ առաւօտեան քօղիլ ու բերել էր սարից մեծերի պատէրով նրանց հարևանի որդի՝ նրա մտերիմ խաղընկեր գառնարած փոքրիկ Վաքին: Հարսանիքից յետոյ Վաքին չէր տեսել Վարդիին: Այն չարաբաստիկ օրը, երբ պէտք է Վարդիին պսակէին, Վաքին թողեց իր գառներն ու շները սարին, մեծերի կամքի հակառակ փախաւ եկաւ տուն՝ Վարդիի հարսանիքին թամաշա անելու: Երբ Վարդիին դուռնա անջելով տանում էին պսակելու, հանդիսատես երեսաների բազմութեան մէջից դուրս եկաւ փոքրիկ կարմրաթշիկ Վաքին, ճեղքեց նորահարսին շրջապատող մեծերի շարքը, մօտեցաւ նրան ու իր ընկերուհուն նոր արտաքինով տեսնելուն պէս, ուրախ ժպիտով փայլեցնելով փափլիկ թշերը, տակաւին թոթով լեղով բացականչեց՝ «Պի, ւն Վարդ, դու հախսն ես դալիլ, ւն Վարդ...»: Վարդին մոռացաւ իսկոյն հարսանիքն ու «խնամունց տղին», շարժեց դէպի Վաքին ուրախ ժպիտը դէմքին, բայց բոպէսպէս նրան կարգի հրաւիրեցին, յիշեցնելով, որ նա հարսն է, այլ ոչ Վաքիի պէս անքէթ երեսայ, իսկ Վաքին յետ հրեցին իր

հասակակիցների բազմութեան մէջ: Վարդին ու Վաքին այդ բոպէից յաւիտեան բաժանեցին իրարից:

...«Ես քեզ մատաղ, ւն իմ բէյմուրաղ բալա,— շարունակեց Ռեհան աքիրը,— ես ու քու հէրը քեզ էդ օրը պցեցինք, ես ու քո հէրը... Մեզ բաշխի, ա իմ աչքի լիս Վարդի, ւն իմ թագ ու պսակ Վարդի, իմ վարդ-մանիշակ Վարդի, իմ խեղճ, իմ անբախտ Վարդի...»

Վարդիի հայրը, եղբայրներն ու մօրաքոյրն էլ կրկնում էին անդադար՝ «Քեզ մատաղ, ւն Վարդ, քո ցաւը տանեմ, ւն Վարդ, քո չարը տանեմ, ւն Վարդ. քո անմեղ հոգուն մատաղ, ւն Վարդ...» Մեծ դժւարութեամբ յետ քաշեցին Ռեհան աքօրը Վարդիի դագաղից: «Ինձ էլ տարէք դրա հետ թաղեցէք, ինձ էլ»,— աղաղակում էր նա հեռացող դագաղի յետևից:

Թաղեցին մուրազազուրկ Վարդիին, գերեզմանատնում աւելացրին մարդկային գոհակութեան ու բարբարոսութեան մի տխուր յուշարձան ևս, անմեղ զոհի մի հողաթումը էլ, ու վերադարձան Չորթանանց տունը՝ հանգիստ խղճով հոգեհաց ուտելու: Հանգուցեալի առաջին երկնային արքայութեան դռները բաց անող զինին շատ առատ էր: Սեղանակիցները խմում էին, օղորմի տալիս Վարդիին ու Աստծուց թողութիւն խնդրում նրա «կամայ ու ակամայ» մեղքերի համար...

Ամենից շատ խմում էր տէր-Մխիթարը, Վարդիին պսակողն ու թաղողը. բաժակը շրթունքներին հասցնելուն պէս դատարկում էր մինչև վերջին կաթիլը, կարծես նրա խմած գինու բանակութիւնից էր կախած երկնքի արքայութեան դռների շուտափոյթ բացումը հանգուցեալի առաջ: «Աստուած օղորմի նորող հանգուցեալի հոգուն, լիս դառնայ նա,—ասում էր



տէրտէրը,—մին էլ լուսահողու հարսանիքովն եմ էս-  
հէնց լաւ խմել. ինչ գինի ան...»

Բարսեղը յաճախակի դառնում էր հիւրերին ու  
բացականչում՝ «Կերէք, ձեզ մատաղ. լուսահողու բա-  
ժինն ան, կերէք, խնայիլ մի՛ք. խմեցէք, խմեցէք ու-  
օղորմի տւէք, սրտալի օղորմի տւէք, բալքի սիրտս  
հովանայ...»

—Աստուած օղորմի, Աստուած նրա կամայ ու ա-  
կամայ մեղքերը բաշխի — լուում էին ձայներ այս ու այն  
կողմից,— քեզ էլ Աստուած համբերութիւն տայ, Բար-  
սեղ, համբերութիւն. մարդի ծնունդն ու մահը Աս-  
տծու առուտուր ան. պէտք ա հաշտես...

—Ի՞նչ եմ ասում դէ, ձեզ մատաղ,— պատասխա-  
նում էր Բարսեղը,— Աստծու օջաղը շէն կհնայ. ինքը  
տւել ան, ինքը տարել. նա լաւն ան գիտում. բալքի հէնց  
էդհէնց էլ հարկաւոր էր...

—Հնա, Բարսեղ, հնա,— վրայ բերեց տէրտէրը,—  
օրհնեալ լինիս. կատարել ան էն, ինչ որ վիճակած  
ան ըլի նրա համար Աստծուց... Մանուկը, ջահիլը, երբ  
մեռնում ան, չը պէտք ան նրա համար շատ դարդ անել,  
քանի որ նա ազատուում ան էս անցաւոր փուչ աշխարհի  
մեղքերում շաղախելուց ու ամբողջովին լոյս ան դառ-  
նում ու միշտ փայլում աջակողմեան դասում... Աստ-  
ուած լաւագոյնն ան տնօրիում. մենք երբէք չը պէտք ան  
քննադատենք նրա որոշումները. մենք հիմա էս օրհ-  
նած սուփրի վրայ պէտք ան ասենք միայն՝ կամք  
Տեառն օրհնեալ եղիցի, ու օղորմի տանք նորոգ հան-  
գուցեալին, խմենք նրա հողու փրկութեան համար...

—Փառաւոր ըլես, ան տէր,— լուեցին ձայներ այս  
ու այն կողմից,— միշտ կարգի ու պատարագի կենաս,  
որ էդհէնց մխիթարես մեզ, մեր աչքերը բանաս քո

քարոզներով... Աստուած օղորմի նորոգ հանգուցեալին,  
Աստուած նրա մեղաց գիրը ջնջի...

Սեղանակիցներն զգացած սրտով օղորմի էին  
տալիս նորոգ հանգուցեալին ու անվերջ բաժակներ  
պարպում նրա հողու փրկութեան համար...

Հացկերոյթի վերջում, երբ բոլորի կատարներն  
էլ լաւ կարմրեցին խմած գինուց, տէր-Մխիթարը պա-  
հանջեց մի մեծ գաւաթ, լցրեց գինով, դիմեց Բարսե-  
ղին ու նրա որդիներին ու նրանց մխիթարելու,  
նրանց վիշտը վերջնականապէս փարատելու հա-  
մար ասաց՝ «Էսօր դադարի վրայ ողբալիս մեր  
Ռեհանն ասաց, որ միթամ դու ու ինքն էք  
մեղաւոր, գլխաւորապէս ինքը, որ վարդին շուտ  
մեռաւ: Է՛հ, ծնող ան. սրտի կսկծալէն էր էնհէնց  
ասում: Ես նրա հետ համաձայն չեմ. նա քեզ ու իրան  
զուր զրպարտեց. ոչ նա անղաւոր, ոչ դու, Բարսեղ.  
դուք երկուսդ էլ անմեղ էք. միներդ էլ ան մի մազի  
չափ մեղք չունէք, որ նրա վերջն էսպէս եղաւ: Մեղա-  
ւորը գիտում էս ով ան, Բարսեղ, իսկի գիտում էս.  
մեղաւորը մեր էս փուչ, մեր էս անիծած ժամանակն  
ան... Հիմիկիս ժամանակը շատ ան փիս է, շատ. ջահիլ-  
ջուլը փչացել ան ու կապուկոտոր ըլիլ. մեծերին էլ  
քնաւ չեն լուում, չեն հնազանդում նրանց. դու մի  
խօսք ան ասում, նրանք տասն են պատասխանում. դու  
ասում ան՝ մածունը սպիտակ ան, նրանք ասում են՝ չէ,  
սե ան. դու ասում ան՝ եղը մածնիցն ան, նրանք ասում  
են չէ, սխտորից ան. ոչ տղինում, ոչ աղջկանում ա-  
բուռ ու ամօթ չը կայ...

Հիմիկիս նշանուող աղջիկը քիչ ան մնում, թէ ասի՝  
թող արէք ան տղի հետ ասեմ, խօսամ, նրա հետ կըռ-  
նըփոնուկ արած ման գամ. թէ լաւ թւայ, կը գնամ  
նրան, թէ հու չէ, գլուխը կը հողեմ ու քաց թողեմ...

Առաջներում էդհէնց բան սիլ ա տեսած, սիլ ա լսած: Ասում են, որ իմ լուսահոգի պապը, Տէր-Յարութիւնը, իննը տարեկան աղջիկ ա պսակած ու ոչինչ. էն աղջիկն ըստ կարգի հարսնութիւն ա արել, մեծացել, հասունացել ու խելքը գլխին կնիկ դառել... Ատա հրէն է, Դոթունց պառաւը. էն գլխամեռն ուղատին կենում ա դեռ, կենդանի օրինակ ձեզ. իմ պապ Տէր-Յարութիւնը նորընծայ ժամանակն ա նրան պսակել. էն էլ գիտում էք քանի տարեկան ա պսակել—ութ ու կէս տարեկան, թամամ ութ ու կէս... Գլխամեռը շատ ա սիրուն ըլիլ, ասում են. տղէքը թուր ու թւանգով են ըլիլ խօսալիս իրար հետ նրա մասին. Դոթունց Խոսրովը, իբրև դիփից ռաշիդ, առաջ ա ընկել ու մեր տէրի միջոցով հրետին իր մուրազին հասել, պսակել ու սիրուն կնկայ տէր դառել... Ի՞նչ ա, պակաս ա պարել Դոթունց պառաւը. իսկի տեսած ու լսած էք, որ հիւանդացած լինի. տեսնում էք, հրէ իննասուն հինգ տարին թամամել ա ու դեռ մեռնում չի. ասա մի անգամ գոնէ ժամից ընկնում սի. միշտ գնում եմ տեսնում՝ նա ժամումը, միշտ: Որ ուզէք, հարիւրաւոր օրինակներ կը բերեմ հին ժամանակներից. ուզում չեմ գլուխներդ ցաւացնեմ. Դոթունց պառաւի պէս շատերն են ըլիլ. նրանցից մի քանիսին լաւ յիշում եմ: Պատահում ա, խելառներ են գտնուում, որ դանգատում են ինձանից, բամբասում ու զրպարտում են ինձ, էստեղէնտեղ ասում են՝ թէ նրա համար են հիմի հարսները շուտ-շուտ հիւանդանում ու երեխայ բերելիս յաճախակի մեռնում, որ ես նրանց շատ ջահիլ եմ պսակում... Սուտ սի, անխղճատանք սուտ ա. տասը-տասնմին տարեկանից պակաս ես ոչ-ոքի չեմ պսակել ու չեմ պսակում: Եթէ հիմիկիս հարսները շուտ-շուտ են հիւանդանում, պատճառն էն ա, որ ժամանակիս տղամար-

դիկը նրանց երես են տալիս, շատ են երես տալի. հին ժամանակների պէս չեն վարում նրանց հետ. հիւանդանում են, որ տղամարդիկ նրանց շատ սիրեն, շատ լարջ անեն նրանց համար, նրանց ճորտն ու եսիրը դառնան... Սատանաներ են անիրաւնեւերը, սատանաներ... Է՛հ, Ասուած օղորմի նորոգ հանգուցեալ Վարդիի հոգուն. Ասուած նրա կամայ ու ակամայ մեղքերը ների, նրա մեղաց գիրը ջնջի... Ոչ նա էր մեղաւոր, ոչ դու ու ոչ քո կինը, Բարսեղ. էս փուչ, էս նղովեալ ժամանակն ա մեղաւոր, որ նրան անհնազանդութեան ու կամակորութեան ճանապարհով տարաւ ու փչացրեց, կորցրեց յաւիտեան... Ասուած նրա մեղքերին թողութիւն տայ ու իւր աջակողմում, իւր հրեշտակաց կարգում, դասաւորի նրան...

—Ամէն, սի տէր, ամէն, փառաւոր ըլիս,—աղաղակեցին սեղանակիցները:

—Դարդ միք անիլ,—շարունակեց տէրտէրը,—հանգստացէք, մոռացէք ձեր ցաւը. նրա «ճակատին էլ էն էր գրած...»

Տէր-Մխիթարը Վարդիի մեղքերի համար մի անգամ էլ թողութիւն հայցելով Ամենակարողից, յանուն նրա հոգու փրկութեան դատարկեց, իսպառ ցամաքեցրեց զինու ամենի գաւաթը ու բռնոթի քաշելով ժողովրդի ուղեկցութեամբ դուրս գնաց Չորթանանց տնից:



# Թ Ա Թ Ա Խ Ո Ւ Մ Ը

## I

Չատկի ճրագալոյցի պատարագը մօտենում էր իր վախճանին: Գիւղական անշուք եկեղեցին լիքն էր ժողովրդով: Բոլորն էլ լուռ, խորհրդաւոր դէմքերով, շատերն արտասւաթոր աչքերով նայում էին սեղանին. այնտեղ կատարող սրբազործութիւնը մխիթարում, ոգևորում էր ամիսների ընթացքում ժամի երես չը տեսած գիւղացի բանւորներին: Մանր տղաներն ու աղջիկները՝ մի-մի կարմիր ձու ձեռքերում պինդ բռնած, ճեղքում էին ամբոխի խիտ շարքերը ու իրար ետևից դուրս գնում՝ այնտեղ դրսում ժամի պատի տակին թաթախելու համար:

Չատկի թաթախման օրւայ առաւօտեան ժամից յետոյ, երկու սեռի բազմաթիւ մանուկներ, կարմիր ձուները ձեռքերին, ըստ սովորականին խմբւում են եկեղեցու բակում. նրանք անդադար ներս են մտնում եկեղեցի, դուրս են գալիս, պտտւում են եկեղեցու շորս կողմը, խորին ակնածութեամբ նայում են «տէրին», որը եկեղեցու մուտքի մօտ ծալապատիկ նստած, բռնոթի քաշելով, նշխարք է պատրաստում ճրագալոյցի պատարագի համար:

Հասնում է վերջապէս բաղձալի Չատիկը, և վտիտ, գունատ, նիհար, պասից անչափ տանջւած մանուկները կարմիր ձուաները ձեռքերին ամիսմբեր սպասում

են ճրագալոյցի պատարագին, որ երբ վարագոյրը քաշեն, սեղանը բանան ու «տէրը դրօշտին գլխին դրած, նախշուն շորերը կեցած» դառնոյ ժողովրդին «խաղաղութիւն ամենեցուն» ասելու, ըստ մանուկների՝ «մատներով նշան անելու, որ հիմի ուտիս ա, կարմիր ձուն կերէք»,—ցոյց տան նրան կարմիր ձուաները ու դուրս գան ժամի պատի տակին թաթախելու: Ծրագալոյցի պատարագի ամբողջ ընթացքում մանուկներն այդ պատճառով անդադար մտնում են եկեղեցի ու դուրս գալիս. մտնում են իրար ետևից, ամբողջ օրը խնամքով պահած կարմիր ձուաները «տէրին» ցոյց տալիս նրա «խաղաղութիւն ամենեցուն» ասելիս ժամանակ ու դուրս գնում թաթախելու ժամի պատի տակին: Անդադար ճեղքում են նրանք ժամաւորների խիտ շարքերը, հրում են նրանց ու երբեմնակի այդ պատճառով մեծերից հարւածներ ստանում:

## II

Ծրագալոյցի պատարագն իր անհուն խորհրդաւորութեամբ ընդգրկել, յափշտակել էր բոլոր աղօթողներին, մանաւանդ նրանց, որոնք ամբողջ օրը ծոփ պահելուց յետոյ պէտք է հաղորդէին այդ երեկոյ:

Աղօթող բազմութեան առաջ առանձնակի կանգնած էր գիւղի տանուտէր Աղաջանը իր շքախմբով, որի անդամներն էին իշխաններ՝ Մատուրը, Մարութը, Խոսրօնը ու Վերդին, տանուտէրի օգնական Թորոսը, հարկահան Ուհանը, դատաւորներ՝ Բագալը, Ոսկանն ու Արզմանը, գրագիր Մանտեսի Առաքելը ու գզիր Չատին: Գիւղի «մեծաւորներն» էլ պէտք է հաղորդէին: Նրանք սովորաբար հաղորդւում են ճրագալոյցի երեկոյեան: Իսկ հինաւուց գիւղական կարգ է. բաւական



չէ, որ նրանք եօթ շաբաթ պաս են պահում հասարակ մահկանացուների պէս, հաղորդելուց առաջ նրանք պարտաւոր են մի ամբողջ օր ոչ միայն ծոմ կենալ, այլ և ոչ ոքի ուշուկն չը տալ, չը հայտնել: Իսկ հեղուկութեամբ տանելի ապաշխարանք չէ. գիւղի մեծերը ուրախութեամբ եօթ շաբաթեայ տեղ տասնևեօթ շաբաթ պաս կը պահեն, միայն թէ անպատիժ ու անարգել ուշուկն տալու իրաւունքից մի րօպէով անգամ չը զրկեն...

Տանուտէր Աղաջանը ու նրա շքախմբի անդամները, բացի գզիր Չատիից, պատարագի վերջում հաղորդեցին ու դուրս գնացին եկեղեցուց: Գզիրը, ինչպէս պատարագի սկզբում նա զեկուցեց տանուտէրին, այդ օրը՝ պաշտօնական անյետաձգելի պարտաւորութիւնների կատարման շնորհով՝ չէր կարողացել իրան զսպել. գիւղի փողոցները տօնի պատճառով սրբել տալու համար շատ, անչափ շատ ուշուկն էր տւել կանանց: Այդ պատճառով տանուտէրը նրա հաղորդելը, տէրտէրի թոյլութեամբ, յետաձգեց հետևեալ օրւայ առաւօտեան ժամին, խստիւ պատելիլով Վմի հանգաւ կրակ ընկած ըռէխը հաւաք ու թամուզ պահել, մինչև ժամի վերջը...

Իրսում գիւղի մեծերը քիչ կանգնեցին, դէս ու դէն մտիկ տւին, դուրս եկող ժամաւորների զատկական ողջոյններին ըստ պատշաճի պատասխանեցին ու յետոյ բոլորն էլ տանուտէրի հրաւերով գնացին գիւղական դիւանատունը: Շարեցին նրանք սեղանի շորս կրողում. տանուտէրը բռնեց կենտրոնական տեղը. գզիրը կանգնեց շէմքում. գրագիրը բռնեց իր սովորական տեղը սեղանի զլխին ու աչքերը յառեց տանուտէրին: Վերջինս մի քանի անգամ հազաց. նոյնն աբին միւսները ու լուռ հարցական խորհրդաւոր հա-

յեացքներ ուղղեցին միմեանց: Բոլորին էլ մի ինչ-որ բան սաստիկ զբաղեցնում էր. նրանք անհանգիստ էին երևում. նկատւում էին նոյնիսկ յուզման նշաններ ..

Իււանատան մօտով անցնող գիւղացիները զարմացմամբ նայում էին մեծերի անակնկալ ժողովին ու իրար ականջի կամացուկ փսփսում. նրանք ենթադրում էին անշուշտ մի շատ լուրջ գործ, գիւղի զլխին եկող մի նոր պատուհաս, մի նոր ցաւ ու չոռ, մի աղէտ, որի առաջն առնելու համար գիւղի մեծերը խորհրդակցելու էին ժողովւել այդ ազիզ երեկոյ: Անցորդներից մի ծերունի փորձեց մտնել դիւանատունը՝ իմանալու համար ենթադրող պատուհասի մանրամասնութիւնները ու միանալու խորհրդակցութեան, բայց գզիրը կտրեց նրա առաջն ասելով՝

—Յտ դաւ. մարդ թողնելու հրաման չի կայ:

—Ի՞նչ ա պատահել, ա Չատ,—կամացուկ հարցրեց ծերունին,—ի՞նչից են խօսում:

—Շինի դարգերից:

—Բա հէնց էս ազիզ իրիկունը:

—Հա, բարձրից թունդ հրաման ա եկել. գրոնատը մորեխի համար մարդ ա ուզել,—պատասխանեց գզիրը:

Սորհրդաւոր ժողովի լուծութիւնը առաջինը խանգարեց իշխան Ծատուրը, որը յայտնի էր նաև «Բիսմարկ» անունով. գիւղի ինտելիգենտները, գրագէտները, նրան Բիսմարկ Ծատուր էին ասում. գիւղի ուսուցչից էր ստացել նա այդ մականունը: Երբ առաջին անգամը լսեց, սաստիկ բարկացաւ ու նոյն իսկ հայտնեց ուսուցչին, կարծելով, թէ նա իրան, գիւղի առաջի իշխանին, փիս մարդ է ասում. բայց երբ վարժապետը նրան բացատրեց, թէ ով է եղել Բիսմարկը ու նրա անունն իրանին կպցնելով ինչպիսի

մեծ պատուի է տիրանում ինքը, կորած-մոլորած հայ գիւղի իշխանը, Ծատուրն ընդունեց մականունը ու նոյնիսկ հպարտանալ սկսեց նրանով:

— Ի՞նչ էք տալ արած իրար երեսի մտիկ տալիս, — ասաց նա, — տեսնում էք, որ սաղ գեղումը ոչ ոք մեր մասին մտածում չի, ոչ ոք մեզ մտիկ չի տալիս, մհալ չի դնում էս ազիզ իրիկունը. էս քանդածումը մեզ գնահատող, գին դնող չի կայ ընաւ...

— Ո՞նց չի, գնահատող էլ ա ըլում, Ծատուր, — ասաց դատաւոր Արզմանը, — խի՞ ես էդհէնց թամուզ ուրանում:

— Ո՞ւր ա է, ո՞ւր ա քո էդ գնահատող հարամ-զադէն. շան որդին ի՞նչու չի էս ազիզ իրիկունը գալիս մեզ տանում իր տունը. մեզ գնահատողը հիմի ա մեզ պէտք, հիմի: Բա ես գեղի իշխան ըլիմ, տարին բիւթին գլուխս ցաւացնեմ գեղի համար, կեանքս մաշեմ ու Զատիկի ազիզ իրիկունը գնամ իմ տանը թաթախեմ. էդ Աստուած վեր կունի: Էլ ի՞նչի եմ կեանքս գեղի համար գրաւ դնում, մաշում. սարսաղ եմ թամամ, լօխս էլ սարսաղ ենք:

— Իրուստ ես ասում, Ծատուր, էս թամամ խայտառակութիւն ա. էսօր քսան-երեսուն տարի ա, ինչ ձեզ հետ միասին ես իշխանութիւն եմ անում էս գեղումը, դեռ էսհէնց անհամ ու անլազաթ Զատիկ տեսած չեմ, — ասաց իշխան Մարութը:

— Պէտք ա որ էս իրիկու Գիքունց տանը մեծ ժամ, մեծ հացկերութիւն ըլէր, գեղը սաղ կանչէր. չէ որ վերջին շաբաթներս ամեն օր հէնց դրանից էր խօսուում. լօխդ էլ լսել էք հու, — ասաց իշխան Վերդին, — էդ ի՞նչ ա պատահել, տենաս, որ ձէն ու ծպտուն չի լսում նրանց կողմից. երեւի խափանել ա նրանց բանը:

— Խափանել ա, բա ի՞նչ ա. հակառակի պէս երկու օր առաջ նրանց ոչխարների մէջ գիւղեր են ընկել ու բաւականին կոտորել, — ասաց հարկահան Ուհանը, — քէֆները խարաբ ա ըլել ու ժամը խափանել են. ասում են, որ պէտք ա Համբարձման օրը ժամ անեն: Դէ հու Գիքունք իրանց ժամը բոլորովին խափանիլ, կորցնիլ չեն. մեծ օջաղ են մարդիկը. ինչ որ էլ ըլի, նրանք իրանց ժամը կանեն:

— Ա՛յ ոչ անեն, փուչ անեն. Համբարձման օրը նրանց ժամն ինձ պէտքը չի. էն օրը հարիւրից աւել մատաղ ա մորթում շինուում, — ասաց բարկացած Բիսմարկ Ծատուրը, — ինձ ժամը հիմի ա պէտքը, հիմի, սուրբ Յարութեան ազիզ իրիկունը: Օլտը շաբաթ պաս եմ պահել, էսօրի էլ մինչև իրիկու ծում եմ կացել, էն էլ ինչ ծում՝ ոչ հաց եմ կերել, ոչ գինի-արաղ խմել, ոչ մի կաթիլ ջուր ու ոչ էլ ուշունց տել, ուշունց. բերանս փեչատած պահել եմ մի կերպ, թա ինչ ա, էս իրիկու իմ ընկեր իշխանների ու մեծամեծների հետ միասին մի կարգին թաթախեմ, գեղից, հասարակութիւնից պատիւ ստանամ... Ի՞նչ ա, գեղը քանդել ա. էս իրիկու ոչ թա մի, այլ տասը տանից պէտք ա մեզ կանչեն, քիչը տասը տանից:

— Տեսնաս երէցն էլ ա տեղ ա ճարել իր համար, թէ նա էլ ա մեզ պէս մաղբուն մնացել, էսհէնց ամեն բանից զրկել, — հարցրեց իշխան Սոսրովը:

— Նրա դարդը քաշիլ մի, Սոսրով, — ասաց Մարութը, — երէցն իր բանը լաւ ա գիտում, նա իր գլուխը մեղանից լաւ ա պահում: Հիմի անպատճառ իր ժամհարի ու տիրացւի հետ միասին մի շէն օջաղի դրաղի նստած փառաւոր ուտում ա, խմում, գինին կլկլալի դժէր ածում ու մեզ վրայ ծիծաղում. նրան լաւ յայտնի ա, որ էս իրիկու մենք մաղբուն ենք մնացել:

—Ատա նրա գլուխը մեռնի, նրա անունը տալ մի է,—ասաց խիստ բարկացած Բիսմարկ Մատուրը,—նա որ լաւ երէց ըլի, մեզ էսհէնց մաղրուն չի թողնիլ, միշտ մեզ հետ, միշտ մեր միջին նստած կըլի. մեզ հետ միասին կը տխրի ու կուրախանայ, միասին կը սովի, կամ միասին կուտի ու կը խմի: Ի՞նչ ա, մենք նրանից պակաս մարդիկ ենք, որ նա մեզանից միշտ զրազ ա ման գալիս, լայեղ շանում աման սհաթ էլ մեզ հետ խառնւի...

—Դէ նա Աստծու զուլուզչի ա, Մատուր,—ասաց դատաւոր Բադալը, Աստծուն ծառայող մարդ ա, կարգաւոր ա, մեր թայը չի. նա որ կայ...

—Բօլ ա, էլ խօսալ մի,—ընդհատեց Բադալին Բիսմարկը,—գիտում եմ, որ դու տէրտէրի զոլէն ես տալու. նա որ Աստծու զուլուզչին ա, մենք էլ, շինի յոյսաններս, ոահաթի, ժողովրդի զուլուզչիքն ենք. ուրեմն մենք էլ ենք նրա պէս հոգի աշխատում... Մեր ուզբաշի Աղաջանը, ուրան պամօշնիկ Թորոսը, սրօրչիկ Ուհանը, դուք, սուդիաներդ, հրէն է, չլայ էն չօվուշ Չատին, լօխդ էլ դուք թագաւորի զուլուզչին էք, մեր ողորմած թագաւորի. ուրեմն դուք էլ էք հոգի աշխատում... Մեր երէցը պէտք ա էդ գիտայ է, գիտայ, ամեն կերպ միշտ աշխատում ա մեզանից շոկ մանգալ, ճանկն ընկածը մենակ ուտել. կնունքը միշտ մենակ ա ուտում, նշանդրէքը մենակ ա ուտում, գերեզմանօրհնէքը մենակ ա ուտում. եթէ ուժը պատի, հարսանիքներն ու թաղումներն էլ մենակ կուտի:

—Ժամանակս շատ ա խարաբ, շատ, Մատուր,—խօսեց վերջապէս տանուտէր Աղաջանը,—թա տէրտէր, թա ժողովուրդ—լօխն էլ իրանց օգտի համար են ապրում. լօխն էլ խելօք են, խելքաւոր են, մեզանից սաւահի. սարսաղը մենք ենք, որ հասարակութեան օգ-

տի համար գեղի չոռ ու ցաւը, գեղի դարդերն ու պատուհանները մեզ վրայ ենք վերցնում միշտ, մեր քասիբութիւնից, մեր բանից-գործից ընկնում ու մեր տները մեր ձեռաւ քանդում... Ինձ զօռաւ ջոկեցիք, էս լուծը դրաք իմ վզին ու տունս քանդեցիք թամամ. ես հու ուզում չէի ուզբաշի դառնամ... Ասենք՝ գետը ձեզ տանի. մենակ դուք չարիք հու, մեր հասարակութիւնն արաւ. դուք հասարակի կամքը կատարեցիք, ինձ ստիպելով, որ համաձայնեմ. գեղի ցաւերովն ըլած, ձեր տներն էլ էք դուք քանդում... էս ուզբաշութիւնը Աստծու կրակ ա թամամ. սա հու մի փեշակ չի. ուղիղ ա, թագաւորի զուլուզ ա, մեծ փառք ու պատիւ ա, որ ես ցեպն ու մեդալը ճիտս եմ գցում ու ողորմածի պատկերի տակին էստեղ նստում գանգատներ լսում, շար կտրում, դիւան անում, ամա ժողովրդի կողմից, մեր ոահաթի կողմից գնահատող չի կայ է, գնահատող... էս օր երկու տարի ա ես ուզբաշի. էս երկու տարումը իմ մագերը, ոնց տեսնում էք, սիպտակիլ են՝ էնքան ես ու ես գիշեր-ցերեկ միտք եմ անում մեր գեղի, մեր ոահաթի համար... Ո՞վ ա գին դնում, թվ. զրազ տեղերում դեռ ուշունց են տալիս, ոչ մեռել են թողնում, ոչ կենդան... Շատ միտք անելուց շատ վախտ գիշերները քուն չեմ ըլում. աչքերս բաց, օձօլքին զցած, տեղումս հարերդա դէս եմ պրանում ու դէն ու էդհէնց լուսացնում: Մեր կընիկը բազի վախտ էն զոլէն, ձէն ա տալիս ու ասում՝ «Այ մարդ, խի՞ չես քուն ըլում, քեզ էդ ի՞նչ ա ըլել»: «Աղջի,—ասում եմ,—գեղի ցաւն ու չոռը թող ա անում, որ ես քուն ըլեմ. միտքս էն ա հրէ շինի դարդերումը. ուզբաշի եմ է, ուզբաշի, քեօխլայ, ստարշին. մեղայ Աստծու, մեղայ Աստծու,—ասում եմ,—ես ողորմած թագաւորի կոխած հողին իսկի բրբար չեմ,

ամա ես էլ թագաւոր եմ է, մի թիթե թագաւոր եմ էստեղ մեր շինուամբ, մեր ոահաթի վրայ. ողորմածը ուրան գրոնատուրի ձեռաւը որ էս մեղալն ու ցեպը ինձ ա տել, սրանով ինձ ուրան տեղապահ ա դրել էստեղ, շինիս վրայ ինձ թագաւոր ա նշանակել. բա ես հնց քուն ըլեմ, հնց իմ աչքին քունը հնց կը մօտկանայ, ա հէր օխնած. ինքը, ողորմած թագաւորն,—ասում եմ,—ուրան թախտի վրայ քուն ա ըլնում, որ ես էստեղ քուն ըլնմ. նա գիշեր-ցերեկ զարթուն կենում ա թագաւորութիւն անում, արար աշխարհս պահում. ես էլ պէտք ա էսհէնց զարթուն կենամ, որ իմ շէնն ու իմ ոահաթը պահեմ ու դրանով ողորմածի առաջին պարգեբես ըլեմ. մի ային-օյին աչքհուփին ինձ բօլ ա. գիտում ես,—ասում եմ,—էն ա հրէ նրա պատկերը մեր կանցիլարումը դրած, պայծառ աչքերը ուրան ղուլուղլիների ու ուրան ոահաթի վրայ գցած. երբ բազի վախտ մի երկու թաս էլել խմում եմ ու պինգ քուն ըլում, գիշերը մի ղալմաղալ, մի հարա ա պատահում, հրետին դուրս չեմ գալիս ու շէնս արխօդ անում, ղուլուղումս բօշանում եմ էդ պատճառաւ կամ ուրիշ սխալմունք եմ գործում, ուրիշ ծուռ բան բռնում, էքսի օրը համանշում եմ, թա նրա պայծառ երեսին մտիկ տամ, աչքերս տափին գցած եմ մտնում կանցիլարն ու տաղ արած, սեերես, գնում իմ տեղը նստում... Դու ուզում ես, որ ես մեր թագաւորի առաջին սեերես ըլնմ» — հարցնում եմ մեր կնկանը: — «Չէ, ասում ա նա, — էդհէնց բանը ես հնց կուզեմ, միսս հու կերել չեմ»: — «Իէ որ չէ, էլ ինձ ասիլ մի թա՝ խի չես քուն ըլում. շինի դարդերը դու իմ գլխիցը հանիլ մի. բազի վախտ էլ որ խմած գալիս եմ, խօսալ մի. օրէնքի մարդը, էն էլ ուզաշին, քեօխէն, առանց խմիլի կարալ չի գործ շինի, կարալ չի թագաւորի

ղուլուղն առաջ տանի ու ողորմածի առաջին պարգեբես ըլի: Մեր խեղճ կնիկը տաղ ա անում, էլ բան չասում, ես էլ էս ա էսհէնց կեանքս մաշում եմ մեր շինի, մեր ոահաթի համար... Իսկի ասա, գիտում եմ, գնահատում եմ... Հրէս է, մտիկ տէք, լաւ թամաշա արէք. ինձանում իսկի ուժ, հարաքաթ չի մնացել. հուր ա իմ առաջալ ջանը. առաջ մի ժամումը, մի նստիլումը, օխտը լօշտի էի ուտում, հինգ-վեց աման խորակ ու քիչը կէս վեղրա, համարեա մի բաթման, գինի խմում նրանց գլխին, հիմի էդքանի կէսը զօռով եմ տեղաց անում...

— Ափսոս դու, ափսոս, ուզաշի Աղաջան, — ասաց Մարութը, — որ էս քանդած շինումը, էս լաւութիւն չի մացող ոահաթի մէջ ես ուզաշութիւն անում:

— Ջանս մաշել ա ու փչացել գեղի համար, — շարունակեց տանուտէր Աղաջանը, — չոր ոսկորներս են մնացել... Որ ինձ մորթեն, միս անեն, իսկի մի շամփուր միս չի գոյանալ ինձանից. շատ միտք անելուց, էս բարբադ շինի համար շատ դարդ անելուց մոմի պէս հալել ու քամել եմ թամամ. ինչ ա իմ հալը — էն, որ աջ ու ձախ բամբասում են ու ասում, թա միթամ ես շէնս իմ իշխաններով, իմ սուգիաներով, իմ պամօշիկով, սբօրչիկով ու չօվուշով վէր կոխած գիլի պէս ուտում եմ ու քանդում... Չէ, տունքանդութիւն ա, թամամ տունքանդութիւն ա մեր բանը. գեղի, ոահաթի ցաւ ու չորը չաթու ենք շինել մեր ճիտը գցել, մեր վզերովը փաթաթել ու մեր չորացած ձեռներաւը մեղ խեղդում. էսհէնց էլ խելառութիւն կըլի, որ մենք անում եմք... Մենք մենակ էսօր չենք մաղբուն մնում է, մենակ էսօր չենք զրկում մեր լուխսից, մեր հալալ աշխատանքից. մենք միշտ ենք մաղբուն մնում, միշտ...



—Ուզը աշխին ուրան իշխաններով ապրած կենայ ու շէնն էլ ուրան հիմքերի վրայ հաստատ,—աղաղակեց յանկարծ դիւանատան շէմքում կանգնած գզիր Չատին,—արխային կացէք, մաղբուն չնեք մնացել մերն Աստուած հասցրել ա:

—Ազն, ի՞նչ, ի՞նչ. ինչ ասեցի՞ր,—հարցրին զարմացած այս ու այն կողմից:

—Մերն Աստուած հասցրել ա,—պատասխանեց գզիրը, որն այդ բոպէին գիւղի մեծերին մի ազատաբար հրեշտակ էր թւում:

—Ի՞նչ ա հասցրել, ն գլխամեռ. հրետին ասն, սիրտս տրաքում ա,—ասաց Բիսմարկ Ծատուրը:

—Մի տկճոր գինի ու մի տկճոր արաղ:

—Մի տկճոր գինի, մի տկճոր արաղ,—կրկնեցին մեքենայաբար ունկնդիրները, որոնք քիչ էր մնում թէ գրկէին ու համբուրէին աւետարեք գզիրին:

—Ո՞րտեղ ա, ո՞ւր ա, ասն, պրծի. փորս վեց-վեց ա անում. անօթի, սոված ու ծարաւ մեռնում եմ. շուտ տեղն ասն, գնանք թաթախենք,—ասաց իշխան Մարութը:

—Էն ա հրէ Բաղդունց Նազարի տանը,—պատասխանեց գզիրը:

—Ազն, նրա պէս աղքատի տանը էդքան գինի-արաղը սրտեղից ա,—հարցրեց տանուտէրի օգնական Թորոսը,—նրա բազումն էնքան խաղող չի ըլում, որ նրա խիզանը մի-մի փոր ուտեն, կշտանան:

—Քաղաքիցն ա բերել. էս Չատին զոնաղուր ունի, իր խնամիներին կանչիլ պտի,—ասաց գզիրը:

—Ի՞նչ սնց իմացար, ն գլխամեռ, որ Նազարը քաղաքից գինի-արաղ ա բերել,—հարցրեց Բիսմարկ Ծատուրը,—նա աշունքից գէսը հորումն անուխ ա

անում. Ղարաշէնի ծմակներից տուն չի գալիս. շատ վախտ ա գեղումս երևում չի,—աւելացրեց նա:

—Էդ լաւ ա, որ եկել ն,—ասաց հարկահան Ուհանը,—շատ վախտ ա, ինչ նրա ճամբէն պահում եմ. աչքս ջուր ա կտրել, էնքան սպասել եմ. հիմի ձեռքիցս էլ բաց չի ընկնիլ. իմ թոռը կընկնի. հորիցը բոլ փող բերած կըլի. թէ էս տարւայ խարջը կառնեմ ուղատին, թէ անցեալ տարւայ խարջի դախմկէն, ապառիկը:

—Լաւ, քո խարջը թող մնայ դեռ,—ասաց Մարութը,—ն Չատ,—գարձաւ նա գզիրին,—գու քո ասելիքն ասն, տեսնանք մի՞ էդ սնց տկճորներ են. գլխներումը խելք կա՞յ, թէ էնհէնց բէյքարա զատեր են:

—Չէ, խելքաւոր տկճորներ են երևում,—ասաց Չատին,—գինի համը տեսայ. հէնց էր մեռուն ըլի... Ամա դէ տակէն ասեմ. էսօր պատարագից առաջ շէնը պտտում էի. Ղուռուխի ձորումը կնանունցը աղբերը թամուզ անել, հաւաքել էի տալիս, մին էլ տեսայ Նազարը ջորին առաջն արած քաղաքիցը գալիս ա: Չորիի վրայ մի մեծ խուրջին կար՝ պոռնուկ-պոռնուկ լիքը. լաւ մալում էր անում, որ միջին բան շատ կայ... Նազարը երբ ինձ տեսաւ, խուրջինը ծածկեց իր շալով, որը հանած ջորի վրայ գցած էր. նա էդ արաւ, որ ես միթամ բան չի տեսնամ... Դէ չօլուշ Չատին սնց ա մեռել, որ նա գինի-արաղի հոտը ձեռաց չառնի. չէ,—ասեցի իմ մտքում,—Նազարիս խուրջինումը բան կայ, էն էլ մեծ բան. մօտեցայ, կանգնեցրի. «Հը՛, Նազար, խէր ըլի, խուրջինումդ ի՞նչ կայ»,—հարցրի: —«Ոչինչ, ն Չատ, տան համար մի պատառ այլին-օյին ա»,—ասեց նա: «Տեսնեմ մի էդ սնց այլին-օյին ա, որ շալով ծածկում ես. բալքի ուրիշ ջուռա այլին-օյին ն, ով ա գիտում. բալքի պատրօն ու բարութ ես բե-

րում առանց իրաւունքի... Հիմի վայննի պալաժինի ա. էդհէնց բաները թիւնդ զաղաղ, սաստիկ արգելաժ են. դրանց համար զօրքի շտրափ կայ ու զալա, բանտ. պէտք ա խուրջինիդ մէջ զոլը լաւ տեսնամ, տնտղեմ», —ասեցի ու ձեռքս մեկնեցի խուրջինին, երկու թայն էլ լաւ պտռեցի. մինուժը մի մեծ տկճոր գինի կար, էն մինուճն էլ մի պուճուր տկճոր արաղ, էն լաւ թղէնդ արաղէն. հոտը ձեռաց փչեց: Գինի-արաղից սաւահի խուրջինումը բոլ ձուկը, պանիր, բրինձ, կանաչի ու ուրիշ ային-օյին կար... «Ատա, հարամ զաղա,—ասեցի Նազարին,—Աստծու խէր բարաքաթով խուրջինդ լցրած տանում ես ու ինձ սուտ ասում, թա՛ ոչինչ, պատառ ային-օյին ա, ու խուրջինդ էլ ծածկում ես շալով՞դ. օրէնքից ու օրէնքի մարդից բան կը ծածկէն, ա՛ զուռումսնդ»:—«Ա՛ Չատ, քեզ մատաղ,—աղաչանք արաւ Նազարը,—ինչ որ ա, էն ա տեսար. էս խուրջի տեղը մի բոլ գինի խմի ու յետոյ, Աստծու խաթրի հետի, ուրիշ տեղ բան չասես: էս ահագին խարջը քաշել եմ, որ խնամիներիս էս Չատկին կանչեմ, դոնաղ անեմ. աշուճից դէսը, ինչ աղջիկս նշանուել ա, խնամիներիս մի անգամ էլ ա դեռ կանչել չեմ»: Նազարին խոստացայ ոչ մի տեղ բան չասել ու մի փափախ գինի խմեցի...

—Ի՞նչ, ի՞նչ, ի՞նչ. մի փափախ գինի,—հարցրեց տանուտէր Աղաջանը:

—Հա՛, ուզբաշի:

—Ո՞նց թա. փափախով էդ հնց խմեցիր, ա՛ գըլխամեռ:

—Աման չի կար դէ. ուզեցի տկճորից ծծեմ, բան չի եկաւ, հնար չեղաւ. սատկած Չորին թող չարաւ, խըրտնեց, տեղը հանգարտ չը կանգնեց. տաղ արած փա-

փախ վերցրի, Չորիի կապը պինդ բռնեցի, կանգնեցրի նրան ու ասեցի՝ Նազար, գինին էստեղ աժա՛:

Նազարը տկճորի բերանը բաց արաւ ու փափախը գինով լցրեց. ես էլ գլխիս քաշեցի, բերանիս դէժըրի ու մի բոլ խմեցի քո ու քո մեծամեծների կենացը, աղա ուզբաշի:

—Այ դու գլուխդ քարովը եկար մեր կենացը խմելով,—ասաց բարկացած տանուտէրը,—էսօր դու հաղորդեցիր ոչ, ասեցիր՝ շատ ուշունց եմ տւել. բանից երեւում ա, դու ուրիշ զալաթ էլ ես արել, թաքուն գինի ես խմել, ես բէխարար:

Գզիրը զարմանքից ապշեց. նա գովասանք էր սպասում իր մեծից, այլ ոչ յանդիմանութիւն:

—Գինին մենակ լակել ես,—շարունակեց տանուտէրը,—ու եկել էստեղ պարծենաճում. ինչ՞ա՛ չէիր Նազարին ասում՝ բա իմ ուզբաշին, բա նրա բաժինը:

—Ասեցի, հնց չասեցի. խի, խամ եմ. ամեն տեղ, ինչ որ ճանկս ա ընկնում, ինձ համար մին եմ վերցնում, քեզ համար երկու առնում. էս անգամ էլ ուզեցի էդհէնց անեմ:

—Բա ի՞նչի չարեցիր. մեր ա իմ բաժին գինին, ա՛ հարամզաղա,—ասաց տանուտէր Աղաջանը,—էդ հնց չօվուչ ես, որ առաջ քո ուզբաշիի բաժինը չես վերցնում, ետնայ քոնը:

—Ո՞նց վերցնէի. քո բաժին գինին դէ հու փափախով բերելի չէր. ուրիշ աման էլ չունէի: Մի բան ճարած ժամանակ քեզ ու քո իշխաններին ես իսկի մոռացած եմ, որ էդ թիւշումը մոռանայի. չօվուչ Չատիի գլուխը մեռած պտի, որ նա ուրան ուզբաշիին ու շինի մեծամեծներին մտից գցի... Գինին խմեցի. տեսայ, որ շատ լաւն ա, ասեցի Նազարին՝ «Արա, Նազար, էս գինին որ էս շէնն ա եկել, սրա խաբարը, գի-

տում եմ, տարածելու ա. խնամիքդ որ եկան խմեցին, առանց էն չի, էստեղ-էնտեղ ասելու են, գինիդ գովելու են, շատ են գովելու... Որ մեր ուզբաշին լսի, մնց ես անելու. չէ որ կը նեղանայ քեզանից. ուզբաշի ա, նրա նեղութիւնից, առանց էն չի, մի փորձանք կը գոյանայ քեզ համար. փիս ժամանակներ ա, վայեննի պալաժենի ա... Որ ինձ լսես,—ասեցի,—խնամիքիդ հետ ուզբաշիին էլ կը կանչես, իշխաններից էլ մարդ կը կանչես, Մատուր հային ու Մարութին գոնէ...

—Գլխամեռն ինչ չօվուշ ա. մի պասրեղնիկի խելք ունի թամամ,—ասաց Մարութը:

—Մեր մրօվի պասրեղնիկին որ դրա չափ խելք ըլէր, նա հիմի վաղ էր նաչալնիկ դառել, Մարութ, դու էդ ինչ ես ասում,—ասաց Բիսմարկ Մատուրը,—էդ գլխամեռն թամամ խելքի բուն ա. եկող վիբօրին ես պէտք ա դրան ուզբաշիի պամօշնիկ ջոկել տամ:

—Գիտում եմ,—ասեցի Նազարին,—Մատուր հայն ու Մարութը,—շարունակեց զգիրը, ոգևորւած գիւղի ամենաազդեցիկ իշխանների բարձր գնհատումներից ու կօմպլիմենտներից,—մեր շինի ամենամեծ իշխաններն են. նրանք ուզբաշի չեն, ցեպ ու մեղալ չունեն, ամա ուզբաշի ջոկողներ են. ում մատով նշանց են տալիս, հասարակութիւնը տազ արած նրան ա ընտրում ուզբաշի. առանց նրանց մասլահաթի ոչ մի ուզբաշի չէն չի կառավարում... Մեր ուզբաշիի հետ միասին նրանք էլ պէտք ա քո սուլիբի գլխին նստած ըլեն: Դէ ես էլ պէտք ա գամ,—ասեցի,—նրանց դուլուդ անեմ. ուզբաշին առանց չօվուշի ոտ ոտի առաջի չի դնիլ, էդ հին ադաթ ա. առանց կանչիլի էլ ուրեմն ես հու կըլեմ ու կըլեմ. թող չեմ անիլ, որ տկճորներիդ մեռունն առանց ինձ խմեի...

—Լաւ, բօլ ա, ինչքան նաղլն արիբ,—ասաց համբերութիւնը կորցրած տանուտէր Աղաջանը,—դու էն ասա՛ ինչ ասեց բա էն դուռումսաղը:

—Ասեց՝ ուզբաշին ուրան իշխաններով ապրած կենայ. ես նրանց մնց կը մոռանամ. թող քեզ մատաղ, ա Չատ,—ասեց,—էգուց խնամունցս կանչեմ, յարգեմ, ճամբա դնեմ, նրանցից պրծնեմ, էքսի օրն էլ, մեռելոց օրը, ուզբաշիին կը կանչեմ ուրան իշխաններով. էսքան բաները լօխ խնամիքս հու թամուդ ուտելու չեն ու խմելու. տակին դեռ բաւականին բան կը մնայ: Մեռիլոց օրը,—ասեց,—մեր հանգիստներն օրնիլ պտեմ տալ. տէրտէրին էլ պտեմ կանչիլ:

—Տեսէք, տեսէք, հարամ զողէն մեզ մնց ա պատում,—ասաց Բիսմարկը,—խնամիքներից ետն ա մեզ կանչում, նրանց թրմասկոջն ա մեզ դոնաղ անում... Գիւղի ուզբաշին, իշխաններն ու պաշտօնիկները պէտք ա գնան Բաղդունց Նազարի խնամով Չալալանց Բեդիի թրմասկն ուտեն. լաւ, Բեդին ինչացճաւ ա, որ ես գնամ նրա թրմասկն ուտեմ. նա մի հասարակ տաւարած ա, ես գեղի իշխան, քեանդխուդա. նա դարա ոահաթ ա, ես պաշտօնիկ. պասրեղնիկն ու չալ պրիստաւն ինքը ինձ ձեռն են տալիս, իսկ նրա վրայ իսկի թքում էլ չեն. Բեդիի պէսը հեռուանց հեռու ա նրանց մտիկ տալիս, իսկ մօտկացած վախտը բօլ-բօլ դամշի ուտում նրանցից...

—էդ Նազար դուռումսաղը բա վախում չի՞, որ ուրան փուշերը բացւեն,—ասաց Մարութը,—պաղօժնի բան ունի արած ահր. ինձ ու Մատուրին լաւ յայտնի ա... Սպասում էինք, որ հորիցը կը գայ և մեզ կը տեսնայ... իսկ նա մեզ բնաւ մոռացած՝ Չալալանց Բեդիին ու Մոդիին ա դոնաղ անում, նրանց հոգսն ա քաշում. Չատին եթէ չը պատահէր, նա իսկի մեզ միտը չէր



զցելու լաւ հաւատացած եմ, որ նա հիմի Չատիի մեռել-կենդանն էլ ա քաշում, մերն էլ...

—էդ ի՞նչ պաղօթնի բան ա, Մարութ,—ասաց տանուտէր Աղաջանը,—էդ սնց ա, որ մինչև էսօր ինձ յայտնել չէք. աղբաթիխէրի մարդիկ, քանի-քանի անգամ եմ ասել ձեզ, որ ինձանից բան չի ծածկէք, մանաւանդ օրէնքին ընդէմ բան: Երբ ինձ ջողել էիք տալիս, դեռ էն վախտը ձեզանից խօսք առայ, որ իմ ու ձեր մէջ թաքուն բան չը պէտք ա ըլի. բանից երևում ա հիմի, որ դուք, էդ երկուսդ, ձեզանում սիր էք պահում, ամեն բան էլ ինձ ասում չէք: Ես ձեզանով եմ ուղբաշի. դուք իմ հաւէն ու արխէն էք. ես կարծել եմ, թա երազում տեսած բանն անգամ կը դաք ձեռաց ինձ կասէք. իսկ դուք ափ-աշկարայ տեսած-լսածն ինձանից ծածկում էք. էդհէնց իշխանութի կանեն բա...

—Մեր լսած բանը քեզանից մինչև էսօր ծածկել ենք, ուղբաշի Աղաջան, դրուստ ա,—ասաց Բիսմարկ Ծատուրը,—ամա չար մտքով չենք ծածկել. տաղ ենք արել, ասել ենք՝ կենանք, սպասենք. Նաղարը երբ անխահորից դայ, ախանջը կը գցենք, կը հարցնենք տեսանք՝ մեր լսածը դրուստ ա, թա սուտ... Է՛հ, խեղճ մարդ ա, մեր գիւղացի ա, ասեցինք,—մեր հայն ա, մի-երկու թուրքի օգտի համար նրա տունը խի քանդելի մի էլի պատճառաւ:

—Ի՞նչ էլ ա,—հարցրեց տանուտէրը:

—էս ա միտդ կը գցեմ,—ասաց Ծատուրն ու շարունակեց.—կաշխատենք մի կերպ, մի հանգաւ փորձանքից ազատուի,—ասեցինք,—դէ էլ չի, հայվան չի, մեր բարի միտքը կը հասկանայ, մեզ կը տեսնայ...

Դէ որ բանն էդտեղ հասնէր, մեզ հու մենակ չէր տեսնելու. սուփրի գլխին դու էիր նստելու, ուղբաշի Աղաջան... Դէ հիմինա Չալալանց Բեդիին ու Սողիին

ա տեսնում, նրանց ա սուփրի գլխին նստացնում, իսկ մեզ նրանց թրմասկովը ղոնաղ անում. էդ էլ էն պատճառաւ, որ մեր չօվուշը տեսել ա նրա խուրջինը ու վրին պարտքը դրել...

—էդ ի՞նչ ա, ի՞նչ պաղօթնի բան ա, պարզ ասան, հրետին ասան, քո հօրն օղորմի, սիրտս տրաքում ա,—ասաց համբերութիւնը կորցրած տանուտէրը,—ասան, ծածկել մի. էս սնաթիւն շուն շան որդուն կապած ու բխոված ուղարկում եմ պրիստաւի կուշտը: Իմ դօվրին էս գիւղումը էն սր շան տղայ կարող ա պաղօթ անի՝ ու անպատիժ մնայ. հիմի վայեհնի պալաժենի ա է, հանաք չի. պաղօթի համար հիմի կատրօթնի են ուղարկում...

Ասան, պրծի, պարզ ասան:

—Դէ մեղքը Նաղարի ուրան վիզը,—ասաց Բիսմարկը,—նա որ էնհէնց հարամգողա ա, էլ նրան խեղճ դալը հարկաւոր չի. լօխդ էլ լաւ լսեցէք: Բարեկենդանից առաջ ես ու Մարութը գործով դնացել էինք քաղաք. վերադառնալիս Ջրմի հողերումը Աղքեանդի պամօշնիկ Բայրամին ու սուդիա Սարին պատահեցինք. բոլ զրից արինք, դէսից-դէնից բաւականին խօսացինք: Վերջում ասեցինք նրանց՝ «Ա՛ թուրքեր, ձեզ էդ ի՞նչ ա ըլել. խի՞ չէք առաջւայ պէս մեր շէնը գալիս-գնում. խի՞ չէք առաջւայ պէս բարեկամութիւն, ախպէրութիւն անում մեզ հետ. չէ՞ որ աթաղան-բաբաղան, մեր հին պապերի դօվրից մինչև մարդումազարի սարքած անիծւած կռիւները մենք իրար հետ աղ ու հաց ենք կերել. կռիւը շէյթանի բան էր. ինչ որ էր, փառք Աստու, անցկացաւ դնաց. էդհէնց սխալմունք էլ պատահիլ չի. արխային եկէք մեր շէնը, էլ խմբեր չի կան, վախիլ միք. խմբերը դէս ու դէն ցրել են, էլ երևում չեն»:—«Խմբեր չի կան, դրուստ ա,



գիտում ենք, —ասեց Սարուն,—ամա ծուռ մարդիկ շատ կան. նրանք խմբերիցը փիս են. խմբի մարդիկը ուշիկ աղէք էին. մենք նրանցից չենք նեղացած, այլ ձեր շինի ծուռ մարդկանցից. մեր ոտը էդ պատճառով ենք ձեր շէնիցը կտրցրել... Ուզում չէին իրանց անբաւականութեան բուն պատճառը մեզ պարզ յայտնել. վերջը մի հանգաւ ասիլ տւանք. բանից դուրս եկաւ, որ Նազար դուռումսաղը մի մեծ դալաթ ա արել...

—Ի՞նչ, —հարցրեց խիստ հետաքրքրւած տանուտէրը:

—Հէրու ամառ նրա էլը հնձատեղից կորաւ չէ՞:

—Հա:

—Նրա ասելով գողացան չէ՞:

—Հա:

—Նա բեզ յայտնեց, որ աղքեանդեցի թուրքերն են գողացել չէ՞:

—Հա:

—Դու հրապօրտ շինեցիր ու էդ մասին յայտնեցիր պրիստաւին չէ՞:

—Հա:

—Դէ ջան. պրիստաւից գործը նաչալնիկի ձեռաւը գնաց հասաւ երանալ-գրոնատուրին. ոնց ձեզ լօխիդ էլ լաւ յայտնի ա, երանալ-գրոնատուրը հրաման արաւ Աղքեանդի հասարակութիւնից էլի ջարմէն առնել ու տալ Նազարին. մեր պարուն պրիստաւը ձեռաց գնաց Աղքեանդ, պաչօտնիկներին, Սարւին ու Բայրամին ամենից շատ, հուփ տւաւ, էլի ջարմէն առաւ ու տւաւ Նազար գլխամեռին: Հիմի բանից դուրս ա գալիս, որ աղքեանդեցիք անմեղ են ըլիլ ու էսօր էլ անմեղ են. խեղձերից ջարմէն գուր են առել...

—Ո՞նց, —լարւած հետաքրքրութեամբ հարցրեց տանուտէրը:

—Ո՞նց պտի. Նազարն էլը հեռու տեղացի մի անյայտ թարաքամա թուրքի վրայ ծախել ա, փողը ջրումը դրել ու սուտ հարահուրա արել, սուտ գանգատ տւել, թա էշս աղքեանդեցի թուրքերը տարել են:

—Դրուստ ես ասում, Ծատուր. Մարութ, դրուստ, ճշմարիտ ա, —հարցրեց այլայլւած դէմքով տանուտէրը:

—Բա մենք սուտ կասենք, —ասաց Մարութը, —միաներս կերիլ ենք, որ սուտ ասենք, էն էլ էսէկնց ազիդ իրիկունը:

—Աստծուն ահր հոգի ունենք տալու, ա աղբաթիխէրի մարդ, —ասաց Բիսմարկը, —էս սուրը Յարութեան դիշերը մենք ճնց էդէկնց մեղք կը գործենք, ճնց սուտ կասենք. էն էլ ճւղ օգտի համար — թուրքերի. մեր հայ քրիստոնի տունը բա մենք նհախ տեղայ կը քանդենք, ի՞նչ ա. մարդը ծուռ բան ա բռնել, ասում ենք էլի:

—Ես ու իմ Ասուածը, —ասաց իշխան Խոսրովը, որը մինչ այդ միւսների պէս լուռ լսում էր տանուտէրի ու աւագ իշխանների խօսակցութիւնը, —Սարուն ու Բայրամը սուտ են պսել, ես կամ էդէկնց չեն ասել, ոնց դուք նաղին արիք. Նազարը բնաւ մեղաւոր չի...

—Ի՞նչ, ի՞նչ, ի՞նչ, —հարցրին միաժամանակ տանուտէրը, Ծատուրն ու Մարութը:

—Տաղ արէք ասեմ. էդ գործն ինձ էլ ա ծանօթ. ես էլ Աստծուն տալու հոգի ունեմ. էս ազիդ իրիկունը սուտն անկարելի ա ասել, պէտք ա ճշմարտութիւն ասեմ. Սարուն ու Բայրամն էնդուր, էն պատճառով են անբաւական, որ իսկական գողերին թողած՝ ջարմէն, ոնց վայեննի պալաթնի վախտն ընդունւած ա, նրանցից ու մի քանի ուրիշ իշխաններից են առել, որ յետոյ նրանք գողերին գտնեն, բռնեն ու յանձնեն

գրեւատուրին: Նրանք գողերին լաւ ճանաչում են, բայց վախում են, թա հետները խօսան. ուրանց փողն էլ հու իսկի չեն կարողանում նրանցից ստանալ. գանգատելուց էլ են վախենում. էդ պատճառով խեղճերի փողը բոլորովին կորչում ա. ճարները կտրած մեզ են նեղութիւն յայտնում, թա միթամ մի իշի համար ուզբաշին խի՞ էր հրապօրտ տալիս պրիստաւին, մեր իշխաններն ու պաշտօնիկները խի՞ չէին մի հանգաւ էդ բանի առաջն առնում ու Նազարին մի կերպ քարսազի անում, բաւականացնում...:

—Ուրեմն ես սուտ եմ ասում,—ասաց Ծատուրը, սպառնալի դէմքով նայելով Խոսրովին,—ուրեմն դու մեզ...:

—Դու մեզ,—խլեց խօսքը Ծատուրից Մարութը,—էստեղ, մեր կանցիլարումը, մեր ուզբաշի կշտին, ժուլիկ ես դուրս բերում. դու երէկ-մէկէլ օրւայ իշխանն ես, իսկ մենք...մենք...իսկի մեզ ճանաչում ես...:

—Լաւ եմ ճանաչում...:

—Ո՞նց ես ճանաչում,—գոռաց Ծատուրը,—ափաշկարայ պարզ խօսն, եթէ ուշիդ տղամարդ ես:

—էստեղ մեռելքաշութիւն պիտի ըլիլ էս իրիկու, ոնց ես տեսնում եմ,—նոյնչափ բարձրաձայն ասաց Մարութը,—էստեղ արին պիտի թափւիլ. ես ծուռ մարդի հօր էն գետը...:

—Տազ արէք, էլ խօսալ միք, սո՛ւս,—խրոխտ, ահարկու ձայնով հրամայեց տանուտէր Աղաջանը ու թոյլ չը տւեց այդպիսով Մարութին արտասանել իշխանական բառարանում յաճախակի կրկնուող այն ազդու բառը, որը պայթելու էր ինչպէս ումբ, սոսկալի փոթորիկ առաջ բերելու գիւղի մեծամեծների ժողովում ու փոխադարձ երկարատև ուշուցային ումբակոծութեան սկիզբ դառնալու...:

Մարութը լուց իսկոյն և եթ: Պայթելու պատրաստ Ծատուրն ու Խոսրովն էլ լուռ մնացին:

Բանի որ փոթորիկն իւրաքանչիւր բօլէ կարող էր բռնկել, ամենաչնչին պատճառից նոյն իսկ, բազմափորձ տանուտէրը, դուլուղում, իր պատասխանատու պաշտօնավարութեան մէջ, եփւած ու տապալկած ուզբաշի Աղաջանը, դիմեց այն արտաքոյ կարգի միջոցին, որին նա դիմում էր միշտ համապատասխան դէպքերում ու այդպիսով պահպանում կարգն ու օրէնքի անխախտ գերիշխանութիւնը. վերին սաստիճանի լուրջ, մոայլած դէմքով հանեց գրպանից տանուտէրական շղթան հանդերձ մեզալով ու հաղաւ պարանոցի վրայ, ըստ իր՝ ճիտը գցեց, այնպիսի խորհրդաւորութեամբ, ինչպիսին արտայայտում է քահանան՝ պատարագելու համար սաղաւարտն իր գլխին դնելիս... Երբ տանուտէրը շղթան հագած է, նա կատարեալ պաշտօնական դիրքի, գրութեան մէջ է գտնւում. այդ դէպքում ամենաազդեցիկ իշխանն անգամ չէ համարձակւում նրան հակաճառել, նրա հրամանները չը կատարել, նրա ասածներն անտես առնել...:

Հագաւ շղթան, նստեց տեղը, պատկերի տակ, մի-երկու անգամ խուլ հաղաց, մաքրեց կոկորդն ու ասաց՝

—էս ազիզ իրիկունը մենք էստեղ կուիւ անելու համար չենք հաւաքել, այլ գործ շինելու, գեղի համար ցաւելու... Ծշմարտ ա, շատը մեր դարդից ենք խօսում, ամա ժողովրդի, ռահաթի համար էլ ենք ցաւում էս սնաթիս, դեղի ծուռ մարդկանց, դեղի անունը կոտորոյների, գեղը խայտառակողների արարմունքներից խօսելով... Ի՞նչ ա, ուղում էք կուէք էստեղ կանցիլարումը, ողորմածի պատկերի առաջին, իմ կշտին, ուղում էք իրար մեռել-կենդան քաշէք Նազարի պէս

մի էջ շան տղի համար ու ինձ էլ խայտառակէք, ձեզ էլ... Որ մեր պարուն պրիստաւը լսի, ինձ ի՞նչ կասի, իսկի գիտում էք. նրա առաջին ես եմ կարմրելու, ես եմ համանշելու, ոչ թա դուք. լաւն էն ա ինձ էստեղ սաղ թաղէք, քան թէ խայտառակէք մեր պրիստաւի առաջին... Չէ, կոխը, մեռելքաշուձիւնը ես էստեղ թոյլ չեմ տալ. սէր ու միաբանութիւն պէտք ա լինի ձեր մէջ, ոչ թա միայն էս ազիդ իրիկունը, այլ միշտ...

Դէ հիմի էլ ետ իշի գործիցը խօսանք. պալմադալ չանէք. տաղ արած լսեցէք. մենակ ես պտեմ խօսալ ու կարգադրութիւն անիլ էդ գործի մասին: Որ լաւ խելքիս տակն ու գլուխն եմ տալիս էդ գործը, տեսնում եմ, որ ծուռը Նազարն ա. Մատուրն ու Մարութը սուտ ասող մարդիկ չեն. ես սրանց հաւատում եմ: Նազարն էնպէս հարամզադէն ա, որ ամին բան էլ կանի... էդ ա ուրան շնորհքը նա հիմի մեզ լաւ նշանց ա տալիս, Չալալանց Բեդիի ու Սողիի թրմասկոյն ա մեզ դոնադ անում. շինի ուզաղին, շինի իշխանները պէտք ա գընան քաչալ ու ճիպոտ Բեդիի թրմասկն ուտեն... Բոռանան նրա ճիպոտ աչքերը, քոռանան. գիլն ուտի նրա քաչալ գունդը, նրա թրմասկէն քաչալահոտ կը գայ... Նազար դուռումսաղն էդ ջուռա ա ուզում պատուի. ինչ ասէք, նա կանի. նա մեզ մասխարա գցիլ ա ուզում, այլ ոչ թէ պատուել... Ադան,—գարձաւ նա բարկացած ու խիստ բարձրաձայն շէմքի մօտ կանգնած ու անթարթ աչքերը նրան յառած գզիրին,—գնան էս սըհաթիս Նազար շան տղին բեր. որ հակառակի, գլուխը թակելով բեր. դամշիդ խնայես ոչ. իրաւունք եմ տալիս, թէն ազիդ իրիկու ա: Ես նրան կապած ու բխոված պտեմ պրիստաւի կուշտն ուղարկիլ, կապած ու բխոված... Դէ, վազի, ետ չընկնես:

Գզիրը, տանուտէրի անեղ հրամանը լսելուն պէս, մտրակի կոթը ձեռքում ամուր սեղմած, դուրս վազեց դիւանատնից:

—Մահտեսի,—գարձաւ տանուտէրը գրագիր մահտեսի Առաքելին,—էս սհաթիս մի կանվերտ հանի եաշչիկից ու բերանքը փեշատի. մո փեշատը,—ասաց, հանելով գրպանից ու տալով մահտեսուն տանուտէրական կնիքը,—զմբուռով փեշատի, ոչ ծխով, էն լաւ կարմիր զմբուռով:

Երբ մահտեսին ծրարը հանեց սեղանի արկղից, հարցական հայեացք ուղղեց տանուտէրին. պարզ էր. նա լուռ հարցնում էր՝ արդեօք որ և է թուղթ, պատրաստի գրութիւն կայ ծրարում դնելու. դատարկ ծրարն ինչ՞ու կնքել: Տանուտէրն իսկոյն հասկացաւ նրան ու ասաց՝

—Չէնց էդէնց էդ դարտակ կանվերտի բերանքը թքով կպցրու ու փեշատի, բօլ զմբուռ թափի վրէն. երեսին էլ գրի, վիրի դոլէն, որ էդ կանվերտը միթամ պրիստաւիցն ա ինձ վրայ եկել. նրա հրամաննա. ի՞նչ ես աչքերդ աչքերս գցել. դու արան ինչ հրամայում եմ. էդ իմ գիտալու բանն ա: Մահտեսին խորհրդաւոր լըռութեամբ կատարեց տանուտէրի հրամանը:

### III

Շուտով եկաւ Նազարը գզիրի ուղեկցութեամբ: Նրա հետ էր նաև իր մեծ եղբայր Թոմասը, որը եկել էր իմանալու՝ թէ ի՞նչ է պատահել, որ տանուտէրը Չաղկի պէս ազիդ տօնի երեկոն խլել էր Նազարից ու կանչել նրան դիւանատուն. հարկը պահանջած դէպքում նա բարեխօսելու, աղերսելու էր եղբօր համար, ի հարկէ: Թոմասն ու Նազարը մի վատ բան, մի փոր-



ձանք էին ենթադրում. ուստի մարդուն, խեղճ գիւղացուն, տանուտէրը հօ խէր բանի համար չի կանչել դիւանատուն. նրանք զունատ էին, անհանդիստ ու յուզած սաստիկ...

—Նազար, դարձաւ տանուտէրը Նազարին վերջինիս ներս մտնելուն պէս,—պրիստաւը քեզ էկատրա ուզել ա. պատրաստուի, որ հէնց էս սհաթիս չօվուշ Չատիի հետ միասին ճանապարհ ընկնես քաղաք:

—Լաւ, նա ինձ ի՞նչ ա անում էսհէնց ազիզ իրիկունը. հրամանը մըր ա, Թրք ա եկել,—հարցրեց գող-դոջուն ձայնով Նազարը, որի վրայ «էկատրա» բառը պրիստաւի ահաւոր անունով հանդերձ ահաբեկիչ տրպաւորութիւն գործեց:

Ոչ պակաս սարսափահար եղաւ Թոմասը:

—Ո՞նց թա՛ ի՞նչ ա անում. հրէս է հրամանը. տեսնում ես էս կանվերտը, տեսնում ես էս փեշատը. մի լաւ մտիկ տուր, կարգն կանվերտի իրեսը,—ասաց տանուտէրը, մօտեցնելով մահտեսու պատրաստած ծրարը Նազարի դէմքին:

—Կարդալը գիտում եմ, որ կարգամ. ուստի մարդին կարդալն մի ա տուել,—ասաց Նազարը,—գիր չի գիտացող, անլեզու, խեղճ տաւար մարդ եմ:

—Դուստ ես ասում. տաւար մարդ ես, խոտակեր հայվան ես թամամ,—ասաց ձայնը սովորականից մի քիչ բարձրացրած տանուտէրը,—որ հարցնում ես, թա՛ պրիստաւն ինձ ի՞նչ ա անում:

Պրիստաւը որ կանչի, էլ հարցնիլ չեն, թա՛ նա ինձ ի՞նչ ա անում. տազ արած ճամբա կընկնեն. բալքի ուզում ա հէնց էսհէնց քեֆի համար գլուխդ մի բօլ թակի, բալքի ուզում ա քեզ մորթի, կախ տայ, դու սուս արած պէտք ա գնաս:

—Լաւ, ես ի՞նչ եմ արել, որ կանչում ա ահր:

—Ո՞նց թա ի՞նչ ես արել. գիտում չես,—ասաց բարկացած տանուտէրը,—էշդ թարաքամի վրայ ծախել ես, փողը ջրումդ դրել, եկել ինձ խաբել, ինձ հրապօրտ գրիլ տուել, պրիստաւաւ, նաչախիկաւ գործը հասցրել երանալ-գրոնատուրին, էդ կերպաւ գանգատ տուել, բարձր իշխանութեան գլուխը ցաւացրել, թա միթամ աղբեանդեցի թուրքերն են էշդ գողացել, ու անմեղ մարդկանցից նհախ տեղայ ջարմայ ես առել դրել ջրումդ: էդ հիմի լաւ պարզել ա: Դրա համար պրիստաւը քեզ կանչում ա, որ առաջ մի ինքը ուրան օխնած ձեռաւը կաշիդ պուկի ու յետոյ ուղարկի քեզ երանալ-գրոնատուրի կուշտը. թա ինչ կանի երանալ-գրոնատուրը, էդ Աստուած ա գիտում, մին էլ ինքը...

—Չեզ մատաղ, ես էդհէնց բան չեմ արել,—ասաց սարսափահար եղած Նազարը,—Աստուած ու երկինք վկայ են, որ էշս հէրվանի աղբեանդեցիք հնձատեղից գողացել են. լօխին էլ յայտնի ա էդ. սուտ ա, որ ասում են, թա ծախել եմ. էս ազիզ իրիկունը վկայ ա, որ սուտ ա, անաստած, անխղճմտանք սուտ ա...

—Ի՞նչ, ի՞նչ, ի՞նչ շուն որդի, ի՞նչ,—գոռաց իր ահարկու ձայնի ամբողջ ոյժով տանուտէր Աղաջանը,—ինքը պրիստաւը սուտ ա ասում, դու ըղձրթ. անաստած, անխղճմտանք սուտ ասողը նա մ, մ ղուռում-սնդ: Դու էդ քանի գլխանի ես, որ մեր աղի մասին էդհէնց խօսում ես. դու նրա թայն ես, հը՞. ի՞նչ ես հայվանի պէս տազ արել. դու մի էշ ես, նա մի երեւելի մեծաւոր: Վայենի պալաժենի ա հիմի, իսկի գիտում ես. քո տեղը օրէս ետը Սբիւրն մ, Սբիւրը. էլ ես քեզ հետ խօսալու բան չունեմ. դու պրիստաւին անխղճմտանք ու անաստած ասա, նրան ստի, նրան ուշուց տու... Մահտեսի, գրի,—դարձաւ նա գրագրին,—էս նմուտին մի հրապօրտ գրի մեր պարուն պրիս-

տաւին էն մասնի, որ Նազար Բաղդունցօվը նրա սուրբ խօսքը ստեց, նրան անխղճմտանք, անասուած ասեց, նրան ուշունց տուաւ, զանազան թիւնդ ուշունցներ ասեց... Քեզ կապած ու բխոված պտեմ ուղարկիլ, բխոված,—դարձաւ նա Նազարին, մօտեցաւ նրան, քեօխւայական շեշտակի ապտակներ տեց ու մի քանի անգամ էլ բամփեց, ուժգին խփեց գլխին, ասելով՝—դէ կներ, դէ կներ, շուն հարամզադա, դէ կներ, լաւ կներ ..

Նազարը չը բողոքեց, ի հարկէ. Թոմասն էլ չի բան ծպտաց. բողոքն անկասկած առաջ կը բերէր նոր հարւածներ ու աւելի ահեղ «հրապօրտի» նիւթ կը դահնար. խելագարւել էին, ի՞նչ ա, բողոքել, հակառակել, ընդիմադրել տանուտէրին ու այն էլ այն ժամանակ, երբ նա կատարում էր իր դուլլուղը, իր պաշտօնական պարտաւորութիւնները, «ցեպը ճիտը պցած», տանուտէրական շղթան հագած... Էդ դեռ ոչինչ. բա «վայեննի պալաժենին», որի մասին մի քանի րօպէ առաջ ակնարկեց տանուտէրը, որի մասին աւելի վաղ, ճրագալոյցի պատարագից առաջ ակնարկել էր Նազարին գլխի Չատին՝ նրա խուրջինը խուզարկելիս. այդ բառից Նազարի ու Թոմասի մագերը փշաքաղում էին բառիս բուն մտքով... Նրանք երկուսն էլ մնացել էին ապշած. լուռ ու սրտատրոփ դիտում էին «հրապօրտ» գրող մահտեսու գրչի շարժումները:

Մահտեսի Առաքելն իսկոյն սկսեց գրել «հրապօրտը»:

Մահտեսին, որն իրան մեծ գրաբարագէտ էր համարում, Նազարին ու Թոմասին կատարելապէս ահաբեկելու ու տանուտէրին հաճոյանալու համար ասպարէզ հանեց իր գրաբարի ամբողջ պաշարը: Երբ նա գրում էր, տանուտէրը, մատնանշելով մահտեսուն ու

վերջինիս առաջին դրած «հրապօրտը», շարունակ սպառնալիքներ էր կարդում խեղճ Նազարի գլխին:

Մի քանի րօպէից յետոյ ահաբեկիչ թուղթը պատրաստ էր արդէն:

Մահտեսին վերջացնելու վրայ էր, երբ Մատուրը, համբերութիւնը կորցրած, աղաղակեց՝

—Մահտեսի, ինչ որ գրել ես, բօլ ա. պրծի, կարդա՛ր հոգիս դուրս եկաւ էսքան սպասելուց:

—Կարդան,—ասաց տանուտէրը,—ադան, լաւ լսի, հարամզադա,—դարձաւ նա Նազարին:

Մահտեսի Առաքելը շտկեց գրելուց առաջ քթի վրայ սաղացրած ակնոցները, հազաց, մաքրեց կոկորդն ու սկսեց կարդալ «հրապօրտը» քիչ երգեցիկ, բայց խրոխտ ձայնով ու շեշտադրութեամբ: Տիրեց մեռելային լութիւն: Ունկնդիրները լարեցին իրանց ամբողջ ուշադրութիւնը: Նազարի ու Թոմասի ջանը դող ընկաւ. նրանք աւելի գունատեցին: «Առ նորին բարձր մեծապէս գերազանց բարձրութեան ու ողորմած բարեձննդութեան, բարեշնորհ իշխանազնոյ իշխանին,—կարդաց մահտեսին,—ամենապատուական աղային մերոյ ու պրիստաւին ուշաստօկի երկրորդ գաւառիս. ամենախոնարհ ուզբաշի-տանուտէր ու ստարշին և քեօխւայ Աղաջան Ազիզօվից ամենախոնարհապէս հրապօրտ վասն Նազար Բաղդունցօվի մասին, որ ետուր ուշունց զանազան նորին բարձրապայծառութեան աղային մերոյ, տուաւ զնա զմօրաւ, զհօրաւ և զկնկանաւ, քաշեց զմեռել և զկենդան նորին պայծառաբարձրութեան ողորմած աղայի մերում... Ուզբաշի Աղաջան Ազիզօվը վասն պատճառաւ անպրագիտութեան իւրոյ հրապօրտն զայս փեշատի միմիայն զարբունական կնիքովն իւր»:

—Դէ բեր փեշատեմ, մահտեսի,—ասաց տանուտէրը, հանելով գրպանից իր պաշտօնական կնիքը:

Այդ բոլորը լսելով, Նազարը քիչ մնաց թէ ծնկաչոք ընկնի տանուտէրի ու իշխանների առաջը՝ նրանցից ներողութիւն, գթութիւն խնդրելու:

—Գլխիդ ու արևիդ մատաղ, ուզըաշի, հրապօրտը փեշատիլ մի,—ասաց նա, դողդոջուն ձեռքը մեկնելով դէպի տանուտէրը,—ուզըաշի, ինձ էստեղ մորթի քո ձեռքով, ամա էդ հրապօրտի ըռեխը մի տալիմ խիզանին խեղճ եկ: Մեր աղէն սպրած կենայ. էս սհաթիս կը գնամ, վաղ տալով կը գնամ. նրա հրամանը կը կատարեմ ձեռաց. նրա խօսքը սուրբ ա ինձ համար: Հրապօրտը փեշատիլ մի, խնդրում եմ. Աստծու խաթրի հետի փեշատիլ մի...

—Չէ, փեշատիլ պտեմ. Սբիր պտես գնալ է, Սըբիր. հիմի վայեննի պալաթենի ա է, հանաք չի... Դու միսդ կերել ես, ի՞նչ ա, որ պրիստաւի խօսքը ստում ես, նրան անասուած ու անխղճմտանք ես ասում:

—Իմ լեզուն չորանայ տակոկից ու լալկի, թա ես նրան անասուած ու անխղճմտանք ասած ըլեմ, ուզըաշի:

—Որ Սբիր գնաս, էն վախտը կը լալկի, լաւ կը լալկի:

—Ահր որ Սբիր գնամ, իմ երեսէքը քո եթիմնեքը պտեն դառնալ. գեղի տէրը, գեղի ուզըաշին ես. ես էլ եմ քոնը, իմ երեսէքն էլ. դու պտես նրանց հոգսը քաշիլ ինձանից ետը. խեղճ եկ իմ օղլուշաղին, իմ երեսանցը. քաշի, ներողութիւն արս ինձ, ուզըաշի,—ասաց աղիողորմ ձայնով Նազարը:

Այդ շողոքորթ աղերսանքն անգամ չը մեղմացրեց տանուտէրին:

—Որ խիզանիդ համար ցաւիլը գիտում ես, պաղ-

լօծնի բան չի պտիր բռնիլ... Գիտում ես ի՞նչ ես արել, դուռումսաղ, իսկի դիտում եմ. դեռ պատլօծդ լաւ բացել չի, դեռ պրիստաւը կաշիդ պուկելաւ քննիլ պտի բեղ, դեռ խոստովանքի ա կանչում... Ոչ պաղլօծդ հաստատեց, մենակ քո տունը չի քանդելու է, քեզ պէս շան տղի տունը չի քանդելու մենակ. էս սաղ շինի տունն ա քանդելու, լօխիս տներն ա քանդելու քո պատճառաւ. ես խայտառակելու եմ պրիստաւի առաջին, պրիստաւը խայտառակելու ա նաշալ-նիկի առաջին, նաշալնիկն էլ խայտառակելու ա երանալ-գրոնատուրի առաջին. էն վախտը լօխի ջուղարն էլ դու պէտք ա տաս է, տաս: Շէնս դու քանդելու ես, շուն շան որդի. երանալ-գրոնատուրը երբ իմանայ, թա քո սատկած էշի գործումն ուրան խաբել ենք, շէնըս թոփի ըռըխում, թոփի բերանում կը գնի, բօմբավատ կանի, թուրքերից առած ջարմէն մեղանից ետ կուզի, շինումս գեկուցիա կը գնի ու մեզ, ինձ ու իմ իշխաններին, տանով-տեղով Սբիր կուղարկի և էդ լօխ բեղ պէս մի էշ շան տղի պատճառաւ. հիմի վայեննի պալաթենի ա է, հանաք չի... Չէ, դու կատրօծնի պրտես գնալ է, կատրօծնի. խիզանդ էլ սոված պէտք ա կոտորեն,—ասաց վճռաբար տանուտէր Աղաջանը ու դառնալով հրամանների սպասող գղիրին աւելացրեց՝ —Աղս, ան Չատ, հազրելի, պատրաստի, որ էս շան տղին տանես պրիստաւի կուշտը. պէտք ա էս գիշեր տանես, հէնց էս սհաթիս...

Սարսափից Նազարի լեզուն պապանձեց իսպառ. էլ չը կարողացաւ բան խօսել. անթարթ աչքերը յառած անարկու տանուտէրին ու իշխաններին նա սկսեց ինչ-որ բան կմկմացնել, բայց պարզ ասել իր ասելիքը չը կարողացաւ. լոնց ու ապշեց, փափախով սրբելով ճակատի սառը քրտինքը:

Տանուտէրը կնքեց «հրապօրտը» ու տւեց մահտեսի Առաքելին, հրամայելով ծրարել:

Տեսնելով, որ տանուտէրը բալորովին հանաք չէ անում ու վտանգը շատ մեծ է, Նազարի եղբայր Թոմասը միջամտեց: Իբրև հասակով աւելի մեծ ու հետեւաբար տւելի փորձուած մարդ, նա իսկոյն հասկացաւ, թէ ինչպէս ու ինչով կարելի է սպառնացող «փորձանքի» առաջն առնել. նա յիշեց Նազարի բերած գինիարաղը: որի մասին գինուց դեռ ճանապարհին լակած գզիր Չատին անշուշտ յայտնած էր դիւղի մեծերին, ու, եղբօրը մօտ կանչելուց ու ախանջին քիչ փսփսալուց յետոյ, որոշեց զոհել բերած բարիքը, խնամիների հրաւէրը յետաձգել և այդպիսով մի կերպ խեղճ եղբօրը անակնկալ «փորձանքից» ազատել:

— Լաւ, ուղբաշի Աղաջան, շինի իշխաններ, — ասաց Թոմասը, — ախպէրն իմն ան, ձեզ եմ տալիս, ձեզ եմ բաշխում: Սբիր չի, որ Սբրից էլ դէնն ուղարկեցէք. ես սրա խիզանին կը պահեմ: Առաջ եկէք գնանք մի պատառ հաց ուտենք, թաթախենք. ազիզ իրիկուան, Չատիկ ան. ոչ մենք ենք թաթախուել դեռ, ոչ դուք: Աղբաթիխէրի մարդիկ, ի՞նչ էք էդքան շինի համար ցաւում, չարչարում, ի՞նչ. չլայ էսհէնց ազիզ իրիկունն էլ ձեզ խնայում չէք. գիշեր-ցերեկ ձեր ազիզ կեանքը մաշում էք գեղի ու ժողովրդի համար: ձեր արած լաւութիւնները ո՞վ պիտի գիտաւ, մի. ձեզ խնայեցէք մի պատառ, ձեր հոգսն էլ քաշեցէք: Եկէք գնանք. Նազար առաջ ընկի: Հայվան ես, հայվան, — ասաց նա եղբօրը, — էս մարդկանցը կանչի, տար պատիւ տուր, ուտացրու, խմացրու, որ Աստուած քեզ քօմակ հասնի, որ սրանք քեզ համար ցաւեն, որ պրիստաւի ու նաշախնիկի կշտին քո օգտին խօսան:

Նազարն իր կողմից ևս հրաւիրեց ու առաջ ընկաւ:

Տանուտէր Աղաջանը ուզեց մի քիչ էլ նազ անել, աւելի թախանձանօք խնդրել տալ, իր իշխանութեան ահաւորութիւնը լրիւ, իր ամբողջ չափով ցոյց տալ, բայց Ծատուրն ու Մարութը ետևից բռունցքներով բռնեցին նրան առաջ, կամացուկ, Թոմասի համար անխելի կերպով, ասելով՝

— Չայնդ կտրի՛ր ու տազ արած առաջ ընկի. հորսը հազուր ճանկ ա ընկել. պրծի՛, գնան, էլ կանգնիլ մի. սոված ու ծարաւ մեռանք:

Տանուտէրը դուրս եկաւ դիւանատնից. նրան հետևեց շքախումբը: Սոսրովը չէր ուզում գնալ, Ծատուրի ու Մարութի սարքած բանին չէր ուզում մասնակցել ու այդպիսով Աստուծոն տալիք իր հոգին դժոխքում տանջելու վտանգին ենթարկել, բայց վերջի վերջոյ ենթարկեց տանուտէրի հարկադրական պահանջին ու միւսների հետ միասին ուղղեց իր քայլերը դէպի Նազարի խրճիթը:

«Հրապօրտը» մնաց գրագիր մահտեսի Առաքելի ձեռքին:

#### IV

Նազարն շտապով գնաց տուն պատրաստութիւն տեսնելու:

Թոմասն ուղեկցեց հիւրերին, զրուցելով նրանց հետ:

— Ի՞նչ հօրն օղորմի, Թոմաս, — դարձաւ տանուտէրը Թոմասին, — դրուստ ես ասում, որ մեր կեանքը մաշում ենք գեղի ու ժողովրդի համար, որ աման մարդ էլ էդ բանը քեզ պէս հասկանայ, մենք էլ պառաւիլ չենք, գեղի ցաւ ու չորը վիզ կալած մինչև մեր վերջը տազ արած կը տանենք: Ինչ էս լուծը մեր հա-



սարակութիւնը իմ վզին ա դրել, մի դինջ օրի երես չեմ տեսել. գիշեր-ցերեկ իմ իշխանների հետ միասին չարչարում եմ հասարակութեան օգտի համար: Ձանս հալել ա ու մաշել թամամ:

—Բա ես էդ օրին չեմ, ես հանգիստ քուն ունեմ. թի՛ք ես մենակ քեզ գովում,—ասաց Բիսմարկ Մատուրը,—էս վերջի քառասուն տարումը տասը-տասնհինգ ուղբաշի ա փոխել, իսկ գեղի ծանր բեռը միշտ ինձ վրայ ա ըլել ու միշտ ինձ վրայ:

—Մենակ ինձ չեմ գովում,—ասաց տանուտերը,—դու էլ ես իմ օրին, Մարութն էլ, բոլոր իշխաններն ու մեծամեծներն էլ. թող հասարակութիւնը գիտայ ու գնահատի է, պիտայ ու գնահատի:

—Հասարակութիւնը գիտում ա, գնահատում ա միշտ, ուղբաշի,—ասաց Թոմասը,—բամբասողներ, ձեր լաուութիւնը չիմացողներ, դրուստ ա, պատահում են, ամա շատ քիչ. դէ հիմի վայիս մարդիկ ճրտեղ չի կան, հու մենակ մեր շինումը չեն: Ասուած քեզ քո մեծամեծներով միշտ սաղ պահի մեր դեղի համար. առանց ձեզ գեղը մի օր անգամ եօլա չի գնալ, կը քանդուի, քարուքանդ կըլի. մենք թամամ քեափուրի հողումը կը մնանք. լաւն էն ա էն վախտը գետը վարարի ու գայ մեզ սկի տանի... Կանոխ արէք մի, կանոխ. հրեւտին գնանք Աստծու տւածով թաթախենք:

Նազարի խղճուկ խրճիթը հազիւ տեղաւորից անկոչ հիւրերին:

Մկաւեց կեր ու խումը. ուտում էին ձու, ձուկը, պանիր, կանաչի, փլաւ, այնպիսի ախորժակով, որին լեռնային ոռնացող «ծաղկակոխն» անգամ կարող էր նախանձել...

Տկճորներից ամենից առաջ ձեռք առան արագիւնը: Երբ նա կիսով չափ դատարկեց, Նազարը

դուրս քաշեց պուճախից գինու տկճորը, յուսալով այդպիսով արաղի կէսը փրկել:

Մատուրը, նկատելով այդ, ասաց.

—Նազար, վազիլ մի, դրա դազնանէն ետնայ կաննք դեռ. թող մի առաջ արաղի բազբօրը պրծնենք:

Բիսմարկ Մատուրը սիրում էր այս ու այն պաշտօնեայից յաճախակի լսած ու այդպիսով իւրացրած, սովորած ոսերէն բառեր վործածել, որոնց միտքը մեծ մասամբ չէր հասկանում: Այդ նրա հեղինակութիւնը ամբոխի աչքում անչափ բարձրացնում էր. նրան մեծ օրէնսգէտ էին համարում: Շուտով վերջացրին արաղի «բազբօրը», այսինքն դատարկեցին նրա տկճորը ու սկսեցին գինու «դազնանէն»...

—Հրեւտին եկ է, ա իմ իգիթ ախպէր, նամուս ու դէյրաթ, կեանք ու հոգի տւող տկճոր,—ասաց խորին ողևորութեամբ Մարութը, երբ գինու տկճորը եկաւ ասպարէզ.—կենքումս մեղք շատ եմ գործել, գիտում եմ, որ ախիրն ու վերջը դժոխքը պտեմ գնալ. ամա որ դու կշտիս ըլես էն աշխարհում, տկճոր ջան, ա իգիթբաշի, դժոխքն ինձ համար դրախտ կը դառնայ...

—Էնհէնց չի, Մատուր,—դարձաւ նա Բիսմարկին, աշխարհիս լազաթը գինիի տկճորումը չի:

—Էնհէնց ա, Մարութ, էդհէնց. որտեղ լիքը տկճոր կայ, դրախտն էնտեղ ա. տկճորի հետ հազար տարի դժոխքումը կապրիմ, ամա դրախտումն առանց նրա մի օր էլ չեմ ապրիլ, մի օր,—ասաց Բիսմարկ Մատուրը.—Նազար գինին ածա, պրծի, ի՞նչ ես տաղ արել, ծարաւ մեռանք ահր,—դարձաւ նա Նազարին:

Նազարն սկսեց ածել գինին, մեծամեծներն սկսեցին խմել, բայց ոչ այն փոքր բաժակներով, որոնցով խմում էին արաղը, այլ մեծ գաւաթներով:

Առաջին գաւաթը խմելուն պէս Մարութը, հիա-

ցած գինու համ ու հոտից, ասաց դառնալով գզիրին՝  
—Մեռնես ոչ, ւն Չատ, լաւ ես ճանանչել. ճըշ-  
մարիտ որ խելքաւոր տկճոր ա սա, թամամ քեզ պէս  
խելքի բուն ա. գինին էլ դէ հու էն ա խալիս մեռուն  
ա... Ահր զուր չասեցի,—դարձաւ նա սեղանակիցնե-  
րին,—որ էս գլխամեռին մի պասրեգնիկի խելք ունի...

Նազարն ու Թոմասը իրար երեսի լուռ ու շեշ-  
տակի նայեցին. առանց բառերով արտայայտելու  
նրանք հասկացան իսկոյն, որ իրենց գլխին եկած ա-  
նակնկալ պատուհասում նշանաւոր չափով խառն է  
գզիրի մատը. խուրջինը Ղուռուխի ձորում խուզարկե-  
լուց ու մի փափախ գինին լակելուց յետոյ տկճորների  
մասին նա անկասկած մանրամասնօրէն զեկուցել է ում  
և ինչ հարկն է...

—Նազար,—դարձաւ Մարութը Նազարին,—մի  
տկճորի գլխից էդ գլխամեռին մի փափախ գինի տու-  
ադն, —դարձաւ գզիրին,—փափախդ դէմ արա տկճո-  
րի բերանին, լաւ լցրու ու թամուզ խմի քու ուզբա-  
շի ու շինի մեծամեծների կենացը:

Մարութի ցանկութիւնն իսկոյն կատարեց:

Գինով լիքը փափախը ձեռքին գզիրը կանգնեց  
տեղից ու աղաղակեց՝

—Ուզբաշին ուրան իշխաններով ապրած կենայ.  
Աստուած մեր ուզբաշիին ու շինի մեծամեծներին շան-  
սաղութին տայ ու անփորձանք պահի:

Բարեմաղթութիւնն անելուն պէս փափախը գըլ-  
խին քաշեց ու բոպէսպէս դատարկեց:

Կեր ու խումը շարունակեց: Երբ գլուխները քիչ  
տաքացաւ, թամադա պահանջեցին. տանուտէր Աղա-  
ջանի առաջարկութեամբ միաձայն թամադա ընտրեց  
Բիսմարկը, որն ըստ սովորականին հրաժարեց, բա-  
ւականաչափ կոտորատեց, վերջ ի վերջոյ գիջեց ու ըն-

դունեց պատուաւոր պաշտօնը: Սեղանակիցները լաւ  
գիտէին, որ եթէ մի ուրիշի ընտրէին թամադա, Մա-  
տուրը կը նեղանար սաստիկ ու հացը գլխներին հա-  
րամ կանէր, կը փչացնէր այն հրաշալի տրամադրու-  
թիւնը, որով բռնկած էին բոլորն էլ: Թամադան ա-  
ռաջարկեց բազմաթիւ կենացներ. ի միջի այլոց մի ա-  
ռանձին ոգևորութեամբ առաջարկեց նա պրիստաւի,  
նաչալնիկի ու բարձր իշխանութեան կենացները՝ հա-  
մապատասխան ճառերով. բարձր իշխանութեան կենա-  
ցը տանուտէր Աղաջանի առաջարկութեամբ խմեց  
յոտնկայս: Գզիրին երբեմնակի խմացնում էին իր փա-  
փախով ու զւարճանում այսպիսով...

Քէֆն իր գագաթնակէտին հասաւ, երբ աքաղաղը  
կանչեց. յայտարարեցին, որ նաւակատիկը աքաղաղի  
կանչելով վերջացաւ ու հետևաբար կարելի է միս ու-  
տել. ասացին, որ հաւի մսից պատրաստած խորովածը  
գինու հետ ու փլաւի վրայ շատ լաւ կը լինի:

Գաղափարը տեւեց թամադա Բիսմարկը. արծար-  
ծեց Մարութը, ակնարկելով, որ մերձակայ այն հա-  
ւաբունում, որտեղ այնպէս զիլ կանչում է աքաղաղը,  
անկասկած բաւականաչափ հաւեր կան... Գզիրը յա-  
ռեց աչքերը տանուտէրին. պարզ էր. հրամանի էր  
սպասում՝ հաւաորութեան գնալու... Չատին բաւա-  
կանին փորձած ու հմուտ էր այդ գործում. տանու-  
տէրական ու իշխանական քէֆերին հաւի խորոված մա-  
տակարարիլը նրա պաշտօնական պարտաւորութիւննե-  
րից միին էր. հաւաորութիւնը գզիրական որսորդու-  
թեան ամենամեծ տեսակն էր. երբեմնակի որսում  
էր նաև սագեր, բազեր ու հնդուհաւեր. զարնան սեղո-  
նում, Չատից յետոյ, որսում էր արու փափկադմակ  
գառներ. աշնան սեզօնում որսում էր արու փափկա-  
միս ուլեր կամ ըստ իր՝ դրբուներ, որոնց միսը աշ-

նանը, գինու նոր պարզած ժամանակը, առանձնակի քաղցրութիւն ունի... Կորուստաւորները, որոնք համարեա բացառապէս գիւղի յետին խեղճերից, այրի կանանցից, ազդեցութիւնից ու կապերից զուրկ տնե-րից էին լինում, հետեւալ օրը գալիս էին դիւանա-տուն, գանգատում տանուտէրին, դանգատում դա-տաւորներին, յաճախակի սուգ ու շիւանով դիւանա-տունը լցնում. մինը հաւեր էր լինում կորցրած, միւսը սագ, բազ կամ հնդուհաւ, աչքի լոյսի պէս մի ազիզ օրւայ՝ տղի կամ աղջկայ նշանդրէքի, հարսանիքի՝ համար պահած. երբորդի կորուստը գառ էր լինում, չորրորդինը դըբո... Տանուտէր Աղաջանը կատաղում, բորբոքում էր այդ գանգատները լսելիս. շանթեր էր արձակում «անյայտ» գողերի հասցէին, սպառնում էր նրանց «վայննի պալաժենիի» բոլոր սարսափներով, ահարկու հրամաններ էր արձակում. հրամայում էր գնալ բերել ու բանտարկել դիւանատան կից նկու-ղում գիւղի այս կամ այն թափառաշրջիկին, անգործ թրև եկող լօթուն, ըստ իր՝ ժուլիկին, պաժարնիկին, իրրև աներկբայելի գողի. գզիրն իսկոյն վազում էր բերում ու բանտարկում այդպիսիներին: Տանուտէրը սեփական ձեռքով, յաճախակի գզիրի եռանդուն աշ-խատակցութեամբ, նաև ծեծում, ջարդում էր այդպի-ներին, իբրև գեղը խայտառակողների ու խեղճերի տները քանդողների, սպառնում էր պրիստաւին զրկե-լիք «հրապօրտով», սպառնում «վայննի պալաժենիի» խստութիւններով ու ջարմա, տուգանք առնում նրան-ցից՝ պաշտօնապէս յօգուտ կորուստաւորների, իսկ իրապէս յօգուտ իւր ու մերձաւորներից մի քանի ընտ-րեալների զբաղանքի... Կորուստաւորներից հազա-գիւտ բախտաւորներն էին մի բան ստանում այդ տու-գանքներից: Դժգոհներից եթէ պատահում էին այն-

պիսիները, որոնք յանդգնում էին շատ խօսել, իրենց հասանելիք ջարման պահանջել, առանց սեռի խտրու-թեան մի քանի ազդու հարւած էին ստանում՝ անմի-ջապէս ուղբաշուք, տանուտէրից, կամ նրա հրամանով գզիրից՝ ու խեղճները գլուխները հաւաքած գնում տուն... Կորուստաւորներից ու տուգանք տուողներից շատերը, երբեմնակի նոյնիսկ ամբողջ գիւղը, գողու-թեան այս կամ այն դէպքում լաւ գիտէին, թէ՛ սիվ, սիվքեր են իսկական գողերը՝ յանցաւորները, բայց ի՞նչ կարող էին ասել կամ անել. չէր գտնուում մէկը, որը նրանց փուչերը բանալու, նրանց հետ բացարձակապէս բռնելու խելագարութիւնը կամովին յանձն առնէր... Ճարները կտրած գիւղի տիրոջ, տանուտէրի փեշն էին բռնում ու ասում՝ վերև Ասուած, ներքև դու, ուղբաշի-Աստծու ուրան խաթրի հետի մեր ցաւին, մեր դար-դին մի դարման արա... Տանուտէր Աղաջանն էլ իր գիտեցած ձևով ու միջոցներով դարման էր անում նրանց ցաւերին...

Մարութի ակնարկը լսելուն պէս տանուտէր Աղա-ջանը արձակեց ցանկալի հրամանը:

—Աղա,—դարձաւ նա գզիրին, որը հրամանի առաջին բառը լսելուն պէս կանգնեց տեղից,—գնա էս սհաթիս մի քանի հաւ ճարի, փափուկ մսաւոր հաւ. լաւերն ըլին հմ. կոշտ միսը բարաթ կարում չեմ ծամեմ...

—Իմ էս ջոխտ աչքիս վրայ, ուղբաշի,—աղաղա-կեց գինովցած ժրջան գզիրն ու դուրս թռաւ սե-նեակից:

Երբ մեծամեծները ու ինքը տանուտէրը հաւի խտրոված ուտելու ցանկութիւն արտայայտեցին, նա-զարը, թոմասը ու պուճախից հիւրերի համար ուտե-լիքներ ուղարկող կանայք մտաբերեցին, ի հարկէ,



իրենց հաւերին, որոնց մասին սեղանակիցներից Մարութը բաւականին պարզ ակնարկեց... Հաւեր մորթե-լու մասին խորհրդակցելու հնարաւորութիւն չկար այդ րօպէին. իւրաքանչիւրում նրանցից միտք յղացաւ գնալ երկու հաւ գոնէ բերել, մորթել ու անկող հիւրերի ըռեխները գցել, բայց ոչ ոք վճռականութիւն չունեցաւ անել այդ իսկոյն և եթ. կարծում էին, թէ կասն, կը խօսան այդ մասին ու տնեցիներից արձագանք չը լսելով իրենց ասածին, կամաչեն, տազ կանն, կերածներով կը բաւականան. գիտէին և այն, որ իրենց կատարեալ լուծեան դէպքում գզիրը կարող է տանուտէրի հրամանով հաւաորութեան գնալ. այդ բանը, այդ աղաթը ամբողջ դիւղին յայտնի էր... Այդ դէպքում յոյս ունէին, որ իրենց տանն այնքան առատօրէն կերած ու խմած գզիրի սրտում անքան գուրբ ու խղճմտանք կը լինի, որ նա նրանց խաթրը կանի ու որսորդութեան համար ուրիշ հաւաբուններ կը գնայ, այլ ոչ նրանց... Երբ գզիրը դուրս վազեց տանուտէրի հրամանը կատարելու, տնեցիներն սկսեցին իրենց մտքերում աղօթել, Աստուած կանչել՝ գզիրական գթասրտութեան արժանանալու յուսով...

Քաջարի որսորդը շուտով վերադարձաւ հարուստ աւարով՝ հաւի եօթ հատ արիւնաթաթախ դիակներ ձեռքին, արժանանալով բուռն օվացիանների ու արտաքոյ կարգի գովասանքների. ինքը տանուտէրը արժանացրեց նրան մի այնպիսի գովասանքի, որը հազազիւտ դէպքերում ասում է նա այս կամ այն իշխանին, համփային, գիւղի այս կամ այն ազգեցիկ մարդուն, որ մինչ այդ ոչ մի գզիր աշխարհումս դեռ չէր լսած. տւեց նրան այդպիսով մի անգնահատելի բարձր պարգև, որի շնորհով գզիր Չատին արար աշխարհի գզիրներից

ամենանշանաւորը, ամենահոգակաւորը, հետեաբար և ամենաառաջինը դարձաւ. նա ասաց իր գզիրին՝

—Ա. Չատ, ա՛ գլխամեռ, քեզ թամամ մի պրիստաւի խելք ունես...

Այդ որ գզիրն էլ լսած իր ուզբաշուց. Չատին շատ տանուտէրների էր ծառայած, շատերի էր մեծ ծառայութիւններ մատուցած. տանուտէր Աղաջանից ու նրա նախորդներից հազազիւտ դէպքերում պատահած էր նրան լսել, որ ինքը մի բոսնիկի խելք ունի, որը շատ մեծ գնահատում էր համարում՝ ոգևորիչ, թեւաորող. իր խելքի այդ մեծութիւնը այս ու այնտեղ գիւղում, կարիք եղած դէպքերում, մատնանշում էր ու այդպիսով աւելի զարկ տալիս իր պրեստիժի բարձրացման... Այդ երեկոյ էլ դիւանատանը, երբ գեկուցանում էր իր ու Նազարի մէջ տեղի ունեցած խօսակցութիւնը, առաջին անգամ կեանքում լսեց իշխաններից մէկից, Մարութից, որ ինքը մի պասրեղնիկի խելք ունի. Մատուրը հաստատեց այդ ու նոյն իսկ ակնարկեց, որ Չատին իրենց շրջանի այժմեան «մրովի պասրեղնիկից», հաշտարար միջնորդից, աւելի խելօք է. Նազարի տանը Մարութը նոյնը կրկնեց, երբ խմեց Չատիի գոթած գինին. Չատին իրեն անչափ վարձատրեւած համարեց, բայց այդպիսի գնահատման մասին, ինչպիսիին նա արժանացաւ ուզբաշուց, նա երևակայել անգամ չէր կարող. իր երկարամեայ գզիրական բազմաչարչար ծառայութեան ընթացքում նա երբէք յանդգնած չէր այդպիսի բանի մասին մտածել, երազել անգամ... Լինել գզիր, ուզբաշի չօվուշ, ու ունենալ պրիստաւի խելք, խելքով հաւասար լինել իրեն պրիստաւին, որը նրա ու բոլոր գիւղացիների խորին համոզմամբ պասրեղնիկից օխտն աստիճանով բարձր մեծաւոր է, քանի որ պասրեղնիկին մէկ, ամենաշատը

երկու ստրաժնիկ է ուղեկցում շրջագայելիս, իսկ պըրիստաւին օխտն-ութը, երբեմնակի նոյն իսկ տասը տասնհինգը՝ բօտնիկի հետ միասին,—էլ դրանից աւել ինչ բախտաւորութիւն կարող է լինել աշխարհումս չօվուշի համար...

Երբ օվացիաները վերջացան, երբ տանուտէրական գերազանց գովասանքը լսեց ու թեւաւորեց հոգով, քաջարի որսորդը առանց քաշելու յայտարարեց, որ Նազարի հաւարունում թողել է միայն մի հաւ ու աքաղաքին՝ դմազլլի համար, այսինքը սերունդի շարունակման. աւելացրեց, որ աքաղաղին, չը նայած ախորժակ շարժող նրա պարարտութեան, թողել է նաև այն բանի համար, որ նա առաւօտները տնեցիներին շուտ վերկացնի ու բան ու գործի ուղարկի...

Նազարի ու Թոմասի կանայք միւսի ետևում, մեծ դժւարութեամբ զսպելով իրենց հեկեկանքը, որն ամեն բայէ սպառնում էր պայթել, արտասւելով թեփոնցին հաւերն ու խորովեցին, անկոչ հիւրերի գլուխներն անընդհատ հողելով: Մինչև լուսաբացը գիւղի մեծերն ուտում էին հաւի խորովածն ու խմում գինին:

Նազարի կինը չը համբերեց. գնաց հաւարուն՝ սեփական աչքերով տեսնելու գլխի գործած աւերմունքը. գնաց, տեսաւ իր գլխին եկած աղէտը, կոտորած հաւերի գլուխները հաւաքեց ու փեշում բերաւ տուն: Գինովցած հիւրերը նրա գնալ-գալը չը նկատեցին համարեա: Երբ Նազարի կինը ցոյց տւեց իր տէքրակնոջ հաւերի գլուխները, նրանք լսելի կերպով հեկեկացին, ճչացին համարեա, քիչ մնաց, թէ դուրս գային սիւնի ետևից, անխօսութիւնն այն կողմը դնէին ու հիւրերի գլուխները բարձրաձայն հողէին, բայց զգաստ Թոմասը մի ակնթարթում տեղից վեր թռաւ, նետեց իրան պուճախն ու իսկոյն և եթ լոնցրեց նը-

րանց, ասելով՝ «Տաղ արէք, սուս, լալկեցէք, ձէն ու ծպտուն միք հանիլ, շան աղձկէք, որ էս սհաթիս ձեզ կը մորթեմ. խիզանը թող ցամաք հաց ուտեն, էս մարդկանցը պատեցէք. օխտը հաւի տեղ, որ տասն օխտը հաւ ուտեն, էլի տաղ արէք. նրանց պատիւ տալով Նազարին Սքիբից թափում ենք է, թափում. որ բօշ անենք, Նազարը թիւշ կատրօժնի ա գնում է, ձեր հէրն անիծած. հիմի վայեննի պալաժենի ա, իսկի գիտում էք, հասկացէք ու տաղ արէք. որ էս մի կէնս կթի կողմն էլ չւայ գնան էս սհաթիս թովլից դուրս քաշեն մորթեն, բան չի ծպտաք, թէ չէ ձեզ կը կոտորեմ»...

Խեղճ կանայք լոնցին ու, աղի արտասուք թափելով, շարունակեցին հաւի միսը խորովել, այն համոզմամբ, որ այդպիսով Նազարին ազատում են Սքիբից ու նրա հետ միասին Բաղդունց օջաղը մի մեծ դժբախտութիւնից, մի անօրինակ աղէտից... Նազարն ու Թոմասը վաղուց բաժանւած էին իրարից ու ապրում էին առանձին տնտեսութեամբ, առանձին, իրար կից տներում. բայց շողկապւած էին անկեղծ եղբայրական սիրով: Գիւղի մեծերի անակնկալ արշաւանքից գլխաւորապէս տուժեց Նազարը, թէև Թոմասի տանից էլ բաւականին «ային-օյին» բերան անյազ գայլերի ըռեխներն ու որովայնները լցնելու համար...

Երբ հիւրերի քէֆն անչափ չաղացաւ, երբ զօրաւոր ու «խելքաւոր» տկճորները շնորհով նրանց սըրտերը կատարելապէս փափկեցին, բոլորն էլ միաբերան խնդրեցին տանուտէրին ներել Նազարին: Տանուտէրը, որը նոյնպէս բաւականաչափ փափկել էր, նազարեց, որից սակայն ներման յոյսեր նկատեցին. տանուտէրական նազը շուտով կտարեց շնորհիւ Բաղդունց մեծ հարսի, Թոմասի կնոջ, որը գնաց իր տնից

մի զոյգ ընտիր նախշուն գուլպայ բերեց ու դրեց տանուտէրի առաջին: Տանուտէր Աղաջանը, սաստիկ զգացած այդ անակնկալ պատուից, օրհնեց խելացի հարսին ու յայտարարեց կատարեալ ներուսն. հրամայեց գրագիր մահտեսի Առաքելին պատուով հռչակաւոր սրահ տանել, որի հրաշագործութեան շնորհով այնքան գինի-արող խմւեց, այնքան քէֆ արւեց. Նազարին պրիստաւի մօտ ուղարկելը խափանեց, խոստանալով անձամբ բարեխօսել նրա համար պրիստաւի առաջին ու այդպիսով նրա զօրաւոր հովանաւորութեան տակ դնել Նազարին, եթէ Աղքեանդի իշխանները պնդեն իրենց ասածների վրայ, աշխատեն պաշտօնական ընթացք տալ նրանց, որ Նազարն իբր թէ իր էջը մի անյայտ թարաքեամի վրայ ծախել է ու Աղքեանդի հասարակութիւնից զուր տեղը տուգանք ստացել իշխանութեան հրամանով:

Մատուրն ու Մարութը խոստացան յատկապէս գնալ Աղքեանդ, տեսնել Սարւին ու Բայրամին ու խնդրել, համոզել նրանց, եթէ պրիստաւը քննութիւն ձեռնարկի, փոխեն իրենց խօսքերը, յօգուտ Նազարի ցուցմունք տան ու այդպիսով մի էջի պատճառով երկու հարկան գիւղերը, հայ ու թուրք, դարձեալ չը թշնամացնեն իրար հետ...

Տկճորներն այնչափ խոր տպաւորութիւն էին գործել տանուտէր Աղաջանի վրայ, որ նա ոչ միայն անպայման ներեց Նազարին, այլև անկեղծ ցաւ յայտնեց նրան ծեծելու համար, նոյն իսկ ներողութիւն խնդրեց նրանից ու ինքն իրան պարսաւեց, յանդիմանեց, անկեղծ զայրոյթով անիծեց իր ձեռքը, որն ըստ իր վատ սովորութեան, հրաւերից առաջ, դիւանատանը, մի քանի անգամ սատանայի դրդմամբ ուժգին թափով դիպաւ Նազարի գլխին:

—Էս ձեռը չի քեզ տւել,—ասաց տանուտէրը, ցոյց տալով իր աջ ձեռքը Նազարին,—դէ չորանայ սա. հրէս է, տես. իմ էս ձեռը չորանայ, որ քեզ տւել ա, քեզ դիպել ա. լաւ եմ ասում. դէ հու ինձանից նեղանում չիս: Գիտում չեմ անտէր սատանէն էն նեղ սիւթումը ճրտեղից եկաւ կոնատակս մտաւ, ձեռս դուրուր տաւ, ու էս չորացածն էլ քեզ նի կալաւ. Մեղաւորն էս չորացածն ա է, էս, էս չեմ...

—Ատա խի ա չորանում,—բողոքեց Թոմասը,—էդ ի՞նչ ես ասում, մ աղքաթիխէրի մարդ. որ քո ձեռը չորանայ, բա էս շէնն թվ կը կառավարի, թվ կը պահի. ձեռդ դիւար կենայ, ուղբաշի Աղաջան. քո ձեռն ա, որ էս գեղը կառավարում ա. զօրաւոր կենայ քո ձեռը, զօրաւոր... Ախպէրն իմն մ,—լաւ ես արել, որ տւել ես. իմ կողմանէն ես տէր եմ, համաձայն եմ. մեր ուղբաշին ես, մեր օրէնքն ես, իրաւունք ունես. որ քեզ լսում չեն, պէտք ա տաս, պէտք ա թակես: Մեզ պէս ռահաթի կարկաժը շատ ա պինդ. ինչքան տաս, ինչքան նի պրանես, գետաքարի պէս դէմ կը կենայ, կոտորիլ չի: տո՛ւր, որ քեզանից վախեն ու քեզ լսեն, տո՛ւր արխային:

—Հալբաթ քի, մեր ուղբաշին ես, իրաւունք ունես. պէտք ա տաս,—ասաց Նազարը,—որ մեզ բօշ անես, որ չը տաս, չը թակես, մենք իրար միս կուտենք... Ես քեզանից իսկի նեղացած չեմ:

—Ադա, ուղբաշի ձեռը պաշի, ուղբաշի ձեռը պաշի, որ քեզ էն փորձանքիցն ազատեց,—հրամայեց Թոմասը Նազարին:

Նազարը կատարեց եղբօր հրամանը, համբուրեց տանուտէրի ձեռքը: Այդ անակնկալ պատուից, մեծարումից, տանուտէր Աղաջանը յուզւեց սաստիկ ու համբուրեց Նազարի ճակատը:



Առաւօտեան ժամասացութիւնն սկսելուն մօտ էր, երբ գինու տկճորն իսպառ դատարկեց: Հիւրերը վեր կացան վերջապէս ու ցրեցին, որ ժամ գնալուց առաջ մի քիչ աչքահուփի տան, հանգստանան՝ «սաղ գիշերը, ինչպէս խիստ լրջօրէն ասաց Բիսմարկ Ծատուրը ցրելիս, յօգուտ հասարակաց չարչարելուց յետոյ...»

Թոմասն ու Նազարը, խորին շնորհակալութիւն յայտնելով տանուտէրին, իշխաններին ու նրա բոլոր մեծամեծներին, ճանապարհեցին նրանց մինչև փողոցը:

Երբ անկոչ հիւրերը գնացին, Նազարի խղճուկ խրճիթում ազիզ օրւայ համար ուտելու ու խմելու ոչինչ չը կար այլ ևս. դատարկ էին՝ հացի տաշտը, իւղի ու ձկան պուլիկները, բրնձի տոպրակը, ձուաների քթոցը ու պանրի քսակը. դամարկ էին չարաքաստիկ տկճորները. դատարկ էր նոյն իսկ հաւաքունը...



## «ԱՍԻՍՏԵՆՏԸ»

### I

Մակի ապէրը մեռաւ ութսունհինգամեայ հասակում, մեռաւ խեղճ մարդն իր մուրազին չը հասած:

Նրա մուրազն էր հարիւր տարին թամամել, լրացնել, տեսնել իր ծուռներին ու հուռներին ու յետոյ միայն թողնել անցաւոր աշխարհը: Մեռաւ Մակի ապէրը՝ ամբողջ երկու շաբաթ ծանր հիւանդութեան ճանկերում տանջելուց յետոյ, սաստիկ փորացաւից: Բոլոր ժամանակ «վայ փորս, վայ փորս» էր աղաղակում նա ու մի ճար, մի օգնութիւն ու թեթևութիւն աղերսում շրջապատողներից. բայց իզուր. գործ դրած ճարը նրա հիւանդութիւնը աւելի սաստկացրեց, կըրկնապատկեց, տասնապատկեց նրա ցաւերը, ու խեղճն անտանելի ցաւերից մեռաւ վերջապէս, ազատեց այդպիսով բազմատեսակ ցաւերով հարուստ մեր էս անցաւոր աշխարհից...

Մակի ապօր հիւանդութեան չորրորդ օրը բոլորովին անսպասելի կերպով զիւղն եկաւ գաւառական բժիշկը, որը տեղական դատական քննիչի հետ միասին եկել էր սովորական պաշտօնական գործերով. մի քանի ամիս առաջ պատահած ինչ-որ սպանութեան զոհի դիակը պէտք է հանէին գերեզմանից, անդամահատէին ու արձանագրութիւն կազմէին ըստ օրէնքի:

Մակի ապօրենց տանը, երբ լսեցին բժշկի գալու մասին, անչափ ուրախացան. կարծեցին, թէ հէնց

Աստուած ինքն է ուղարկել նրան յատկապէս Մակի ապօր համար: Վարդանը, հիւանդ ծերունու մեծ որդին, իսկոյն վաղեց գիւղական իջևանատունը, որտեղ իջնում ու ապրում են գիւղը եկած պաշտօնակաները. ուղեց ներս մտնել, բայց շէնքի մօտ կանգնած գզերը յետ հրեց, ասելով՝

—Չայ են խմում. կարելի չի. ի՞նչ ունես ասելու, ի՞նչ գործ ունես քեզ սլեստչի ու ղօխտուրի կշտին:

—Ակուփ, ապէրը հիւանդ ա է, շատ ա դժար, մեռնում ա թամամ,—ասաց Վարդանը,—եկել եմ ղօխտուրին տանեմ. թո՛ղ, քեզ մատաղ, գնամ կուշտը:

—Մեռնիլ չի. Մակի ապօր կողքը շատ ա պինդ. տազ արած ետ դառ տուն. ղօխտուրն ինձ հրաման ա արել, որ թող շանեմ մարդ մտնի կուշտը:

—Ակուփ, քեզ մատաղ, ինձ համար մի կերպ արն, թող մտնեմ. ես չոք-չոք կանեմ ղօխտուրի առաջին. խեղճ կը գայ, կընդունի խնդիրքս. ապէրը մեռնում ա ահր:

—Ասեցի, որ մեռնիլ չի. քո խաթրին, ի՞նչ ա, ես պէտք ա ղօխտուրի հրամանը քանդեմ ու դուլլուղից ընկնեմ. իմ ընկանցը հաց կը տաս պահէս. ղօխտուրը տուն մտաւ թէ չէ ինձ ասեց՝ ամեն դալով հիւանդներն ու հիւանդատէրերը գալիս են թափուում էստեղ, դահլէս տանում, գլուխս ցաւացնում. դիփ դու ես մեղաւոր, շան տղայ. կաշառք ես աւնում,—ասեց,—ու ամեն եկողի ներս թողնում. ճանապարհից ջարդւած եմ. ձեր քոսոտ ու հոչլոտ հիւանդների համար չեմ եկել ես. էս սնգամ էլ եթէ մարդ թողնես մօտս,—ասեց,—քաղաք վերադառնալուն պէս պրիստաւին կասեմ, որ համ կաշիդ պուկի, համ դուլլուղից դուրս անի քեզ, ժուլիկ դուռումսաղ. որ սաղ շէնն էլ քանդելիս ըլի ու դիփունք էլ կոտորելիս,—ասեց,—էլի իմ կուշտը

մարդ չի թողնես. բեղարցրել են ինձ էդ էշերը... Հիմի ես քեզ ո՞նց թողնեմ, որ գնաս ղօխտուրի կուշտը. ուզում ես, որ իմ տունն իմ ձեռով քանդեմ:

—Ակուփ, ցաւդ տանեմ...

—էլ խօսալ մի, բաւական ա. կը լսի ու դուրս գայ մեռել-կենդանս քաշի. ետ դառ տուն, ասեցի:

—Ակուփ, ջանիդ մատաղ, թող մտնեմ,—ասաց ձայնը ցածրացրած Վարդանը,—թող ինձ ուշուց տայ. կասեմ, որ դու թող չէիր անում, ես գօռով մտայ. բալքի խեղճ ա գալիս ու խնդիրս ընդունում ա. ո՞վ ա գիտում. Աստուած, Աստուած. ահր էս խեղճ մարդն էստեղ մեռնում ա...

—Դօխտուրը խեղճ-մեղճ չի ճանաչում,—ասաց նոյնպէս ձայնը ցածրացրած Ակուփը,—էսօր տասը տասնհինգ տարի ա նա մեր ուեղդումը ղօխտուր. լաւ սովորել եմ նրա խասիաթը. մի կարմիր տասնանոց, քիչը մի հինգանոց պտես դնիլ հափուումը, որ նա գայ հիւանդիդ տեսնի. իսկ էստեղ տեսնալու համար պէտք ա մի իրեքանոց տաս. նրա օրէնքն էդէնց ա. իմ օրէնքն էլ էսէնց ա, որ պէտք ա ինձ էլ մի տաս շահի տաս՝ բանը գլուխ բերելու համար. փողով էլ որ մտնես կուշտը, էլի ինձ հօրաւ-մօրաւ պիտի ասիլ, ինձ ուշուց պիտի տալ. ես առանց փողի, մուհտա, իմ մեռել-կենդանը քաշիլ չեմ տալիս...

—Ակուփ, ես էդքան փողը սրտեղից ձարեմ,—ասաց Վարդանը,—էս սհաթիս որ մեզ տանով-խիզանով մորթես, տաս շահի նաղդ փող չի կանանչիլ տանը. ես հինգ մանէթուկէսը սրտեղ գտնեմ, ո՞նց ձարեմ. երկու օր պէտք ա շէնը ման գամ, որ մի հանգաւ, մի կերպ էդքան փող պարտք անեմ մէկից:

—Դէ էն ա գիտում եմ, որ դարտակ ես, էնդուր եմ ասում՝ գնա է,—ասաց Ակուփը,—գնա տազ արած.

ետ դան, լաւ բօլ գլուխս ցաւացրիր,—աւելացրեց նա, բարձրացնելով ձայնը:

—Ակուփ, քո բախտնց ցաւը տանեմ. ինձ խուկիլ մի. ես վնամ տանն ինչ ասեմ. ապէրը մեռնում ա ահր. դու ու քո Աստոծը, մի կերպ արան, թո՛ղ մի հանգաւ դօխտուրի իրեսը տեսնամ, էնէնց մի խորհուրդ էլ ա հարցնեմ նրանից, մի ճար իմանամ. քեզ մի բօլ գինի կը խմացնեմ, Ակուփ. դու ասան դօխտուրը ճար նշանց տայ ու ապէրը լաւ դառնայ, քեզ մի լաւ դոնաղ կանեմ ապօր լաւանալուց յետոյ... Մի հլա էս ան, էս ան, էսօր չլայ հանգ ու հունգը մի լաւ արաղ խմի,—ասաց Վարդանը, դնելով Ակուփի բռունցքում մի տաս կոպէկանոց, որը նա, լաւ ծանօթ լինելով գզիրական օրէնքների ու բարբէրի հետ, վերցրել էր տանից յամենայն դէպս:

Ակուփը կակղեց. թոյլ տւեց կանգնել Վարդանին իջկանատան բակում ու սպասել բժշկի պատահական դուրս գալուն. չէ որ նա կարիքի համար կարող էր դուրս գալ: Իրակի անդամահատութիւնը ու քննութիւնը պէտք է հետեւալ օրն առաւօտեան կատարէին. արդէն ուշ էր այդ օրը. իրիկնապահ էր: Վարդանը լուռ կանգնեց, ծառացաւ իջկանատան բակում ու անթարթ աչքերը յառեց այն լուսամուտին, որի ետևում, սեղանի մօտ, նստած էր բժիշկը ու քննիչի հետ միասին թէյ էր խմում, ուտում, զրուցում. նրանից նա փրկութիւն էր սպասում իր ապօր համար. ինչ-որ գերբնական զօրութիւն էր տեսնում նա բժշկի մէջ. կարծում էր, թէ նրա մի խօսքը, մի հայեացքը բաւական է՝ նրա խեղճ ապօրը սպառնացող մահից փրկելու համար. բժիշկը նրան մի շատ զօրաւոր, մի սքանչելագործ սուրբ էր թւում, բայց շնորհիւ իր անմատչելիութեան՝ շատ ահեղ, ահարկու սուրբ...

Շատ սպասեց Վարդանը, շատ կանգնեց, չորացաւ ոտի վրայ. մթնեց, ճրագավառոց դարձաւ: Քննիչի ու բժշկի մօտ գալիս էին գիւղական պաշտօնեաները՝ պաշտօնական գործերով ու այնպէս, ներկայանալու. գալիս էին գիւղի ազդեցիկները, զօրքաները, հարուստները. բոլորն էլ ազատ ներս էին մտնում ու դուրս գալիս: Վարդանի պէս անճարների առաջին էին դոները փակ: Վերջապէս, բախտը ժպտաց Վարդանին. բժիշկը դուրս եկաւ կարիքի համար. Վարդանը փափախը վերցրեց, մօտ վազեց, սկսեց շտապ-շտապ ասել նրան իր ասելիքը. ասելով զնաց հետը, մօտեցաւ այն տեղին, ուր նա պէտք է մտնէր. բժիշկը չէր լսում Վարդանին: Նա մտաւ կարիքի տեղը. Վարդանը գլխաբաց սպասում էր. երբ դուրս եկաւ ու ճանապարհւեց դէպի սենեակը, Վարդանը աղերսելով ուղեկցեց նրան. բժիշկը խէթ աչքով նայեց, դարձեալ բան չասեց ու լուռ մտաւ սենեակը: Վարդանն ուղեց ետևից մըտնել, բայց Ակուփը ցցեց առաջին, թեթեւակի յետ հրեց, ասելով՝ «Ծո՛ղ դան, լաւ. ես մի հանգ կանեմ. էն ա ինչ հարկաւոր էր, ասեցիր, պրծար. ես էս ա կը մտնեմ մէջ դոյ, կը հարցնեմ դօխտուրին ինչ հարկաւոր ա, կը խնդրեմ, որ ասի թա՛ ինչ ճար ա հարկաւոր Մակի ապօր համար»:

Կրկին ծառայաւ Վարդանը, կրկին յառեց անթարթ աչքերը այն լուսամուտին, որի ետևում նստած էին բժիշկն ու քննիչը: Նրանք ծխում էին, զրուցում, ծիծաղում...

Յարմար քօպէ գտնելուն պէս Ակուփը ներս մտաւ: Վարդանի տւած կաշառքը ու խոստացած հիւրասիրութիւնը նրան լաւ էին տրամադրել, բաւականին փափկացրել էին գզիրական ոչ այնքան քնքոյշ սիրտը. նա «անկեղծօրէն» ցաւում էր Մակի ապօր

համար: Մօտեցաւ Ակուփը բժշկին, ներողութիւն խնդրեց ու յիշեցրեց Վարդանի խնդիրքը, խորհուրդ, ճար խնդրեց հիւանդի համար: Բժիշկը խոժոռ հայեացք ձգեց Ակուփի վրայ, հայհոյեց, որ հիւանդ-միւսանդներով էլի նրա զահլէն տանում է, էլի կաշառք է լափել ու իր գրօշնիքի համար նրա, բժշկի գլուխն է ցաւացնում: Քննիչն էլ հայազգի էր, ուստի առանց թարգմանի իսկոյն հասկացաւ բանն ինչու՞ն է. նա խորհուրդ տւեց բժշկին մի բան ասել ու գլուխն ազատել այդպիսով: Բժիշկը հետեւեց քննիչի խելացի խորհրդին ու ասաց՝ «Թող հիւանդին լաւ փրթիւշով բուլեծն ու տացնեն ու թէյի հետ զագրանիչնի կանեակ խմացնեն. լսեցի՞ր»:

— Հն, աղա:

— Իէ գնն. մնրշ. էլ էգհէնց բաների համար չը գաս մօտս, որ քո հէրը կանիծեմ:

Ակուփը չը հասկացաւ բժշկի ծաղրը. նրա ասածը լուրջ խորհրդի, հալած իւղի տեղ ընդունեց ու դուրս գնաց, մտքումը կրկնելով բժշկի ասած բառերը: Թէն նա «հա» ասաց բժշկին, բայց իսկապէս ոչինչ չը հասկացաւ նրա տւած խորհրդից. բուլեծն, Թէյ, կանեակ ու զալրանիչնի բառերը թէն նա առաջներում, համանման դէպքերում, լսած էր բժշկից, բայց մի հասկացողութիւն չունէր նրանց մասին: Խնդրել նրան պարզ ասել, բացատրել, չը համարձակւեց, վախեցաւ զուր տեղը իր մեռուկենդանը քաշիլ տալ... Եթէ թէյի տեղ չայ ասէր, կը հասկանար. միակ բառը, որը նա հասկացաւ բժշկի ասածներից, այդ փրթիւշն էր. Ակուփի սիրելի փրթիւշը. լօբի, մօխոխի, խաշի, բողբաշի ու խաշի մէջ նա սիրում է բոլ բրդել, չի խնայում, քանի որ իբրև զգիր միշտ համարեա ուրիշի տներում է ուտում, այլ ոչ իր, սիրում է այդպիսով լաւ փրթիւշ

անել ու մի լաւ, մատները գդալի տեղ բանեցնելով, ուտել, մաքրադարդել երեք-չորս աման: Շատ մտածեց, շատ խելքի տակն ու գլուխը տւաւ բժշկի խորհուրդը. բազմափորձ գգիրը. ինչպէս հասկացնէր Վարդանին բժշկի ասածը, թնց թարգմանէր նրա բառերը. ամեն անգամ համանման դէպքերում, նա իրենից մի բան հնարում, մոգոնում է, բժշկի անունից հաղորդում այն Վարդանի պէս անճարներին ու հանգիստ խղճով ճանապարհում տուն. այս անգամ էլ պէտք էր այդպիսի մի բան անել: Երանչ անենք, թէ Մակի ապէրը կարող է մեռնել բժշկական սխալ խորհրդի գործադրութիւնից, — ասաց Ակուփն իր մտքում, — լաւ բոլ ապրել ա. նրա հասակակիցները եօթը պատան են մաշել արդէն... Եթէ լաւ դառնայ, առողջանայ, լաւ. դէ էն ա կասեմ՝ ես բժշկեցի, ու մի բոլ կուտեմ, կը խմեմ, քէֆ կանեմ նրանց տանը. եթէ լաւ չի դառնայ, դհա լաւ. իմ քիսից բան չի կորչիլ. էլի կուտեմ, կը խմեմ, քէֆ կանեմ ու էն էլ մի քանի անգամ՝ թաղումին, այքին, եօթին ու քառասունքին. մի բոլ կը խմեմ ու բոլ օղորմի տամ Մակի ապօրը... Ափսոս, շատ ափսոս, որ պաս ա, էն էլ մեծ պաս, — շարունակեց իր մտքում Ակուփը, — եթէ ուտիս ըլէր, Վարդանին բժշկի բերանից կասէի, որ Մակի ապօր համար լաւ-լաւ ուստի խորակներ պատրաստեն՝ բողբաշ, բողբաթմա, չորանդուրմասի, խւն, ինչ պատան, կորկոտ, հաւի չղրամա, հաւի խորոված, փլաւ ճուտով ու եղուճով, խնշ, խնշ սխտորով ու քացախով... Ես էլ կը գնայի կուտացնէի Մակի ապօրը, դօխտութիւն կանէի. դէ նրա իշտահը բաց անելու համար դրադ-բուջաղէն ես էլ կուտէի էլի. ինչ անենք, թա աղքատ են. մի քսան-երեսուն մանէթ պարտք կանէին իրանց հօր փրկութեան համար. երկու աշխատող տը-



դամարդ կայ տանը: էս մեծ պասը չը լինէր, ինչ քէֆ կանէի, ինչ քէֆ. ինչ լաւ հորս ա ճանկս ընկած, բայց ափսոս... Գեղ թաղեմ, Մակի ապէր, ոնց թաղիլ պտեմ. եանի քիչ կը սպասէիր ու Չատկից ետի էն երկար ուստում հիւանդանայիր էլի, ա գլխամեռ: Դէ եթէ ասեմ, որ ուստի խորակ պատրաստեն, ուտիլ չի բնաւ, կը մեռնի, որ ուտիլ չի. պէտք ա պասուց խորակներ պատրաստել տամ էլի, ճար չի կայ. կը գնամ ես էլ զաթումը եօլա գնամ, հլէ մի բօլ գինի-արաղ էլ ա կը խմեմ չօլմասա:

Այդչափ երկար ու բարակ մտածելուց յետոյ Ակուփը վերջապէս որոշեց պատւիրել Մակի ապօր համար՝ բուլեօնի տեղ լօբի ու վիլուկ, թէյի—փիփերթ ու մոխոխ, կանեակի—թունդ քացախ. զագրանիչնի բառը որոշեց թարգմանել սխտոր, առանց որի վիլուկն ու փիփերթն ուտել անկարելի է. սխտորն է միայն նըրանց լազաթ», համ ու հոտ տալիս... Նա համողւած էր, որ այդ կերակուրները, եթէ քացախով ու սխտորով լաւ համեմած լինեն, Մակի ապօրը կը լաւացնեն. եթէ չը լաւացնեն, յամենայն դէպս այնքան էլ շուտ չեն մեռցնիլ, քանի որ նա այդ կերակուրներին լաւ սովոր է, նրանցով է ապրել. համարեա ամբողջ կեանքը վիլուկ ու փիփերթ քաղելով է անցկացրել. նրանցով պէտք է մի հանդով ձիգ տայ ու Չատկից ետի ուտիաներին հասնի, երբ բանը կը հեշտանայ. ուստի կերակուրներով կը բժշկւի այն ժամանակ...

Վարդանը աչքերը Ակուփին յառած, ամբողջովին հարցական նշան դառած, լուռ սպասում էր: Ակուփը սենեակից դուրս գալուն պէս ծառացաւ նրա շէմքում ու ընկաւ մտքերի, մտածմունքի ծովի մէջ, որտեղ երկար դէս ու դէն արաւ, ոնց տեսանք: Վարդանը չէր համարձակուում հարց տալ. գիտէր, որ Ակուփը,

առանց էն չի, մի բան կասի, բժշկից բան կըլի լսած. չէ՞ որ բժիշկը հետը խօսեց. ճայնը դրսում բաւականին պարզ լսեց. Վարդանը լսեց, որ բժիշկը ուշուց տաւ, հայհոյեց Ակուփին, իսկ մնացած ասածներից բան չը հասկացաւ: Երևի հէնց այդ ուշուցների պատճառով էր Ակուփն այնքան լուրջ, մտախոհ ու լուռ. այդպէս էր թւում Վարդանին: Խեղճ մարդը իր մեռել-կենդանը քաշել տւեց նրա օգտի համար, նրա ապօր ստողջութեան համար. էդ մնց պէտք է նրա պարտքի տակից դուրս գար,—մտածում էր Վարդանը:

Վերջապէս Ակուփը մօտեցաւ Վարդանին ու ասաց՝

—Վարդան, տեսմը, լսեցիր հու, ոնց դօխտուրն իմ մեռել-կենդանը քաշեց,

—Լսեցի, Ակուփ, քեզ մատաղ, ներողութիւն արա ինձ. պատճառը ես եմ. գիտում եմ. քո պարտքն իմ վիզը:

—Է՛հ, հա դէ քրիստոնութիւն ա, վիզս ա ընկել, անում եմ էլի. էսօր սրա օգտի համար եմ իմ մեռելը քաշիլ տալիս, էգուց նրա. էս անգամ էլ դէ հու Մակի ապօր օգտի համար քաշիլ տւայ...

—Գիտում եմ, Ակուփ. տանով-խիզանով մեզ պարտական շինեցիր. էգուց, հէնց որ դրանց ճամբայ դնես, ազատես, եկ դէպի մեր դուր. ապօրը կը տեսնաս. զրից կանես հետը, դօխտուրի ասածը հէնց իրան անկաջումը կասես. դէ Աստու տւածից մի բան կը ճարւի տանն էլի. քեզ սոված չենք ճամբայ դնիլ... Ցաւդ տանեմ, Ակուփ, դէ հիմի ասա. դօխտուրն ինչ ասեց,—սրտատրոփ հարցրեց Վարդանը:

—Դօխտուրն ասեց, Վարդան, որ հէնց էս իրիկու Մակի ապէրը թող մի բօլ մոխոխ ուտի, էնհէնց լաւ տաք-տաք մոխոխ, լաւ փրթիւշ արած. մի բօլ, երկու-իրեք աման ուտի, որ քրտնքի ու քուն ըլի:

էգուց առաւօտ, գիշերով դեռ, թո՛ղ,—ասեց,—մի լաւ վիլուկ ուտի, սխտորով ու քացախով, սխտորը պէտք ա քիչ լինի, իսկ քացախը շատ, էն էլ թիւնդ քացախ, որից կէստ-կէստ էնհէնց ուրան գլխու, առանց խորակի, պէտք ա խմի, արաղի ստաքանով գոնէ. նա որ փորիցն էնքան հարա ա տալիս, նրա փորումն, ասեց, մի բան կայ, էն էլ շատ փիս բան. պէտք ա, ասեց, նրա մէջ ղոլը եփելի, էրւի, որ նա լաւ դառնայ. էդ քացախով ու սխտորով միայն կարող ա գլուխ գայ, հա, լաւ միտս ընկաւ, մին էլ արաղով, թիւնդ արաղով, էն խալիս ջեջի արաղով. կէստ-կէստ էլ արաղ պէտք ա տալ ուրեմն. կէսօրին էլ, ասեց, պէտք ա փիփերթ ուտացնէք Մակի ապօրը, նոր դուրս եկած փափլիկ, կակող փիփերթ. բաղերում շատ կըլի. հարսներին ուղարկի քաղնն. փիփերթն էլ պէտք սխտորով ու քացախով ուտի, էլի քացախը պէտք ա շատ ըլի ու թիւնդ. էգուց իրիկու էլի մոխոխ տէք, լաւ տաքցրած ու լաւ փրթիւշ արած: Էդհէնց ուրեմն. առաւօտները վիլուկ, կէսօրին փիփերթ, երկուսն էլ քացախ-սխտորով, մտիդ լաւ պահի, իրիկունները մոխոխ: Մի քանի օր էդհէնց կը շարունակէք. հէնց որ Մակի ապօր կողքը մի քիչ պնդեց թէ չէ, կը սկսէք լորի ուտացնել, էն վախտն, ասեց, լորիին զօռ արէք, Աստծու օրհնած լորիին... Դէ էն ա էդհէնց կանէք, էդհէնց կը շարունակէք. Աստուած ողորմած ա, միտն Ձատիկը Մակի ապօրը մի հանգաւ էր սաղացնենք, կառողջացնենք...

—Հն, քեզ մատաղ, Ակուփ,—ասաց ուրախացած Վարդանը,—դու էդ ա նրա դօխտուըը դառար. դու պտես նրան սաղացնիլ... Էգուց եկ, աման օր էլ եկ մեր տունը, օրէս ետը տունը քոնն ա. ապէրը լաւ

դառաւ թէ չէ, աման աղիդ օր դու պէտք ա մեր տանը դոնաղ ըլես, դոնաղ. էգուց անպատճառ եկ հն:

—Լնւ, կը գամ, մնց չեմ գալ,—ասաց Ակուփը, —բա ես թող կանեմ, որ էն խեղճ հիւանդն անտէր ու անօգնական, անարխայ մնայ. էս պատուհաներին ճամբայ դնեմ թէ չէ, ձեռաց կը գամ. հիմի դու գնա էս իրիկունայ ճարն արա, մոխոխը տաքացնիլ տուր հարսներին, փրթիւշ արա ու բօլ ուտացրու, ոնց ասել եմ:

—Գնում եմ, քեզ մատաղ, էգուց եկ հն,—ասաց Վարդանն ու շտապով հեռացաւ իջևանատան բակից:

## II

Վարդանը ուրախ-ուրախ վազեց տուն, որովհետեւ «դօխտուրի» նշանակած դեղերի ետեից չը պէտք է գնար քաղաք. իրանց տանը շատ կար նրանցից. մոխոխը, մեծ պասալայ այդ գլխաւոր եօլատանիչը, լորին, անցեալ տարւանից քաղած ու չորացրած թթւաշ վիլուկը, սխտորն ու քացախը առատ էին, փառք Աստծու. գինի-արաղ էլ կար, լաւ ջեջի արաղ. դէ փիփերթն էլ հօ Աստուած գարունը բացելուն պէս ամեն տեղ բօլ-բօլ փոել էր... «Դեղերը» Մակի ապօր սիրած բաներն էին, թէև այժմ սոսկալի փորացաւը նրանց հետ չէ հաշտուում. ուտում, ծամծամում էր մի կերպ, բայց չէր մարսում. քացախ-սխտորն ու գինի-արաղը թէև շատ էր ուզում առաջւայ պէս գործ ածել, բայց բոլորովին չէր կարողանում, նոյն իսկ կուլ տալ, ամենաաննշան չափով գոնէ, անկարող էր գտնուում՝ չը նայելով իր գերմարդկային ջանքերին. անիծւած փորացաւը քացախի, սխտորի, գինու ու մանաւանդ արաղի անհաշտ թշնամին էր ուղղակի. նրանց տանել, նրանց հետ հաշտել բնաւ չէր կարողանում... Վարդանը հա-

մողած էր, որ այդ բոլոր բաները, իբրև «դեղեր», այն էլ ոչ թէ մի հասարակ դալլաքի, ջառահի նշանակած դեղեր, այլ մեծ «դոխտուրի», որ համարեա նա-  
չախիկի բարաբար մարդ է, Մակի ապէրը կընդունի, կուտի, կը խմի մի կերպ: Նա հաւատացած էր, որ իր ապէրը կը փրկուի անշուշտ, որ տան «քեօթուկը» մի քանի տարի էլ կապրի դեռ, գուցէ իր մուրազին հաս-  
նի, հարիւր տարին լրացնի, ու Աստուած էլ այդ «քե-  
թուկի» աղօթքների շնորհով նրա օջաղի շրջախը, խէր-բարաքեաթը» անպակաս կը պահի... Տունը առանց «քեթուկի», առանց մեծի, առանց նանի կամ ապօր, չէ որ տուն չէ... Նրանց նանը վաղուց էր մեռած. ապէրն էր տան միակ «քեթուկը». պէտք էր նրան մի կերպ փրկել. չը նայած նրա ութսունհինգամեայ հասակին, նրա մահը դեռ վաղաժամ էր Վարդանենց տան համար...

Բժշկի, աւելի ճիշտ կը լինի ասել՝ նրա երկա-  
րամեայ օդնական, նրա «ասիստենտ» գզիր Ակուփի պատուէրը կատարել սկսեցին ամենայն ճշտութեամբ. իսկոյն մոխոխ տաքացրին, լաւ եռացրին, սովորակա-  
նից աւել, բաւականին հաց բրդեցին մէջը, լաւ փըր-  
թիւշ արին ու համարեա ստիպմամբ ուտացրին հի-  
ւանդին. մի աման հաղիւ կերաւ. երկրորդի համար շատ խնդրեցին, շատ աղաչեցին, բայց հնար չեղաւ. կերածն էլ համարեա ամբողջովին շուտով յետ թա-  
փեց, փսխեց. գիշերը համարեա չը քնեց, «վայ փորս» ու «վայ մեռայ» կանչելով լուսացրեց... Տեսցիք բո-  
լորն էլ համարեա անքուն անցկացրին գիշերը, ամեն կերպ փաղաքշելով ապօրը, աշխատելով մի կերպ թե-  
թեանցնել նրա տանջանքները:

Վաղ առաւօտեան վիլուկ եփեցին, համեմեցին սխտորով ու քացախով, վերջինով անատորէն, ու

տաք-տաք, մի քիչ հաց բրդած մէջը, մօտեցրին Մա-  
կի ապօրը, որը մի քիչ հանգստացած էր երևում. թմրել էր, կամացուկ հեւում էր. կարծես քնած էր: Որովհետև «բժիշկը» պատուիրել էր վիլուկն ուտացնել առաւօտեան, շատ վաղ, լուսաբացին համարեա, չը սպասեցին Մակի ապօր. զգաստանալուն. վրդովեցին խեղճի հանգիստը ու փրկարար վիլուկը հրաշագործ սխտորով ու քացաքով մօտեցրին նրան: Հիւանդը մեծ դժւարութեամբ մի քիչ ծամծմեց մի կերպ ու յետ թեքեց ամանից, «վայ փորս... վայ մեռայ...» աղա-  
ղակելով:

—Ապէր կեր. կեր, քեզ մատաղ, ապէր. վա-  
խիլ մի, դօխտուրն ա ասել, քեզ ֆլաս չի տալ, լաւ կը դառնաս անպատճառ, —ասում էին շրջապատողներն ու համարեա ոյժով ստիպում խեղճին ուտել վիլուկը, մի էս թիքէն էլ, էս թիքէն էլ կուլ տուր. էդ ա էդ-  
հէնց. լաւ կուլ տուր, քեզ մատաղ, ապէր. իշտահով կուլ տուր... Դէ դրա վրայ էս արաղից մի քիչ խմի. լաւ ջեջի արաղ ա է, ապէր, թունդ արաղ ա...

—Կարալ չեմ, ինձ կը սպանի դա, —ասաց հեւա-  
լով Մակի ապէրը, —արաղ խմիլի հալ չունեմ...

—էս արաղն անր քեզ համար ճար ա է, դեղ ա, —ասաց Վարդանը, —դօխտուրն ասեց, որ պէտք ա վիլուկի վրայ խալիս ջեջի արաղ խմես ու ուրան գլխու թունդ քացախ, որ մէջ դուր էրւի, խորովւի, որ էդ կերպաւ էդ ցաւը, էդ դարդը քեզանից, քո փորից դուրս գայ կորչի... Խմի, քեզ մատաղ, ապէր, մի ա-  
յին-օյին, մի կէս ստաքան էլ ա խմի:

—Չէ, կարալ չեմ... մեռնում եմ... վայ փորս, վայ, ասաց Մակի ապէրը, —վայ մեռայ, ձեզ մատաղ... քա-  
ցախն էլէհա մի հանգաւ կը խմեմ, ամա արաղն իսկի կարալ չեմ. վայ փորս...

—Դէ քացախը խմի. բան չի կայ, արաղը ետնայ կը խմես:

Քացախը մօտեցրին. Մակի ապէրը մի կուժ խրմեց ու սոսկումով յետ թեքեց իսկոյն:

—Վայ... վայ մեռայ, ձեզ մատաղ,—ասաց նա,— թողէք... էլ խմում չեմ... թողէք մեռնեմ...

—Խմի, քեզ մատաղ, ապէր, մի կուժ էլ խմի,— վրայ թափեցին շրջապատողները, մօտեցնելով քացախի թասը նրա շրթունքներին,—մի կէնտ կուժ, մի կէնտ կուժ միայն խմի, էդհէնց. էդ ա հն. վախիլ մի, ապէր, քեզ մատաղ. փորիդ ցաւին մտիկ մի տալ. դօխտուրն ասել ա, որ քացախն ու արաղը նրան թրի պէս կը կտրեն, թրի պէս. ջահիլութիւնդ միտդ պցի ու խմի արխային:

—Ահր սպանում ա... վայ մեռայ... Գնց խմեմ... վայ... մէջ դուս տակն ու վրայ ա անում... վայ... վայ փորս... կասես դալլաքի սուր ծիլաւ... կոտորելիս լինի... կոտորելիս թիքա-թիքա... փորս ու աղիքներս,— ասաց սաստիկ հեւալով Մակի ապէրը:

—Էդ ա էդհէնց պիտի անիլ է, որ լաւ դառնաս,— ասաց ուրախացած Վարդանը,—էդ լաւ նշանն ա, ապէր, վախիլ մի. դօխտուրն ասեց ահր, որ քո մէջ դուր պէտք ա երէի, խորովի, փուլ գայ թամամ, որ էդ դարդը քեզանից դուրս գայ կորչի...

Լաւ նշանից խրախուսուած շրջապատողները կըրկին հարկադրաբար դիմեցին Մակի ապօրը, կըրկին հրաշագործ քացախի թասը մօտեցրին նրա շրթունքներին:

—Մի կուժ էլ խմի, ապէր, քեզ մատաղ,—ասացին,—մի կէնտ կուժ էլ. ցաւի աչքը, ոնց տեսնում ենք, սա պիտի հանիլ...

—Քաշեցէք, կորցրէք էդ գահրիմարը,—ասաց եր-

րորդ կուժը խմելուց յետոյ Մակի ապէրը, ձեռքի հըրումով հեռացնելով իրանից քացախի թասը,—բա մի լաւ բան չի կայ... վայ փորս... տաք ինձ... հէնց էդ անտէր վիլուկն ա... վայ մեռայ, վայ... հէնց էդ աղուլդի քացախն ա... էդ ժհար քացախը... վայ, ձեզ մատաղ... վայ... կեանքս դրանք են մաշել... վայ փորս... հիմի էլ հիւանդ տեղս էլ... վայ մեռայ... պէտք ա վիլուկ ուտեմ... մոխոխ ուտեմ... ու քացախ խմեմ... վայ... բա ձեզ Աստոծ չունէք... վայ, վայ, վայ... վայ փորս, ձեզ մատաղ...

—Ապէր, ահր դօխտուրն ա ասել է, դօխտուրը,— ասաց Վարդանը,—նա ա հրաման արել. նա ինքն ուրան բերանով էստեղ մէջ դու, ոնց գալուս պէս ասեցի, աման բան մանդրամասնը ասեց մեր չօվուշ Ակուփին. Ակուփն էլ դուրս եկաւ ու մանդրամասնը ինձ ասեց աման բան: Էն մեծ դօխտուրն ա է, ապէր. էն որ սիեսաչի հետ ման ա գալիս. մեր շէնումը նրան շատ տեսած կը լինես, շատ ա հկած: Ասում են, իմաստուն ա թամամ, մազերը դօխտուրութէնում են սիպտակել. մեծութիւն էլ ունի է, մեծութիւն. ասում են, օխտը չին ունի. եա նաչալնիկը, եա նա. նաչալնիկին բրբար մարդ ա. ոնց նաչալնիկը մեր էս սաղ մհալի վրայ նաչալնիկութիւն ա անում, նա էլ դօխտուրութիւն ա անում մեր մհալի վրայ: Դէ էնհէնց երևելի մարդի, էնհէնց մեծ դօխտուրի ասածը լսի է, ապէր, լսի. սրտալի մոխոխն ու վիլուկը կեր, քացախն ու արաղը խմի, խմի տաղ արած. դեռ պէտք ա, ոնց իրկուան ասեցի, փիփերթ էլ ուտես, վիլուկի պէս սըլտորով ու քացախով. ցաւդ հէնց որ փրդաթացաւ, ջանդ մի քիչ պնդեց թէ չէ, պէտք ա լորի ուտես, լորին դօռ անես. ահր էդ լոխ լսի ու կատարի, միսդ



կեռիքդ կալ, դօխտուրի նշանց տւած բաները կեր ու խմի, որ լաւ դառնաս է:

— Թէ նրա նշանց տւած բաներովը պտեմ լաւ դառնալ... վնյ մեռալ... ոչ լաւ դառնամ... փուչ լաւ դառնամ... վնյ, ձեզ մատաղ... վնյ... Թող արէք տաղ արած մեռնեմ,—ասաց խորին յուսահատութեամբ Մակի ապէրը,—վնյ... փորս օղիք-մօղիք ա գալիս... վնյ, քեզ մատաղ Աստուած... վնյ...

— Երջապատողներն իրար ականջում փսփսացին. ինչ-որ խորհրդակցութիւն տեղի ունեցաւ նրանց մէջ: Վարդանն ըստ երևոյթին չէր համաձայնուում միւսների հետ. պնդում էր ճշտօրէն ասածների վրայ:

— Ապէր,—դարձաւ հիւանդին նրա փոքր որդի Աւագը,—որ մի հաւ մորթենք... էնէնց լաւ շորւայ պատրաստենք, ես կամ կաթնով ճաշ եփենք, բրնձով կամ կորկոտով, կուտեմ:

— Դու ուզում ես ինձ դժոխքն ուղարկես, Աւագ... վնյ... էդ ինչ ես ասում... վնյ փորս... էսօր ձր օր ա... իմ սաղ կեանքում պաս չը կերած... վնյ... հիմի պտեմ ուտի՞լ... հիմի, ոտիս մինը էն ա գերեզմանումն ա... վնյ... երբ էսօր-էգուց... Աստծու ահաւոր դատաստանի առաջն եմ դուրս գալու... վնյ... էն էլ երբ ուտեմ, երբ. մեծ պասին... վնյ... մեծ ապաշխարանքի օրերին... Ժամ չեմ գնում, բաւական չի... դեռ պէտք ա պաս էլ ուտեմ... միսդ կերել ես, ինչ ա, որ էդէնց բան ես ասում ինձ... վնյ... աւելի լաւ ա մեռնեմ, մեռնեմ... էս փուչ աշխարհից հրետին գնամ, հեռանամ, քան պաս ուտեմ... դու ուզում ես, որ իմ հողին յաւիտեան դժոխքումն էրե՞ի, Աւագ... վնյ փորս, վնյ...

— Զէ, քեզ մատաղ ապէր,—ասաց Աւագը,—էդէնց բանը ես ճնց կուզեմ. իրան հօր համար իսկի մօր ծիծ կտրողն էլ չի էդէնց բանն ուզիլ:

— Դէ ասն՝ մեղայ Աստծու. ասն, քեզ մատաղ, ասն, մեղք դործեցիր, ասա,—աստիկ հեւալով ասաց Մակի ապէրը,—վնյ... Տէր Յիսուս, քեզ մատաղ, Տէր Յիսուս... Չահիլ ա դեռ... հասկացաւ ոչ ինչ ասեց... բաշխի... ներողութիւն արա... վնյ, մեռայ, վնյ...

— Մեղայ Աստծու,—ասաց երեսին խաչակնքելով Աւագը ու լոց:

Մակի ապէրը ծանր շնչում էր, հեռւմ սաստիկ ու շարունակ «վնյ փորս» ու «վնյ մեռայ» աղաղակում: Երջապատողները լուռ, անզօր ու տխուր նայում էին նրան:

Վարդանը փիփերթի վրայ, իրբև շատ քնքոյշ, շատ կակուղ բանի, մեծ յոյս ունէր դրած. տնեցիներից մէկին ուղարկեց փիփերթ քաղելու:

Կէսօրից մօտիկ Մակի ապօր դրութիւնը աւելի վատթարացաւ. որձկաց մի բանի անգամ, այնպէս սաստիկ, որ քիչ էր մնում, թէ աղիքները բերանով դուրս գային. փսխեց, արտավիժեց կերած վիւղէն ու խմած քացախը: Իրարանցումն ընկաւ տնեցիների մէջ: Հարսներն ու աղջկերբը կամացուկ, տղամարդկանցից աննկատելի կերպով, լաց լինել սկսեցին:

— Արա Վարդան,—դարձաւ Աւագը մեծ եղբօրը, —կարելի ա, որ էն գլխամեռ Ակուփը դօխտուրի ասածներից բան ծածկած ըլի քեզանից. ինչ ասես, նա կանի. ծածկած կըլի, որ մեզանից փող առնի ու նոր թամամ ասի:

— Խի ուրան միսը կերել ամ. գիտում ես, թա ես նրան մաղբուն եմ թողել, որ էդէնց բան անի,—ասաց Վարդանը,—դօխտուրի կուշտն ուղարկելուց առաջ ես նրան, ճնց հանգն ա, տեսայ... կակղացրի, փափկացրի թամամ. երկու շահի արաղի փող տւայ ու ասեցի, որ էսօր դայ տուն՝ համ ապօրն ակը տայ, համ

հաց ուտի, գինի-արաղ խմի. խոստացայ ապօր լաւ դառնալուց յետոյ աման ազիզ օր դոնաղ անել: Նա հրէս կը գայ. ժամանակն ա. դօխտուրն ու սլեստչին ճամբայ դըրաւ թէ չէ, իսկոյն կը գայ:

Այդ լուսէին դրսում լաւեց շան հաջոցն ու գզիր Ակուփի խրոխտ ձայնը. նա պարսաւում, անարգում էր շանը, որ համարձակում էր նրա վրայ հաջել:

—Ըհը՛, հրէս եկաւ,—ասաց Վարդանը ու շտապով գնաց դուրս՝ զսպելու, պահելու շանը ու «ազիզ դոնաղին» ներս հրաւիրելու:

Գզիրի ձայնից լաւ նկատում էր, որ նախանշելուց յետոյ ճանապարհած «մեծաւորների» սեղանի մնացորդներից նա կարգին օգտուել է, մանաւանդ գինու ու արաղի առատ մնացորդներից...

### III

Ներս մտնելուն պէս գաւառական բժշկի «ասիստենտ» գզիրը սովորականից շատ բարձր ձայնով դիմեց հիւանդին հետեւեալ խօսքերով՝

—Հը՛, Մակի ապէր, ճնց ես, ճնց. ի՞նչ ես տեղի տակը մտել, հէր օխնած. վախիլ մի, լաւ ես, լաւ. կանոխ արա վեր կնց. էնքան ժամահացերը, էն համով-հոտով, էն լաղաթին քելիխները, առանց քեզ անցնում գնում են, լոխ քո քիսիցն են գնում է, ա աղբաթի-խէր...

—Է՛, քեզ մատաղ, Ակուփ,—ասաց հեւալով Մակի ապէրը,—շուտով իմ ժամահացն էլ էք ուտելու... մեռնում եմ, մեռնում... ինձ թափի... ինձ մի ճար արա, քեզ մատաղ... ասում են, խելքդ բան ա կարում... վնջ մեռայ, վնջ...

—Վախիլ մի, մեռնիլ չես. դեռ քո ժամահացն ու-

տելու վախալը չի. ուրիշների ժամահացերում իրար հետ դեռ շատ պտենք գինի-արաղ խմիլ, շատ: Աղջի Մայան հարս,—դարձաւ գզիրը հարսներից մինին, որի անունը դեռ աղջիկ ժամանակից գիտէր,—էդ ի՞նչ բանի ես. ի՞նչ ես էդտեղ տաւարի պէս կանգնել, ա քո հէրը շան տեղը հաջի. մի արաղ բեր ես ու Մակի ապէրը իրար կենաց խմենք... Դէ, կանոխ արա, շուտ մեծաւորի կշտին էդհէնց դուրուր կը գան, շան աղջիկ. պէտք ա դուշի պէս դէս ու դէն թռչկոտաս, երբ ձեր տանը մեծաւոր ես տեսնում:

Գզիր Ակուփը գիւղացիների ստորին խաւերում իրան բացարձակապէս մեծաւոր էր յայտարարում ու այդ կոչումն իր վրայ հաստատուն պահելու համար ամեն կերպ աշխատում էր շրջապատողներին նկատելի դարձնել իր ուսերի վրայ գտնւող կարմիր մահուղի խունացած կտորները, գզիրական ուսակախները՝ բաւականին ահաւոր նրա մտրակին ու կեղեքման ենթակայ խեղճ գիւղացիների համար: Ինքնակոչ մեծաւորի պահանջն իսկոյն կատարւեց. արաղն ասպարէզ եկաւ:

—Հը՛, ջեջի ա, թա թթնի էդ արաղը,—հարցրեց «ասիստենտը», արաղի շիշը հարսի ձեռքին նկատելուն պէս:

—Ջեջի ա, Ակուփ, խալիս ջեջի արաղ ա,—ասաց Վարդանը,—ես քեզ ճնց թթնի արաղ կը խմացնեմ. բայց փսոս ապէրը խմում չի. էսօր շատ աշխատեցինք, բայց գլուխ չեկաւ, չը խմեց:

—Էս ա ես կը խմացնեմ,—ասաց գզիրը ու յետոյ մի բաժակ արաղ իր ձեռքն առաւ, իսկ միւսը հրամայեց մօտեցնել Մակի ապօրը:

—Մակի ապէր,—ասաց նա խիստ բարձրաձայն,—Աստուած ջանաղուլթին տայ, Մակի ապէր, վաղի իգի-

Թուօթինը միտդ գցի, արաղը մի գլխիդ քաշի խմի՛. քնչ  
ես գլուխդ դէս ու դէն անու՛մ. խմի՛, քեզ ասում եմ.  
արաղը քեզ օգուտ ա. արաղն ու քացախը պտեն քո  
մէջ դուր քանդիլ, փորդ ու աղիքներդ կկեկիլ, դաւիլ,  
որ դու էդ դարդիցը պրծնես... Քեզ պէս շատերի եմ  
արաղով, քացախով ու սխտորով ես ցաւերից թա-  
փած, բժշկած. դու առաջին անգամն ես պատահում.  
դեռ հունարս գիտում չես. արաղը խմի, քեզ ասում  
եմ, կուլ տո՛ւ, հ'ը... Տէր, մեղայ քեզ, Աստուած, չըլի  
իմ դօխտուրութէնին հաւատում չես, Մակի ապէր,—  
հարցրեց վիրաւորւած տօնով բժշկի ճասխատենտը՝

—Հաւատում եմ, քեզ մատաղ... հնց չեմ հաւա-  
տում, վայ... ամա կարում չեմ խմեմ է, կարում,—ա-  
սաց հիւանդը՝

—Իմ կեանքումը գեղը եկած դօխտուրներին էն-  
քան դուլլուդ եմ արել, որ ես էլ եմ դօխտուր դառել.  
իմ խելքն էս սհաթիս նրանցից պակաս չի բան կտրում.  
մեր էս դօխտուրին, էս որ սլեստչի հետ եկաւ, զնաց,  
ես համարեա պամօշնիկութին եմ անում, պամօշնիկու-  
թին... Աչքերդ հուփ կալ ու արաղը թամուդ կուլ տո՛ւ.  
քո փրկութիւնն էդ արաղու՞ն ա...

—Վայ փորս, վայ... կարում չեմ խմեմ, Ակուփ,  
քեզ մատաղ, կարում... վայ... թամամ մեռնում եմ...  
դու խմի... քեզ հալալ...

—Չւայ էստեղ գալս ես մի բօլ խմել եմ ու էլ  
պտեմ խմիլ, քեզ հետ էլ պտեմ խմիլ. բա ես արաղ  
բաց կը թողմմ. հրէս, հրէս, մի եաշի, մի մտիկ տո՛ւ.  
սա բաց թողիլի զատ ան, ան սրա աղաթ դնող սատա-  
նի ոտը քարին ոչ նի ունի. հրէս ես խմում եմ, դէ  
դու էլ խմի. դէ մին էլ ջանսաղութին, Մակի ապէր.  
հը՛, բեր մի չրխկըցնենք...

—Վայ, ձեզ մատաղ, ինձ սպանիլ միք... ինձ բաշ-

խի, Ակուփ... իմ բաժինն էլ դու խմի,—աղաչում էր  
«դօխտուրին» մերձիմահ հիւանդը՝

—Բայց «դօխտուրն» անողորմ էր՝

—Արան Վարդան, Աւագ, մտիկ միք տալ, ձեր  
զօտթը գցեցէք խմացրէք, զօռով բողազն անեցէք ա-  
րաղը. սխտորով ու քացախով կերած վիլուկի վրայ  
դա շատ լաւ կլի. դրա ցաւի գլխաւոր ճարն ու դար-  
մանն էդ ա. դէ, խմացրէք, դրա հարահրոցին էլ եա-  
շիլ միք,—ասաց հրամայական տօնով «ասխտենտ»  
գզիրը, պարպելով իր բաժակը՝

Հիւանդին արաղը զօռով խմացրին, ուշ չը դարձ-  
նելով նրա «վայ փորս» ու «վայ մեռայ» աղաղակնե-  
րին, որոնք աւելի յաճախակի դարձան ու աւելի  
սաստկացան՝

—էդ լաւ ան, վախիլ միք, շատ ա լաւ. ցաւը շատ  
օգուտ ա դրան. ցաւիլ պտի, որ հիւանդութիւնը դրա-  
նից դուրս գայ ու կորչի,—ասում էր հարցական հայ-  
եացքներով նրան մտիկ տւող տնեցիներին զաւառա-  
ռական բժշկի բազմաշխատ «պամօշնիկը», պարպելով  
իրար ետեից նախ մի քանի արաղի, յետոյ գինու ան-  
վերջ թառեր, նախաճաշելով թթու դրած կաղամբով,  
շուշանով ու սոխով համեմած կարտօպլով՝

Հիւանդը անտանելի ցաւերից, որոնք զնալով  
սաստկանում էին աւելի ու աւելի, գալարում էր ան-  
կողնում ու բոլոր ոյժով «վայ փորս» ու «վայ մեռայ»  
գոռում՝

—էդ ա հան, լաւ ես դառնում, Մակի ապէր, քո  
կենացը. Աստուած օջաղդ հաստատ պահի,—ասում էր  
գզիրը, խմում գինին ու խրախուսում, քաջալերում  
այդպիսով խեղճ Մակի ապօրը,—ոնց օձը իր բնից  
դուրս ա գալիս, ցաւն էլ էն ա էնհէնց քեզանից, քո  
փորից ա դուրս գալիս. վախիլ մի. քո կենացը...

Աստուած թողնե՞րդ պահի, բարով էնքան ապրես, որ նրանց ուրախութիւնը տեսնաս... Աղջի Մայան հանրա, — դարձաւ գինովցած գզիրը տնարար հարսին, — շան ծիծ ծծած, տեսնում է՞ս, որ առաջիս կարափինգուճն էլ գինի չի կա՞յ. ի՞նչ ես հայվանի պէս աչքերդ պլշած կանգնել. գնա գինի բեր:

Մայան հարսն շտապով գնաց գինի բերելու:

Գզիրը մեքենաբար վերցրեց գինու դատարկ բաժակը, բարձրացրեց, ուշի ուշով նայեց բաժակին, լաւ տնտղեց, կարծես առաջին անգամն էր տեսնում ու դարձաւ այդ րօպէին գինով լիքը գրաֆինը ձեռքին մօտեցող հարսին, ասելով՝

— Էս ի՞նչ ա, շան աղջիկ. ուղտին գդալով ջուր կը տան. ես էս ստաքանով կը կշտանամ... Մրա շինող ուստի հէքն էլ անիծած, քոնն էլ. օգտուել ես դէպքից, որ Մակի ապօր հիւանդութէնից գլուխս խառնուել ա, որ նրա գարդն ինձ չաշմիշ ա արել, էնպէս շփոթել ա, որ լիան ու մթինը իրարից ջոկում չեմ, բերել ես էս մատնանոցն առաջիս դրել, իփագօղլի աղջիկ. էդհէնց ես քո պատրուսին սաղացնողին պատիւ տալի՞ս. բա ձեր տանը մի մեծ թաս չի կա՞յ. տղամարդի թաս եմ ասում է, այլ ոչ թա էսհէնց սատանայի փափուչ...

— Կայ, ո՞նց չի կայ, Ակուփ, — ասաց Վարդանը, — խամ հարսն ան, անքէթ ան. դեռ գիտում չի, թա օրէնքի մարդկանց ոնց կընդունեն. ներողութիւն արա... Դէ էդ ա հրէդ սովորեցրիր. քո ուղած թասը զոչադն էդ ա բերաւ. հիմի քո քէֆին խմի, Ակուփ. խմի, ինչքան սիրտդ ուզում ա. դու ապօրը սաղացրու, ու էն վախտը ինչքան գինի ունենք, քեզ հալալ... Մայան հարսը գզիրի կշտամբանքը լսելուն պէս վաղեց դէպի

պուճախը. իր սունդուկից մի թէյի բաժակ հանեց ու բերեց դրեց ահաւոր «գօխտուրի» առաջին:

— Դէ հիմի ապրես, հիմի օրհնեալ ըլես, — ասաց փաղաքշաբար գզիրը, — գիտում ես, թա մենակ ուշունց տալն եմ գիտում. օրհնիւն էլ եմ գիտում. էդհէնց մարիփաթին կաց, քաղաքավարութիւն արա, որ միշտ օրհնեմ քեզ. ձեր տունն էլ մեծաւոր կը գայ, հէր օրհնած, մենակ հու ես չեմ...

Գաւառական բժշկի «ասիստենտը» շարունակեց կեր ու խումը. խմում էր գզիրական ագահութեամբ՝ թէյի բաժակով, մաքուր, անկաթիլ. քաջալերում, խրախուսում էր հիւանդին...

Մակի ապէրը մի քանի անգամ սաստիկ, շատ ուժգին ործկաց ու փսխեց, դուրս վիժեց բերանով վիլուկի վերջին մնացորդները՝ խմած քացախի ու արաղի մէջ կփլած, տապալկաւ...

— Վա՞յ... ձեզ մատաղ, վա՞յ... փորս, ջգարս ու աղիքներս... քիչ ա մնում .. թա բերանովս դուրս դան... վա՞յ... մեռնում եմ, մեռնում, — ասաց ուժգին հեւլով Մակի ապէրը:

— Էդ ա հա. հէնց էդհէնց սիրտդ թափիլ պտես, որ լաւ դառնաս, Մակի ապէր. վախիլ մի, էդ լաւութեան նշան ա. լաւ ես դառնում էն ա. գօխտուրն ասել ա հնր, որ մէջ զօլդ պէտք ա էրելի, խորովելի, տակն ու վրայ ըլի ու փուլ գայ, որ լաւ դառնաս. էդ ա փուլ ա գալի. կը նշանակի գործդ աջողում ա, լաւ ես դառնում... Քո կենացը, Մակի ապէր. տանով-խիզանով սաղ ըլես-ուրախ. ի՞նչ ես տնքում ու էդքան հարահուրա անում, աղբաթիխէրի մարդ. կախ չեն տալիս հու քեդ. ցաւ ա էլի, մէջ զօլդ չանգօրլաւ դուրս ա գալիս. էն ո՞վ չի հիւանդանում. չեայ թագաւորն ինքն էլ հիւանդանում ա... Վարդան, Աւագ, աչքներդ



լիս, Մակի ապէրն էն ա դէպի լաւն ա գնում. իմ խա-  
լաթը հազուր ըրէք, հիմիկուց պատրաստեցէք,—ասաց  
գզիրը, պարպելով ձեռքի թասը:

Մակի ապէրը կրկին ործկաց, կրկին փսխեց,  
գորշազոյն հեղուկ վիժելով բերանով: Բօպէաչափ ան-  
զգայ դրութեան մէջ ընկաւ. կանայք վայնասուն բարձ-  
րացրին. Մակի ապէրը դարձեալ ուշքի եկաւ:

—Էդ ի՞նչ լալուշ ա. տազ արէք, շան աղջկէք, որ  
էս սհաթիս դամշիս կառնեմ ձեր ջանին ըլեմ,—ասաց  
խրոխտ ձայնով գզիրը. կանայք իսկոյն լռեցին.—ձեր  
մեռել-կենդանը զօտով ինձ քաշիլ էք տալիս հա, —շա-  
րունակեց նա,—որ սկսեմ, էլ հօր գօռ, էլ հին ու նոր  
ննջեցելանց քեալլա չեմ թող անիլ. լօխ մի թիւշի կը  
թրազեմ... Ինձ չօվուշ Ակուփ կասեն հա, մեր շէնուֆն  
ինձ պէս ուշուց տուող չի կայ. ինձ պէս թակող էլ չի  
կայ, ինձ պէս մարդ թակող... Գիտում էք թա՛ կնա-  
նիք էք, ձեզ թակիլ չեմ. ձեր բախտէն դուք դեռ իմ  
դամշի համը տեսել չէք. մի հարցրէք տեսէք՝ էս շի-  
նուժը քանի-քանի կնիկ ա իմ դամշի ըռեխն ընկել, ու  
նոր օրէնքի դէմումը բան բռնեցէք: Օրէնքի առաջին  
լօխն էլ հաւասար են. օրէնքն իր ասածն անելիս ոչ  
կնիկ ա հարցնում, ոչ տղամարդ... Ես էլ օրէնք եմ,  
էն էլ ճնց օրէնք, գիտում էք—դամշին բանացնող օ-  
րէնք... Շատերը չօվուշին մի բանի տեղ չեն գնում.  
Երեսանց յարգում են, թաքուն վրէն ծիծաղում, իսկ  
կնանիքը, կոտորւած կնանիքը, դեռ գլուխն էլ հողում.  
գիտում էք չօվուշն ով մի. չօվուշն օրէնքի դամշին  
ա, օրէնքի շալլաղն ա. չօվուշի հետ հանաք անել չի  
կարելի...

—Ներողութիւն արա, Ակուփ, քեզ մատաղ,—  
ասաց Վարդանը, անխելք կնանիք են, հասկանում չեն:  
—Անխելք են, որ ինձ կզնւացնում են է,—ասաց

բժշկապետի շախատենտը,—որ խելօք ըլեն, բա լաց  
կըլեն ու խեղճ հիւանդին սրտաճաք անեն. հիւանդ  
մարդի կշտին, մեծ ըլի նա, թա կուճուր, լաց չեն ըլիլ  
ահր, ա դրանք բրդւեն, կոտորւեն: Արիւնն էստեղ  
սրտիցս կաթում ա. ինչ իմաստութիւն ունեմ, լօխ  
դործ եմ ածում, գիտում չեմ ճնց անեմ, ճնց հնարներ  
քանացնեմ, որ խեղճ մարդին ազատեմ, դրանք լաց են  
ըլում ու իմ շինածը քանդում. ճնց չի կզնւեմ բա,  
սիրտս հայ ա անում, թա տրաքւի... Էն որ Մակի ապէ-  
րը վեր ածեց, էն մաղձն ա. մաղձը թափիլը լաւ  
դառնալու ամենամեծ նշանն ա. պէտք ա ուրախանալ,  
այլ ոչ թա լաց ըլել. ա դրանց շինսը կտրւի. էդ լաց  
ըլողների. Աղամէն սկսած չլայ օրս կնանիքը մարդի  
տուն են քանդում, հու տուն չեն շինում... Աղջի Մա-  
լան հարս,—դարձաւ գզիրն ահարկու ձայնով կամա-  
ցուկ լացող Մայան հարսին, որն աշխատում է չը  
նկատել շախատենտից—բա դու լսում չես էս ի՞նչ եմ  
ասում, ա շան հանք ու բերք. ի՞նչ ես թաքուն լաց  
ըլում, ի՞նչ ես հիմի աչքերդ սրբում. տեսայ պըր-  
ծայ. ճնց տեսնում եմ, դու ուզում չես, որ քո հօր  
կարկաժը դինջ կենայ... Ո՛չ ուշուցներս սկսեցի, էլ  
ուշ չեմ դարձնիլ, թա հէրդ մեռած ա. խեղճն իմ ձեռ-  
քից էլ ազատել չի... Գնա գինի բեր. տեսնում չես, որ-  
առաջիս կարափինդումն էլ խէր ու բարաքեաթ չի  
երևում. գինի բեր, շան աղջիկ, որ խմեմ, սիրտս ու-  
րախ պահեմ, սրտիս աղուն ցրիւ տամ, որ քո պատ-  
րունին սաղացնեմ ահր...

Մայան հարսը շտապով գնաց ու նորից մի պրա-  
ֆին գինի բերեց իր պատրունին շաղացնողի համար...

Գզիրը խմում էր անյազօրէն ու սրտի աղուն  
ցրում՝ Մակի ապօրը բժշկելը կատարելապէս աջողեց-  
նելու համար...

Նա շարունակ քաջալերում էր հիւանդին: առաջարկում էր նրա անկողնի մօտ կանգնած Վարդանին ու Աւագին ուրախ կենալ, դալ նստել իր մօտ ու մասնակցել կեր ու խումին, քէֆ, ուրախութիւն անել, քանի որ, փառք Աստծու, նրա խորին համոզմամբ Մակի ապէրը ակնյայտնի կերպով բարաթանում, լաւանում էր... Բայց նրանք չընդունեցին առաջարկը, շնորհակալութեամբ մերժեցին սիրալիւր հրաւէրը, շարունակեցին կանգնած մնալ հիւանդի մօտ ու սրտատրոփ հետևել հիւանդութեան ընթացքին, որը գնալով վատթարանում էր աւելի ու աւելի:

Երբ հիւանդի տանջանքները հասան ծայրայեղ չափերի, Աւագը դիմեց «աստիստենտ» գզիրին ասելով՝

— Ակուփ, քեզ մատաղ, բաշխի, նեղանալ մի, ներողութիւն արն. գիտալ մի, թա ես քեզ հաւատում չեմ. բալքի դօխտուրի ասածներից բան ըլես մտիցդ. դցած, մոռացած, զուլուղդ մեծ, գլխացաւանքդ ու հոգսդ շատ մարդ ես, կարող ա պատահի, քէֆիդ նի չունի ասածս. դօխտուրը ուրիշ բանի անուն չի տւեց, ուրիշ բան չասեց բն:

— Նրա ասածիցը ես մի խօսք էլ ա մտիցս դցել չեմ, մի խօսք: Դրուստ, ճշմարիտ ա շինիս հոգսը համարեա լոխ իմ վղին ա, ամա խելքս ուրան տեղն ա միշտ. ես իմ միտքը կորցնող մարդ չեմ, լսածս մոռանող չեմ: Էն մարդն ինձ ասեց, որ էդ ջուռա հիւանդութիւնը, այսինքը մէջ զոլի, փորի հիւանդութիւնը, ուտիլ-խմիլաւ ա բժշկուում. ասենք առանց էդ ասիլն էլ ես գիտում էի, որ էդհէնց ա, քանի որ շատ եմ լըսած էդ նրանից. հու նոր չեմ նրան «պամօշնիկութիւն» անում... Ե՛հ, ուտիլ էլ կայ, ուտիլ էլ. կան ուտիււայ խորակներ, կան պասւայ. քանի որ հիմի պաս ա, էն էլ մեծ պաս, դօխտուրը Մակի ապօր համար պասւայ

խորակներ նշանակեց: Ես ասեցի, որ էդհէնց անի, քանի որ գիտում էի, որ Մակի ապէրը կը մեռնի, որ պաս չի ուտիլ. իսկ էն սխտորը, քացախն ու արաղը, ուտիս էլ որ ըլէր, էլի պէտք ա գործ ածէր, քանի որ մեծ գօրութիւնը նրանց միջին ա... Եթէ ուտիս ըլէր, ես, այսինքը մեր պարուն դօխտուրն ու ես, դրան վիշուկ ու մոխիս կուտացնէիք. հիմի ձեզ էնհէնց մի բօզբաշ, դադի մաւ էնհէնց մի կորկոտ էի եփիլ տըւել, որ մարդ ուրան մատներն էլ հետն ուտէր, ուրան մատները... Էն վախտը ես էս զահրիմար քալամը կուտէի, ա սրա սերմողի հէրը գոռագեօս ըլի. էն վախտը ես էստեղ կրտօպլի կուտէի, կրտօպլի. հիմի Մայան հարսը ինձ ու Մակի ապօր համար հաւ էր տապակում, փլաւ էր դամ տալի, դադի ես հնդուշկի խորոված էր անում... Ը՛հ, քո թնչն ասեմ, Մակի ապէր,—դարձաւ գզիրը հեացող հիւանդին,—թէե կանքաշդ վաղուց ա մեռած ու էն աշխարհումը հիմի օխտը պատան կը լինի մաշած, ամա էլի փլաւ անի նա, որ դու, էսքան տարի սաղ-սալամաթ ապրած մարդ, սատանի խելքովն ես ընկել ու էս մեծ պասին հիւանդացել. էդ մեռակ քեզ համար չի տունքանդութիւն է, ինձ համար էլ ա... Զատկի ետի էն երկար, էն օրհնած ուտիսումը կը հիւանդանալիլ, աղբաթիխէրի մարդ, որ մի լաւ, մի բօլ քէֆ էինք արել. էս էլ ա քէֆ, շնորհակալութիւն, ամա ուտիսի քէֆը ուրիշ բան ա...

— Դու ասա ապէրը սաղանայ, քէֆ շատ կաննք, Ակուփ,—ասաց Վարդանը:

— Բա սաղացած ոչ, թնչ պիտի ասիլ. կը սաղանայ, Աստծով կը սաղանայ անպատճառ. դուք արխային կացէք:

—Որ մի քիչ ղւաթով կերակուր ըլեր է, լաւ կըլեր,—ասաց Աւագը:

—Փիփերթը քացախով ու սխտորաւ քեզ լաւ ղւաթով կերակուր,—ասաց գգիրը,—աղջի փիփերթ էք քաղել,—հարցրեց նա հիւանդի մօտ խմբւած կանանց, որոնցից գլխի շարժումով դրական պատասխան ստացւեց.—թէն ես պատուիրել եմ, որ փիփերթը կէսօրին տաք,—շարունակեց նա,—բայց Մակի ապէրը հիմի բաբաթ բեզարած ա սիրտը թափելուց. թողէք մի քիչ դինջանայ. իրիկնաժամից առաջ փիփերթ կուտացնէք, լաւ քացախ-սխտորած, իսկ իրիկունը, քուն ըլիլի թիւշումը, մոխոխ կը տաք, ոնց ասել եմ, լաւ փրթիւշ արած մոխոխ:

—Փիփերթումն էլ չի էնքան զօրութիւն կայ, Ակուփ,—ասաց Աւագը,—ես ասում եմ աւելի զօրաւոր բան ըլի:

—Դէ աւելի զօրաւոր բանը ուտիսի խորակն ա,—ասաց գգիրը,—կուտի: Մակի ապէր,—սովորականից բարձր ձայնով դարձաւ նա հիւանդին,—հէ, Մակի ապէր, աչքերդ բաց արն թաղա հարսի ետեից մտիկ տւող ջահիլ-ջիւան տղի պէս ու ինձ եաշի:

—Քեզ մատաղ, Ակուփ, մեռնում եմ... էլ ինձանում հարաքեաթ չի մնացել... վայ... էլ ինչ ճար ես գիտում... ասն, քեզ մատաղ... վայ մեռայ... հոգիս բողազս ա հաւաքւել էս ա...

—Մեռնում չես, տաղ արն. թող քո թշնամին մեռնի. դու հիմի ինձ ասա, ուտսի խորակ կուտիս. ինչ ա սիրտդ ուզում. ուրիշ ճարը, նոր ճարը, ուտսի խորակն ա:

—Գն, պն, պն, պն... վայ... մեղք ա, քեզ մատաղ,—ասաց սարսափահար եղած «դօխտուրի» այդ առաջարկութիւնից Մակի ապէրը,—էդ բանն էլ ասես

ոչ... էսօր մեր Աւագն էլ ասեց... էլ ետ փոշմանեց, մեղայ եկաւ... վայ մեռայ... բախայ ա դեռ, սիրտը ցաւում ա ինձ համար... վայ փորս... սրտի ցաւելուց ասեց էլի... վայ... Ինչ իմ մօր ծծից ետ եմ ըլել, ես մինչև օրս պաս չեմ կերել... վայ փորս... մեր ժամանակին էդհէնց ա ըլել... բախէն մօր ծծից ետ ա ըլել թա չէ, պահիլ են սովորացրել... վայ փորս... հիմիկիս բախէն չւայ հինգ-վեց տարեկան դառնալը դեռ պաս ա ուտում... վայ...

Ահր ես հնց պաս կուտեմ... էսքան տարւայ պահած հոգիս ես հնց սատանային կը տամ, ան քեզ մատաղ... վայ փորս... կեանքիս շատը ժամում ու ժամի ճանապարհին եմ անցկացրել... վայ... որ Աստու աբքայութէնում ինձ տեղ ըլի, ինձ համար մի բուրջ ըլի... Վայ մեռայ, վայ... Բա մի երկու տարւայ անցաւոր կեանքի հետի ես... յաւիտենական փառքից ու պատւից զրկւեմ, Ակուփ... վայ, վայ, վայ... վայ մեռայ...

—Չէ, զրկւիլ մի. խի ես զրկոււմ. դու արքայութեան մարդ ես,—ասաց Ակուփը,—դրա համար էլ քեզ արքայութեան խորակներով եմ բժշկում, դէպի արքայութիւնը տանող ճար եմ տալիս:

—Դէ, քեզ մատաղ... Ինձ Աստու ճանապարհից գցիլ մի... Ես Աստու ջանին մատաղ... նրա տունը շէն կենայ... ես նրա փեշը պինդ բռնել եմ ու բնաւ բաց չեմ թողնիլ... վայ փորս... վայ...

—Դէ տեսնում ես, Աւագ, որ ես սխալւել չեմ. տեսնում ես, որ ես, այսինքն մեր դօխտուրն ու ես, լաւ ենք գիտացել, թա Մակի ապօրն ինչ ճար ա հարկաւոր... ուրիշ բան որ ասած ըլի մեր դօխտուրը, ես ինչ ա, միսս կերել եմ, որ տաղ անեմ, որ ձեզանից ծածկեմ, ան աղբաթիխէրի տղայ: Ես հու բախայ չեմ,

ծծկեր չեմ, իմ խելքն էլ ա բան կտրու՞մ, ես էլ խել-  
քատէր եմ, էն էլ հնց խելքատէր... Տեսնում ես էս  
ճակատը, մի լաւ թամաշա արն, — ասաց շփելով ափով  
ճակատը, — սրա քամակը, այսինքը գլխիս մէջ դուր,  
լոխ խելք ա է, ծալծալ կիտած խելք ա. ճակատիս  
լէնքն ըգորայ խելքս էլ ա շատ, փառք Աստծու... Մեր  
ուզբաշին, քէֆի լաւ վախտը, ինձ միշտ ասում ա՝  
Ակուփ, ա գլխամեռ, քեզ մի բոսնիկի խելք ունես. մեր  
ոռու թագաւորի հողումը քեզ պէս խելօք չօվուշ չի ըլիլ...  
Սուտ չասում մեր ուզբաշին. որ ես անխելք չօվուշ  
ըլէի, հիմի ինձ վաղ էր դուլլուղից դուրս արել նա:  
Քանի քանի դոխտուրներ եմ տեսել ու ճամբիլ. քանի  
քանի դոխտուրներ իմ միջոցով հիւանդների ու հիւան-  
դատէրերի մասլահաթ ու խորհուրդներ են տւել. քա-  
նի քանի ջան եմ թափել, ապատել ես մահից. իսկի  
գիտում էք... Գլխիս մազը էս դուլլուղումն ա սիպ-  
տակել: Էսօր քսան-երեսուն տարի ա ես գզիր, ես չօ-  
վուշ. դոխտուրներից աւելի երևելի մարդկանց եմ ես  
դուլլուղ արել: Ես հիմի ամենալաւ դոխտուրից շատ  
բան եմ հասկանում. պրիստաւի, զեմլամերի, ինջըների,  
արխիդօխտուրի, ալցզնի չնօջնիկի, սպեխտուրի ու  
գրեխտուրի դուլլուղ եմ արել. մեշաբէգի, մրօվի սու-  
դի, պասրեղնիկի, նաշալնիկի, սլեստչի ու պրըկուրօրի  
դուլլուղ եմ արել. տափի երանալին դուլլուղ եմ արել,  
վիսի գրեճրտուրին դուլլուղ եմ արել, մեծ գրեճրտուրին  
դուլլուղ եմ արել, չւայ երանալ գրեճրտուրին ուրան  
դուլլուղ եմ արել... Հիմի հու խելքս բան ա կտրում,  
չէ, — հարցրեց նա վերջում մեծ հպարտութեամբ, շեշ-  
տակի նայելով Աւագի դէմքին:

Աւագն ու միւս բոլոր տնեցիները մնացին խորին  
ակնածութեամբ լուռ նայելիս իր կեանքում այնպիսի

նշանաւոր գործեր կատարած, այնպիսի երևելի ծառա-  
յութիւններ մատուցած մեծագործ գզիրին...

— Ի՞նչ ես տաւարի պէս պլշել, ա ջո հէրը սալին  
տրաքի, — ասաց նա խիստ բարձրաձէնած, գիմելով  
դարձեալ Մայան հարսին, տա՛ր կարափինգէն մին էլ  
լցրու. Մակի ապօր կենացը պէտք ա մի սաղ կարա-  
փինգա ուրան գլխու, առանց թասի, խմեմ թամուզ,  
խմեմ մի շնչում ու ետոյ գնամ:

Գինով լիքը գրաֆինը կրկին ասպարէզ եկաւ:

— Մակի ապէր, մի եաշի, թամաշա արա տես՝ ջո  
կենացը հնց եմ խմում է, — ասաց «ասխտենտը», դառ-  
նալով մերձ ի մահ հիւանդին, որը համարեա անընդ-  
հատ աղաղակում էր՝ «վայ փորս, վայ մեռայ»: — Մեր  
պարուն նաշալնիկը պրիստաւի հետ երբ գալիս ա շէնս,  
ջոխտ ոչխար ենք մորթում, էստեղից-էստեղից բօլ  
գինի-արաղ, հաց, ձու, եղ, պանիր ու հաւեր եմ հա-  
ւաքում. լաւ պատիւներ ենք տալիս մեր նաշալնիկին  
ու մեր պրիստաւին... Երբ նրանց ճամբայ ենք դը-  
նում, մեր ուզբաշին ուրան իշխաններով մի լաւ քէֆ  
ա անում. Աստծու տւածից շատ բան ա ըլում մեա-  
ցած... Իէ ես էլ նրանց դուլլուղ եմ անում. նաշալ-  
նիկի ու պրիստաւի կենացները բօլ-բօլ խմում են  
մեր ուզբաշին ու իշխանները, ուրախութիւն են ա-  
նում, որ մեր շէնը պարզերես են դուրս բերել նրանց  
առաջին. օրհնում են նրանց եկած-գնացած ճամբէն,  
խմում ու ինձ էլ խմացնում... Երբ մեր ուզբաշի քէ-  
ֆը շատ չաղանում ա, հրաման ա անում ինձ, որ մի  
մեծ կարափինգայ գինով լցնեմ ու մի շնչումը մեր  
նաշալնիկի կենացը խմեմ նրանով. Աստծուց ջանսա-  
ղութիւն եմ խնդրում մեր նաշալնիկի համար, կարա-  
փինգէն գլխիս քաշում ու մի շնչումը էն սաղ կարա-  
փինգէն դարտակում նրա կենացը... Գիտում ես, թա



հեշտ ան, Մակի ապէր, մի շնչումը մի կարափինգայ գինի խմլ՛լը. քիչ ա մնում, թա շունչս կտրուի, հոգիս քը-թածակերովս դուրս գայ. ամա խմում եմ, միսս կեռիքս եմ ունում ու խմում... Գիտում է՞ք իսկի, այ մարդիկ, ինչի՞ համար, սեմ համար եմ խմում—մեր շինի, մեր հասարակութենի օգտի համար. նաչալնիկը մեր մհա-լի մեծն ա, նա մեր տէրն, նա թագաւորի ուրան պայ-ծառ աչքն ա՛ հստեղ մեզ համար, մեր պահպանութեան համար նշանակած. նա մեր մեծ օրէնքն ա. ես Աստուածանից ջանսադութին եմ խնդրում նրա համար, նրա ազիզ կենաց պայծառութենի համար մի շնչումը մի սաղ կարափինգայ եմ դարտակում, որ Աստուած նրա միտքը դիւզ պահի դէպի մեր շէնը, նրա աչքը քաղցրը պահի մեզ վրայ... է՛է... մեր շինի, մեր հասարակի օգտի համար քիչ ա մնում, թա կեանքս մահու տամ, ամա էլի դադրըս գիտում չեն. էստեղ-էնտեղ, դրադ բուջաղում, թաքուն ուշունց են տալիս ինձ, միթամ ես շէնս քանդում եմ, իսկ կնանիքը, կոտորած կնանիքը, գլուխս հողում են, շինի ցաւ ու չոռում սիպտակած գլուխս... Մակի ապէր, մի դէս մտիկ տուր, դէս. դիւզ երեսիս եաշի. աղջի,—դարձաւ նա հիւանդին շրջապատող կանանց,—գլուխը բարձրացրէք, դանջղներ. քոռ է՞ք, տեսնում չէ՞ք, որ խեղճ մարդը կարողանում չի իրան հաճակի՛ր...

Կանայք իսկոյն, գրկելով բարձը, բարձրացրին վայող հիւանդի գլուխը ու նրա մարող հայեացքն ուղղեցին այգալիսով դէպի իր «փրկիչը», իր «բժիշկը», որը գինով լիքը դրաֆինը մօտեցրել էր իր շրթունքներին:

—Տես,—շարունակեց նա,—հրէս մի սաղ կարափինգայ գինին միսս կեռիքս կալած խմում եմ քո կենաց համար ու խնդրում Աստուածանից, որ քեզ շու-

տով ջանսադութին տայ, իսկ երբ լիս դառնաս, հրբ մեռնես,—հիմի ոչ է, հիմի դեռ շատ պտես ապրիլ, ետոյ, երբ վաղէկ գայ,—էն աշխարհումն էն վախտը ոտդ ոչ քարի նի ունի,—ասաց, դրաֆինը քաշեց գլխին ու ամբողջովին դատարկեց:

Ներկայ եղողները՝ անթարթ աչքերը յառած նրա կոկորդին՝ մի-երկու րօպէ լուռ ունկնդրեցին գինու կլկլոցին...

—Չը,—դարձաւ նա հիւանդին գինին խմելուն պէս,—տեսա՞ր, Մակի ապէր, ի՞նչ արի. իսկի հասկացա՞ր սա էս ինչ բան էր. քեզ մի նաչալնիկի պատիւ տւայ, մի նաչալնիկի պատիւ... չէր օխնած, էլ ի՞նչ անեմ քեզ համար, որ դու շուտով լաւ դառնաս. դադրս ճնց պտես գիտալ...

—Շնորհակալ եմ, քեզ մատաղ, Ակուսի... շնորհակալ... վնյ մեռայ, վնյ,—ասաց հեւալով հիւանդը:

—Մեռնիլ չես, տաղ արն. լաւ բօլ հարահուրա արիբ,—ասաց գղիբը,—աղջի,—դարձաւ նա կանանց,—գլուխը վէր դրէք, բարձը հաճակեցէք, թողէք մի բօլ դինջանայ Մակի ապէրը:

Կանայք իսկոյն կատարեցին սքանչելագործ «ասիստենտի» հրամանը:

—Վարդան, Աւագ, արխային կացէք,—ասաց նա. դառնալով Վարդանին ու Աւագին,—դրա հարահրոցին մտիկ միք տալ. լաւ դառած-պրծած հաշիւ արէք դրան. դա որ Աստու փեշը էդհէնց պինդ բռնել ան, մեռնիլ չի. շատ պիտի ապրիլ դեռ:

Աղջի,—դարձաւ նա կանանց,—ես դուլլուդ ունեմ, գնում եմ էս ա, ամա ոտիս մինն էստեղ եմ պահելու. էսօր որ կարամ ոչ գալ, էգուց առաւօտ շատ գիշերով էստեղ պատրաստ եմ. բան ա, աւելի չի, Մակի ապէրը կարող ա սէրտը մին էլ թափել, էլ չաշ-

միջ ըլել, լաց չի ըլէք հա, լաց չըլէք ու խեղճ մարդին սրտաճաք անէք. թէ հու չէ կը գամ ու էլ հին ու նոր չեմ հարցնիր, մեծ պանը մտէս կը գցեմ ու ձեր մեռել-կենդանը տակն ու վրայ անեմ... Ձեր բախտիցը մեծ պաս ա. թաթախման պատարագին մեր ուզբաշիի ու իշխանների հետ միասին սրբութիւն պտեմ առնիր. էս պատճառաւ էսօր ինձ մի հանգաւ պահեցի, թէ հու չէ ձեզանից մի քանիսի հօր կարկաժ պէտք ա մի կարգին թրազէի ու նախշէի...

Մայան հարսը, հաստատ հաւատացած լինելով, որ իր խեղճ հօր կարկաժի հանգստութիւնը վերջ ի վերջոյ կարող է վրդովման ենթարկել անարկու բեծաւորի՝ կողմից, եթէ նա իր մենախօսութեան վերջում գրաֆինը դատարկ նկատի, կենսատու անօթը դատարկելուն պէս լցրել բերել էր արդէն «ասիստենտի» առաջին դրել:

Մեծագործ գգիրը իրար ետևից դատարկեց մի քանի բաժակ էլ ու Մակի ապօրը ջանսաղութիւն, շուտափոյթ ապաքինումն ու երկարակեցութիւն ցանկանալով, դուրս գնաց տնից:

Հետևեալ օրը վաղ առաւօտեան Մակի ապէրը մեռաւ...



## Յ Ա Ս Ո Ւ Ս

I

19...թ. Հոգեգալստի տօնին Քարկապ գիւղումը ըստ սովորականին տեղի ունեցաւ ցասման պատարագ: Քարկապն իր գաւառում յայտնի է իբրև ամենահացառատ գիւղ. նրա արտերն ամեն տարի բռնում են ընդարձակ տարածութիւն, նրա գութաններն ու եզները մարտի սկզբից մինչև նոյեմբերի վերջերը դաշտից տուն չեն վերադառնում. նրա ցորենը ոչ միայն քանակով, այլ և որակով յայտնի ու հռչակած է ամբողջ գաւառում. նա արտահանում է նոյն իսկ քաղաք: Երբ հարևան գիւղերում հացի պակասութիւն է գգացում, կարիքաւորներն իսկոյն դէպի Քարկապ են վազում՝ այնտեղից հաց գնելու կամ փոխ առնելու համար: Քարկապը բոլորին էլ պահում, պահպանում, եօլա է տանում մինչև նոր հունձը. նա իր շրջանի գիւղերի գլխաւոր յոյսն ու ապաւէնն է:

Ամեն տարի Հոգեգալստի տօնին Քարկապում կատարւում է ցասման պատարագ, մի շատ խորհրդաւոր ու հանդիսաւոր պատարագ, որին մասնակցելու համար հրաւիրւում են շրջակայ գիւղերի բոլոր քահանաները, դպիրները, գառամեալ տիրացուները. հրաւիրւում են իբրև պատուաւոր հիւրեր նաև գիւղական տանուտէրները, իշխանները, դատաւորները, պաշտօնիկներն ու ազդեցիկները: Քահանաներից ամենամեծը,



աւագը, մատուցանում է պատարագը, միւսները, մի-մի փորուրար հագած ու շուրջառ ծածկած, պաշտօնակցում են նրան: Հինաւուրց տիրացուները, զանազան երկարութեան ու գոյնի շապիկներ հագած, եկեղեցու դասում խմբւած, երգում են անընդհատ, երգում են ողբաձայն ու աններդաշնակ. նրանք չեն խնայում իրանց չորացած կոկորդները. իւրաքանչիւրը նրանցից աշխատում է քանի կարելի է բարձր, շատ բարձր երգել. իւրաքանչիւրն իր սիրած եղանակն ու չափն ունի: Նրանց աններդաշնակ ձայները խնկի, ծխի թանձր քուլաների հետ բարձրանում են վեր ու ոգեւորում ջերմեանդութեամբ տոգորւած գիւղական ամբոխին, դէպի գերբնական ոյժն ու վերջինիցս բղխող սքանչելագործութիւնները, հրաշքները, խոր հաւատ տածող ամբոխին, որն աղօթում է բազկատարած, աղօթում է արտասաւթոր աչքերով: Նա խնդրում, աղերսում է Ամենակարողից գթութիւն իր համար, հովանաւորութիւն իր արգար վաստակի, իր արտերի ու դաշտերի համար: «Տէր, դարձրու մեզանից քո ցասումը, Տէր Աստուած, քեզ մատաղ»,—լսում է անընդհատ եկեղեցու այս ու այն անկիւնում: Շատերը բոլոր ժամանակ չոքած, գլուխները գետնին յենած՝ աղօթում ու արտասանում են անընդհատ՝ «Դարձրու մեզանից կարկուտը, Տէր, կարկուտը, երաշտը, մուկն ու մորեխը...»

Ամենաաւերիչ ու սոսկալի ցասումն է կարկուտը, որը մի քանի րօպէում ոչնչացնում է գիւղացու ամբողջ տարւայ վաստակը. աղերսանքներն այդ պատճառով պտտում են գլխաւորապէս կարկուտի շուրջը: Քանի զիլ են երգիչների ձայները, քանի թանձր է խնկի ծուխը, այնքան աւելի ազդու է ժամերգութիւնը ու հետևարար աւելի ոգևորիչ աղօթող ամբոխի հա-

մար: Նրա խորին համոզմամբ ցասման պատարագն է պահպանում նրա արտերն ու խոտհարքները կորստից, Հոգոյն Սրբոյ շնորհով են նրանք փրկուում կարկուտից: Այդ պատճառով ցասման պատարագի աջողութեան համար ոչինչ չէ խնայւում. մորթւում են բազմաթիւ մատաղներ՝ ոչխարներ, արջառներ ու նոյնիսկ ամենի եղներ. կերակրւում են առատօրէն բոլոր գիւղացիները՝ հարուստներն ու աղքատները, մեծերն ու փոքրերը. կերակրւում են բոլոր հրաւիրւածները, իսկ վերջում ժողովրդի համար Աստու գթութիւնը հայցողները՝ քահանաներն ու դպիրները՝ ստանում են մի-մի մատաղի հէրի, առաջինները նաև մորթի, երբեմնակի նոյնիսկ տաւարի հէրի, որն անհամեմատ մեծ է ու հետևարար աւելի արժէքաւոր է ոչխարի հէրուց:

Քարկապը շէն, ունևոր գիւղ է. բոլորն էլ դո՛ս սրտով հեռանում են այնտեղից. բոլորն էլ լաւ հիւրասիրութիւն են վայելում այնտեղ, բաւականութիւն ու բաւարարութիւն են ստանում լիովին ու օրհնում քարկապեցիների օջաղը, հանդն ու հանդաստանը, որոնց ցասման պատարագի շնորհով գլխաւորապէս իւրաքանչիւր տարի փրկուում են կորստից ոչ միայն Քարկապի, այլև նրա շրջանի միւս բոլոր գիւղերի արտերն ու խոտհարքները, այգիներն ու ագարակները:

Ամեն գիւղ, ուղիղ է, իր հերթին, տարւայ այս կամ այն նշանաւոր տօնին, ցասման պատարագ է մատուցանում, բայց ոչ մի տեղ այդ պատարագը այն հրաշագործ գօրութիւնը չէ ունենում, ինչ որ Քարկապում. իրանց չքաւորութեան պատճառով միւս գիւղերը չեն կարողանում ցասման պատարագին այն փայլն ու շուքը տալ, այնքան մատաղներ մորթել, որ երկնքում, ինչպէս հարկն է, լսւի նրանց աղերսանքը...



19... Թ. ցասման պատարագը Քարկապուժ կատարեց առանց հարևան Նաչաշէն գիւղի քահանայ տէր-Չաքարի մասնակցութեան: Քարկապի քահանաները, տանուտէրն ու իշխանները դիտմամբ չը հրաւիրեցին նրան: Պատճառն այն էր, որ տէր-Չաքարը, իրան միւս բոլոր գիւղական քահանաներից մեծ, աւագ քահանայ համարելով, իւրաքանչիւր տարի ցասման պատարագից յետոյ առիւծի բաժին էր վերցնում իր համար մատաղների հէրիններից ու մորթիներից ու այդպիսով զրկում շատերին իր պաշտօնակիցներից: Տարիներ շարունակ բարեկրօն հայրերը համբերութեամբ տանում էին այդ անարդարութիւնը. վերջապէս որոշեցին բողոքել ու պատժել իրանց աւագ կարգակցին. տանուտէրի ու իշխանների համաձայնութիւնը առնելով, չը հրաւիրեցին տէր-Չաքարին, ու այդպիսով 19... Թ. ցասման պատարագն անցաւ Քարկապուժ առանց տէր-Չաքարի մասնակցութեան: Նա զրկեց պատարագն անելու պատւից, փառաւոր կեր ու խումբից ու ևս առաւել՝ փառաւոր հէրիններից ու մորթիներից:

Սաստիկ վշտացաւ ու անչափ զայրացաւ տէր-Չաքարը. այդպիսի անպատուութիւն իր օրում նա չէր տեսած. այդ նրա համար հասարակ, սովորական անպատուութիւն չէր, այլ կատարեալ տունքանդութիւն: Բարեկրօն տէր-հօր զայրոյթն իր չափն ու սահմանն իսպառ կորցրեց, երբ նա պատարագի հետեւեալ օրը իր ժամկոչ ու դպիր մահտեսի Գալստիից իմացաւ Քարկապուժ տեղի ունեցած հանդիսի մանրամասնութիւնները:

Մահտեսի Գալուստը ժամկոչ էր ու աւագ տիրացու, հին, իմաստուն, ամենադէտ դպիր: Տէր-Չա-

քարն առանց նրա մի քայլ չէր անում. իր քահանայի հետ նա էլ զրկել էր ցասման պատարագին մասնակցելու բախտից. նրան էլ չէին հրաւիրել, քանի որ այդ անկարելի էր առանց տէր-Չաքարի:

Մահտեսի Գալուստը դէպքի մանրամասնութիւններն իմացաւ Քարկապից վերադարձած խաչաշէնցի հիւրերից: Նա էլ տէրտէրի պէս սաստիկ վշտացաւ ու զայրացաւ: Իբրև փորձեալ, իբրև «իմաստուն» մարդ նա դիտէր, նա լաւ հասկացաւ, որ այդ բանն անպատիժ չէ անցնելու քարկապեցիների համար. համոզեալ էր, որ առանց տէր-Չաքարի պէս սուրբ մարդու ու իր մասնակցութեան ցասման պատարագը մի սովորական, հրաշագործ ոյժից զուրկ ժամասացութիւն է եղել, որից անմտութիւն էր որ և է օգուտ սպասել... «Իրանց ձեռքերով իրանց տները քանդել են բարկապեցիները,—ասաց մահտեսի Գալուստը, լսելով իր համագիւղացիներից հանդիսի մանրամասնութիւնները,—Աստուած նրանց անպատիժ չի թողնիլ, Աստուած նրանց խելքի կը բերի...»: Երբ տէր-Չաքարը լսեց բոլոր մանրամասնութիւնները, սաստիկ զայրացած դարձաւ մահտեսի Գալստին ասելով՝

—Մահտեսի Գալուստ, ի՞նչ, ի՞նչ. ասում ես՝ երեսուն ոչխար են մորթել ու օխտը տաւար. եանի հաւատամ, հաւատամ, ճշմարիտ ես ասում:

—Հն, ն տէր, երեսուն ոչխար ու օխտը տաւար. նրանցից իրեքն արջառ, չորսը եղը:

—Չորս եղը, չորս եղը,—կրկնեց ինքն իրան տէր-Չաքարը.—հէրու Հոգեգալստին երկու եզն էին միայն մորթել. էս տարի իմ աջուր են չորսը մորթել:

—Էն էլ ոնց եզներ, ոնց եզներ, ն տէր,—ասաց մահտեսի Գալուստը,—մինը մի գոմէշի չափ. ամեն



մինի հէրում, ասում են, մի փութ միս կըլէր ամենապակասը:

—Ադա՛, հում են ըլել եզները:

—Մինը Մաթունցն ա ըլել, մինը Սայունցը, մինը Վերդիի տղինը, մինն էլ Քիքունցը. ասում են լօխից մեծը, պաւարտը, Քիքունց եզն էր:

—Չըլի՞ Քիքունց Մաղիկ եզն ա ըլել. էն որ հէրու հնձի վախտը, երբ գնացել էինք քարկապեցիների կալերն օրհնելու, իմ ձեռքով պոչի պտկի մազերը խուզեցի, նշան արի, որ պահեն էս տարւայ ցասման պատարագի համար մորթելու:

—Հէնց Մաղիկն ինքն ա ըլել. քո սուրբ ձեռքով շոկած ու նշան արած Մաղիկը:

—Այ նրա միսը ոչ մարսեն իմ կարգակիցները, ոչ. ադու զահրիմար դառնայ նրանց գլխներին ու սպանի նրանց: Ես լաւ գիտեմ, որ նրանք են ինձ կանչելը խափանել, որ թո՛ւն ա՛ հէրիքն ու մորթիքը մենակ իրանք մարսեն... Տէր-Դանիէլ,—ասաց Քարկապի աւագ քահանայի հասցէին տէր-Չաքարը,—Քիքունց Մաղիկ եզան հէրիքը աչքումդ կենան, էդ աչքումդ. առանց ինձ նրա միսը դու հնց կերար, ա՛ զահրիմար ուտես դու, բալքի քեզ սպանի: Լաւ, լաւ. տես քո ու քո ժողովրդի գլխին տէր-Չաքարն ինչ օյին ա դնելու. տես, լաւ թամաշա ացա՛, լաւ մտիկ տուր. իմ զօրութիւնը, մեղայ Աստծու, ոչ իմ, այլ Աստծու զօրութիւնը շուտով ես քեզ նշանց կը տամ. ինձ պէս սրբակրօն քահանային անպատուելով դուք Աստծուն էլ էք անպատուել...

—Մենակ տէր-Դանիէլը չի կերել ահր հէրիքը,—ասաց մահտեսի Գալուստը,—երեսուն ոչխարից ու օխտը տաւարից օխտանասուն չորս հէրի ա ըլկլ, երեսունօխտը մորթի ու կաշի, երեսունօխտը գլուխ ու

հարիւր քառասուն ութ ոտը. տեղովը, լօխ, տէրտէրներն ու տիրացուները բաժանել են ու իրանց տները տարել: Ասում են, որ մենակ ծովաշէնցի տէր-Սարգիսը, իբրև աւագ քահանայ ու պատարագիչ, երկու հատ տաւարի հէրի ա տարել, չորս հատ ոչխարի, մի եզան կաշի ու հինգ հատ ոչխարի մորթի, մի տաւարի գլուխ ու չորս ոտը, երեք էլ ոչխարի գլուխ ու տաններկու ոտը: Մնացածներից էլ ամեն մինը իր խելքի կտրած ու սրտի ուզած մի բան ա ճանկել ու տարել: Ես ու դու ենք ամեն բանից զրկել, մաղրուն մնացել:

—Մաղրուն չենք մնալ, մենք նրանցից շատ կը շահենք. համբերի, մահտեսի,—ասաց տէր-Չաքարը:

—Ո՞նց, ա՛ տէր:

—Տէրը գիտում ա. դու միայն տէրին լսի. նա քեզ իմաստութիւն դեռ շատ կը սովորցնի: Ասում ես՝ հէրիքը տարել են, մորթիքը տարել են. բան չի կայ. թող ուտեն, վայելեն. դարդ մի անիր. մենք էլ կը տանենք, մենք նրանցից շատ կը տանենք. համբերի...

—Ա՛ տէր, ահր հնց է. մի ասա՛ տեսնեմ, քեզ արքայութիւն ըլի:

—Էդուց սարին քեզ կատեմ, սարին. ուրանից, Ամենակարողից, էնհէնց մի ցասում բերեմ քարկապեցիների համար, որ յաւիտեան չը մոռանան, յաւիտեան՝ որդէց որդի ու թոռնէց թոռը... Ի՞նչ ա, նրանք գիտում են, թէ ցասումից պրծել են. իմ գլուխը մեռել ա՛, ի՞նչ ա, որ նրանք առանց ինձ, առանց իմ աղօթքների, ցասումներից պրծնեն, հանդ ու հանդաստան պահեն... Առանց ինձ նրանք եթէ տասը ցասման պատարագ էլ անեն, էլի չեն պրծնիլ Աստծու անեղ դատաստանից, այնքան շատ ու ծանր են նրանց մեղքերը. էնհէնց մի ցասում պտեմ հայցիլ նրանց համար, որ երկինք ու երկիր սարսեն անգամ... Թէ

նրանք և թէ մեր գիւղացիք իմ պահածն են. էս սաղ մհալը իմ աղօթքներով ու ապաշխարանքով ես եմ պահում, ես միմիայն. ուրիշ ոչ մի երէց, ոչ մի քահանայ, ժողովրդի համար ցաւում չի. քանի-քանի անգամ եմ բոբիկ ոտներով երաշտ տարիները սուրբ Արթոնի սարը զնացել ու այնտեղից աշխարհի համար հրաշագործ քար ու նրա հետ միասին անձրեկ, կեանք ու փրկութիւն բերել. քանի-քանի անգամ եմ մեծ աւետարանը շալակած սար ու դաշտ դուրս եկել ու ժողովրդի համար Աստուծոց ողորմութիւն, գթութիւն խնդրել: Կեանքս Արթոնի ճանապարհին եմ մաշել: Ծառայ եմ նրա սուրբ զօրացը. խնդիրքս միշտ կատարել ա, խաթրս պահել ա, քէֆիս դիպել չի, ինձ ժողովրդի առաջին սևերես չի արել. աշխարհքի համար անձրեկ ա ուղարկել իմ խնդրանք: Ո՞ւմ համար եմ շարչարեկ ու կեանքս մաշել—բարկապեցիների համար, մեր գիւղացիների համար, արար աշխարհի համար, ոչ միայն մեր հայ քրիստոնեաների համար, այլ և թուրքերի ու այլ միլլաթի համար: Թուրքերը քարկապեցիներից լաւ են. քան-քանի անգամ են նրանց երևելիները ինձ ոչ թէ հասարակ հէրիներ ու մորթիներ, այլ սաղ գառներ ու ոչխարներ բաշխած՝ Արթոն գնալու ու այնտեղից անձրեկ բերելու համար. սուրբ Արթոնի զօրութեան նրանք էլ են հաւատում: Մի արաշտ տարի շատ վաղ զնացի Արթոն, գարունը էր դեռ. քոչերը նոր էին սկսել, թարսքամէն արանից նոր էր սար բարձրանում դեռ: Գնացի, բարձրացայ սարի գլուխը, սուրբ նահատակի գերեզմանից քարը վերցրի թէ չէ, պարզ երկիրը թխպով ծածկեց ու սկսեց որոտալ. ես իջնելիս սարի լանջումն էի դեռ, երբ անձրեկ սկսեց: Ծառունակելով աղօթքներս՝ քաշացայ սարի տակն ու ի՞նչ տեսայ. քոչերն իրար խառնած, մարդ ու անասուն.

գլուխները կորցրած, չը գիտեն՝ ի՞նչ անեն, ո՞նց աղատւեն անձրեկի ձեռքից. երեսանց լացն ու կսոնանց ճիչը, հարա-հուրէն, ահանջ էր խլացնում: Քոչերներն ինձ տեսան թէ չէ, ձեռաց դիւխ ընկան, հասկացան, որ Աստուած անձրեկ իմ խնդրանք ա ուղարկել, ես եմ անձրեկ սաբարը... Քեզ լաւ յայտնի ա, որ նրանք էլ են ինձ լաւ ճանաչում. գիտում են, որ Աստուծու կշտին խաթրաւոր մարդ եմ, զօրաւոր մարդ եմ. ինձ նրանք չէ որ անձրեկ բերող քեշիշ են ասում:

—Էդ լօխ ինձ լաւ յայտնի ա, ա՛ տէր, ո՞նց չի,— տասց մահտեսի Գալուստը,—նրանք լաւ գիտում են, որ մեր մհալի հայ գեղերանքումը քեզ պէս սրբակրօն ու իմաստուն երէց չը կայ:

—Մի հասակաւոր երեսրաց թուրքի կնիկ ինձ տեսնալուն պէս անխօսութիւնը էն կողմին դրաւ, դարձաւ ինձ ու ասեց՝ «ա քեշիշ, քո տունն Աստուծը քանդի, դու մեր տները խի՞ ես քանդում, մեզ խի՞ ես կոտորում. էս ի՞նչ ա մեր հալը, էս ի՞նչ ա էս երեսանց հալը. էսքան անձրեկ կը բերէն, որ դու բերել ե՛ս. կը դիմանայիր, քոչերը կը վերջանային ու էն վախտը կը գնայիր անձրեկ բերելու էլի...» Թուրքի կնիկը դեռ չը վերջացրած, էն ղողէն մի համփա, մի աղսախկալ թուրք, քոչերների մեծը, ո՞նց յետոյ երևաց, վազելով եկաւ ու սկսեց ձեռքի չոմաղով խեղճ պառակին թակել՝ ասելով՝ «Ձէնդ կտրի, քեօփազ օղլի կնիկ. էդ ի՞նչ ես ասում. քեշիշը մեզ համար աստուածային պարգև ա բերում, արար աշխարհի համար փրկութիւն, ողորմութիւն ա բերում Աստուծոց, դու նրան ասում ես՝ քո տունը քանդելի՛. գնա՛ քեշիշի ոտները պահի, ոտները...» Վազեցի, չոմաղից բռնեցի ու զօռով, մուննաթ անելով, խեղճ պառակին ազատեցի քոչերների մեծի ձեռքից, թէ հու



չէ սպանելու էր: Խելքահաս տղամարդիկը լօխ հաւաքւեցին մի տեղ, իմ կուշտը. ինձ շնորհակալութիւն յայտնեցին, խնդրեցին սրտիս մօտ չընդունեմ, չը նեղանամ անխելք կնիկարմատի ասածներէրից: քոչուրների մեծը հրամայեց ոչխարներէ սուրուններէց մի մեծ վերց, մի անագին արու ոչխար, շոկել ինձ համար. հրամանն իսկոյն կատարեցին. մեծը վերցը տուաւ ու ասեց՝ «Ա՛, քեշիշ, էս վերցը տար մատաղ արն, կէր քո ջամհաթի, քո ժողովրդի հետ միասին ու աղօթի աշխարհիս համար, խնդրւի, որ Աստուած թա հային, թա թուրքին մի աչքով եաշի. լօխն էլ նրա ստեղծածներն են...» Մի չորան դրեց հետս՝ վերցը դիւղը բերելու համար: Բերայ, մատաղ արի ու տունը մի աման բաժանեցի: Էն տարին դու էստեղ չէիր, երուսաղամ էիր գնացել: Թուրքերն էդհէնց մարդութիւն արին, մեր քարկապեցիներն էնհէնց: Օրհնուեն թուրքերը, ոչ օրհնուեն քարկապեցիները, որոնք մոռացել են իմ բոլոր լաւութիւնները. ինձ բանի տեղ չեն դնում. ցասման պատարագն առանց ինձ են անում. մատաղի հէրիքը ուրիշների են ուտացնում... Լաւ, տեսնեմ ֆնց են ցասումից աղատուում, ֆնց. նրանց էնհէնց մի պատիժ պտեմ տալ, որ տէրտէրով, տանուտէրով ու իշխաններով դան ինձանից ներողութիւն խնդրեն ու մի անգամից օխտը տաւար մորթեն իմ առաջին, օխտը տաւար... Հը՛, լաւ եմ ասում,—դարձաւ նա մահտեսի Գալուստին,—մտքիս հաւան Ես. պատիժ չը տամ նրանց, արժանի չեմ. դու ու քո Աստուածը, ճշմարիտն ասն. էս բանը քեզ հետ միասին պտեմ գլուխ բերիլ:

—Արժանի են, տուր, ս տէր,—ասաց մահտեսի Գալուստը,—պատժի, որ Աստուծն միտները պահեն: —Լաւ, դէ էգուց շատ գիշերով, դեռ մութը, լու-

սաքացից առաջ բուրվառը, խաչը, աւետարանն ու շուրջառը վերցրու ու եկ գնանք սարը: Էգուց առաւօտ ժամ չեմ ասելու. պէտք ա շատ կանոխ գնանք, էնպէս որ քեզ տեսնող չըլի ճանապարհին:

Մահտեսի Գալուստը, սաստիկ հետաքրքրւած՝ թէ ինչպէս պէտք է տէր-Չաքարը պատժէ քարկապեցիներին, գնաց տուն, խոստանալով ճշտութեամբ կատարել տէր հօր պատւէրը:

### III

Նետեալ օրը վաղ առաւօտեան տէր-Չաքարն ու մահտեսի Գալուստը բուրվառով, խաչով ու աւետարանով գաղտագողի դուրս եկան գիւղից ու ճանապարհւեցին սարը:

—Ա՛ տէր, քեզ մատաղ. մի ասն տեսնեմ, սա ինչ ա նշանակում,—ասաց ճանապարհին մահտեսի Գալուստը,—բան չեմ հասկանում. էս սարքերով, որ մենք գնում ենք, ուրեմն պէտք ա մաղթանք կատարենք. բա մաղթանքով ես ուզում պատժել քարկապեցիներին. մաղթանքով էդ ֆնց պտես պատժիլ. էդհէնց բան ես լսած ու տեսած չեմ:

—Էսօր կը տեսնաս,—ասաց տէրտէրը,—կը տեսնաս, որ տէր-Չաքարի իմաստութեանը չափ ու սահման չը կայ բնաւ. թող մի բարձրանանք սարը, էս վախտը դու մի թամաշա արն, տես՝ տէր-Չաքարը քարկապեցիներէ տները ոնց՛ա քանդում... Տաւարի հէրիքը տէր-Սարգսին ուտացրել են. ու գիտում են, թա նրանով հանդ ու հանդաստան են փրկելիւ. սխալում են անչափ. ամեն բան քանդիլ պտեմ ու աւերեմ: Օխտը տաւար պտեն ինձ համար մորթիլ, օխտը տաւար,

թէ հու չէ Քարկապի հանդում մի հատ հասկը ու մի հատ կանաչ խոտ չեմ թողնիլ...

—Ա՛ տէր, ահր էդ մնց պտես անիլ. մի ասան է. համբերութիւնս հատել ա. սիրտս տրաքում ա. ամեն իմաստութիւն քեզանից եմ սովորել, մի էդ իմաստութիւնն էլ սովորեցրու է, էդ զօրաւոր իմաստութիւնը, — ասաց մահտեսի Գալուստը:

—Ասում ես՝ մնց պտեմ անիլ, մնց պտեմ քարկապեցիներին պատժիլ ու Աստու ուղիղ ճանապարհը ցոյց տալ նրանց. դէ լսի՛ էս ա որ բարձրացանք սարերը, կը գնանք ամենաբարձր սարի, Քամանդի, գլուխը, մեր գեղի ու Քարկապի հանդի սահմանը: Այնտեղից մեր աչքերի առաջ փուլած կը լինեն թէ մեր և թէ քարկապեցիների արտերը, ամբողջ հանդն ու հանգաստանը. այնտեղ մաղթանք կը կատարենք. կը խընդրենք, կաղերսենք, որ Աստած իր բոլոր բարիքները, իր ողորմութիւնը թափի մեր հանդի վրայ, իսկ իր բարկութիւնը, իր ցասումը, կարկուտն ու բոլոր չոռ ու ցաւը, բոլոր պատուհասները՝ քարկապեցիների արտերի, արօտների ու խոտհարքների վրայ...

—Քո իմաստութեանը չափ ու սահման չը կայ, ա՛ տէր, — ասաց խորին հիացմամբ մահտեսի Գալուստը, — լաւ ես մտածել. քո խելքին խելք չի հասնիլ. մի եպիսկոպոսի խելք ունես քեզ, ա՛ տէր: Թող քարկապեցիները խրատեն ու իմանան, որ էս մհալումը, մեր սաղ զաւառումը, քեզ պէս իմաստուն, սուրբ ու զօրաւոր երէց չը կայ:

Կէսօրից մօտիկ ճանապարհորդները հասան Քամանդի գագաթին. ճանապարհին մարդ չը պատահեցին. սարերն ամայի էին. արտերն ու խոտերը հասունացած չէին դեռ. մինչև հունձը դեռ բաւականին ժամանակ կար: Քամանդի գագաթից բոլոր շրջակայ տարածու-

թիւնը, թէ Քարկապի և թէ Խաչաշէնի հանդը պարզ երևում էր: Քիչ հանգստանալուց ու բացուող լայնածաւալ տարածութիւնը դիտելուց յետոյ, տէրտէրն ու ժամկոչն սկսեցին մաղթանքը: Մահտեսի Գալուստը խնկարկում էր տէր-Չաքարին ու ձայնակցում նրան. տէրտէրը բարձրաձայն երկում էր ու կարդում աւետարանը: Երբ մաղթանքի սահմանած կարգը վերջացաւ, սկսեց նրա ոչ-պաշտօնական մանր. տէր-Չաքարը, խաչը ձեռքին բարձր բռնած, սկսեց խիստ բարձրաձայն Աստու օրհնութիւնն ու ողորմութիւնը հայցել Խաչաշէնի համար, իսկ բարկութիւնը, ցասումը, ստակալի պատիժները Քարկապի համար: Իր ասելիքները շարադրում էր նա տեղն ու տեղը, շարադրութիւնը նախօրօք ուրւագծած, կշռադատւած էր երևում, երգում էր մաղթանքի համար սահմանած եղանակով, խորհրդաւոր ու ազդու ձայնով: Ժամկոչը ձայնակցում էր նրան, անդադար խնկարկում խորին երկիւղածութեամբ ու պատկառանքով ու աշխատում կրկնել այն դարձաւածքները, որն այնպիսի զարմանալի հմտութեամբ շարադրում էր իմաստուն տէրտէրը: Մահտեսին խնկարկութեան համար կրակն արաւ սարի գագաթը բարձրանալուն պէս. խունկ առատութեամբ վերցրել էր եկեղեցուց: Անողորմ վրէժի ծարաւով բռնկւած տէրտէրը թւում էր Քարկապի արտերը, հողերի, խոտհարքների ու արօտավայրերի յատուկ անունները, այս կամ այն արտաշատ ու խոտառատ վայրը ու ցասում, կարկուտ, հեղեղ ու ամեն տեսակ պատուհաս՝ խընդրում Աստուց նրանց համար:

Նա մանրամասնաբար թւում էր Քարկապի լայնածաւալ հանդի սահմանները՝ դէպի վեր — բարձրաբերձ սարերը, դէպի վայր — ձորերը, ծուռ ու մուռ կամ, ըստ նրա, կեռ ու մեռ ձգող սահմանագիծը



ու հայցում, որ բաղձալի կարկուտը այն սահմանագծից դէպի Սաշաշէնի հանդը չանցնի, այլ աւերի միմիայն Քարկապի հանդը. յատկապէս մատնանշում էր Քարկապի այն ազդեցիկ մարդկանց, ազդեցիկ տոհմերի հողերը, որոնք անկասկած ձայն էին տւած յօգուտ այն բանի, որ նա չը հրաւիրւի ցասման պատարագին:

Մաշտոցով սահմանած մաղթանքը վերջացնելուն պէս տէր-Չաքարը մի լաւ հաղաց, մաքրեց կոկորդը ու սկսեց երգել իր սեփական մաղթանքը, որն իր մտքում յատկապէս ուրւագծել, շարադրել էր ցասման համար, մահտեսի Գալստի ղեկուցումը լսելուց յետոյ, գիշերը, երբ նա քուն չունեցաւ համարեա, ու կատարելագործել էր սարի ճանապարհին, մահտեսու հետ միասին սար բարձրանալիս:

Լուրջ, վշտադրոշմ հայեացքն ուղղելով դէպի վեր, դէպի կապուտակ անհունութիւնը ու ընդգրկելով ամենատես աչքերով նաև Քարկապի հանդաստանը, նա սկսեց՝

Օրհնութիւնը մեր հանդին, ցաւն ու չորը Քարկապին.

Ով Տէր մեծագօր, ղրկի մեզ բարիքներ, Քարկապին չարիքներ.

Աւերեան ու քանդեան զամենայն արտօրայս ու դաշտօրայս նոցա, այն է՝

զԳեանդդարա և զՏանձուտ, զԿալի հող, զԱղի ձոր, Դէն դվէր զՔամհար-քար, դէն գլխվէր զՀնդափոր...

Ամէն, ալելուեա, ալելուեա, ալելուեա... զՀնդափոր... գՔամհար քար... դէս դվէր... գլխվէր...

զԱղի ձոր,—ասաց երգելով մահտեսի Գալստը, երեսը դէպի տէր-Չաքարը դարձրած ու նրան խնկարկելով՝ փոխելով տեղը. մինչև մաղթանքի

վերջը մէջ ընդ մէջ նա երգելով կրկնում էր ալելուեա, տէրտէրի ասածներից կցկտուր յաւելւածներ անելով փոխում տեղն ըստ աշխարհի կողմերի, ինչպէս այդ սահմանւած է մաղթանքի համար. տէրտէրն էլ համապատասխան կերպով փոխում էր տեղը ու կանգնում խնկարկելի դէմ ու դէմ:

Տէր-Չաքարը շարունակեց, ուղղելով վշտով ու զայրոյթով տոգորւած հայեացքը մերթ դէպի երկինքը, մերթ դէպի Քարկապի լայնարձակ հանդի այլ և այլ կողմերը՝

Դէն դվէր, դէս գլխվէր, ետ դբետ, ձորն ու վեր, կեռ ու մեռ.

Թափի շատ զկարկուտ և զսելաւ ու դարձրու զանապատ՝ զՄաթունց հողք, զխմհատս Վերդիի, զարտօրայս

Քիքունց և զՍայունց մեծ թալայ

Ու զամենայն արտս ու արօտս բազմամեղ ժողովրդի Քարկապայ,

Որ մոռացել է իսպառ զքեզ ու քո դատաստանն անեղ...

Ամէն, ալելուեան, ալելուեան, ալելուեան... աւերեան զարտօրայսն Քիքունց և Սայունց... ու ժողովրդի բազմամեղ Քարկապայ... ետ դբետ, ձորն

ու վեր...

Դէն դվէր, դէս գլխվէր, կեռ ու մեռ, հարերդա տարտարոս թող դառնան

զԲարի հողք և զԱրմօվ, զԲակեր և զՍալեր, զխոտհարքներ, զարօտներ,

զՃլլըտնի, Սլլլըտնի, զԿեռ հողեր ու զամենայն դեարադիւլակս ու թումբ ու փոսս այն.

Առաքեան զկարկուտ և զսելաւ ու քանդեան, աւերեան՝ զՇամիձոր, զԱմիրվար, զՉէյրաթ, զՄլճլան, զՊլպլան, թող բուսնեն անդ միայն կոտսնի, բլրղան,

Որ ոչխարք ոչ ուտեն, որից նրանք կոտորւեն...

Ամէն, ալիուեան, ալիուեան, ալիուեան... Պիպլան...  
Թող բուսնն անդ միայն կոտանի, բլրրղան...

գՕՆձլան... բլրրղան, որ ոչխարք ոչ ուտեն...

Դէն դվէր, դէս գլխվէր, ձորն ու վեր, կեռ ու մեռ,  
Ետ դքետ, հարերդա դէն դիեր գկարկուտ թող շատ գայ  
Ու քանդի, աւերի զարտօրայսն Տօմբրունց...

—Ա՛ տէր, քեզ մատաղ,—ընդհատեց տարօրի-  
նակ մաղթանքը մահտեսի Գալուստը,—Տօմբրունց ար-  
տերի անունը տալ մի, նրանց համար ցասում մի ու-  
զիր. նրանց խեղճ եկ, փրկի. ահր նրանք իմ խնամիքն  
են. բան չի գալ. աղջիկս նրանց տանն ա. նրան էլ ես  
իր խիզանով զրկում ահր:

—Ես էստեղ խնամի-մնամի չեմ ճանաչում. Աստ-  
ծու ահեղ ու արդար դատաստան ա կատարում էս-  
տեղ. քարկապեցիները բոլորն էլ մեղաւոր են, բոլորն  
էլ պէտք ա պատժեն...

—Ա՛ տէր, կարգիդ մատաղ, խնամիներիս խեղճ եկ:

—Բա ցասման պատարագի օրը քո խնամիները,  
որոնք գիւղի անւանի, համփա մարդկանցից են, դի-  
փի գլխաւորներն են համարեա, էն ինչո՞ւ չէին իրանց  
տէրտէրին ու տանուտէրին ստիպում, որ մեզ կանչեն:

—Ինչ որի ա, ա՛ տէր, բաշխի նրանց. ներողու-  
թիւն արա. աղջկանս ու նրա հրեխանցը գոնէ խեղճ եկ:

—Չէ, բաշխիլ չի պտեմ. նրանց ամենից շատ պը-  
տեմ պատժիլ, ամենից շատ. նրանք մեծ օջաղ են, մեծ  
տուն են, պէտք ա կուճուր տուն շինեմ նրանց...

—Ա՛ տէր, քեզ մատաղ, ինձ խաթրն արա. Տօմբ-  
րունց տունը քանդիլ մի. նրանք, առանց էն չի, մեզ  
լաւութիւն կանեն, լաւ խախն են:

—Չէ, քանդիլ պտեմ, քանդիլ:

—Ա՛ տէր, էդ սուրբ կարգիդ մատաղ դնամ ես.  
Իմ ծերութեանը գոնէ խաթրն արա. ես քեզ խնդրում

եմ, տէր հայրը,—ասաց դողդոջուն ձայնով մահտեսի  
Գալուստը, բռնելով իր ալևոր բռնոթոտ միրուքից:

—Իէ լաւ, լաւ,—ասաց տէր-Չաքարը,—էղքան որ  
խնդրում, մուննաթ ես անում, ծերութեանդ խաթրն եմ  
անում, Տօմբրունց ներում եմ, նրանց արտերը փրկում  
եմ. ամա ասան, որ լաւութիւնս մոռանան ոչ հա. հաս-  
կացրու նրանց: «Տէր, փրկեան ու պահպանեան զարտօ-  
րայսն Տօմբրունց»,—ասաց տէր-Չաքարը, հայեացքն  
ուղղելով դէպի վեր: Հիմի գո՛հ ես,—դարձաւ նա մահ-  
տեսուն:

—Հա, ա՛ տէր, փառաւոր ըլես. Աստուած քեզ  
կարգի ու պատարագի պահի: Ես Տօմբրունց կասեմ,  
կը հասկացնեմ նրանց, թէ ինչ լաւութիւն ես դու ա-  
րել, ոնց ես Աստծու բարկութիւնը հեռացրել նրան-  
ցից: Նրանք կը շահեն, կը պատեն քեզ, լաւ կը յա-  
հեն. միամիտ կաց:

—Իէ, շարունակի. բուրվառ արա՛ ու ձայն պա-  
հի,—ասաց տէր-Չաքարը:

Մահտեսի Գալուստը շարունակեց բուրվառ անել  
ու ձայնակցել. տէր-Չաքարն էլ շարունակեց իր ահա-  
ւոր մաղթանքը: Նա մանրամասնօրէն թուում էր քար-  
կապեցիների արտերը, խոտհարքները, արօտավայրերը,  
ազարակները, այգիներն ու բանջարանոցները ու ա-  
ղերսում երկնքից նրանց համար կարկուտ ու ամեն  
տեսակ չոռ ու ցաւ: Քամանդի զագաթին մօտ մի ժա-  
մաչափ էլ լսեց անընդհատ՝ «...Դէն դվէր, դէս գըլ-  
խվէր, հարերդա ձորն ու վէր, ետ դքետ, կեռ ու մեռ  
աւերեան ու քանդեան զարտօրայս, զարօտս, զխոտհարքս,  
զազարակս ու զայգիս բազմամեղ ժողովրդի Քարկա-  
պայ...»

## IV

Իրիկնաժամից քիչ առաջ մտերիմ բարեկամները իրանց գործը կատարած վերադարձան գիւղը: Ճանապարհին պատահող գիւղացիները, իմանալով, որ տէր-տէրը գնացել է մաղթանք կատարել սարին (մանրամասնութիւնները ոչ ոք նրանցից չը գիտէր դեռ), իրանց անկեղծ շնորհակալութիւնը, սրտաբուղիս երախտագիտութիւնն էին յայտնում նրան, որ առանց մտտադի, ցամաք հաց ուտելով, ինքնաբերաբար բարձրացել է սարերը՝ այնտեղ ժողովրդի ու աշխարհի համար Աստծու ողորմութիւնն ու գթութիւնը հայցելու...

«Կարգիդ մատաղ գնանք, ան տէր, կարգիդ. դու ես մեզ պահում, դու միայն. քո աղօթքներով ենք մենք ապրում... Եթէ դու չաղօթես մեզ համար, Աստուած մեր գլխին կը խոտովի, նրա բարկութիւնը մեզ կը բռնի, ու մենք հող ու մոխիր կը կորչենք, սոված-ծարաւ կը կոտորենք. փառաւոր ըլիս դու, ան տէր, փառաւոր», ասում էին սաստիկ զգացւած երախտագէտ գիւղացիները ու համբուրում տէր-Չաքարի բռնութեամբ:

Պատահող գիւղացիների մէջ լինում էին նաև քարկապեցիներ. նրանք էլ նոյնն էին ասում ու նոյնն անում: Տէր-Չաքարը բոլորին էլ անխտիր օրհնում էր:

Վերադառնալով գիւղը, տէրտէրն ու ժամկոչը գնացին եկեղեցի, երեկոյեան ժամն ասացին ու հանգիստ խղճով գնացին տուն: Երբ նրանք բաժանուում էին իրարից, մահտեսին ասաց տէր-Չաքարին, ցոյց աւալով երկինքը՝

—Ա՛ տէր, մտիկ տուր մի. հրէհա՛. Քարկապի սարերի վրայ սև-սև թխպեր են երևում. տեսնում ես:

—Տեսնում եմ, տեսնում. Աստծու պատիժն էն ա

հան, կամաց-կամաց հասնում ա նրանց... Առանց ինձ ցաման պատարագ են անում, օխտը տաւար, երեսուն ոչխար են մորթում. հէրիքը տէր-Սարգսին են ուտացնում. թող հիմի Աստծու ահաւոր ցասումը դարձնեն իրանցից, տեսնեմ՝ ո՞նց են դարձնում:

## V

Չուգադիպութիւնը զարմանալի էր ու սոսկալի. նոյն գիշերը Քարկապի հանդին սաստիկ կարկուտ եկաւ ու աւերեց, ոչնչացրեց նրա արտերի ու խոտհարքների մեծ մասը:

Սաչաշէնը լաւ պրծաւ. նրա արտերն անգլաս մնացին բոլորովին: Կարծես ինչ-որ չար ոյժ բոլոր հարւածները գիտմամբ ուղղել էր խեղճ քարկապեցիների դէմ: Սաչաշէնցիք իրանց փրկութիւնը ամբողջովին վերագրում էին իրանց տէրտէրին: Նրա ինքնաբերաբար սար գնալն ու այնտեղ մաղթանք կատարելը յայտնի էր դարձել ամբողջ գիւղին: Տէրտէրի ձեռքերն ու փեշերը համբուրում էին գիւղացիք: Նրա ժողովրդականութիւնը միանգամից կրկնապատկեց, տասնապատկեց. առաջ էլ նրան շատերը սուրբ էին համարում, բայց այդ անգամ բոլորովին սրբացրին. ոչ ոք այդ բանի դէմ հակաճառել չէր համարձակուում այլևս: Ժամկոչ մահտեսի Գալստի հօրն էլ օգորմի էին տալիս անդադար, որ նա էլ, չը նայած իր ծերութեան, տէրտէրի հետ ոտով բարձրացել էր սարը՝ գիւղը կորստից փրկելու համար: «Քեզ արքայութիւն ըլի, Գալուստ ապէր,—ասում էին նրան,—քո հօրն օգորմի. եթէ տէրն ու դու չը գնայիք սարը, կարկուտը մեր տուն ու տեղն էլ կը քանդէր, ո՞նց քարկապեցիներինը քանդել ա:

Բոլորն էլ մնացել էին զարմացած, ապշած՝ թէ ի՞նչ պատճառից էր քարկապեցիներին այն մնասը հասել, էն էլ հազիւ երկու օր ցասման պատարագից անցած. պատճառն ի՞նչ էր, որ Աստուած չընդունեց նրանց պատարագն ու մատաղները. չէ՞ որ ամեն տարի ընդունում է, չէ՞ որ տասը, քսան տարի կը լինի, ինչ քարկապեցիների գլուխն այդպիսի օյին չէ եկել: Տէր-Չաքարն ու մահտեսի Գալուստը լուռ էին դեռ: Ժողովուրդը հազար ու մի ենթադրութիւն էր անում ու վերջ ի վերջոյ վերադրում դժբախտութիւնը Աստուծո անըմբռնելի սնօրինութեան, որի պոլթը շարժիլու ու աչքը դէպի իր ստեղծածները քաղցր պահելու համար պէտք է շատ ապաշխարել, շատ պատարագներ ու մատաղներ անել...

Քարկապը սուգ ու շիւանի մէջ էր. ամեն տանողը էր լուռ, աղի արցունք էր թափուում. կորուստը անչափ մեծ էր ու անփոխարինելի, անօրինակ համարեաւ. արտերի մեծ ու ամենաընտիր մասը հողի հետ հաւասարել էր: Նոյն վիճակին էին ենթարկւել նաև Տօմբրունց արտերը, որոնց համար տէր-Չաքարը իր ժրջան ժամկոչի ու դպիրի թախանձագին խնդրանօք առանձնակի դիմում արաւ ում հարկն է ու փրկութիւն հայցեց: Քարկապեցիների դժբախտութիւնը անտանելի էր վերին աստիճանի: Մեծերը երանի էին տալիս փոքրերին, մանուկներին, որոնք հասկացողութիւն չունէին տեղի ունեցած աղէտի մասին ու խաղում էին ըստ սովորականին անհոգ: Կանայք խմբերով գնում էին տապալւած արտերին մտիկ տալիս ու սուգ անում նրանց վրայ: Նրանց աղիողորմ ձայներից քիչ էր մնում, թէ քարերն անզամ արտասուեն. ամեն տեղ սուգ էր՝ թէ գիւղում, թէ դաշտում, թէ սարում, թէ ձորում: Քարկապեցիները թուում էին իրանց մեղ-

քերը, ծեծում իրանց գլուխները ու ողորմութիւն, գթութիւն ու փրկութիւն խնդրում Աստուծոց մնացած արտերի համար:

— Դժբախտ դէպքից երեք օր հազիւ էր անցել, երբ հոչակաւոր մաղթանքի մանրամասնութիւններն ու իսկական նպատակը յայտնի դարձան նախ Խաչաչէնում, ապա Քարկապում ու շրջակայ միւս գիւղերում: Մահտեսի Գալուստը տէր-Չաքարի թոյլտութեամբ, որն օգտուեց դէպքից իր «ահաւոր» ոյժը ժողովրդին ցոյց տալու համար, պատմեց ամեն բան: Ինքը տէրտէրը ոչ ոքի ոչինչ չէր ասում. նա ժամ էր գնում գալիս լուռ, լուրջ, խորհրդաւոր ու հաւաւոր դէմքով: Ժողովուրդը, այդ բանն իմանալուց յետոյ, տեսնելով նրա մէջ մի տեսակ գերբնական սոսկալի ոյժ, խորին ակնածութեամբ նայում էր նրան, ի սրբ-տէ Վօրնեան, տէր» ասում ու դողդոջուն շրթունքներով համբուրում նրա ըննթոտ աջը:

Խաչաչէնցիները մեղադրում էին քարկապեցիներին, անխնայ դատափետում էին նրանց անհեռատութիւնը, ապերախտութիւնն ու յիմարութիւնը, որ իրանց «տէրի» պէս սուրբ մարդին արհամարհել են, ցասման պատարագին դիտմամբ չեն հրաւիրել ու այդպիսով իրանց տներն իրանց ձեռքերով քանդել են, իրանց գլխներին զօռով Աստուծոց ասում են բերել... Կային և այնպիսիներն, ի հարկէ, որոնք մեղադրում էին տէր-Չաքարին ու ասում իրանք իրանց, կամացուկ, ծածուկ՝ «Գլուխդ մեռնի, էդ գլուխդ. ի՞նչ անենք, որ քեզ կանչել չեն. քո կեանքում խրիկ ես կերել ու խմել Քարկապում. մի սուրու տաւար ու ոչխար կըլես կերած էնտեղ. կէնտ երկու հէրի համար խեղճ մարդկանց տներն ինչո՞ւ ես քանդել, ա՛ դու օձի միս ուտես հէրիների տեղ»:



Այդպիսի ձայները հատ ու կտոր էին ու բացարձակ չէին լսուում. այդպիսիները հրապարակով նոյնպէս մեծարուում էին տէր-Չաքարին ու նոյն իսկ սրբերի կարգում դասում նրան, այնքան բարձրացել էր նրա հեղինակութիւնը Քամանդի գագաթին տեղի ունեցած հրաշագործ մաղթանքից յետոյ:

## VI

Քարկապոււմ երբ իմացան տէր-Չաքարի կատարած մաղթանքի մանրամասնութիւնները, աննկարագրելի զայրոյթով բռնկեցին բոլորն էլ. անէծք, նըղովք ու սպառնալիքներ էին լսուում նրա հասցէին ամեն քայլափոխում, ամեն տան. մեծ ու փոքր, մայր ու մանուկ հէնց մի ձէնի անիծում էին նրան:

«Քո տունը քանդել քո գլխին, ոնց մեր տները քանդել ես, ւ անասուած,—ասում էին զայրացած քարկապեցիները տէր-Չաքարի հասցէին,—երկու հէրի համար էսհէնց օյին կը դնեն սաղ գեղի գլխին, որ դու դրել էս... Ըհ, տէր-Չաքար, հոգիդ դժոխքումը դադ-գադ ըլի, հոգիդ մարդ էդքան անխղճատանք կըլի: Մեր աղ ու հացը քեզ քուացնի. քանի-քանի անգամ ես մեր շինումը կերել ու խմել. բա իսկի մտիդ չի. որ լաւ հաշիւ անենք, քիչը հարիւր գլուխ տաւար կերած կըլես քո տիրացուներով. դեռ խուրդա հայկանը՝ հաւը, վերցաղը, գառը, ուլը, ոչխարն ու էծը՝ չը հաշուած... Մի կէնս անգամ զրկեցիր կեր ու խումից ու վեր կացար գնացիր Քամանդի գլխից սաղ գեղը քանդեցիր, քարուքանդ արիր. բա քեզ հոգի ու խղճմտանք չունես, ւ գլխամե՞ռ, այ հարամ ըլի քո կարգը քո գլխին, հարամ...»:

Ընդհանուր զայրոյթը, կատաղութիւնը չափ ու

սահման չունէր: Երկու հարևան գիւղերի մէջ հեշտութեամբ կարող էր արիւնահեղ ընդհարում պատահել տէրտէրի պատճառով. գիւղերից մինը, Սաշաշէնը, համարում էր նրան սուրբ, իմաստուն, «գօրաւոր», միւսը՝ Քարկապոււմ,—անասուած, անխղճատանք, անհոգի...

Չը նայած դրան Քարկապոււմ կային մարդիկ, որոնք այլ կերպ էին նայում տէր-Չաքարի վրայ. անօրինակ դէպքն ստիպում էր նրանց ակամայ համարել Սաշաշէնի տէրտէրին գերբնական ոյժով օժտուած մարդ, որը կարող էր նրանց աւելի մեծ վնասներ հասցնել ու որին այդ պատճառով պէտք էր սիրաշահել, գրաւել... Այդ մարդիկն էին գիւղի մեծերը, ծերերը, նահապետները, հասարակութեան հին, փորձուած աւագ անդամները: Նրանք մեծ, աններելի սխալ էին համարում տանուտէրի ու քահանաների կողմից տէր-Չաքարին ցասման պատարագին չը հրաւիրելը. նրանք համոզուած էին, որ կարկուտը չէր լինի, եթէ այդ սխալը գործած չը լինէին, եթէ տէր-Չաքարը նախկին տարիների պէս մասնակցէր պատարագին, ինքն անէր պատարագը, այլ ոչ ծովաշէնցի տէր-Սարգիսը, ու մատաղներից իր անւան ու դիրքին վայել բաժին տանէր իր համար... Մի քանի օր անցնելուց յետոյ, երբ գրգռած կրքերը մի քիչ հանդարտեցին, ձերկըրը ժողովի հրաւիրեցին գիւղի հասարակութիւնը. կըրտամբեցին տանուտէրին, քահանաներին ու իշխաններից նրանց, որոնք առաջիններին թոյլ էին տուել այն մեծ սխալը գործելու, ու յետոյ առաջարկեցին առանց երկար ու բարակ մտածելու նոր մատաղներ մորթել ու այդպիսով գրաւել, սիրաշահել տէր-Չաքարին, խնդրել, աղաչել նրան՝ գալ Քարկապոււմ սարերին մաղթանք կատարել, Աստու գթութիւնը հայցել, նրա պայծառ աչքերը դէպի Քարկապոււմ գարձնել՝ մնացած



արտերը, այգիներն ու պարտէզները գոնէ կորստից փրկելու համար...

Ժողովին սոււար բազմութեամբ ներկայ գտնուող երիտասարդները, որոնց հետ չէր խօսուում այդ սև օրերին, որոնց մեծերը, խելքահաս մարդիկը, զօռով էին պահում, խնդրելով, աղաչելով, հայրաբար կշտամբելով, զինաթափ անելով մի կերպ, զայրոյթով պատասխանեցին ծերերի այդ առաջարկութեան: 'Ինչ այդ ժողովից առաջ, տէր-Չաքարի մաղթանքի մանրամասնութիւնները լսելուն պէս, նրանցից շատերը, անզուսպ զայրոյթով բռնկւելով, զինւեցին՝ Պաշաշէն գնալու հաստատ մտադրութեամբ, այնտեղ տէրտէրին ու նրա դպիրին թիքա-թիքա կոտորելու համար, մեծ դժուարութեամբ նրանց զինաթափ արին ու հանգստացրին: Մինչև այդ ժողովի օրը այդպիսի տեսարաններ մի քանի անգամ կրկնւեցին. ծերունիների առաջարկին երիտասարդները պատասխանեցին նոր սպառնալիքներով. մի քանիսը նոյնիսկ անպատիւ արին, հայհոյեցին ծերերին. ձեռքերը դէպի դաշոյններն ու փեշերի տակ պահած ատրճանակները տարան, սպառնացին իսկոյն և եթ զինւել հրացաններով, մօտիները անունը տւան նոյն իսկ, ու գնալ տէր-Չաքարի ու մահտեսի Գալուստի գլուխները բերել՝ փոխանակ նրանց առօր-փառօք հրաւիրելու...

—Գիւտէլ էք դուք,—ասացին ծերերը,—պակասը դրանով կը թամամէք. դրանով դուք գեղը շինիլ չէք, այլ կը քանդէք. որ դուք էդ էք ուզում, ա խիզան, առաջ մեզ լօխիս, էս գիւղումը ձեզանից սաւահի ինչ մարդ կայ՝ մեծ ու կուճուր, մէր ու մանուկ՝ կոտորեցէք, գետն ածեցէք ու նոր գնացէք Պաշաշէն ձեր ասածն անելու... Էդ ի՞նչ ա անցկենում ձեր մտքովը, ո՞ւմ էք ուզում սպանել—քահանայի ու մղղսճ. գիտում էք

հիւքեր են նրանք,—Աստծու ղուլլուղչիներ, Աստծու սպասաւորներ. մինն օժեալ ա, միւսը տեաճեալ. նրա ձեռները Քրիստոսի ուրան սուրբ գերեզմանի վրայ են տեաճել: Եթէ Աւուած մի արասցէ, մի արասցէ, դուք բոլորովին խելքներդ կորցնէք ու ձեր ասածն անէք, էն ժամանակը մենք կը կարանք իսկի Աստծու հետ խօսանք, նա մեր աղօթքը, մեր մատաղը, մեր պատարագը կընդունի՞, կը կարանք նրա պայծառ երեսին մտիկ տանք գոնէ՞, ի՞նչ էք գիտում. դեռ բախէք էք. ասուածային բարկութիւնը էնհէնց կը բռնի մեզ, որ մեր հանգին մի հատ հասկ, մի հատ կանաչ խոտ, մեր բաղերում, բաղշաներում մի կանաչ տերև անգամ չի մնալ. ոչ մի շնչաւորի համար մեր շինումն էլ ապրուստ չի ճարելի... Էդ բաւական չի. մենակ Աստծու բարկութիւնը չի բռնիլ մեզ, թագաւորի բարկութիւնն էլ կը բռնի, մեր ողորմած թագաւորի. որ դուք գնաք Պաշաշէն տէր-Չաքարին ու մահտեսի Գալուստին սպանելու, խաշաշէնցիք հու տաւարի պէս տաղ չեն անելու. իրար կոտորիլ պտէք ու արիւնով ու սուգ ու շիււանով երկու շէնը լցնէք... Մեղաւորը դուք, մենք, բարկապեցիներս կըլենք, ի հարկէ, մեզ մեղաւոր կը համարեն, մեր փչացած, մեր տաքացած արտերին մտիկ չեն տալ. շինիս վրայ պրիստաւ կը գայ, սլեստչի, նաշաշնիկ կը գայ, դագախ կը գայ, շինումս զեկուցիս կը դնեն... Գետը մեզ տանի, հնց կանենք էն վախտը, հնց. զեկուցիէն կարկուտից բեթար, կարկուտից զուլում ցասում ա. էն փիս տարիներին տեսել ու քանդել ենք հու, բա էն մեզ բաւական չի՞, ա ձեզ մատաղ. խի՞ էք ուզում ողորմած Աստծու ու ողորմած թագաւորի աչքից մեզ մին էլ գցել, նրանց բարկութիւնը մին էլ մեր խեղճ շէնի վրայ վէր բերիլ...

—Ի՛նչ լաւ, դէ՛ լաւ,—ասացին հանգստացած երի-



տասարդները,—մեր ասածն էլ անիլ չենք. թողէք ձեր ասածն ըլի. ընդունում ենք:

—Չեզ մատաղ,—շարունակեցին խրախուսւած ծերերը,—տէր-Չաքարը զօրաւոր մարդ ա. նրա խնդրուածքը, նրա աղօթքը Աստուած միշտ ընդունում ա, լսում ա. արաշտ տարիքը երբ նա գնում ա Արթոն սարը թոռ, անձրև բերելու, միշտ բերում ա. լոխիդ էլ յայտնի ա էդ հու. ուրիշ երէցներ էլ են գնում Արթոն, չւայ վարդապետներից էլ ա գնացող ըլում, ամա շատերը նրանցից շատ վախտ դարտակ են գալիս էնտեղից. տէր-Չաքարը ուրան օրումն Արթոնից դեռ դարտակ եկած չի. սուրբ նահատակի գերեզմանից քարը վերցնում ա, սարի լանջում դվէրում թէ չէ, Աստծու ողորմութիւնը ձեռաց թափւում ա աշխարհիս վրայ, անձրևն սկսւում ա ու ջրում արար աշխարհը... Ասում էք՝ տէր-Չաքարը Աստծուն խնդրել ա կարկտի մասին. Աստուած էլ մեր մեղքը տեսնալով, էն մեղքը, որ մենք նրա պէս սրբակրօն մարդին մեր ցասման պատարագին կանչել չենք, կգնուի ա մեզ վրայ, նրա խօսքը կտարել չի, կարկուտ ա ուղարկել ու մեր տները քանդել... Դէ որ նա էդքան զօրաւոր ա, որ էդ դուք ձեր աչքով տեսնում էք, էլ ի՞նչ կարող ենք մենք անել նրա դէմումը: Իմաստուն Աթալարն ասում ա, որ մի ձեռք կարողանում չես կտրես, էն ձեռքը, որը բո տունը փաշկարայ քանդում ա, պէտք ա պաչես, ճակատիդ դնես... Տէր-Չաքարի ձեռքը մենք պէտք ա պաչենք ու մեր ճակատներին դնենք, ա որդիք. ուրիշ կերպ նրանից փրկութիւն չունենք. եթէ նրա քէֆին մին էլ դիպչենք, նրան չը շահենք, էլի Աստծու կրակը գլխներիս կը թափի, մեզ հող ու մոխիր կը կորցնի թամամ... էն մարդն Աստծու կշտին խաթրն ունի, մեծ խաթրը... Ուրիշ ճար չունենք. պէտք ա գնանք

նրա առաջին մեղայ գանք, մեր սխալմունքը վիզ ունենք ու խնդրենք, որ գայ մեր սարերում մաղթանք կատարի, մեր աղ ու հացն ընդունի՝ մեր մնացող կարողութիւնը ցասումից փրկելու համար: Քանի տէր-Չաքարը մասնակցել ա մեր ցասման պատարագներին, մեր գլուխն էսէնց օյին չի եկել...

Ծերունիներին ոչ ոք չը հակաձառեց այլ ևս: Երիտասարդներն իրանց լուծեամբ հասկացրին, որ միանգամայն համաձայն են նրանց հետ ու ընդմիշտ հրաժարել են իրենց չար մտադրութիւնից: Ժողովուրդը միաձայն որոշեց՝ Քարկապի հասարակութեան կողմից պատգամաւորութիւն ուղարկել տէր-Չաքարի մօտ, ներողութիւն խնդրել նրանից ու հրաւիրել, խնդրել, որ իր դպիր մահտեսի Գալուստի հետ միասին հետևեալ կիրակի օրը բարձրանայ Քարկապի սարերը ու նրա ամբողջ հասարակութեան ներկայութեամբ մաղթանք կատարի այնտեղ ու ընդունի քարկապեցիների աղ ու հացը: Պատգամաւորութիւնը, որը կազմւած էր քահանաներից, տանուտէրից ու մի քանի աչքի ընկնող իշխաններից, գնաց խաչաշէն, տեղական իշխանաւորների ու անւանի մարդկանց միջնորդութեամբ ներկայացաւ տէր-Չաքարին, որն սկզբում նրանց անունն անգամ լսել չէր ուզում: Ներողութիւն խնդրեց պատգամաւորութիւնը բարեկրօն հօրից, խնդրեց, որ նա իր զօրաւոր աջը տարածի նաև Քարկապի վրայ, ու հրաւիրեց առաջիկայ կիրակի օրը բախտաւորացնել Քարկապի հանդն ու հանդաստանը իր այցելութեամբ ու մաղթանք կատարել այնտեղ:

Տէր-Չաքարը ծանր ու բարակ նազ անելուց ու մարգարէների, առաքեալների ու հրեշտակների մասին բաւականաչափ խօսելուց յետոյ ներեց, բայց հրաւէրը չընդունեց. կտրականապէս մերժեց: Խօսակցութեան



ընթացքում նա ի միջի այլոց ասաց, որ իր հուշակա-  
ւոր մաղթանքի նախընթաց գիշերը տեսաւ երազում  
Պօղոս առաքեալին, որն ասաց նրան՝ «Տէր Զա-  
քար, այս քանի օրը մեծ աղէտ ա սպառնում աշխար-  
հին. Աստծուն բարկացնողներ են եղել. Տիրոջ քէֆը  
բաբաթ լաւ չի... Արթուն կնաց ու քո ժողովուրդը, քո  
գեղը պահի...»—«Ի՛է ես էլ կատարեցի երանելի առա-  
քեալի պատւէրը, գնացի էս խեղճ շէնը, որը ձերի  
չափ հարուստ չի ու փարթամ, կարում չի ձեզ պէս  
ցասման պատարագներ անի, օխտը տաւար ու երե-  
սուն ոչխար մատաղ անի, իմ մաղթանքով, իմ խնդր-  
ւածքով աստեածային բարկութիւնից, Աստծու ցա-  
սումից ազատեցի»—ասաց տէր-Չաքարը: Յետոյ ակնար-  
կեց, որ նոյնը կարող էին անել և ուրիշ քահանաները՝  
Քարկապի ու այլ գիւղերի. նրանք ևս կարող էին նե-  
ղութիւն կրել, բարձրանալ սարերը ու ժամանակին  
կատարած մաղթանքով առնել աղէտի առաջը, եթէ  
նրանց ուշն ու միտքը բեւեռած լինէին երկնքի վրայ,  
այլ ոչ հէրինների, եթէ նրանք հոգով ու մտքով Աստ-  
ծու ու նրա բարեխօս սրբերի ու հեղահոգի հրեշտակ-  
ների մօտ լինեն միշտ, այլ ոչ այս նգովեալ բազմա-  
մեղ աշխարհում հէրի քնթիլիս... Եթէ նրանք մտքով  
երկնքումը լինէին, բարեգութ Պօղոս առաքեալը նրանց  
էլ կերևար ու կը հաղորդէր Աստծու բարկութեան մա-  
սին... Ակնարկը շատ պարզ էր ու շատ հասկանալի:  
Պատգամաւորութեան կազմում գտնուող Քարկապի քա-  
հանաները կարմրեցին, հազացին, կոկորդ մաքրեցին,  
խօսելու, առարկելու փորձեր արին իրենց մտքում ըստ  
երևոյթին, բայց վերջ ի վերջոյ լուռ մնացին. խօսե-  
լու տեղն ու ժամանակը չէր...

Երբ պատգամաւորութիւնը վերին աստիճանի  
զգուշաբար ակնարկեց, որ մաղթանքն առանց մատաղ-

ների չի լինելու, որ այնտեղ ժողովուրդ, բազմութիւն  
է լինելու, որին բաւարարելու համար առնւազը եօթը  
հատ մեծատաւար պէտք է մորթել, որոնց հէրինները  
բացառապէս մաղթանք կատարող քահանայի տրամա-  
դրութեան տակ են լինելու, տէր-Չաքարը կակղեց  
քիչ-քիչ ու վերջապէս համաձայնեց կատարել բաղձա-  
լի մաղթանքը:

Հետեւեալ կիրակի օրը մեծ հանդիսաւորութեամբ  
կայացաւ մաղթանքը, Քարկապի ամբողջ հասարակու-  
թեան ու հոգևորականութեան ու շրջակայ գիւղերի  
իշխանաւորների և աղղեցիկների ներկայութեամբ:  
Մաղթանքի կատարման վայրն էր Քամհար-քար լե-  
ռան գագաթը, որը ամենաբարձրն էր Քարկապի սա-  
րերից: Տէր-Չաքարն այնտեղ էլ անթիւ անգամ կրկնեց  
իր հուշակաւոր «Ի՛էն դվէր, դէս գլխվէր, հարերդա ձորն  
ու վեր, կեռ ու մեռ, ետ դբտ, դէն գլխվէր»... դարձեալ  
քը, աւելացնելով ցանքսերի, խոտհարքների, արօտավայ-  
րերի ու ագարակների յատուկ անունները, այն էական  
զանազանութեամբ սակայն, որ այս անգամ Աստծուց  
ողորմութիւն, գթութիւն, փրկութիւն ու բարեքներ էր  
հայցում նրանց համար, այլ ոչ ցասում, կարկուտ, հե-  
ղեղ ու ամեն տեսակ չոռ ու ցաւ:

Մատաղի միսն անչափ առատ էր. Քարկապի  
ջերմեռանդ, աստեածավախ ժողովուրդը մորթել էր  
եօթը տաւար՝ երեքը նրանցից արջառ, իսկ չորսը եզր:

Տէր-Չաքարն ու մահտեսի Գալուստը ոչ միայն  
լաւ կերան, կշտացան, այլ և հէրինների, կաշիների,  
գլուխների ու ոտների հարուստ աւարով վերադարձան  
Սաշաշէն...





Ք Ե Ձ Զ Ն Զ Ե Յ Ի Ն

I

Յովհաննէս Մուրղուղեանը Իշխանաց վանքի հին փոքրաւորներից էր: Տասնեակ տարիներ մնալով վանքում, ամենայն ջանասիրութեամբ ծառայելով նրան, նա անցել էր փոքրաւորութեան բոլոր աստիճանները ու վերջում ստանձնելով վանական տնտեսի պաշտօնը, վանահօր, բարեսիրտ Պօղոս հայր սուրբի աջ ձեռքն էր համարւում: Ամեն բան Յովհաննէսն էր կարգադրում վանքում, ամեն ինչ նա էր տնօրինում. հմուտ ու փորձեալ տնտես էր:

Վանքն ունէր տաւարի նախիր, ոչխարների հօտ, ընդարձակ ազարակ, վարելահողեր, խոտհարքներ, արօտավայրեր ու անտառներ: Նա մի շէն օջաղ էր իր շրջակայ հայ ու թուրք գիւղերի համար. նրա բարիքներից գիւղացիք առատօրէն օգտւում էին: Իշխանաց վանքը իր հին աւանդական հիւրասիրութեամբ մեծ ժողովրդականութիւն էր վայելում ոչ միայն հայ, այլև թուրք գիւղացիութեան շրջանում: Յովհաննէսը իր տնտեսագիտական շնորհքով աւելի հարստացրեց, ճոխացրեց վանքը, աւելի բազմացրեց նրա բարիքները ու այդպիսով աւելի դարկ տւեց նրա ժողովրդակա-նութեան: Վանքն ու ժողովուրդը իրար համար յենարան, պահապան էին. երբ նա կարիք էր ունենում, երբ այս կամ այն պատճառով ձախորդութիւններ

մէջ էր ընկնում, ժողովուրդն առատաձեռնութեամբ օգնում էր նրան. երբ ժողովուրդն էր կարիք զգում, վանքն էր նրան օգնում. նրա շտեմարանները բացւում էին ժողովրդի համար: Ամեն տարի վանքը շրջակայ ժողովրդից ստանում էր աւանդական տուրքը՝ իւղ, պանիր, ցորեն, գարի, կորեկ: Այդ բոլորն ամբարւում էր վանական սեփական եկամուտներէ հետ միասին, գործ էր ածւում վանական պէտքերի համար ու կարիք եղած դէպքում բաժանւում ժողովրդին, կարիքաւոր գիւղացիներին: Թուրք գիւղացիներից ունևորները ինքնաբերաբար մասնակցում էին աւանդական տուրքին՝ տարւայ բերքից, Աստծու տւած բարիքներից, նըւիրատութիւններ էին անում վանքին. Իշխանաց վանքը նրանց համար ևս դարաւոր սրբութիւն է. որոշ տօներ կան, երբ նրանք էլ այնտեղ ուխտ են դնում ու մորթում մատաղներ:

Վանահայր Պօղոս հայր սուրբը մեծ յարգանք ու սէր էր վայելում թէ հայ և թէ թուրք գիւղական ժողովրդի կողմից: Երկար տարիներ էին անցել նրա ալեգարդ գլխով: Վանքի ապագան նրան մեծ մտա-տանջութիւն էր պատճառում. վանքում նա միակ վեղարակիրն էր. միաբանութեան միւս անգամները աշխարհական մարդիկ էին՝ մահտեսիներ, ծերացած ու հիւժւած, մեծ ու պատիկ փոքրաւորներ, ծառաներ. չը կար մի ուրիշ վարդապետ, մի արեղայ գօնէ, որին նա պատրաստէր վանահայրութեան համար ու յանձնելով նրա հոգատարութեան հինաւուրց մենաստանը, իր հին, իր շէն հիւրասէր օջաղը, հանգիստ խղճով փակէր աչքերը՝ յաւիտենականութեան գիրկը մտնելու համար: Հարկաւոր էր այնպիսի վանահայր, որը հաւասարապէս հմուտ լինէր թէ տնտեսական և թէ հոգևոր մասի մէջ: Վանքի ծառայողներից ամենահմուտն



էր Յովհաննէս Մուրղուզեանը. բայց հմուտ, բանիմաց էր նա տնտեսական մասի մէջ. գրել-կարդալու հետ հեռաւոր ծանօթութիւն անգամ չունէր, թէև բերանացի գիտէր բոլոր աղօթքները, շարականները, ժամասացութիւնը, ինչպէս գիտէին այդ վանքի մահտեսիները, հինաւուրց փոքրաւորները: Նա համարոււմ էր ոչ միայն լոկ տնտես, այլ և աւագ-դպիր, «այիր-բենի» հետ սակայն անծանօթ դպիր: Մուրղուզեանը, չը նայած Պօղոս հայր սուրբի բոլոր ջանքերին, անգրագէտ մնաց:

Ութ տարեկան հասակում նա մտաւ վանք: Յաջորդաբար կատարելով գառնարածի, հորթարածի, հովւի, նախըջու պաշտօն, նա միկնոյն ժամանակ դասեր էր անում հայր սուրբից. ուտում, վայելում էր հեզութեամբ անթիւ, անվերջ հարւածներ. հայր սուրբը կամ իր օրհնած աջն էր գործ ածում իբրև ազգու մանկավարժական միջոց, կամ իր հունի գաւազանը. ամեն առաւօտ Յովհաննէսը հարւածների տարափով լաւ մկրտուում էր ու յետոյ ժամագիրքը ծոցումը դրած, մտքում գիր ու գիրք հնարողի մեռել-կենդանը քաշելով, գնում իւր գառներն ու հորթերն արածացնելու: Մուրղուզեանի գլուխը գետաքարի պէս դէմ էր կենում զօրաւոր հարւածներին, սակայն նրա ներսը ոչինչ չէր թափանցում այն իմաստութիւնից, որը դասախօսւում էր նրան վանահայրը: Այդ աշակերտութիւնը տեկեց մօտ տասը տարի. այդ տասը տարւայ ընթացքում տասը տառ անգամ չը իւրացրեց Մուրղուզեանը: Նա սովորեց ամեն բան անգիր, մեքենաբար, առանց մի խօսք անգամ հասկանալու իւր ասածներից. նա մեքենաբար սովորեց իւր անունն ու ազգանունը գրել, նրանց կազմող տառերը իրար ետեկից շարել՝ առանց նոյն տառերը ջոկ-ջոկ,

առանձին, գրելու կարողութեան. այդ էլ յաճախ մոռանում էր. իւրաքանչիւր անգամ պէտք էր նրան ցոյց տալ տառը կամ գրիչը շարժելու ձևը, գրչի այս կամ այն կերպ շարժելը:

Պօղոս հայր սուրբը այնքան ժամանակ ոյժ ու եռանդ նւիրեց նրա կրթութեան, այնքան շօշափեց նրա գլուխն ու ուսերը իր աջով ու դաւազանով յանուն մի մեծ նպատակի, այն է՝ նրան պատրաստելու վարդապետութեան համար, նրան իր յաջորդը դարձնելու համար յանձնելու նրան այն օրհնած հունի «կրօնչանը», այն զօրաւոր գաւազանը, որն անզօր գտնեց Մուրղուզեանի բազմամեղ գանգը իմաստութեամբ լցնելու: Տասնամեայ ապարդիւն ջանքերից յետոյ նա ձեռք վերցրեց իր այդ մտազրութիւնից ու թողեց Յովհաննէսին պարապել իր սիրած գործով, այն է՝ վանքի խաշնարածութեամբ ու տնտեսութեամբ:

## II

Անցան տարիներ: Պօղոս հայր սուրբը հասաւ խորին ծերութեան: Յովհաննէսը բոլորեց իր երեսուն տարին. ամենաազդեցիկը դարձաւ վանքի ծառայողներից:

Վանահայրը յաճախակի վշտացած սրտով գանդատուում էր, որ իրանից յետոյ վանքն տնտէր է մնալու, քանդակելու, քայքայելու է առանց բանիմաց, տնտեսագէտ վանահօր: Տնտեսագէտ բառը Յովհաննէսի մէջ կամաց-կամաց ծագեցրեց մի տենչանք, որը նա չէր համարձակուում յայտնի դարձնել ոչ ոքի. նա իրան մեծ տնտեսագէտ էր համարում, հետևաբար սկսեց համարել նաև ամենաարժանաւոր վանահայրացու: Նրա մէջ վերջապէս յղացաւ մի բուռն ցանկու-



թիւն՝ ինչ միջոցներով էլ որ լինի, վարդապետ ձեռնադրել ու Պօղոս հայր սուրբից յետոյ գրաւել նրա տեղը Իշխանաց վանքում: Կամաց-կամաց աղնարկներով նա յայտնի դարձրեց իր ցանկութիւնը վանքում գտնուող իր մտերիմներին ու շրջակայ գիւղերի ազդեցիկներին: Վանական ծառայողների ու գիւղացիների մէջ քիչ-քիչ սկսեցին լսել ձայներ յօգուտ Յովհաննէսի ձեռնադրութեան, վանահայրութեան ամենաարժանաւոր թեկնածուն էին համարում նրան. բոլորն էլ համոզւած էին, որ Պօղոս հայր սուրբից յետոյ միմիայն նա կարող է շէն պահել Իշխանաց վանքը, միայն նա կարող է պահպանել նրա ճոխութիւնը ու աւանդական հիւրասիրութիւնը:

Նկատելով այդ համակրութիւնը, Մուրղուզիանը որոշեց բանալ իր սրտի գաղտնիքը Պօղոս հայր սուրբին: Յարմար բոլորէի էր սպասում. հեշտ չէր այդպիսի լուրջ հարցի մասին Պօղոս հայր սուրբի հետ խօսելը: Երկար ու բարակ մտածելուց յետոյ Յովհաննէսը որոշեց դիմել վանահօրը բարեկենդանի օրերին, երբ, ըստ նստանդ սովորութեան, վանքում երկու-երեք օրով արեղածող էր յայտարարւում. ամեն ոք կարող էր ազատ զարձանալ, քէֆ անել, կատակել նոյն իսկ վանահօր հետ, թէև վանականներից հասակաւորներն էին միայն օգտուում այդ իրաւունքից:

Իոն բարեկենդանի շաբաթ օրը Յովհաննէս Մուրղուզիանը, լաւ կոնծելուց յետոյ, իրիկնաժամից առաջ գնաց մտաւ վանահօր խոցը:

Չը նայած արեղաթողին, Պօղոս հայր սուրբը, որը կարգում էր մեծածաւալ «Ճաշոց» գիրքը, խոժոռ հայեացք ձգեց տնտեսի վրայ, հարցնելով՝

— Է՞ր, ի՞նչ կայ, խէր ըլի:

— Նէր ա, հայր սուրբ, խէր ա, — ասաց Մուրղու-

զեանը, — քո Հանէսը երբ ա վատ խաբարով եկած կուշտդ, որ հիմա գայ. իմ խաբարը միշտ խէր ա, միշտ բարի ա: Մի զօրաւոր խնդիր ունեմ, հայր սուրբ... Վայ ինձ, վայ ինձ, վայ ինձ... Լեզուս զօրում չի, թա ասեմ... Ներիր զիս յանցաւորիս, ներիր բազմամեղիս, — ասաց Յովհաննէսն ու ծնկաչոք ընկաւ Պօղոս հայր սուրբի առաջին, — բեր մի աջդ պահեմ, հայր սուրբ, բեր զօրաւոր աջդ համբուրեմ, — ասաց մի քանի անգամ իրար հետից համբուրելով վանահօր աջը, — սրտիս խորհուրդը շատ ա մեծ, հայր սուրբ... Ի՛նչ ա մնում թա սիրտս տրաքի, պատառ-պատառ ըլի, այնքան զօրաւոր ա էդ խորհուրդը...

— Լաւ, լաւ. ասա տեսնեմ ի՞նչ կայ, ի՞նչ ա պատահել քեզ հետ, — ասաց վանահայրը, — չը լինի՞ միտքդ փոխել ես, չը լինի՞ ուզում ես պսակել, վերադառնալ աշխարհք, թողնել վանքը. փուշ կենդանի, երազումդ հարսն ես տեսել հը՞:

— Չէ, նզովեն աշխարհի չոր հարսները, — ասաց Յովհաննէսը, — իմ միտքը բոլ. ժամանակ հրեշտակների հետ ա, այլ ոչ հարսներ: Ես ուզում եմ հրեշտակաց կարգը մտնել, հայր սուրբ, ուզում եմ հոգով նրանց հետ միանալ:

— Ո՞նց թէ. պարզ ասա. քեզ լաւ չեմ հասկանում:

— Էլ ի՞նչ ծածկեմ, հայր սուրբ. ուզում եմ ձեռնադրել:

— Ի՞նչ, սարկաւանդ:

— Ո՛չ, արեղայ, վարդապետ:

— Գժեւել ե՞ս, ի՞նչ ա, — ասաց բարկացած Պօղոս հայր սուրբը, — էնքան գինի ես խմել փուշ կենդանի, որ գլխումդ էլ խելը չի մնացել: Քանի անգամ եմ ասել էդ անտէրիցը քիչ խմի, քիչ լակի. օգտուել ես դէպքից, որ բարեկենդան ա, որ արեղաթող ա ու



դահրիմար գինին էնքան դվէր ես ածել, որ գլխումդ մի հատ «այիբ» անգամ չի մնացել: Կեանքս մաշեցի քեզ կարդացնելով. «այիբ-բենն» անգամ կարգին չը սովորեցիր. անունդ ձեռք քաշել չը գիտես, կտրած անունդ. պէտք ա օխտը սհաթ քեզ քօռի պէս դէս ու դէն տանեն, որ կարողանաս անունդ ու ազգանունդ գրես... զնն, անիրաւ, զնն, կորի աչքիցս. վէրքերս նորի մի. ես ուզում էի գաւազանս քեզ կտակել, վաճառաւորութիւնը քեզ թողնել, բայց դու թերուս մնացիր:

—Հայր սուրբ, ես ամեն բան անգիր գիտեմ,—ասաց Յովհաննէսը,—դու ինձ տար սրբազանի կուշտը, էնտեղ ինձ վարդապետ շինի ու տես՝ ինչեր եմ անում է, ինչեր. ի՞նչիս ա պէտք գրել-կարդալը, երբ ամեն բան, ինչ աւետարանում, ժամագրքում, մաշտոցում ու ուրիշ սուրբ գրքերում գրած ա, անգիր սուտալի ասում եմ: Երբ սուրբ կարգին ինձ արժանացնես, ես թամամ իմաստուն կը դառնամ՝ իմաստուն:

—Քեզ պէս իմացելուսին ես թաղեմ, ես. «այիբ-բենն» ի՞նչ ա, որ չը արեցիր, ս անիրաւ:

—Այիբ-բենն ի՞նչ ա պէտք, երբ «ճաշոցի» պէս մեծ գիրքը, հրէգ է, էդ որ առաջիդ ա դրած, անգիր գիտում եմ:

—Տագ արն, ձէն ու ծպուտդ կտրի, թէ հու չէ էս «ճաշոցը» վեր կունեմ էնպէս գլխովդ գամ, որ կարկաժդ օխտը կէս կը լինի. ի՞նչ ա, կարծում ես թա վարդապետութիւնը չորանութիւն ու տաւարածութիւն ա. զնն, զնն, նզովեալ, զնա կովերդ կթի, տնտեսութիւնդ արն:

—Հայր սուրբ, խնդրում եմ, հայր սուրբ. մեծապատիւ խնդրում եմ. առաջներիս Զատկին ինձ տար սրբազանի կուշտը ու վարդապետ շինի:

—Գնն, ուղ ըլի գլխիցս. ինձ խայտառակել ես ուզում, ի՞նչ ա, անգամ:

—Հայր սուրբ, կարգիդ մատաղ, ինձ բէյմուրազ մի անիր, ինձ վարդապետ շինի, վարդապետ. բա էսքան տարի դուր եմ վանքին ծառայել:

—Կորիք անիրաւ, դուրս,—ասաց խիտ բարկացած Պօղոս հայր սուրբը, երկու ձեռքով բռնելով առաջին դրած «ճաշոցը», սպառնալով բոլոր ոյժով իջեցնել մեծածաւալ սուրբ գիրքը Մուրղուզեանի ըմբոստ, անհնազանդ կարկաժին:

Յովհաննէսը, մտաբերելով իր վաղեմի աշակերտութիւնը, հեռու անցեալի այն դառն օրերը, երբ «ճաշոցը» երբեմնակի ստանձնում էր «հունի կըռեչանի», դաստիարակիչ գաւազանի դերը ու ամենի ծանրութեամբ իջնում նրա հնազանդ բազմաչարչար գլխին, շտապով դուրս գնաց լսցից ու ազատեց այդպիսով «ճաշոցի» հարւածից:

### III

Այդ անաջողութիւնը չը յուսահատեցրեց Յովհաննէսին: Նա լաւ գիտէր, որ Պօղոս հայր սուրբը բարի է, անչափ բարի. գիտէր և այն, որ նա վաճառաւորութեան համար ուրիշ թեկնածու չունի: Մուրղուզեանը առանց ակնարկների, առանց տատանելու բացեց իր միտքը վանական ծառայողներին. պատմեց նրանց իր այցելութեան ու անաջողութեան մասին: Նրանք խոստացան միջնորդել: Նրանցից հասակաւորները դիմեցին վանահօրը, բայց ցանկալի աջողութիւնը նրանք էլ չունեցան. հայր սուրբը նրանց վրայ էլ բարկացաւ: Յովհաննէսն ու վանականներն սկսեցին շրջակայ գիւղացիներին դրդել, որ նրանք միջնորդեն ում մօտ



հարկն է. նոյն իսկ դիմեցին այն ազդեցիկ թուրքերին, որոնք մտերմական յարաբերութիւններ ունէին Պօղոս հայր սուրբի հետ:

Շուտով վանահօրը ներկայացաւ մի մեծ պատգամաւորութիւն շրջակայ գիւղերից. նրա մէջ կային քահանաներ, տանուտէրներ, գիւղական իշխաններ. կային նաև թուրք ազսախկալներ: Բոլորն էլ մատնացոյց էին անում այն, որ Յովհաննէսը ամեն բան անգիր գիտէ. հետևաբար նա մեծ իմաստուն է, միանգամայն արժանի իւր մեծ ուսուցչին, Պօղոս հայր սուրբին. նրան համարում էին այդպիսով Պօղոս վարդապետի ամենաարժանաւոր յաջորդ: Ժողովրդի ներկայացուցիչների խնդիրը Պօղոս հայր սուրբը անուշադիր թողնել չը կարողացաւ. ձայն բազմաց ձայն Աստծոյ է. պէտք էր լսել բազմաց ձայնը. նա լսեց ու դիջեց: Պատգամաւորութեան նա առաջարկեց մի խնդրագիր կազմել թեմական առաջնորդի անունով, նրա տակ ստորագրութիւններ ժողովել գիւղերում, վաւերացնել տալ այդ ստորագրութիւնները տանուտէրներին ու այդ կերպ պատրաստած խնդրագիրը ներկայացնել իրան, հայր սուրբին՝ քաղաք տանելու համար:

Շուտով պատրաստեց խնդրագիրը հարիւրաւոր ստորագրութիւններով: Թուրք ազսախկալներից շատերը ստորագրել էին նոյնպէս:

Երբ Պօղոս հայր սուրբն ստացաւ խնդրագիրը, որոշեց Չատիկի տօներին գնալ առաջնորդանիստ քաղաքը, տանել իր հետ Մուրղուզեանին. ու արեղայ ձեռնադրել տալ նրան: Որոշեց անպատճառ Չատիկին գնալ, քանի որ այդ նշանաւոր տօնի օրերին սրբազանի ու կոնսիստորիայի անդամների տրամադրութիւնը, հաւանական է, լաւ կը լինի. եթէ այնքան էլ լաւ չը

լինի, զատկական անմեղ ընծաներով նրանց սրտերը կակղեցնելը հեշտ է:

Մուրղուզեանի պէս «իմաստունի» ձեռնադրութիւնը յարմար ըստ էին միայն կարելի էր աջողեցնել. Պօղոս վարդապետը, իբրև փորձւած մարդ, շատ լաւ էր հասկանում այդ: Ամենայարմար ըստ էին Չատիկը համարուեց:

## IV

Ծաղկազարդից յետոյ Պօղոս հայր սուրբը պատրաստեց ճանապարհել առաջնորդանիստ քաղաքը: Իշխանաց վանքի ճոխ մառաններից զատկական ընծաների առատ պաշար պատրաստեց. իւղի, մեղրի, թարմ պանրի, կարագի ու ձուի մեծ քանակութիւն վերցւեց. մորթեցին ու մաքրեցին ութ հատ ընտիր հնդուհաւ ու նոյնչափ վառիկներ: Յովհաննէսն ուղեց զառնելից էլ վերցնել նոյն քանակութեամբ, բայց վանահայրն արգելեց, քանի որ կենդանի տանելը շատ դժւար էր, իսկ մորթած՝ ոչ այնքան վայել, սազական. աւելի յարմար գտաւ զառները քաղաքում գնել: Պատրաստութիւնները տեսնում էր Յովհաննէսն ինքը, անձամբ. բոլոր ժամանակ մեծ եռանով դէս ու դէն էր անում. եթէ բանը նրան մնար, մառանների բոլոր բարիքը կը տանէր առաջնորդանիստ քաղաքը, միայն թէ աջողէր իր գործը: Նկատելով այդ, Պօղոս հայր սուրբըն ասաց ինքն իրան՝ «գլուխդ մեռնի, էդ այբ-բենից դուրկ գլուխդ, աշխատիր ուսմամբ, իմաստութեամբ դրաւել սրբազանին ու կոնսիստորիայի անդամներին, այլ ոչ թէ մեղրով ու հնդուհաւերով...»:

Աւագ ուրբաթ օրը Պօղոս հայր սուրբը Մուրղուզեանի ուղեկցութեամբ ճանապարհեց առաջնոր-



դանիստ քաղաքը, յանձնելով վանքի ժամասացութիւնը հարեան գիւղի քահանաներից միինն: Հետեւալ օրը կէսօրից առաջ նրանք հասան քաղաք: Տեղ հասնելուն պէս Յովհաննէսը վանահօր պատուէրով գնաց շուկայ ու գնեց այնտեղ վեց հատ ընտիր գառը, հինգ գլուխ շաքար, գինի ու օղի: Կազմեց այդպիսով զատկական ընծաների ընտիր, բազմատեսակ ու առատ ժողովածու:

Պօղոս հայր սուրբն իսկոյն գրադեց բերած ու գնած ընծաների բաժանմամբ. նրանց նշանաւոր ու ընտիր մասն ուղարկեց սրբազանին մի խոնարհ տոմսով հանգերձ. մնացածը համապատասխան տոմսերով կոնսիստորիայի անդամներին ու ատենադպրին, քարտուղարին. վերջնիս ուղարկեց նաև մի վեգրօ գինի ու երկու շիշ ընտիր օղի. ատենադպիրը չէ որ օրագիր կազմողը, թղթեր սարքողն է... Բոլոր ընծաները տարաւ ըստ պատկանելոյն ինքն արեղացուն, Մուրղուզեանը, առաջնորդարանի ծառաներից միին ուղեկցութեամբ: (Նրանք ըստ սովորականին իջել էին առաջնորդարանի ներքնայարկի անշուք սենեակներից մի-նում):

Երեկոյեան պատարագից առաջ Պօղոս հայր սուրբը գնաց ներկայացաւ նորին սրբազնութեան: Սրբազանը բարեհաճ ընդունելութիւն ցոյց տւեց նրան, ժպտագէժ ու սիրալիր կերպով զրուցեց հետը. սկզբում թեթևակի կշտամբեց, որ նա զատկական տօներին իր վանքն անտէր է թողել ու եկել քաղաք: Պօղոս հայր սուրբը պատասխանեց, որ նա թոյլ տւեց այդ իրան՝ մի անգամ գոնէ կեանքում բախտ ունենալու անցկացնել Զատիկը նորին սրբազնութեան կտրի տակ, նրա հիւրասէր օջաղում: Բարեսիրտ սրբազանը ներեց վարդապետին ու հրաւիրեց նրան թաթախման ընթրիքին:

«Պատուական մեղրն ու կարագ ես բերել, Պօղոս հայր սուրբ,—ասաց սրբազանը,—Իշխանաց վանքի մեղրը բնութեան հրաշալիքներից ամենաքանկելին է. նոյնը կարող եմ ասել գառներիդ, հնդուհաւերիդ ու վառիկներիդ մասին. երևում է, որ առատ ու ազնիւ մնունդ են վայելած. թիկնաւէտ են, թանձրամիս ու ճարպառատ... Ապրիս. իմ թեմի վարդապետներից ու վանահայրերից ամենաարժանաւորն ես դու: Շարունակիր այդպիսի անսպառ եռանդով գործել. գործնէութիւնդ, յուսով եմ, վաղ-ուշ կը պսակւի ծայրագոյն վարդապետի կոչմամբ...» Պօղոս հայր սուրբը, անչափ զգացւած սրբազանի սիրալիր խօսքերից, արտասուխառն աչքերով համբուրեց նրա աջը, յայտնելով, որ պատրաստ է նորին սրբազնութեան համար իր կեանքը նոյն իսկ զոհել, որ ինքն ու իր բոլոր վանականները նրա խոնարհ ծառաներն են...

Յովհաննէսի մասին բան չասեց. պէտք է առաջ անդամներին ու ատենադպրին տեսնէր, նախ նրանց հետ խօսէր իր «իմաստուն» արեղացւի մասին...

## V

Հետեւալ օրը Պօղոս հայր սուրբը պատարագից յետոյ այցելութեան գնաց կոնսիստորիայի անդամներին: Բոլորի մօտ էլ նա լաւ ընդունելութիւն պատաւ. բոլորն էլ գովում էին նրա ուղարկած մեղրը, իւղը, գառները, հնդուհաւերն ու վառիկները. կշտամբում էին՝ թէ ի՞նչու շուտ-շուտ չէ գալիս քաղաք, շատ աղիդ է պահում իրան, սակաւ երևում առաջնորդանիստում. պարտաւորեցնում էին, որ աշնանը, մեղրի առատ ժամանակը, չը մոռանայ իրանց:

Իր ճանապարհորդութեան բուն նպատակը Պօ-



դոս վարդապետը ամենից առաջ յայտնի դարձրեց ատենադպրին: Վերջինս ասաց, որ Չատկի առիթով ձեռնադրուողներ շատ են եկել գիւղերից, մօտ 10—12 ցուցակ կայ կազմած, ու Յովհաննէսին էլ մտցրեց այն ցուցակի մէջ. ատենադպրին աւելացրեց, որ մեռելոցի տօնից յետոյ, երեքշաբթի կամ չորեքշաբթի, պէտք է ատեան դումարւի սրբազանի նախագահութեամբ՝ ձեռնադրուողներին քննելու համար. սրբազանն ինքն է այդպէս կարգադրել:

Պօղոս վարդապետը յետոյ տեսաւ անդամներին. նրանք էլ նոյնն ասացին. խոստացան ներողամտաբար վերաբերել Մուրղուզեանին քննութեան ժամանակ:

Բոլորից յետոյ վարդապետը պնաց սրբազանի մօտ ու ներկայացրեց նրան ժողովրդի խնդրագիրը. իր կողմից էլ թախանձանօք խնդրեց՝ ինչ հարկն էր: Սրբազանն ընդունեց խնդիրն ու խոստացաւ աջող քննութեան դէպքում իսկոյն ձեռնադրել:

## VI

Տխուր-տրտում վերադարձաւ Պօղոս հայր սուրբը իր սենեակը. նա գիտէր, որ Յովհաննէսը քննութիւն տալ չէր կարող, խայտառակելու էր իրան, իշխանաց վանքի մեծահամբաւ վանահօրը. ճանապարհորդութիւնն ու այնքան ծախսերը զուր են կորչելու...

Մուրղուզեանը անհամբեր սպասում էր նրան:

—Ա՛դա, — առանց նրա դէմքին նայելու դարձաւ նրան Պօղոս հայր սուրբը, — բանդ, ոնց տեսնում եմ, բուրդ ա: Քեզ պէս շատերն են եկել ձեռնադրելու. մի տասը-տասներկու հոգի քահանայացուներ կան: Կոնսիստորումը ձեռնադրուողների ցուցակ են կազմել. քեզ էլ գրեցին էն ցուցակումը: Պէտք ա երեքշաբթի

օրը սրբազանի նախագահութեամբ ատեան կազմեն ու էն ցուցակով բոլորիդ էլ քննեն. լաւ լսի հա՛ ատեանին սրբազանն ինքն ա նախագահելու... Ով լաւ քննութիւն բռնի, նրան կը ձեռնադրեն...

—Ի՞նչ, ի՞նչ, ա՛ վարդապետ, — ասաց դարմացած Յովհաննէսը, — էդ ի՞նչ ես ասում:

—Աչքդ հանիչ եմ ասում. ի՞նչ ա, քառ ես, խուլ ես, լսում չե՞ս: Քեզ ցուցակ են մտցրել. պէտք ա քննեն է, քննեն քեզ էն ցուցակաւը. այիրը բենից շոկում չես. տեսեմ՝ ոնց պտես քննութիւն տալ. քեզ էլ ես խայտառակելու, ինձ էլ. ինձ ուղղակի սաղ թաղելու ես սրբազանի առաջին. դատարկաձեռն ենք գնալու այստեղից:

—Էդ ի՞նչ ցուցակ ա. ի՞նչ դատ ա դա, — հարցրեց Յովհաննէսը, ցուցակ բառը չը հասկանալով բնաւ. կարծելով՝ մի գուցէ նա որևէ է դժարիմաստ գրքի կամ ձեռագիր մագաղաթի անուն է, — ինձ ցուցակաւ կարդացրել ե՞ս, որ հիմի ցուցակաւ քննիլ ես տալի՞ս: Ես իմ օրումը ցուցակ տեսած չեմ. էդ՜էնց գիրք մեր վանքումը չը կայ. անունը ցուցակաւ ես քննութիւն չեմ տալ. ինչ ուզում ես արն:

—Ցուցակը գիրք չի, դուլխդ մեռնի, — ասաց Պօղոս հայր սուրբը, — ցուցակը թուղթ ա է, թուղթ. էն թղթի վրայ ձեռնադրուողների անուններն ու ազգանունները շարքով գրել են, որ ատեանի օրը հերթով կանչեն նրանց ու քննեն. ցուցակը ձեռնադրուողների սիային ա: էն շարքումը քեզ էլ են գրել:

—Ինչ որ ա, ես ցուցակ-մուցակ չեմ ճանաչում: Ի՞նչ ա. ես եկել եմ էստեղ ձեռնադրուեմ, թա ցուցակ մտնեմ: Բա էնքան պատիւներ բերանք մեզ հետ, բոլորին էլ առատ առատ բաժանեցինք. էնքան բաները պէտք ա զուր կորչի՞ն: էն հնդուհաւերն ու վառիկները



աչքիս լիսի պէս պահել եմ, մեծացրել, որ նրանց օգնութեամբ ես ձեռնադրուեմ. հիմի անդամները նրանց տապակել են, կերել ու ինձ ցուցակ մտցրել: Բա էդ Աստուած վեր կունի՞ր. բա էդ ան թո միջնորդութիւնը:

—Ո՞նց անեմ դէ, ան գլխամեա. դպրանոց ես աւարտել, ձեմարան ես աւերտել ի՞նչ ա, որ քեզ ցուցակից հանել տամ. ահր կարկաժդ դատարկ ա է. կարկաժումդ այբ-բենի կտոր չի կայ:

—Իմ կարկաժի հունարը յետոյ կերեայ, թող մի վեղար ծածկեմ, էն վախտը թամաշա արա ինձ, մտիկ տուր տես՝ ինչեր եմ անում, ինչեր. հէնց ժամ կասեմ. հէնց պատարագ կանեմ, որ ներքի դուլէն եաշողը, մտիկ տուողը հէնց կը գիտայ, թա ես իմ մօրէն հէնց էսհէնց իմաստուն ու ըապունի եմ ծնւել, իմաստուն ու ըապունի:

—Քեզ պէս իմաստունին ու ըապունիին ես թաղեմ. վեղարն ահր թոնց ծածկես, որ առաջ պէտք ա քննութիւն տաս ու էն էլ լաւ քննութիւն. հրէն ցուցակումը անունդ գրած է, գրած:

—Ասեցի, որ ես ցուցակ-մուցակ չեմ ճանաչում. գնան տազ արած ինձ ջնջիլ տուր. թող առանց քննութեան ինձ ձեռնադրեն:

—Ահր թոնց ջնջիլ տամ, հեշտ ան:

—էդ դու գիտես. ասան էլ մեղր ու կարագ կը բերենք, էլ գառներ ու հնդուհաւեր կը բերենք, կուղարկենք... Ինձ գովի, ծաղկացրու. ասան՝ վանքի տընտեսը նա ա. մեղրն ու կարագը, հնդուհաւերը, վառիկներն ու գառները նրա շնորհով են առատ. իսկ սուրբ գրքերն ու ժամի բաներն էլ վաղուց ա ջուր արած, լոխ անգիր գիտի...

—Հէջ դրանից բան չի դուրս գալ. ինչքան էլ ծաղկեցնեմ քեզ, էլի պէտք ա մի այլի-օյլին քննու-

թիւն տաս. մի թեթեւ քննութիւն գոնէ կը պահանջեն. ես էդ հաստատ գիտեմ:

—Չէ, քննութեան հետ ես բան չունեմ. էն ա ասում եմ՝ թա ինձ ջնջիլ տաս ու բանս դրանով գլուխ բերես, կը մնամ թո վանքում, թէ հու չէ, էն վախտն ինձ ներողութիւն արա. էլ թո վանքումը չեմ կարող մնալ՝ գլուխ կը վերցնեմ ու միտեղով կը կորչեմ. կը գնամ մի հեռաւոր անապատում, մի խուլ ամայի մենաստանում, մին-մենակ կապրեմ, աշխարհքից կտրւած իմ արևի ձէնը կածեմ... Տեսնեմ էն վախտն թո ա վանքդ կառավարում. ինձ պէս տնտես, ինձ պէս կառավարիչ թրտեղ ես ճարում, տեսնեմ:

—Ահր թոնց ջնջիլ տամ, թոնց, ան անիծւած. գոնէ մի նշան պիտի, որ դու գրագէտ ես. անունդ ու ազգանունդ էլ ա պէտք ա գրել իմանաս:

—Բեր մի թղթի վրայ անունս ու ազգանունս գրեմ. տար ատեանին նշանց տուր:

—Ո՞նց գրես:

—Դու օգնիր, ես գրեմ, հօ էլ ես արած:

—Անտէր ըլի էսհէնց գրելը, որ դու գրում ես. ճար չի կայ. թող թո ասածը լինի:

## VII

Պօղոս հայր սուրբը դրեց Յովհաննէսի առաջին մի կտոր թուղթ ու թանաքաման, տուեց նրա ձեռքը գրիչ ու սկսեց թելադրել նրան նրա անւան ու ազգանւան տառերը, առանձին-առանձին, ցոյց տալով, մատնանշելով նրան գրչի բոլոր շարժումները:

—Դէ առաջ գրի՛ յի,—սկսեց Պօղոս հայր սուրբը.

—Ո՞նց գրեմ,—հարցրեց Մուրդուղեանը:

—Գլուխդ մեռնի, յի-ն գրելը չը գիտես, իսկ ու-

գում ես արեղայ ձեռնադրել, տալը չես մտնում բա՛:  
— Բանը բանից անցել աս. պրծի, նշանց տուր՝  
մնց գրեմ:

— Ոնց ցաւը նի ունի բեզ: Դէ, դաւամը թանա-  
քոտ արա՛. հիմի պտուկը դիր թղթի վրայ. ի՞նչ աս  
ձեռքդ դողդողում, գինի չես լակել հո՛ւ. ասում եմ՝  
դաւամի պտուկը դիր թղթի վրայ. էդհէնց, լաւ ուշքդ  
վրէդ պահի, չը սխալես ու ինձ բարկացնես. հիմի  
դաւամի պտուկը էդհէնց գլխվէր տար. գլխվէր եմ աս-  
տում, լաւ լի, գլխվէր, այսինքը դվէր տար, դէդ  
դվէր, դէպի քաշ. լաւ. բաւական աս, բաւական աս,  
կանգնի. դու մի կանգնիր, հայվան, տեղիցդ վեր մի  
կենալ, այլ դաւամդ կանգնեցրու է, ղաւամդ. նստի,  
վէր ընկի տեղդ ու դաւամիդ պտուկը դիր էնտեղ, որ-  
տեղից վեր կալար. էդհէնց. հիմի պտուկը դէպի ձախ  
ծոխ, ձախ, նզովեալ, ձախ. ի՞նչ ես դէպի աջ կեռ տա-  
լի. յի՛ն հուսի հլորչան աս, ի՞նչ աս, որ էդհէնց ծոմուում  
ես. ձախն աջից ջոկում չես, իսկ ուզում ես վարդա-  
պետ դառնալ, ժողովուրդ հովւել. դաւամի պտուկը  
էդհէնց պինդ թղթի վրայ պահի. հիմի կամաց-կամաց  
դէպի ձախ ծոխ. բոլ աս, բոլ աս. քիչ դիեր, այսինքը դէպի  
բարձր տար. քիչ, քիչ. էդհէնց. բոլ աս, բաւական աս.  
փառք Աստծու, յի՛ն գրեցիր: Դէ, հիմի էլ ո՛ն գրի.  
դաւամի պտուկը դիր վիրի դուէն յի՛ի կողքումը. առա-  
ջից ոչ, անիրաւ, աջ կողքին դիր, քամակին այսինքը.  
էդհէնց. դաւամը լաւ պահի, էդ մնց ես բռնել, մի մը-  
տիկ տուր. դաւամը միջամատով, ցուցամատով ու  
պթով, այսինքն բուրթ մատով, կը բռնեն, այլ ոչ թէ  
հինգ մատով կը հափոռն. չորբանի պէս ես բռնել. կա-  
սես դազանակ լինի ձեռքիդ, այլ ոչ դաւամ: դէ հիմի  
դաւամի պտուկը քիչ, շատ քիչ, գլխվէր տար, էդհէնց,  
դէդ դվէր, մի քիչ էլ. բաւական աս, բոլ աս, կանգնի.

էլ հայվանի պէս կանգնեց տեղից. Տէր Աստուած, Երբ  
պտեմ ես սրանից ազատուիլ. հոգիս ձեռքիս լինի,  
բաց կը թողնեմ. տեղդ վէր ընկի ու դաւամի պտու-  
կը դիր էդ խազի գլխին. էդհէնց. պինդ պահի,  
չորացած ձեռքդ դողդողացնիլ մի, լաւ պահի. հի-  
մի էդ խազի գլխէն շատ զգոյշ, այսինքը կամաց,  
հանդարտ, դրա չափ մի խազ դէպի աջ տար, դէպի  
աջ, նզովեալ, դէպի աջ եմ ասում, քառ Ես, ի՞նչ ես.  
էդհէնց, բաւական աս, բոլ աս. դաւամի պտուկը իրան  
տեղը պինդ պահի. հիմի էլ էդքան մի խազ հէնց էդ-  
տեղից դէդ դվէր, տար, դէդ դվէր, անիրաւ, ոչ դի-  
եր, դէդ դվէր, այսինքը գլխվէր. էդհէնց, էդհէնց.  
բոլ աս, բաւական աս, դարձեալ փառք Աստծու. ո՛ն էլ  
գրեցինք... Դէ, հիմի էլ վիվ-ը պէտք աս գրենք, վիվ-ը.  
գետն ինձ տանի, էս մնց պտեմ վիվ-ը քեզ գրել տալ-  
մի սաղ գիշեր անքուն նստելն ու օխտը գլուխ սաղ-  
մուս քաղելն ինձ համար աւելի հեշտ աս, քան քեզ մի  
հատ վիվ գրել տալը:

— Հայր սուրբ, կարգիդ մատաղ, եկ վիվ-ը դու  
ինքդ քո ձեռքաւ գրի, մնացածները ես մի հանգաւ  
կորկոտ կանեմ, մի կերպ դուրս կը բերեմ. վիվ-ը բա-  
բաթ դժւար աս,—ասաց Մուրդուզեանը:

— Ձանդ դուրս գալով վիվ-ն էլ դու գրի, վիվ-ը.  
յի՛ի ու ո՛ի պէս վիվ-ն էլ կորկոտ արա՛, գլուխդ մեռ-  
նի: Կեանքս մաշեցի քեզ համար, իսկ դու գրերը, մես-  
րոպեան սքանչելի տառերը, կորկոտ անել միայն սո-  
վորեցիր. այդքան աս շտորճդ, քանզի ուղեղդ էլ աս  
կորկոտ:

— Հայր սուրբ, քեզ մատաղ, վիվ-ն է, մենակ վիվ-ը...

— Լո՛իր, անիրաւ. ոնց տեսնում եմ, Ջատիկն էլ  
ես բարեկենդանի պէս արեղաթող արել ու ինձանից  
ծածուկ լակել: Ոգում ես հրեշտակաց կարգը մտնել:



իսկ վեպն ինձ ես գրել տալիս. չէ, ջանդ դուրս գալով դու պտես գրիլ, դու. դալամը թանաքոտ արն:

—Հայր սուրբ...

—Յօսալ մի, անդգամ, դալամը թանաքոտ արա տազ արած. ուշքդ վրէժ պահի հմ. լաւ գրի. ճաշոցը կշտիս չի, ամա էս օրհնւածը հրէս է, մօտս ա. կարծես ոչ թա առաջնորդանիստում գաւազան չեմ վէր բերիլ կարկածիդ. հոգիս բողազս ես հաւաքել է, հոգիս. ինձ խայտառակելու ես սրբազանի առաջին... Հիմի ականջներդ լարի ու լաւ լսի. դալամի պտուկը դիր թղթի վրայ ո-ի բարաբար, նրա աջ կողքից. էդհէնց. հիմի մի խազ քաշի դվէր. դվէր, անիրաւ. բաւական ան, բօլ ան. էդտեղ պինդ պահի դալամի պտուկը. հիմի շատ զգոյշ, այսինքը շատ կամաց, մի քիչ ծոխ դէպի աջ. դէպի աջ, կործանւած, դէպի աջ. էդհէնց. բօլ ան, բօլ ան, կանգնի. էլ հայվանի պէս տեղիցդ վեր կացար. Տէր Աստուած, փնց անեմ ես սրա հետ. գաւազանս եմ ափսում է, ոչ թէ կարկածդ. վախում եմ կտորեմ ու էս ազիզ օրերին անգաւազան ֆնամ առաջնորդանիստում. տեղդ վեր ընկի ու դալամդ թանաքոտ արն: Չորացած ձեռքդ դողդողում ա էլի, դալամդ շուն ա հաչացնում... Հայ դեղ դառնայ ու քեզ սպանի էն դիւնին, որ լակել ես. արիւնը սրտիցս կաթում ա, շատ մտածելուց բունս կորել ա, իսկ դու արխային, էնհէնց քո քէֆին վինի ես դվէր ածում, օգուելով իմ բացակայութիւնից:

—Հայր սուրբ, ներողութիւն արա,—ասաց Յովհաննէսը,—մասնաւոր եմ խմել, էնհէնց, մի հրկու բաժակ, շատ ոչ...

—Այ մի մասնաւոր ցաւ քեզ նի ունի, բալքի պրծնեմ քեզանից. դու միշտ մասնաւոր ես խմում. մի

սաղ տկճոր էլ որ խմես, թամուզ դարտակես, էլի կսես մասնաւոր ա...

—Հայր սուրբ, Չատիկ ա ահր, ազիզ օր ա, բա մի քիչ էլա...

—Լաւ, լաւ. սարերով ու քօլերով մի ընկնիր. ջանդ դուրս գալով վեպը գրիլ պտես է, գրիլ. շարունակի. հիմի դալամի պտուկը քիչ բարձրից դիր թղթի վրայ: շատ ես բարձր դրել. վեր կալ ու մի քիչ էդտեղից քաշ դիր. էդհէնց, պինդ պահի. դէ հիմի էդտեղից քո թիւշին հարերդա գլխվէր տար, էդհէնց, դէդ դվէր. էլ, էլ, էլ տար, գլուխդ մեռնի, էլ տար. հիմի բօլ ան, բաւական ան, բօլ ան, անիրաւ, բօլ ան, արջ պսպէր, տանձակեր արջ, բօլ ան, տանձուտից բերած արջ, բօլ ան, բաւական ան. հայ չորանայ էդ ձեռքդ, չորանայ թնչ ես հարերդա դվէր տանում չորացեալդ. էդքան երկար վեպ կըլի. ահր ես էդ վեպը ատեան պտեմ դուրս բերիլ. սրբազանին իրան նշանց պտեմ տալ. էնտեղ ինձ թնչ կասես. սրբազանին ես թնչ պատասխանեմ, ան գլխամեռ... Ճար չի կայ. Աստուած քեզ ինձ համար պատիժ ա ուղարկել, պատիժ. շարունակի մի տեսնեմ թնչ հոգն ու ցեխն եմ գլխիս տալիս... Հիմի դալամը ծոխ դէպի աջ. տար, տար դէպի աջ. էլ, էլ, անդգամ, էլ. վեպի հաքին երկար ա լինում. բաւական ան, բօլ ան, բօլ ան, անիծւած, բօլ ան, կանգնի. վէր ընկի տեղդ, խոտակեր. դալամդ կանգնեցրու է, դալամդ, դու մի կանգնիր հայվանի պէս... Փառք Աստուած, վեպն էլ գրուց: Դէ հիմի էլ նոն գրի. օհ, շուրն ինձ տանի. էդ փնց պտեմ հոն քեզ գրիլ տալ...

—Հայր սուրբ. մի քիչ բռնոթի քաշի, դինջացի,—ասաց Յովհաննէսը:

—Գլուխդ մեռնի, բեզարեցիր հը. էդհէնց դըժլար բան ա գրելն է. առանց գրել իմանալու ուղում. ես վարդապետ դառնալ:

Պօղոս հայր սուրբը հետևեց Մուրղուզեանի խելացի խորհրդին, բռնոթի քաջեց, հանգստացաւ ու շարունակեց իր տարօրինակ թելադրութիւնը: Մի ամբողջ ժամ անընդհատ լսուում էր՝... «Գլխովէր տար, դվէր բեր, հարերդա դէդ դվէր, դէս գլխովէր, դէն դիեր, դէպի քեզ. աջ ծոփ, չորացեալդ աջ ծոփ, անիծւած. դիեր տար, դիք դիեր, դէպի վեր, հարերդա դէդ դիեր, կործանւած. դէպի ձախ, լաւ լսի՛ դէպի ձախ, քիչ էլ տար, մի քիչ էլ. դէն գլխովէր, հարերդա դէն դվէր, գլխամեռ. ձախ ծոփ, չորացեալդ ձախ ծոփ. էդհէնց չի, էդհէնց չի, անիրաւ. դվէր տար, թիւշ գլխովէր. բօլ ա, բաւական ա, կանգնի. տեղդ վէր ընկի, հայվան, էլի կանգնեցիր. ձախ ծոփ, դարձեալ ձախ. ետ դքէտ. լաւ լսի՛ ետ դքէտ, քիչ էլ տար, քիչ էլ տար, նզովեալ»...

Վերջապէս արեղացուն, «վայ էն հալին», մի կերպ անմահացրեց թղթի վրայ «Յովհաննէս Մուրղուզեանց» բառերը:

Պօղոս հայր սուրբը, իր տնտեսի գլուխն ու արևը հողելով, վերցրեց նրա գրագիտութիւնը վկայող այդ թուղթը ու դուրս գնաց սենեակից:

Նա կրկին այցելեց անդամներին, այցելեց ատենադարին. կրկին անգամ ներկայացաւ նորին սրբազնութեան, որի մօտ ընթրեց ու գիշերեց նոյն խօլ: Սրբազանի սիրալիութեան ու բարեացակամութեան չափ չը կար:

Հետևեալ օրը Պօղոս հայր սուրբն առաւօտեան ժամից յետոյ եկաւ ու աւետեց իր տնտեսին՝

— Ա՛դա, քեզ ջնջեցին...

Կանաչ կիրակի օրը մեծ հանդիսաւորութեամբ կատարեց Մուրղուզեանի ձեռնադրութիւնը:

## Վ Ա Ք Ի Լ Բ Ա Շ Ի Ն

— I

Օրը կիրակի էր, յուլիսեան օրերից մինը: Գիւղի հրապարակում կանգնելու տեղ չը կար. այնտեղ կուտակած էր մի սոււար բազմութիւն: Գիւղացիները խմբերի բաժանւած խօսում, դատում, վիճում էին տաք տաք. ինչ-որ մի շատ կարևոր հարց սաստիկ զբաղեցնում էր բոլորին. խօսում էին ըստ սովորականին շատ բարձր. շատերը գոռում էին ուղղակի. կոկորդները չէին խնայում բնաւ, իրար բերանից խօսք էին խլում: Աղմուկը, հարահրոցը, յաճախակի հայհոյանքներով ուղեկցւող, աննկարագրելի էին, բայց գիւղի համար շատ սովորական. գիւղական ժողովը առանց աղմուկի, առանց հայհոյանքների երբէք չէ անցնում: Քանի խորն է շօշափում նա հասարակական շահերը, այնքան մեծ է լինում աղմուկը, այնքան ընտիր ու ազդու են լինում զանազան հասցէներով արտասանող հայհոյանքները...

Հրապարակի ծայրին գտնուող գիւղական դիւանատան պատշգամբի վրայ կանգնած էր գիւղական աւազանին: Այնտեղ էր տանուտէրը իր օգնականով. այնտեղ էին դատաւորները, իշխանները, գրագիրը. այնտեղ էին նոյնիսկ գիւղի քահանաները, որոնք ժողովի են հրաւիրւում արտաքոյ կարգի դէպքերում. նրանց ներկայութիւնը ապացոյց էր, որ քննադատող հարցը

չափազանց կարևոր է ու լուրջ: Պատշգամբի սանդուղքի աստիճանների վրայ կանգնած էր գզիրը, մըտրակը ձեռքին բռնած. բոլոր ժամանակ նայում էր նա տանուտէրին: Վերջինս ձեռքում մի թուղթ ունէր բռնած. երբեմնակի նա թուղթը մօտեցնում էր անջերին, կարդում էր իբրև թէ, այն ինչ բոլորին յայտնի էր, որ նա ամեն բան գիտէ, բացի կարդալուց. «այիբբենը» երազումն անգամ չէ ծամած գոնէ մի անգամ, ու պաշտօնական թղթերը վաւերացնելիս գրագիրը նրա բերանից գրում է միշտ՝ «թուղթս դայս ես, քեօխվայուզբաշի Աղասի Վիրաբօվս, վասն պատճառի անգրագիտութեան իմոյ հաստատեցի փէշատմամբ արքունոյ կնքոյ»: Թղթին նայելուց յետոյ տանուտէրը դառնում էր շրջապատողներից սրան կամ նրան ու զրուցում նրա հետ, թղթի բովանդակութեան մասին, ի հարկէ, երբեմն միջի մատով, միւս մատները ծալած, ցոյց էր տալիս թղթի այս կամ այն տողը ու տաք տաք խօսում:

Ծիծաղի նշոյլ անգամ ոչ ոքի երեսին չէր նկատուում. տանուտէր է, գիւղի մեծը, գիւղի տէրն է. նա ամեն բան կարող է անել. նրան ամեն բան ներուում է:

Այդ նշանաւոր ժողովի օրը նա կարգին կուլ տւած\*) էր երևում: Ասենք՝ երբ չէ նա կուլ տալիս. իր խորին համոզմամբ, եթէ նա առանց կուլ տալու գայ ժողով, այնքան ահարկու չի լինի ժողովականների համար, զուրկ կը լինի «զահմից», կընկնի տանուտէրական պրէստիժը ու նրա հետ միասին իշխանութեան վարկն առհասարակ: Այդպիսով տանուտէրի կուլ տալը, նրա կոնծաբանութիւնը, ոչ թէ, նրա կարծիքով, լոկ անձնական զւարճութիւն է, այլ հասարակական նշանակութիւն ունեցող գործ:

\*) Խմած:

Նոյն համոզմամբ նոյն բանն են անում նրա մերձաւորները, գիւղի միւս պաշտօնեաներն ու գործիչները. բոլորն էլ իրանց բանը տեսած են գալիս հրապարակ: Ամեն կիրակի, ամեն ժողովի կամ դատարանի նիստի օր, առանց այն չի, որ մի քանի գիւղացիներ գործեր չունենան՝ համայնական ժողովի կամ գատարանի քննադատութեան ենթակայ. ահա այդպիսիները իրանց գործերի աջողութեան համար աշխատում են վաղ առաւօտեան ում հարկն է «տեսնել», կանչում են իրանց տները «մի պատառ ային-օյին անելու»...

«Ային օյինի» հետևանքը լինում է լաւ կեր ու ևս առաւել լաւ խում, որից յետոյ իշխանաւորները գալիս են նիստի կարմրած դէմքերով ու տաքացած գլուխներով: Աջողուում է նրան գործը, որի գինին ու արաղը աւելի առատ են լինում ու աւելի ընտիր՝ իրանց որակով ու աւելի ազդու... Այդ օրւայ նիստին լաւ կուլ տւած էին եկել ոչ միայն տանուտէր Աղասին, այլ և նրա ողջ շքախումբը:

Տանուտէրի ձեռքի թուղթը պաշտօնապէս թէև չէր կարդացել դեռ, բայց նրա բովանդակութիւնը կցկտուր յայտնի էր համարեա բոլորին. արդէն մի շաբաթ էր, ինչ նա ստացել էր գիւղում. մինչև ժողովի օրը գրագիր մահտեսի Առաքելը այստեղ-այնտեղ պատմել էր նրա բովանդակութեան մասին. ընդհանուր խօսակցութիւնը նրա մասին էր: Ժողովը հրաւիրւած էր թղթի պաշտօնական ընթերցանութեան համար. իշխանութեան հրամանը պէտք է հանդիսաւորութեամբ յայտարարէր գիւղական հասարակութեան ու առաջարկէր՝ միջոցներ ձեռք առնել հրամանը ճշտութեամբ կատարելու համար: Ամբոխը գնալով սուտարանում էր. նոր ու նոր ժողովականներ էին գալիս. աղմուկը աւելի ու աւելի սաստկանում էր: Վերջապէս տանուտէրը



հրամայեց գզրին լռեցնել ամբոխին՝ իշխանութեան հրամանը լսելու համար:

—Տնգ արէք, հրամանը կարդում են,—գոռաց գզիրը իր կոկորդի բոլոր ոյժով. նա ստիպւած էր մի քանի անգամ կրկնել նոյնը ու մի քանիսին խփել ձեռքի մտրակով: Բոլորն էլ լռեցին վերջապէս ու լուռ դէմքերով դարձան դէպի պատշգամբը, յառելով աչքերը տանուտէրին:

—Մահտեսի, առ կարդն,—ասաց տանուտէրը, մեկնելով ձեռքի թուղթը գրագիր մահտեսի Առաքելին:

Վերջինս խկոյն վերցրեց գլխարկը, դրեց գետնին, առաջ անցաւ. առաւ տանուտէրի ձեռքից խորհրդաւոր թուղթը, հանեց գրպանից ակնոցները, սարքեց, սաղացրեց քթի վրայ, երկու ձեռքով բռնեց թուղթը, դարձաւ ամբոխին, մի-երկու անգամ հազաց ու մնաց լուռ կանգնած. մի քանի րօպէ շարած նայում էր նա թղթին: Այնքան բարձր տեղից էր վերջինս, որ մահտեսու լեզուն կապւել էր ուղղակի. թէև բացի ուսերէնից, թուղթը գրած էր նաև հայերէն, բայց մահտեսին էլի ահաբեկուում էր նրան նայելիս...

—Ա՛ռ, ա՛ռ. ա՛ռ մի պատառ բռնոթի քաշիր ու խելքդ գլուխդ հաւաքի, մահտեսի,—ասաց նրա ետևում կանգնած տէր-Գալուստը, մեկնելով նրան իր կաշէ բռնոթամանը,—մի լաւ վեր ծծի, բալքի լեզուդ բացի:

Մահտեսին ծուեց դէպի տէրտէրը, խորին պատկառանքով վերցրեց մի պտղունց նրա «օրհնւած», բռնոթուց, երկու անգամ իրար վրայ փռշտաց, «մեղայ քեզ, Աստուած» կրկնելով, խելքն այդպիսով գլուխը հաւաքեց ու յետոյ սկսեց կարդալ թուղթը այնպիսի ձայնով, ինչպէս նա երբեմնակի կարդում է եկեղեցում Պօղոս առաքեալի թուղթն առ Կորնթացոյ, շատ հանդիսաւոր ու իր ունկնդիրների համար

շատ ազդու կերպով: Թէև թուղթը յատուկ վերնագիր չունէր, բայց մահտեսին անհրաժեշտ համարեց վերնագիր կարդալ, որը շարագրեց իրանից տեղն ու տեղը և հէնց մասամբ այդ պատճառով այնքան լուռ կանգնեց սկզբում. պէտք էր մի ազդու վերնագիր ասել: Ընտրին բարեսրտութեան ու բարեծնունդ մեծահոգութեան առ բարձր իշխանութեան կողմից. վասն երևալոյ խօլերայի՝ մասին... Քիչ կանգ առնելուց ու շրջապատողների վրայ թուլցիկ հայեացք ձգելուց յետոյ նա կարգաց այնուհետև կզկզացնելով ամբողջ թուղթը: Գրութիւնը նահանգական վարչութեան կողմից էր դրկւած, գաւառապետի միջոցով, նրա յաւելւած թղթով, որը նոյնպէս կարգացւեց: Մօտեցող խօլերայի պատճառով իշխանութիւնը խստիւ հրամայում էր գիւղական վարչութեան անհրաժեշտ առողջապահական միջոցներ ձեռք առնել՝ գիւղը սպառնալից վտանգից ազատ պահելու համար. հրամայւում էր հիմնովին մաքրել գիւղը, անհետացնել գիւղի դարաւոր աղբակոյտերը ու այդ նպատակի համար առաջարկւում էր յատուկ առողջապահիկ յանձնաժողովը ընտրել հասարակութեան բանիմաց անդամներից, որոնք պէտք է գործէին տանուտէրի անձնական վերահսկողութեան տակ: Շարաթը երեք անգամ յանձնաժողովը պէտք է շրջէր ամբողջ գիւղը, ստիպէր գիւղացիներին մաքրել իրանց հայաթները, նրանց կից փողոցները, տները, գոմերը ու դուրս տանել աղբը գիւղի հեռաւոր շրջակաները. ամենից առաջ նա պէտք է ստիպէր հեռացնել գիւղից հինաւուրց փտող ու նեխուղ աղբակոյտերը, որոնցով անչափ հարուստ են մեր գիւղերը:

Ընտրուող յանձնաժողովը իրաւունք էր ստանում արձանագրութիւններ կազմել այն դէպքերում, եթէ հրաժարւէին նրա օրինաւոր պահանջները կատարելու:

այդ արձանագրութիւններով գիւղական դատարանը պէտք է տուգանքներ առնէր զանցառուներէց. բացի այդ յանձնաժողովը կարող էր մաքրել որևէ հայաթ, գոմ, դուրս կրել գիւղից որևէ աղբանոցի աղբ զանցառւի հաշուով: Տանուտէրին, գիւղի բոլոր իշխանաւորներին ու ընտրուող յանձնաժողովի անդամներին պարզ հասկացնուում էր, որ նրանք կենթարկւեն անձնական խիստ պատասխանատուութեան, եթէ անտարբերութեամբ ու անբարեխղճութեամբ վերաբերւեն գործին ու այդպիսով ենթարկեն գիւղը վարակելու վտանգին:

## II

Երբ վերջացաւ թղթի ընթերցանութիւնը, կրկին սկսեց աղմուկը: Տանուտէրը դարձաւ ժողովրդին խօսելու համար: Գղիբը, նկատելով այդ, բարձրաձայն գոռաց՝

—Տազ արէք, ուղբաշին խօսում ա:

Իսկոյն լուռութիւն տիրեց: Բոլորն էլ դարձրին երեսները տանուտէրին:

—Ա՛ խալիսը,—ասաց տանուտէր Աղասին,—էդ ատենում էք, որ խուլ ցաւը գալիս ա. Ղլբաշի հողումն ա երեսցել ու հիմի էլ կամաց-կամաց դէպի մեզ ա գալիս: Ասում են էնտեղ, շահի իրան շհարումը, օրը հազար, երկու հազար մարդ ա կոտորում: Անտէր ցաւը շահին որ խաթրը չանում ու նրա աչքի առաջին էդքան մարդ ա փչացնում, մեզ խակի չի խաթրն անիլ, մեզանից աւելի կը կոտորի, եթէ գայ. գիւղումս էլ մարդ չի մնալ, գիւղը կը դատարկի. էդ լաւ իմացէք հա: Բարձր իշխանութիւնը, Աստուած նրան բարի տայ, հրաման ա արել էդ ա, որ թամուզ կենանք, գիւղը

մաքրենք, աղբերը չը թողնենք, գեղից դուրս տանենք, աղբանոցները ոչնչացնենք: Ասում են դօխտուրները կաղէթներումը գրել են, որ որտեղ աղբը շատ ա, որտեղ փնթի, կեղտոտ են ապրում, խուլ ցաւն էնտեղ ա տարածուում. լաւ լսեցէք հա: Բարձր իշխանութիւնը հրաման ա անում, որ խուլ ցաւի համար չորս վաքիլ\*) ջոկենք: Վաքիլները պէտք ա շաքաթը երեք անգամ գեղը պտտեն ու ճամբէքը, հայաթները, տները, գոմերըն ու աղբանոցները թամուզ անել տան: Ես միշտ նրանց հետ եմ ըլելու: Էգուցւանից պէտք ա սկսենք գեղը մաքրել. մի-երկու օր պէտք ա բոլորդ էլ մնաք տանը ու էդ բանի ետեից կենաք. մի-երկու օրով պէտք ա հունձն ու փունջը թողնէք, կալ չը կալսէք. բարձր իշխանութեան հրամանը շատ թունդ է, շատ: Ով որ վաքիլներին հակառակի, նրանց քէֆին դիպչի, նրանց հրամանները չը կատարի, իր հայաթն ու գոմը չը մաքրի, իր դռան աղբը դուրս չը տանի գեղից, նրանից ամենաքիչը տասը մանէթ շտրափ կառնեմ ու իրան էլ տուն կը գցեմ: Իմացէք հա: Ինչպէս ասացի ես ինքս միշտ վաքիլների հետ ման պտեմ գալ. լաւ իմացէք հա. էս խուլ ցաւի ձայնը քանի կայ ու կըլի, ես համ ուղբաշի եմ, համ վաքիլբաշի: Ով մի քիչ գոնէ հակառակի ինձ, նրա կարկաժ-մարկաժը կը ջարդեմ. նրան Սբիբ ուղարկիլ կը տամ, Սբիբ: Ով փորձի հացով, գինի-արաղով իմ ու վաքիլների խաթրն առնել, կաշառք տալ ու էդհէնց փանդ ու փունդով ազատել մեր պահանջներից, ձեռներն ու ոտները կապած նրան կուղարկեմ գործատուրի կուշտը. նրա անունը գործատուրի սե դաւթարումը կը գրւի ու ինքն էլ հող ու մոխիր կը կորչի: Իմացէք, որ նաչախիկն\*\*)

\*) Լիազօր, հաւատարմատար:

\*\*\*) Գաւառապետը:

ինքը գալ պտի գեղին մտիկ տայ. եթէ գեղը մաքուր չը լինի, ինձ ու վաքիլներին Սքիւր կուղարկի է, Սքիւր-ի՞նչ ա, ուղում էք, որ ձեր խաթրին, ձեր պատճառով մենք տանով-տեղով կորչենք: Չէ, ես թող չեմ անիլ, որ դուք իմ ու իմ իշխանների տները քանդէք. օրէս ետը ինձ համար էլ բարեկամ-մարեկամ չի կայ, հարուստ ու աղքատ չի կայ. էս խուլ ցաւը քանի կայ, ոչ մինի խաթրն էլ ա պահիլ չի պտեմ: Բարձր իշխանութեան հրամանը շատ ա թունդ է, շատ. իմ օրումը էսհէնց թունդ հրաման չեմ ստացած: էս հրամանն, ասում են, գրքնատուրի վրայ Պետրիպօլկէն\*) ա եկել է, Պետրիպօլկէն. մէկէլ օրը քաղաքումը պրիստաւր գրագիրն ինձ էդ ասեց: Ա՛ տէր,—դարձաւ տանուտէրը քահանաներից աւապին,—մի-երկու խօսք էլ դու ասա. երէց ես, կարգաւոր ես. քո խօսքը զօրաւոր կը լինի:

Տանուտէր Աղասին վերջացրեց իր ճառը:

Տէր-Գալստի համար անսպասելի էր այդ դիմումը: Ի՞նչ ասէր նա. նրա դրութիւնը շատ դժւար էր. տանուտէրի ճառի ոչ մի կէտի հետ համաձայն չէր նա: Նրա խորին համոզմամբ խօշերայի դէմ պէտք է կուել միմիայն աղօթքներով, թափօրներով, մաղթանքներով ու մատաղներով. գիւղի մաքրութիւնից խօշերան չի վախենայ. նա Աստծուց ուղարկած պատիժ է, ահաւոր, սոսկալի պատիժ: Բայց իր սրտինն ասել այդտեղ տէրտէրը չէր կարող. այդ կը նշանակէր բարձ իշխանութեան հրամանին հակառակ բան բռնել. պէտք էր հաստատել տանուտէրի ասածները ու ահանարկներով միայն հասկացնել, որ բացի բարձր իշխանութիւնից Աստուած ևս կայ, որ նրա պահանջներն ու պատէրներն էլ պէտք է կատարել: Տէր-Գալուստը

\*) Պետրբուրգից:

կարմրեց, քրտնեց սաստիկ, հանեց գրպանից բռնութու մէջ շաղախաձ գունաւոր թաշկինակը, սրբեց նրանով ճակատը, ծանր ու բարակ բռնութի քաշեց, խելքն այդպիսով գլուխը հաւաքեց ու դարձաւ ժողովրդին՝

—Ա՛ ժողովուրդ,—ասաց նա,—մեր ուղբաշին ինչ ասեց, միտներդ լաւ պահեցէք ու կատարեցէք. նա ամեն բան ասեց. ես էստեղ քիչ բան ունեմ ասելու. բարձր իշխանութեան հրամանը սրբութեամբ կատարեցէք. մեր օգտի համար ա նա եկել էնքան հեռու տեղից: Ամա... Ամա Աստծուն էլ միտներդ պահեցէք է, Աստծուն. նրա փեշը պինդ բռնեցէք. իսկի բաց չը թողնէք. խուլ ցաւը նա ա ուղարկել. մեր մեղքերը շատ են, շատ անչափ... Գիւղը մաքուր պահելը բաւական չի. պէտք ա մեր սրտերն էլ մաքուր պահենք, պէտք ա Աստծու սիրտն էլ շահենք, Աստծու, որ իր ցասումը դարձնի մեզանից, իր ողորմութիւնը թափի մեզ ու արար աշխարհի վրայ... Ե՛հ, էլ ինչ ասեմ. էստեղ տեղը չի ամեն բան ասելու. իմ ասելիքները ես ձեզ ժամումը կասեմ. ժամ եկէք ամեն օր, ժամ, անօրհնաւաններ:

—Փառաւոր ըլես դու, ան տէր, փառաւոր,—լաւեց ամբոխի միջից,—դարմանն էդ ա, որ ասեցիր. կանենք, ինչ ասեցիր, կը կատարենք. Աստծու փեշը պինդ կը բռնենք:

—Աստծու սիրտը՝ կը շահենք, ան տէր, միամիտ կաց,—ասաց տանուտէր Աղասին,—գիւղը մի քիչ մաքրեցինք թէ չէ, պէտք ա մաղթանքների ու մատաղների ետևից կենանք, ամեն օր Աստծու դուռը թակենք. օխտը սարի գլխի պէտք է օխտը մաղթանք կատարես, մեծ աւետարանը պէտք ա դուրս բերես. ամեն մաղթանքի պէտք ա օխտը տաւար մորթի... Բա ես թող կանեմ, որ իմ ոահաթը, իմ ժողովուրդը, Աստ-



ծուն մոռանայ ու հող ու մոխիր կորչի, խուլ ցաւի ըռեխն ընկնի: Չէ, քանի ես ուզբաշի եմ, էդհէնց բան իմ օրչեստումը \*) պատահիլ չի:

—Ջօրանաս դու, ուզբաշի Աղասի,—ասաց տէր-Գալուստը,—ես գիտեմ, ես գիտեմ, որ դու ամեն բան ինձանից լաւ ես հասկանում: Բարձր իշխանութեան հրամանն ա քեզ ստիպում աղբերի ետեից ընկնել, թէ չէ դու քո ժողովրդի հետ միմիայն Աստծու փեշը կը բռնես. ի՞նչ արած, հրամանը թունդ ա:

—Հն, ա տէր, հրամանը շատ ա թունդ, շատ. պէտք ա կատարած. իշխանութիւն ա, մեր մեծն ան, մեր տէրն ա. հրամանն, ասում են, գբրնատուրի վրայ Պետրիպօլկէն ա եկել է, հանաք չի. պէտք ա կատարեմ: Հը, ան խալիսը, ի՞նչ էք տաղ արել,—դարձաւ տանուտէրը ամբոխին,—վաքիլնեը ջոկեցէք, ասեցէք՝ ո՞ւմ էք ուզում. խելքը գլխին չորս մարդ ջոկեցէք:

—Ուզբաշի.—լսեց ամբոխի միջից մի ձայն.—  
Ներողութիւն արն. մի խօսք ունենք ասիլի:

Հը՛, ի՞նչ ես ուզում ասես, Առկաս, ասն. լսում ենք,—ասաց տանուտէրը:

—Բարձր իշխանութիւնը մեր օգտի համար ա էդ հրամանն ուղարկել. հասկանում ենք. Աստուածնրան մեզ համար հաստատ պահի,—ասաց Առկասը: Դու ու մեր տէրը լաւ խօսացիք. շնորհակալ ենք. դու քո իշխաններով ու սուգիաներով գիշեր-ցերեկ մեզ համար ես ցաւում ու մտածում. էդ մենք գիտենք. դրա համար էլ ենք շատ շնորհակալ: Ամա մի բան կայ. եթէ հիմի մենք մեր բանն ու գործը թողնենք ու աղբերի ետեից ընկնենք, գեղը մաքրել սկսենք, մեր տները կը քսնդուեն մեր գլխներին: Էսօր ահր սր օր ա. մեր հնձի, մեր փնջի, մեր կալ ու կուտի վախտն ա: Գիւ-

\*) Համայնքում:

զումն էնքան աղբն ու աղբանոց կայ, որ եթէ հիմի մեր բանն էն շինենք, նրանց ետեից ընկնենք, երկու-երեք ամսումը չենք պրծնիլ. բա սիվ կը հնձի մեր արտերը, սիվ կը կալսի մեր կալերը. խուլ ցաւը եկած լաւ ա, քան մենք մեր արտերից ու կալերից ընկած: Գիւղումը մեր պապերի, մեր տատերի ժամանակներից, Աղբաշի ու Ջաւաղ-խանի դօվրից աղբեր կան կիտած. հեշտ չի նրանց դէն ածիլը. թող մնան. բանից երբ պրծնենք, դէն կածենք. սռաջներիս ձմեռը մեր բանն էդ կը շինենք: Ով ա գիտում, բալքի Աստծու ողորմութիւնը հասնում ա ու խուլ ցաւը գալիս չի: Աստծու պատիժ ա, տէրն ասեց. աղբերի միջիցը հօ չի դուրս գալիս հիւանդութիւնը: Աստուած մեր ու մեր տէրի աղօթքները կը լսի, մեր մատաղները կընդունի, մեզ կը խնայի. ոնց մեր պապերից սկսած մինչև հիմի եօլա ենք գնացել, օրէս ետն էլ էնհէնց եօլա կը գնանք...

—Աղա, տաղ արն, տաղ արն, հարամդադա,—  
ասաց բարկացած տանուտէրը.—ամեն տեղ ու ամեն բանի մէջ կոտրած գդալի պէս մէջ ես ընկնում. ըռեխդ քեզ հաւաքի. ի՞նչ ա, բարձր իշխանութիւնից դու շատ ես հասկանում. նրա խելքը քոնի չափ էլ չի բան կտրում նրա հրամանը սուտ ան:

—Ներողութիւն արն, ուզբաշի,—ասաց Առկասը,—մեղայ Աստծու, սա էդհէնց բան չեմ ասում. բարձր իշխանութեան հրամանը սուրբ ա մեզ համար. մենք խնդրում ենք միայն, որ հիմի մեզ թող անես մեր շանին գնանք, իսկ գեղը ձմեռս թամուզ կանենք:

—Անկարելի ա, հրամանը շատ ա թունդ:

—Ուզբաշի, խնդրում ենք. ուզբաշի, մեր տները կը քանդուեն, եթէ բանից ընկնենք. շատ ենք խնդրում, ուզբաշի,—լսեցին ձայներ այս ու այն կողմից:

—Հրամանը Պետրիպօլիէն ա է, Պետրիպօլիէն, ասեցի. ինչ ա, ուզում էք, որ ես իմ իշխաններով Սբիբ գնամ. կարելի չի, պէտք ա գեղը մաքրենք:

—Ուզաքաշի,—ասաց դարձեալ Ղուկասը,—Թագաւորը ողորմած ա, նա քեզ ու քո իշխաններին կը բաշխի, ողորմածութիւն կանի. խնդրում ենք, մեզ մեր բանիցը գցիլ մի:

—Քեզ ասում եմ՝ տաղ արա. սոսա,—հրամայեց խրոխտ ձայնով տանուտէրը:

—Ահր հնց տազ անեմ. տունս քանդում ա է. արտերս ու կալերս մնում են:

—Ազա, էդ հարսմզադին տարէք տուն գցեցէք, —գոռաց տանուտէր Աղասին,—ես դրան բխոված պէտք ա ուզարկեմ գրքնատուրի կուշտը, բխոված. դրա անունը սև դաւթարումը գրիլ պտեմ տալ:

—Գլիրն իր օգնականներով իսկոյն յարձակեց Ղուկասի վրայ ու քաշեց նրա թևից. նա մի փոքր ընդիմադրութիւն ցոյց տուց, բայց մի քանի ուժգին հարւածներ ստանալով գլխին, վզակոթին ու մէջքին, քայլերն ուղղեց դէպի գիւղական դիւանատան տակ գտնուող մութ, խոնաւ ու կեղտոտ նկուղը, ուր նրան բանտարկեցին ու դուռը նրա ետեից ամուր կողպեցին: Տանուտէրի այդ վճռական քայլից յետոյ այլ ևս ոչ ոք չը խօսեց իշխանութեան կարգադրութեան դէմ, ու առողջապահիկ յանձնաժողովը, չորս հոգուց բաղկացած, ընտրեց. բոլոր անդամներն էլ ընտրեցին տանուտէրի սովորական շքախմբից, գիւղի դատաւորներից ու իշխաններից, նրանցից, որոնց հետ տանուտէր Աղասին սովորաբար թաս է բռնում... Ընտրւածները պաշտօնապէս, գրագիր մահտեսի Առաքելի ձեռքով կազմած արձանագրութեամբ, յայտարարեցին լիակրօն ցաւի վաքիւնք», իսկ տանուտէր Աղասին «վաքիւրաշի», այ-

սինքը նրանց զլխաւոր, դեկավար, նախագահ, Յայտարարեց, որ յանձնաժողովը կը սկսի իր գործունէութիւնը վաղւանից, երկուշաբթի օրից ու պաշտօնապէս ման կը գայ գիւղում, կը շրջի նրա բոլոր հայաթներն ու փողոցները, շաբաթը երեք անգամ՝ երկուշաբթի, հինգշաբթի ու կիրակի օրերը. տանուտէրն աւելացրեց, որ նա ոչ-պաշտօնապէս ամեն օր պէտք է շրջի գիւղը, մենակ կամ ընկերներով, ու վայ նրան, ում հայաթում կամ գոմում աղբ կը տեսնի:

Երբ համայնական ժողովի նիստը վերջացաւ, իշխաններից մի քանիսը դիմեցին տանուտէրին ու խնդրեցին, որ ների բանտարկւած Ղուկասին. տանուտէրը գործը քիչ ծանրացնելուց յետոյ վերջապէս ներից, Ղուկասի վզին երկու վեդրօ գինի ու մի «թեթև» խորոված գնելով: Նոյն երեկոյեան Ղուկասի տանը այդ գինին խմեց ու խորովածը կերաւ և այդպիսով տանուտէր Աղասին ազատեց Ղուկասին շղթայակապ նահանգապետի մօտ գնալուց...

## III

Հետեւեալ օրը վաղ առաւօտեան առողջապահիկ յանձնաժողովը, տանուտէր Աղասիի առաջնորդութեամբ, գրագրի ու գզրի ուղեկցութեամբ, սկսեց իր գործունէութիւնը: Գիւղացիներին խստիւ հրամայեւած էր մնալ գիւղում ու դուրս կրէ՞ աղբը գիւղի շրջակաները. զանցառուներին սպառնում էր մեծ տուգանք. այդ պատճառով համարեա բոլորն էլ մնացել էին գիւղում, բոլորն էլ, կանանց ու երեխաների հետ միասին մաքրում էին հայաթները, տները, գոմերը, փողոցները ու դուրս էին կրում աղբը, բայց վերջինս այնքան շատ էր, որ ամիսներ էին հարկաւոր նրա գիւղից դուրս



կրելու համար: Յանձնաժողովը երևում էր այս ու այն հայաթում. մի տեղ նկատելով ջանասիրութիւն, խրախուսում էր աշխատաւորներին, միւս տեղ նկատելով անփութութիւն, սպառնում էր, որ տուգանք կառնի անհոգներին, տուն կը գցի, կը բանտարկի: Փողոցներում ու հայաթներում աննկարագրելի թող էր կանգնած. կանայք, փոքրիկ տղաներն ու աղջիկները մի-մի աւել ձեռներին բռնած սրբում էին շտապ-շտապ, մանաւանդ երբ նկատում էին հեռւից մօտեցող «խուլ ցաւի վաքիլներին» ու նրանց առաջնորդին, ահարկու տանուտէր ու վաքիլը Ս. Աղասուն:

Փոքրիկներին այնպէս էր թւում, թէ «խուլ ցաւը» գտնուում է նրանց գրպաններում. բաւական է նրանց բարկացնես քիչ, որ ցաւն իսկոյն հանեն նըրանք իրանց գրպաններից ու վարակեն, կոտորեն մարդկանց, այդ պատճառով նրանք անչափ ահարկու, զարհուրելի էին դիւղական մանկտիի համար: «Դէ հն, աշխատեցէք, լաւ սրբեցէք, ղօչաղ շարժեցէք,—քաջալերում էր վաքիլը շին,—բարձր իշխանութիւնից հրաման կայ. նրանում ասւած ա՛ն որ գեղը թամուղ պահեն, էն գեղի վրայ խուլ ցաւ չի գնալ: Հնայ, ապրէք, հն, էդհէնց, էն աղբերը տեղովը դուրս տարէք գեղից: Ով իշխանութեան հրամանը լաւ կատարի, նրա համար թագաւորից մեղալ պիտի գայ հն, լաւ իմացէք, եթէ տղամարդ ա. իսկ եթէ կնիկարմատ ա, նրա համար էլ թագուհից ոսկի մատանի պտի գայ. երեխանց համար էլ կանփետ պտէն ուղարկիլ, կանփետ: Դէ, ապրէք, հն. նամուս-ղէյրաթով շարժեցէք»: Վաքիլները այս ու այն հայաթը մտնելով, այս ու այն կըտուրը բարձրանալով կրկնում էին մօտաւորապէս նոյնը. «էդ ի՞նչ բանի էք. ի՞նչ բանի էք. ի՞նչու չէք էս աղբերը հաւաքում, կորցնում էստեղից,—գոռում էր

վաքիլը շին, նկատելով որ և է տեղ անփութութիւն, դանցառութիւն. բա դուք վախում չէք ինձանից. բարձր իշխանութեան հրամանը ձեզ յայտնի չի. էս աղբերը եթէ միչնչե երեք օրը էստեղից չը հաւաքէք ու կորցնէք, ձեզ տանով-տեղով գորնատուրի կուշար կուղարկեմ, ձեր անունները գորնատուրը սե դաւթարումը կը գրի, իսկ ով սե դաւթարն ընկնի, նրա տեղը Սրիւն ա հն: հրամանը Պետրիպօլկէն ա է. լաւ իմացէք»: Երբ պատահում էին քիչ շատ հակաճառողներ, յետաձգութիւն խնդրողներ, վաքիլը շին բարկանում էր սաստիկ, հայհոյում, նոյն իսկ ծեծում էր հակաճառողին, հրամայում էր գրագրին արձանագրութիւն կազմել՝ դատարանին ներկայացնելու համար, սպառնում էր տուն գցել, բանտարկել. մի-երկու անգուսպ հակաճառողների տուն գցեց առաջին օրը:

Այդպէս վարւում էր նա ըստ սովորականին գիւղական խեղճերի հետ. համիլաների, հարուստների հետ խօսելիս այդպիսի բաներ թոյլ չէր տալիս իրան; իսկ հարուստների հայաթներում ու գոմերում անհամեմատ աւելի աղբ կար, քան խեղճերի: Վերջիններս բացի մի երկու այծից, մի ջորուց կամ աւանակից ոչինչ չունէին, այնինչ համիլաների դուներում տասնեակներով էին հաշւում կովերը, եզները, գոմէշները, ջորիներն ու ձիաները. նրանց հայաթներում աղբի լեւներ կային ուղղակի: Մի քանի տներում փորձեցին շահել տանուտէրի ու պաշտօնակիցների սրտերը, փորձեցին թրջել «ղօրաւոր հեղուկով» նրանց կոկորդները, բայց աջողութիւն չունեցան. տանուտէր Աղասին կտրուկ կերպով հրաժարւում էր այդպիսի հրաւերներից ու ստիպում, համոզում էր նոյնն անել յանձնաժողովի միւս անդամներին: Բոլորն էլ զարմացել էին նրա այդ վարմունքից. այդ գիւղի համար ուղղակի անընակամ էր



երևոյթ էր. գիւղը ինչ գոյութիւն ունի, առաջի անգամն էր պատահում գուցէ, որ տանուտէրը, դատաւորը, իշխանը հրաժարուում էին գինի-արաղից: Համարեա բոլորն էլ իրանց յոյսը «գորաւոր հեղուկի» վրայ էին դրել. բոլորն էլ հաւատացած էին, որ յանձնաժողովի անդամները ու նրանց նախագահը, «վաքիլըաշին», մի քանի բաժակ կոնծելուց յետոյ կը մոռանան իսպառ թէ բարձր իշխանութեան հրամանը և թէ խօլերան, կը շրջեն գիւղը միմիայն կոնծելու, կուլ տալու համար ու այդպիսով ամեն բան կը մնայ իր նախկին դրութեան մէջ, գիւղացիք էլ կը գնան իրանց բանին-գործին, կը գնան իրանց հնձի-փնջի, կալ ու կուտի յետեից: Աղասին զարմացնում էր նոյն իսկ իր պաշտօնակիցներին: Հիւրասիրութեան մի քանի մերժումներից յետոյ նրանց միջից սկսեցին անբաւականութեան ու բողոքի ձայներ լսել: Երբ մի տեղ Աղասին բարձրաձայն գոռաց մի գիւղացու վրայ, ասելով՝ «չէ, չէ. քո գինի-արաղն ուզում չեմ. գոմդ թամուզ արն, գոմդ ու աղբերդ դուրս տար», վաքիլներից մինը, Գիւլունց Գիքին, ասաց կամացուկ ինքն իրան՝ «չո՞ւ, չո՞ւ. ինչի չես ուզում, խի գինի-արաղը փոր կը ծակի՞. մենք ո՞ւմ ենք պարտական, ո՞ւմ օգտի համար ենք էսհէնց չարչարում. գլխամեռիս հետ չը գիտեմ ի՞նչ ա պատահել, որ էսհէնց թնդացել\*» աս:

— Երևի ուզում ա մեղսւլ ստանայ, — ասաց վաքիլ շանէս ամին:

— Այ դա գլուխը բարոյն ա գալիս, — ասաց վաքիլ Մարութը, — մենք սոված ու ծարաւ մեռնիլ պտենք, հասարակի համար չարչարելով, թէ ի՞նչ ա, դա մեղալ պտի ստանայ, ես էլ եմ ուզում, ես. մեր հասարակին ես դրանից շատ եմ ծառայել. իմ մեղալն էլ գինի-արաղն

\*) Պատացել:

ա. ես իմ մեղալը չեմ թողնիլ, որ դրա պէս հարիւր ուզարաշի էլ ըլի. ես պէտք ա խմեմ:

Պատակցութիւնը վաքիլների մէջ թէև տեղի ունեցաւ կամացուկ, բայց բաւականին լսելի էր տանուտէրի համար. նա բան չասաց, ձեացաւ, թէ չը լսեց. եթէ խօսէր, անձնատուր կը լինէր. նրանց իսկոյն ու այնուհետև ամեն բան տակն ու վրայ կը լինէր, կը մոռացէր թէ բարձր իշխանութեան հրամանը և թէ խօլերան: Նա աշխատում էր իր որոշման մէջ հաստատ մնալ. նա որոշել էր գործը խստութեամբ տանել, առանց գինի-արաղի, առանց կաշառքի... թէև իր մերձաւորներից ոչ ոքի նա բան չէր ասել երբէք, բայց շատերը գիտէին, որ նա երազում էր մեղալի մասին...

#### IV

Հայաթից հայաթ, փողոցից փողոց անցնելով՝ առողջասպահիկ խումբը կէսօրից մօտիկ հասաւ գիւղի հարուստ առևտրական Գուրգէնի հայաթը, որտեղ իրար կողքի շարած էին աղբի մի քանի կոյտեր. Տանուտէրը ահագին աղմուկ բարձրացրեց, վաքիլները ձայնակցեցին նրան. աղմուկը լսելով, Գուրգէնը դուրս եկաւ խանութից: Նրան տեսնելով, բարկացած պաշտօնեաները մեղմացրին իրանց ձայները ու համոզել սկսեցին, որ մաքրէ իր հայաթն ու գոմերը, օրինակ տայ ուրիշներին, այնպէս չանի, որ ստիպւած լինեն նրա քէֆին դիպչել: Վաքիլըաշին Գուրգէնին էլ յիշեցրեց, որ հրամանը «Պետրիպօլիէն» է: Այդ բառը նա արտասանում էր մի տեսակ խորհրդաւորութեամբ, նա արտասանում էր «օ» հնչիւնը. նա նրա աչքում մի ահագին, գերբնական դօրութիւն ունէր: Այդ բառը բարձրացնում էր նրա պրեստիժը ամբոխի աչքում,

խոր տպաւորութիւն էր թողնում վերջինիս վրայ, ուստի տանուտէր Աղասին իր թէ պաշտօնական և թէ ոչ պաշտօնական խօսակցութեան մէջ տեղի-անտեղի գործ էր անում նրան:

— Լաւ, լաւ, ասաց Գուրգէնը, — կը մաքրեմ հայաթս, աղբերը դուրս կը տանեմ. էս մի երկու օրը բանս շատ ա. շուտով կը սկսեմ. հիմի եկէք զնանք տուն. արևումը կանգնիլ միք. շատ ա կէծ ու շոգ:

— Ի՞նչ կայ տանը, — հարցրեց տանուտէրը:

— Քո ի՞նչ բանն ա, թէ ի՞նչ կայ, — ասաց վաքիլ Քիքին, — էդ մարդը կանչում ա, զնանք էլի:

Միւսներն էլ նրա ետևից կրկնեցին՝ «զնանք»: Աղասին չը կարողացաւ ընդդիմադրել իր իշխաններին. նրանք ներս մտան: Գուրգէնը պահարանի խորքից հանեց արաղի մի շիշ, զեղեցիկ յայտարարանկարներով ծածկած: Եիջը հէնց իր արտաքին անսովոր տեսքով իսկոյն յափշտակեց հիւրերին: Տանուտէրը, նկատելով բանն ինչու՞ն է, հաւատարիմ մնալով իր որոշման, բացականչեց՝

— Չէ, չէ, չէ. էդ անկարելի բան ա. բարձր իշխանութեան հրամանը թունդ ա, էդ ուզում չեմ:

— Այ դու գլուխդ քարոզն ես տալիս, — ասաց բարկացած Ծատուրը, — ի՞նչու չես ուզում. ուրիշ ժամանակ բոթիլկէն արաղի հետ հօ կուլ կը տաս:

— Ա՛ Ծատ, դու ուզում ես ինձ քէյարուռ սննս, խայտառակես մեր իշխանութեան ու հասարակի առաջին, — ասաց Աղասին:

— Բա դու էլ ուզում ես ինձ սոված ու ծարաւ սպաննս, — ասաց Ծատուրը:

— Գուրգէն, արաղն անձ, մտիկ մի տալ, — ասաց Մարութը:

— Ատան արաղ չի, արաղ. մի լաւ մտիկ տւէք,

ձեր աղբաթը խէր ըլի, տեսէք էս ինչ զատ ա, — ասաց Գուրգէնը, — Աղասի ամի, դարձաւ նա տանուտէրին, — մի տես՝ հէնց ա հալած ոսկի ըլի, ոսկի: Դու գիտում ես, թէ ես քեզ հասարակ արաղ եմ ուզում խմացնել. սա արաղ չի. ուրիշ զատ ա:

— Բա որ արաղ չի, էդ ի՞նչ ա. — հարցրեց խիստ հետաքրքրւած տանուտէրը:

— Կանեակ ա, կանեակ:

— Կանեանդ. դա ի՞նչ զատ ա:

— Փռանդի արաղ ա:

— Փռանդի արանդ. իմ օրումը խմած չեմ. դէ մի անձ, տեսնեմ, — ասաց Աղասին:

— Էդ հէնց է, էդ հէնց տղամարդ կաց, ուզաշի Աղասի, — ասաց ուրախացած վաքիլ Մարութը — էս հէնց արաղ գրքնատուրն ա խմում, նաչաչնիկն ա խմում, կէտակէտ էլ երևի պրիստաւն ա խմում. էդ մեծ պատիւ ա մեզ համար. Գուրգէնն ապրի:

— Համ արաղը կը խմենք, համ մեր բանը կանենք, ուզաշի Աղասի, միամիտ կաց, — ասաց վաքիլ Գիւլունց Քիքին:

Գուրգէնը անեց կօնեակը. վաքիլբաշին. ու վաքիլները մի-մի բաժակ խմեցին, որի վրայ պանիր, հաց ու ձուկը նախաճաշեցին ու նրանց վրայ էլի մի-մի հաա հրաշալի հեղուկից կուլ տւին. «խո՛ւսայ, էս ա զատ հան», կրկնելով ամեն մի բաժակի վրայ:

— Փռանդի տունը չը քանդուի. էս ա զատ, որ նա հնարել ա հն. աշխարհիս իմաստութիւնը նրան է տւած տեղոջն էլի, — ասաց Ծատուրը, — ինձ եթէ օրը մի թաս սրանից տան, կեանքս մահու կը տամ մեր հասարակութեան համար: Հրաշալի տպաւորութեան տակ յանձնաժողովը դուրս եկաւ Գուրգէնի տնից:

— Գուրգէն, քեզ մատաղ — ասաց փափկած տանու-



տէրը հայաթով անցնելիս,—որ ազատ ժամանակ ունենաս, էս աղբերը մի հանգով հեռացրու հայաթէդ, արևիդ մատաղ: Որ բանն ինձ մնայ, քեզ իսկի չեմ նեղացնիլ. բարձր իշխանութիւնը հրամայել ա. ճար չի կայ, պէտք ա կատարենք. նաչալնիկը գալ պիտի. հրամանը Պետրիպօլէէն ա:

—Լաւ, Աղասի ամի,—ասաց Գուրգէնը,—մինչև միւս կիրակի իմ հայաթում մի չոփ անգամ չի լինիլ. ամեն բան կը հեռացնեմ. գոմերս էլ կը մաքրեմ:

—Ատա Գուրգէնը կանի, դա իրան խօսքին հաստատ ա,—ասաց Մարութը,—Գուրգէնի արևին մատաղ ես. դրա պէս տղամարդ մեր գեղումը չը կայ. ի՞նչ մեր գեղումը, էս սաղ մհալը եթէ քանդես, ոչ մի գեղում էգհէնց սրտաբաց տղամարդ չես գտնիլ: Եկէք հիմի, եկէք գնանք տեսնանք՝ Աւագիմն ի՞նչ բանի ա:

—Էսօր գնանք Աւագիմի տոնը,—հարցրեց տանուտէրը:

—Հա՛. բա երբ. տասը գոմ ունի նա. մինչև նրա գոմերը կը պտտենք, օրը կը մթնի,—ասաց վաքիլ Քիքին:

—Էսօր պէտք ա անպատճառ Աւագիմի դագնանէն \*) պրծնենք, որ էգուց կարողանանք գեղի ներքի թաղը ման գանք,—ասաց տանուտէր Աղասին:

Յանձնաժողովը գնաց գիւղի միւս հարուստի, Աւագիմի տունը:

## V

Հայաթը մտնելուն պէս վաքիլը աշին ու վաքիլները սարսափելի աղմուկ բարձրացրին: Եւ ի՞նչ

\*) Բնութիւնը

ա,—ասաց տանուտէր Աղասին,—էսքան էլ աղբը կը լինի մի հայաթում. էս հօ երկու ամիս պէտք ա կրելի, որ վերջանայ, տասն էսքան էլ երևի գոմերումը կայ: էս հօ տեղովը խուլ ցաւի բուն ա. նաչալնիկը որ էս աղբերը տեսնի, Աւագիմին Սքիբ կուղարկի: Աւագիմ, —կանչեց նա բարձրաձայն տան տիրոջը,—էդ սրտեղ ես, ի՞նչ ես թագ կացել. դուրս եկ: Մահտեսի, գրի,—դարձաւ նա գրագրին,—Աւագիմի վրայ էս սհաթիս մի պրիտակօլ\*) գրի...»: Այդ բոպէին Աւագիմը դուրս եկաւ գոմերից մինից, որտեղ նա աղբ էր կիտում դուրս տանելու համար:

—Աւագիմ,—դարձաւ նրան Աղասին,—բա ես մինչև հիմի գիտացել եմ, թէ էս գեղումը քեզանից խելօք մարդ չի կայ. դու էդ ի՞նչ բանի ես. էս աղբերը ի՞նչու չես էստեղից ոտք անում: Բարձր իշխանութեան հրամանը երէկ քո կշտին չի կարգացինք, ա՛ աղբաթիխէր:

—Ես էլ հէնց աղբերի ետեղից եմ էլի,—ասաց Աւագիմը,—բա տեսնում չէ՞ք. մինչև մի երկու շաբաթը բոլորը դուրս կը տանեմ գեղից:

—Ի՞նչ երկու շաբաթ. երկու օրումը պէտք ա պրծնես, երկու օրումը,—ասաց վճռաբար տանուտէրը,—նաչալնիկը ամեն սհաթ կարող ա գալ. դու ուզում ես որ քո պատճառով իմ տունը քանդուի:

—Մենակ քոնը չի քանդուի. մեր տներն էլ կը քանդուեն, որ տաղ անենք,—ասաց վաքիլ Մատուրը,—Աւագիմ, էլ շատ խօսալ մի,—դարձաւ նա Աւագիմին,—մշակներ վարձի ու էս աղբերը կորցրու էստեղից:

—Ի՞նչ ա, փողդ քիչ ա,—ասաց Գիւլունց Քիքին,—աղբերը շուտով կորցրու էստեղից, թէ չէ պրիտակօլ կանենք ու էս սհաթիս գրնատուրին կուղարկենք:

\*) Արձանագրութիւն:



—Անունդ սև դաւթարումը կը գրւի,—ասաց Մարութը:

—Հող ու մոխիր կը կորչես, երեխէքդ եթիմ կը մնան,—ասաց վաքիլ Հանէս ամին:

—Լաւ, լաւ. ինչ ասում էք կանեմ, կը կատարեմ, —ասաց Աւագիմը,—իրաւունքը ձերն ա. ես վիճարանութիւն չեմ անում: Լուսարացին մտել եմ գոմը ու դեռ պրծել չեմ. հոգիս դուրս ա եկել, էնքան աղբն եմ թուփ արել. սոված մեռնում եմ. դեռ հացի պատառ չեմ կերել էսօրի:

—Բա մենք կերել ենք. մենք էլ չենք սոված մեռնում,—ասաց Գիւլունց Քիքին,—դու լաւ ա քեզ համար ես աշխատում, իսկ մենք հասարակի\*) համար ենք սոված-ծարաւ չարչարում:

—Եկէք գնանք մի պատառ հաց ուտենք,—ասաց Աւագիմը:

—Ձէ, ըլիլ չի, անկարելի ա,—ասաց վաքիլբաշին,—առաջ աղբերդ ռադ արա ու յետոյ մեկ հացի կանչի:

—Ատա աղբաթիխէրի մարդիկ, ռադ կանեմ,—ասաց Աւագիմը,—եկէք մի պատառ հաց կերէք, միերկու թաս գինի խմեցէք ու յետոյ ինձ վրայ պրիտակօլ էք անում, արէք. իրաւունքը ձերն ա. հասարակի ընտրած մարդիկ էք. ես սկօրիտ\*\*) չեմ անում ձեզ հետ, վիճում չեմ:

—Ձէ, ըլիլ չի, ասեցի:

—Ո՞նց չի ըլիլ. սոված մեռնում եմ. ի՞նչ ա հասարակի համար չարչարելի պտեմ ու դնամ իմ տանը հաց ուտեմ. չէ, ով ինձ կանչի, նրա տանը պտեմ ուտիլ: Աւագիմը լաւ ա ասում. տազ արած առաջ ընկի.

\*) Հասարակութեան:

\*\*) Скорпион.

գնան—ասած Մատուրը, թեթեակի հրելով տանուտէրին:

—Ահր գրեւատուրը կը լսի. սև դաւթարի մէջ կընկնենք,—փորձեց ընդդիմադրել տանուտէրը:

—Լսիլ չի, գնան. շատ մի խօսալ: Աւագիմի սիպտակ գինիից եթէ ես էսօր չը խմեմ, գիշերը քունս տանիլ չի,—ասաց Մատուրը:

—Առաջ ընկի, ուզբաշին իր իշխաններին լաւ կը պահի: Էն անտէր փռանգի արաղը սիրտս էրում ու խորովում ա. նրա վրայ պէտք ա մի բօլ գինի ածել, որ հովանայ,—ասաց Մարութը:

Վաքիլբաշին այլ ևս չընդդիմադրեց. յանձնաժողովըն իր ամբողջ կազմով Աւագիմի ետևից մտաւ նրա տունը:

Սկսեց կեր ու խումը. մի պատառ հացը ու միերկու թաս գինին դարձան կատարեալ ճաշկերոյթ: Աւագիմը փորձեւած մարդ էր. նա նախօրօք լաւ պատրաստութիւն էր տեսել. գինին առատ էր ու ընտիր: Ճաշկերոյթը դարձաւ քէֆ, որը տեսեց մինչև երեկոյ: Վաքիլներն ու նրանց պետը խմում էին Աւագիմի գինին, գովում նրան ու օրհնում նրա տուն ու տեղը: Մոռացեաց իսպառ Աւագիմի հայաթի ու գոմերի աղբը. նրան յայտնեցին, որ իր քէֆին է թողնում ամեն բան. կարող է մաքրել, երբ հնձից և կալ ու կուտից պրծնի:

—Աւագիմ, շէն կենաս,—ասաց նրան տանուտէր Աղասին տնից դուրս գալիս,—Աստուած օջաղդ ու որդիքդ պահի: Էս գեղումը եթէ քեզ պէս մի հինգ մարդ ըլէր, ինձ էլ իսկի դարդ չէր ըլիր, իսկի:

—Ատա դա ինքը մենակ բօլ ա, բօլ. ես դրա արեին մատաղ,—ասաց Մատուրը,—տարին քանի անգամ ենք դրա տանը խմում. իսկի մի անգամի էլ ա Աւագիմի դուռը մեր առաջին փակ տեսած էք:

—Չէ, դրա դուռը միշտ բաց կենայ ու դրա սուփուրէն էլ միշտ փռած,—ասաց Մարութը,—ը՛հ, Աւագիմ, —դարձաւ նա վերջինիս,—գեղի աչքի լիսն ես, գեղի. եկ մի պոռչտի անեմ քեզ հետ, ա՛ռ ուշիդ տղամարդ:

Աւագիմն ու Մարութը գրկախառնեցին ու համբուրեցին տաք-տաք:

Աւագիմը սաստիկ զգացւեց սիրոյ ու համակրութեան այդ բուռն արտայայտութիւնից:

—Ատա տունը իմը չի, ձերն ա, ձերը,—ասաց նա,—ինդրում եմ՝ ամեն օր եկէք, խմեցէք, քէֆ արէք: Էս օրւայ քէֆը հէչ. սա, սնց ասեմ, էնհէնց մի թիթեկ ներգործութիւն էր... Լաւ քէֆը մնում ա. սպասեցէք մի Մակին գայ, տեսէք՝ ոնց ենք քէֆ անում. մեծ ատենաբանութիւնը էն վախտը պիտի ըլիլ:

Աւագիմը սիրում էր իր խօսակցութեան մէջ գործածել այստեղ-այնտեղ պատահաբար լսած գրականական բառեր: Ունկնդիրները վրայ այդ տպաւորութիւն էր գործում: Մակին գիւղի առաջին հարուստն էր ու Աւագիմի մտերիմ բարեկամը:

—Ատն Մակիի արեւին էլ մատաղ, քո արեւին էլ, —ասաց տանուտէր Աղասին,—էս գեղի պարծանքը, էս գեղի զարգարանքը դուք էք, դուք. առանց ձեզ գեղը քանդւած լաւ ա, քան կացած:

Տանուտէրն էլ համբուրեց Աւագիմի հետ:

Մթին էր արդէն, երբ «առողջապահիկ» յանձնաժողովի անդամները ու նրանց պետը, օրօրեկով, պատերից բռնելով, ցրեցին իրանց տները:

## VI

Երբ յանձնաժողովը ճաշկերոյթի նստեց Աւագիմի տանը ու յափշտակեց նրա գինով, գիւղացիները

մեծամասնութիւնը, լաւ իմանալով, որ վաքիւնները մթնացնելու են այնտեղ, թողեց աղբակոյտերը ու շտապեց մօտակայ դաշտերը հնձի. գիւղում մնացին ամենաերկչոտները միայն: Հետեւալ օրը վաղ առաւօտանից յանձնաժողովը դարձեալ շրջել սկսեց գիւղը: Առաջի օրւայ խստութիւնները էլ չէին նկատուում: Տանուտէր Աղասին արդէն քանդել էր իր պասը, խախտել էր իր որոշումը՝ նախ Գուրգէնի տանը, յետոյ Աւագիմի, ուստի ուրիշների առաջարկութիւնները, հիւրասիրութիւնը մերժելը նա անարդարութիւն էր համարում ուղղակի. ամեն տան համարեա մի բան կուլ էր տալիս. մի տեղ գինի, մի ուրիշ տեղ արաղ. պատահում էր, որ միևնոյն տանը համ մէկից էին ճանկ գցում, համ միւսից. նախաճաշում էին պանիր հացով, շուշանով, կաղամբով կամ բոխով. Աստու հացով, շուշանով, կաղամբով էր նոյն իսկ ամենաաղքատ տանը: Գինու ու արաղի անկանոն խառնուրդը այն հետեւանքն ունեցաւ, որ կէսօրից շատ առաջ յանձնաժողովի բոլոր անդամները ու նրանց նախագահը պատերից բռնելով՝ մի կերպ հասան իրանց տները, ուր լաւ քնելուց յետոյ, իրիկնապահին միայն մի քիչ թեթևութիւն զգացին իրանց գլխներում:

Տուն գնալիս տանուտէրը խստիւ պատուիրեց գրին, որ նա հսկի գիւղի մաքրման, բայց գլխը այնպիսի դրութեան մէջ էր, որ նոյն իսկ չը կարողացաւ պատերից բռնելով իր տունը հասնել. տանուտէրին տուն ճանապարհելուց յետոյ նա անշնչացած դիակի պէս ընկաւ մի պատի սուերում ու խռմփալով մրափեց մինչև իրիկնաժամը:

Նոյն օրը, երբ գինին ու արաղը վերջնականապէս յաղթանակը տարան, բոլոր գիւղացիներն էլ գնացին իրանց գործին՝ որը հունձ գնաց, որը կալ կալ-

սելու. ամառայ սովորական աշխատանքը, հազիւ մի օր կանգ առնելուց յետոյ, վերսկսեց իր ամբողջ ծաւալով: Գիւղի մաքրման, աղբակոյտերի ոչնչացման մասին այլ ևս ոչ ոք չէր մտածում, ու այդպէս շարունակեց գիւղի կեանքը: Արձանագրութիւններից ու տուգանքներից անպայման աղատ մնալու համար ամեն տան կանայք պատէր ստացան, որ առողջապահիկ յանձնաժողովը երևալուն պէս մի-մի աւել առնեն ձեռները ու սրբեն հայաթն ու մօտակայ փողոցը՝ ցոյց տալու համար, որ յանձնաժողովի կարգադրութիւնները ճշտութեամբ կատարուում են: Բայց այդ բաւական չէր. յանձնաժողովը դրանով ոչ մի դէպքում չէր բաւականանալ: Այդ քաջ գիտէին գիւղացիները, ուստի վաքիների ու նրանց պետի սրտերը շահելու համար ամեն տան, նոյն իսկ ամենաաղքատ, որոշ չափով գինու ու արաղի պաշար կար պատրաստած. պատւիրած էր տնեցիներին, որ երբ յանձնաժողովը սաստիկ բարձրաձէնի ու սկսի արձանագրութիւն կազմել, այն ժամանակ ներս հրաւիրել նրան՝ «մի-մի բերան անցաւորաց օղորմի տալու» համար, մի կտոր հաց ուտելու, մի-մի բաժակ գինի կամ արաղ խմելու... «Աղջի,—ասում էր իր կնոջ արտը գնացող գիւղացին,—բան ան, ասելի չի, եթէ էսօր ոչ բարով էն գիւղերը \*), ուղբաշին ու խուլ ցաւի վաքիները գան ու էս աղբերի մասին խօսան, դու մի էվիլ ձեռդ առ ու սրբի հայաթը. ինչքան խօսան, ուշունց տան, մեր մեռել-կենդանն էլ որ քաշեն, տազ արան, բան չի ծպտաս. ամա որ տեսնաս պրիտակօլ են շինում, շտրափ են վրձնում, կանչի տուն, մի ճուղը քալամ ա, մի աման շուշան ա, ըռեխները գցի ու մի-մի ստաքան գինի կամ արաղ տու, թող գլխներին զահրիմար անեն,

\*) Գայլերը:

կորչեն: Եթէ տան արաղը հերիք չանի, գնան դուքանից մի բօթլիկա էլ բեր, միայն թէ մեզ վրայ պրիտակօլ չանեն ու բանի էս թունդ վախտը ինձ գործից գցեն տունը կրակ ընկածները...»

Ամեն օր վաքիւրաշին ժողովում էր իր վաքիւներին ու վաղ առաւօտեան սկսում իր արշաւանքը: Խմուն էին նրանք առանց որևէ չափ ու սահմանի ու շատ սակաւ էր պատահում, որ առանց պատերից բռնելու գնան իրանց տները: Կէսօրից ոչ ուշ վերջանում էր նրանց «գործունէութիւնը». տաս-քսան հայաթ պտտելուց յետոյ նրանք անկարող էին լինում ոտների վրայ կանգնել... Յայտնի է, որ «գօրաւոր հեղուկը» հանաք անել չէ սիրում: Թէև որոշած էր, որ շաբաթը երեք անգամ միայն ման գան, բայց նրանք ամեն օր ման էին գալիս. ինչ էին կորցնում. լաւ ուտում էին, լաւ խմում, և առաւել խմում ու օրը մի-մի բուրլի հասարակութիւնից, ինչպէս ընդունւած է այդ գիւղում, վաքիլավարձ ստանում. իրանց արտերի և կալ ու կուտի մասին բնաւ չէին մտածում. նրանց որդիները նրանց տեղ ամեն բան անում էին:

—էս էլ լաւ բան ա է, էս տներ, հայաթներ թամուզ անիլ տալը. օղորմի սրա ադաթ դնողի հօրը. շիտակ քէֆ ենք անում,—ասաց մի անգամ լաւ կոնծելուց յետոյ Մատուրը:

—Թամամ բարիկենդան ան, բարիկենդան մեզ համար,—ասաց Մարութը,—ով դօշաղ ան, թող խմի, բօլ խմի. ամէն անգամ էսէնց բան ճանկ չի ընկնիլ:

—Խուլ ցաւը որ գայ, շատ մարդկանց տներ կը քանդի. ամա մեր տները հալա դեռ շինում ա, տեսնենք՝ չար աչքից հեռու ենք մնում, թէ չէ,—ասաց Գիւլունց Գիլքին:

—Դեռ չը եկած, մենք նրանից շահուում ենք էս



ա. բօլ-բօլ խմում ենք ու քէֆ անում ամեն օր. ես բախտ,—ասաց վաքիլ Հանէս ամին:

—Համ խմենք, համ գործ շինենք. գեղը պահպանենք է, գեղը. խուլ ցաւի ըռեխը ետ տանք, բանձր իշխանութեան հրամանը լաւ կատարենք,—ասաց վաքիլը աշի Աղասին:

Հերթով ամեն հայաթ ու ամեն տուն մտնելով, առողջապահիկ յանձնաժողովը կրկին այցելեց խանութպան Գուրգէնին՝ ստիպելու նրան իբրև թէ մաքրելու իր հայաթը, բայց իսկապէս «փռանգի արաղից» կրկին փորձելու: Գուրգէնի հայաթում աղբակոյտերը մնում էին իրանց տեղերում. բացի այդ գոմից նոր աղբ էր դուրս թափած ու հայաթում փռած. դարձահոտութիւնը աննկարագրելի էր: Յանձնաժողովի հարցին՝ թէ ինչո՞ւ համար է աղբը, Գուրգէնը պատասխանեց՝ չորացնելու, յետոյ աշնանը խաղողի այգին տանելու համար: Տանուտէր Աղասին յիշեցրեց Գուրգէնին բարձր իշխանութեան հրամանը, ստիպւած եղաւ յիշեցնել և այն, որ նա «Պետրիպօլկէն» է, ակնարկ արեց արձանագրութեան մասին, նոյն իսկ գրագիր մահտեսուն իր մօտ կանչեց... Գուրգէնը, լաւ իմանալով նրա ու նրա շքախմբի փորացաւը, ներս հրաւիրեց բոլորին էլ. խմացրեց կարգին, բայց ոչ «փռանգի արաղից», այլ հասարակ նահապետականից: Յանձնաժողովը յուսախաբւեց. Գուրգէնին օրհնում ու գովում էին, բայց առանց որևէ ոգևորութեան: Տանուտէր Աղասին չը կարողացաւ իրան զսպել. դարձաւ Գուրգէնին ու կամացուկ ասաց նրա ականջին՝

—Բա նրանից չը կանչի:—Ինչից:—Փռանգի արաղից.—Չէ:—Ո՞ւր թէ. իսկի չը կանչի:

—Մի ային-օյին կայ. բոլորիդ էլ հերիք չանիլ:—Դէ որ էդհէնց ա, պահի, ինձ ջոկու կը տաս:—Լաւ,

էգուց առաւօտ մենակ եկ:—Կը գամ. ուրիշ ոչ որի չը տաս:

Մեծ կասկածով նայեցին վաքիլները նրանց խօսակցութեան, բայց բան չասացին, զսպեցին իրանց:

Հետեւել օրը վաղ առաւօտեան, շրջելով իր պաշտօնակիցների ուղեկցութեամբ Գուրգէնի տան շրջակայ հայաթները, տանուտէր Աղասին թողեց յանձնաժողովը նրա հարևան հայաթներից մինում, իսկ ինքը շտապով դնաց Գուրգէնի մօտ: Վերջինս լուացուում էր, երբ տանուտէրը մտաւ տուն:

—Դէ հա, պրծի,—ասաց վաքիլը աշին,—էն գահը իմարը բեր մի՛ տեսնեմ գլխիս ինչ հողն ու ցեխն եմ տալիս:

—Աղասի ամի, վրադիլ մի. նստի հանգիստ, հանդարտ միասին մի լաւ չայ խմենք առաջ, յետոյ կանեակ:

—Ատա չէ, չէ. քո հօրն օղորմի, կանոխ արա, չայն ուզիլ չի. դէ հա. էն գիւլերն էն ա հրէ ետնիցս գալիս են. փռանգի արաղի հոտն առել են. հէնց արա գլխիս հարամ չանեն. պրծի, քեզ մատաղ. էսօր բան շատ ունեմ. նաչալնիկից թագա հրաման կայ:

Գուրգէնը հանեց պահարանի խորքից կօնեակի շիշը: Վաքիլը աշին երկու բաժակ իրար ետևից կուլ տուեց ու Գուրգէնի գլխին և արևին մատաղ դնալով, շտապով դուրս թռաւ նրա տնից, որպէս զի յանձնաժողովի անդամները նրան յանցանքի, մենակ խմելու, տեղը չը բռնեն: Խելքը կտրած տեղերը նա այդպէս մենակ էր գնում ու մենակ իր բանը տեսնում...

## VII

Համարեա ամեն օր յանձնաժողովը այցելում էր գիւղի առաջին հարուստ ածխագործ Մակիի հայաթն ու



գոմերը, որտեղ աղբի վիթխարի լեռներ ու լեռնաշղթաներ կային: Մակին տանը չէր լինում. բոլոր ժամանակ հեռաւոր անտառներում իր ածխահորերին հըսկում էր. համայնական ժողովի հռչակաւոր նիստին, ուր ընտրեց հռչակաւոր յանձնաժողովը, նա ներկայ չէր: Իւրաքանչիւր անգամ յանձնաժողովը անգիրն աղմուկ էր բարձրացնում Մակիի հայաթում, սպառնում արձանագրութեամբ, նահանգապետի սե դաւթարով ու իւրաքանչիւր անգամ լաւ լսում: Մակիի կինը, փափկացնելով այդպէս վաքիւրաշու ու նրա պաշտօնակիցների սրտերը, մի կերպ եօլա էր տանում նրան՝ մինչև իր ամուսնու գալը ու կամացուկ ետևներից գլուխները հողելով, ճանապարհում իր հայաթից: Վերջապէս շաբաթ երեկոյեան Մակին իր բազմաթիւ ջորիներով ու ծառաներով վերադարձաւ ածխահորերից: Կիրակի օրը, առաւօտեայ ժամից յետոյ, «առողջապահիկ» յանձնաժողովը իր ամբողջ կազմով ու պաշտօնական լրջութեամբ քօղարկեաժ, գնաց նրա մօտ: Մակին հայաթում կանգնած զրուցում էր իր հարևաններից մինի հետ. նա արդէն ամեն բան գիտէր, լսել էր իր կնոջից ու հարևաններից: Հայաթի խորքում ծառաներից մինը մի ոչխար էր քերթում. Մակին այդ օր մատաղ էր անում: Երբ յանձնաժողովը մտաւ հայաթը, տանուտէր Աղասին դարձաւ Մակիին ասելով՝—Ա Մակ, բա ես չուայ\*) հիմի գիտացել եմ, թէ դու մի նաչալսիկի խելք ունես. քեզանից խելօք մարդ չեմ ճանաչել էս գեղումը. բա հիմի դու էդ ի՞նչ բանի ես, աղբաթիխէր. էդ սրտեղ ես, էսօր կրեք-չորս շաբաթ ա, ինչ դու գեղումը երևում չես: Կիրակի օրը ճամպա պահեցինք, որ գաս, խելք խելքի տանք, խորհուրդ անենք, չեկար. առանց քեզ խորհրդակցութիւն արինք:

\*) Մինչև:

Բա դու լսել չե՞ս, որ աշխարհիս համար Աստծու պատիժ ա եկել, չոռ ու ցաւ ա եկել. Ղզլբաշի հողումն անր խուլ ցաւն երևացել ա, էսօր-էգուց գալու ա մեզ մօտ:

—Լսել եմ, լսել, սնց չի. երկու շաբաթ առաջ եմ լսել,—ասաց Մակին:

—Բա որ լսել ես, էդ սրտեղ ես: Դու ոչ թէ մե՜նակ քո տան, այլ ամբողջ գեղի դարդը մեզ պէս պէտք ա միշտ սրտումդ պահես. պէտք ա մեզ պէս էդ բանի համար ցաւես, գեղը մաքրել, թամուզ անել տաս:

—Շատ եմ ուզում ձեզ պէս գեղի համար ցաւել, ամա բանս շատ ա է, շատ, ուզբաշի Աղասի,—ասաց Մակին,—աժխահորերը մի կողմից, արտերս ու կալերս էլ միւս կողմից հողիս հանում են, հողիս. շունչ քաշելի անգամ ժամանակ չունեմ:

—Լաւ. ճշմարիտ ես ասում,—ասաց տանուտէրը,—գիտում եմ, որ բաներդ շատ են. գեղի համար ցաւելու ժամանակ չունես. քո հայաթն ու գոմերը գոնէ թամուզ արա, աղբերդ գեղից դուրս տար:

—Ի՞նչի համար:

—Որ խուլ ցաւը չը գայ գեղա:

—Ի՞նչ ա. խուլ ցաւը իմ աղբերի միջից պէտք ա դուրս գա՞յ:

—Դէ էդհէնց են ասում. բարձր իշխանութիւնից հրաման կայ:

—Դրա ասողը գլուխը քարոջն ա գալիս,—ասաց քիչ բարկացած Մակին,—իշխանութիւնը էդհէնց խելաւ բանն ասիլ չի. էդ կազէթ գրողի հնարած բան ա. հաւատալ միք: Գեղի մեծն ես, քեօխւայ ու ուզբաշի ես, քեզ ի՞նչ վայել ա քո իշխաններով էդհէնց սարսաղ բաների ետևից ընկնելը, կազէթ գրողի խելքով բան բռնելը. քեզ քահանաներ ունես, դպիրներ ու տիրա-

ցուներ ունես. նրանց վերցրու, քո ժողովուրդը, քո  
 ռահաթը ետևիցդ արա ու գեղի գլխաւոր ճանապարհ-  
 ների վրայ թափօրներ ու մաղթանքներ կատարիլ  
 տուր, մատաղներ մորթիլ տուր, որ Աստուած իր ցա-  
 սումը մեզանից ետ դարձնի, խուլ ցաւը մեր գեղը  
 չուղարկի:

— Էդ էլ պտենք անիլ. էդ ամենամեծ բանն ա,—  
 ասաց Աղասին,— տէր-Գալուստը դրա մասին խօսա-  
 ցել ա արդէն. եկող կիրակի օրից սկսիլ պտենք մաղ-  
 թանքները. ուզում ենք առաջ գեղը մաքրենք, ասում  
 են՝ նաչալնիկը գալ պիտի մտիկ տայ: Բա հնց չի.  
 վճուած ա. օխտը մաղթանք պէտք ա կատարենք ու  
 ամեն մաղթանքի օխտը տաւար մորթենք:

— Էդ խելօք բանն ա, էդ խելօք բանն ա, դրան  
 հաւան եմ,— ասաց Մակին:

— Ա՛ Մակ, քեզ մատաղ, եկ մեզ խաթրն արա.  
 Ինչ որի ա, հայաթդ ու գոմերդ թամուզ արա. քո  
 պատճառով վախում եմ փորձանքի մէջ ընկնենք,—  
 ասաց տանուտէր Աղասին:

— Հիմի կարող չեմ. բանս անչափ շատ ա. աշուն-  
 քըս կամ ձմեռս տեսնենք, բալքի էն վախտը կարո-  
 դանամ,— ասաց Մակին:

— Ահր հրամանը շատ ա բարձր տեղից է, ա՛  
 Մակ. Պետրիպօլիէն ա,— ասաց, ուժգին շեշտելով վեր-  
 ջի բառը, տանուտէր Աղասին:

— Բան չի կայ:

— Ո՞նց չի բան կայ, աղբաթիխէր. ուզում ես,  
 որ զբրնատուրը մեզ Մբիր ուղարկի՞: Էսօր մի շաբաթ  
 ա, ինչ մենք հալալ հաց ու ջուր չունենք,— ասաց վա-  
 քիլ Մատուրը,— սոված-ծարաւ գեղն ընկած հասարա-  
 կութեան օգտի համար չարչարում ենք:

— Էն էլ հնց ենք չարչարում. թամամ շան օրի  
 ու շան հալի ենք գիշեր-ցերեկ,— ասաց Մարութը:

— Հոգիս որ ձեռքիս ըլի, բաց կը թողեմ.— ասաց  
 Գիւլունց Բիքին,— էս քանի օրին էնքան էստեղ-էն-  
 տեղ խօսացել, էնքան ուշունց ենք տւել անզգամ կա-  
 նանց, էնքան մեռել-կենդան ենք քաշել, որ մեզանում  
 էլ հոգի ու հաւատ չի մնացել:

— Վայ մեզ, վայ մեր հոգուն. հասարակի օգտի  
 համար մենք նրան մեր ուշունցներով դժոխքի բաժին  
 ենք դարձնում,— ասաց վաքիլ Հանէս ամին:

— Ո՞նց ասեմ. շաբթիս էնքան մեռել-կենդան ենք  
 քաշել, էնքան մեծի ու փոքրի ուշունց տւել, որ պէտք  
 ա էստեղից ոտով Երուսաղէմ գնանք, բալքի կարո-  
 դանանք մեղքերի տակից դուրս գալ,— ասաց Մարութը,  
 — Խնչ շահ ունենք մենք, ում օգտի համար ենք  
 ուշունց տալիս ու մեր հոգին մեղքի տակ զցում:

— Ո՞նց թա ում օգտի համար,— ասաց զարմացած  
 Մատուրը,— հասարակութեան օգտի համար ենք ու-  
 շունց տալի, գեղի, ժողովրդի համար ենք ուշունց տա-  
 լի, խուլ ցաւի ըռելը ետ տալու համար ենք ուշունց  
 տալի:

— Բանի-քանի անգամի ենք եկել հէնց էստեղ. քո  
 հայաթն, ա՛ Մակ, որ թամուզ անել տանք. իմացիր,  
 որ խաթրդ շատ մեծ ա մեզ մօտ, քեզ շատ պատիւ  
 ենք արել, որ մինչև հիմի պրիտակօլ չենք արել քեզ  
 վրայ. եթէ քո տեղ մի հասարակ ռահաթ մարդ ըլէր  
 ու նրա հայաթում էսքան աղբեր, նրա վրայ հիմի  
 տասը պրիտակօլ էինք շինել ու ասան անգամ էլ  
 կարկածը թակել,— ասաց վաքիլըաշի Աղասին:

Պօստիները յաճախակի նայում էին քերթուող ոչ-  
 խարին: Մակին խօսակցութեան հէնց սկզբում նկա-  
 տեց այդ ու իսկոյն հասկացաւ նրանց փորացաւը:



—Լաւ, լաւ, պրիտակօլը յետոյ կը շինէք,—ասաց նա,—եկէք գնանք տուն մի երկու թիքայ մատաղի խորոված ուտենք. այտղայ, Ղազար,—դարձաւ Մակին ծառաներից մինին,—ոչխարի ջգարը, պլոճիկներն ու թոքերը խորովի. շուտ, կանոխ արնա:

--Ս. Մակ, քեզ մատաղ, բա էսօր մենք բան շատ ունենք,—ասաց տանուտէրը,—վախում եմ մեզ շատ պահես ու բանից գցես. էսօր սուղը նստիլ պիտի գործեր շատ կան քննադատելի:

—Վախիլ մի, գցիլ չեմ, ոտի վրայ ձեռաց մի-մի թիքայ խորոված կերէք ու մի-մի թաս գինի խմեցէք ու գնացէք,—ասաց Մակին:

Աղասին ուղեց մի քիչ էլ նազ անել, բայց պաշտօնակիցները բողոքեցին ու ուղղեցին իրանց քայլերը Մակիի ետեից. տանուտէրը հետեց նրանց օրինակին:

Մի-մի թիքայ խորովածը դարձաւ կարգին նախաճաշիկ, նախաճաշիկը ճաշ, իսկ ճաշը քէֆ, որը տեեց ամբողջ օրն ու երեկոն: Երբ գործը լուրջ կերպարանք ստացաւ, Մակին ուղարկեց իր մտերիմ Աւագիմի ու գիւղի միւս իշխանների ու ազգեցիկների յետեից: Դատարանի նիստը յետաձգեց. բոլոր դատաւորները, որոնց թւում էին Մատուրն ու Մարութը, Մակիի տանն էին: Գործ ունեցող գիւղացիներից մի քանիսը փորձեցին բողոքել. նրանք եկան Մակիի տունը, որ խնդրեն տանուտէրին՝ չը յետաձգել նիստը. ամբողջ ամիսներով նրանք սպասում էին իրանց գործերի քննադատութեան, բայց արբած գզիբը, որը կանգնած էր տան դռան, սպառնալով մտրակով ու հայոյելով, խուկեց նրանց ասելով՝ «Շուն շան որդիք կորէք, ուղ ըլէք. էսօր ուզբաշին իր իշխաններով ու մեծամեծներով քէֆ ա անում. զահլայ միք տանի, գնացէք. հրաման չի կայ»:

Երբ հիւրերի կատարները չափից դուրս տաքացան, Մակին ուղարկեց զաւախների ետեից: Այդպիսի քէֆեր նա երբեմնակի սարքում է. նրանց շնորհով է նա իր ազգեցուծիւնը զօրեղացնում գիւղում. նրանց շնորհով է նա իշխում գիւղում, իբրև նրա միահեծան իշխան: Ենթարկում իրան ոչ միայն հասարակ գիւղական ամբոխին, այլ և գիւղի իշխանաւորներին, որոնց ձեռքին է ամբոխի զեկը: Մինչև աքաղաղների կանչելը զուռնա-ղաւալը ամում էր Մակիի տանը: Հիւրերը ուտում էին ու խմում, խմում անխնայ ու անվերջ և գովում, մեծարում էին Մակիին. խօսում էին իրանց գործունէութեան մասին «օղուտ հասարակաց», տաք-տաք վիճարանում էին ու պարում: Թամադան Աւագիմն էր. ամեն մի կենաց առաջարկելուց յետոյ նա ստիպում էր սեղանակիցներից մէկին կամ միւսին պարել ի պատիւ այն անձնաւորութեան, որի կենացը խմում էր: Երբ քէֆը հասաւ իր գագաթնակէտին, Աւագիմը կանգնեց տեղից, հրամայեց զաւախներին լուել ու մեծ խորհրդաւորութեամբ մի կարճ, բայց ազու ճառով առաջարկեց բարձր իշխանութեան կենացը. բոլորն էլ յտանկայ խմեցին: Տանուտէր Աղասին առանց թամադայի առաջարկութեան հասկացաւ իր անելիքը. հրամայեց զաւախներին ամել զքեօխվի հաւայ», տանուտէրական կոչման վայել մի եղանակ, զաւալական ընպերտուարի բազմաթիւ եղանակներից ամենագինն ու ամենախորխտը, ու մէջ ընկաւ պարելու. վաքիլրաշին ու տանուտէրը պարեց, շատ երկար պարեց ի պատիւ բարձր իշխանութեան... Պարելիս երբեմնակի դարձնում էր նա երեսը զաւախներին ու բարձրաձայն աղաղակում նրանցից առաջինի հասցէին:

—Ղաւալ Աւագ, լաւ փչի, Ղաւալ Աւագ. ջահիլու-

թիւնդ միտդ գցի՛. բարձր իշխանութեան պատուի համար ա էս պարը...

Կէս գիշերը վաղուց էր անցել, երբ հիւրերը ցրւեցին:

Յրւելիս տանուտէրը, վաքիլներն ու իշխանները գրկախառնուում էին Մակիի հետ, տաք-տաք համբուրուում ու գովում, անչափ գովում նրան:

—Ես քեզ մատաղ, ս Մակ,—ասաց տանուտէրը,—ես չուայ հիմի գիտացել եմ, թէ դու մի նաչալնիկի խելք ունես. չէ, սխալ եմ ըլել, շատ սխալ. ներողութիւն արա՛, բաշխի. դու թամամ մի գբրնատուրի խելք ունես, մի գբրնատուրի:

—Ատա՛ քո աղբաթը խէր ըլի, էդ թնչես ասում, ի՞նչ,—դարձաւ նրան Մատուրը,—Մակին օխտը գբրնատուրի խելք ունի, օխտը գբրնատուրի:

—Մին էլ Զաւադ-խանին ա դրա չափ խելք ըլել,—ասաց Գիւլունց Քիբին:

—Մեր գեղումը Մակի պէս ազգեցութիւն անող մարդ չի կայ,—ասաց Աւագիմը:

—Ը՛հ, ես Մակի արեին մատաղ, ես,—ասաց Մարութը,—դա մեր գեղի համար համ գբրնատուր ա, համ խան:

Տանուտէր Աղասին կրկին ու կրկին անգամ համբուրւեց տան շէմքում Մակի հետ ու ասաց խորին ոգևորութեամբ.

—Ա՛ Մակ, էստեղից չուայ Պետրիպօլի, էստեղից չուայ Պետրիպօլի ես իմ իշխաններով քեզանից շնորհակալ եմ, ս Մակ: Բեզ ու քո օջախը Աստուած մեր գեղի համար հաստատ պահի, միշտ հաստատ:

—Ես էլ էստեղից չուայ Երուսաղէմ եմ քեզանից ու քո իշխաններից շնորհակալ, ուզբաշի,—ասաց խիստ զգացւած տանուտէրական արտաքոյ կարգի շնոր-

հակալութիւնից Մակին,—տունը իմը չի, քոնն ա, քոնը. գեղի մեծը, գեղի տէրն ես դու. ամեն օր քո իշխաններով եկ, կեր, խմի Աստծու տւածից, բէֆ արա՛...

Մակիի ծառաներից երկուսը բռնեցին տանուտէրի կռներից ու տարան նրան իր տուն: Գիշերը փորձեց նրանց օգնել, բայց, հազիւ երկու քայլ արած, վայր ընկաւ անզգայ. նշանաւոր կենացները նա ամբողջ շիշերով էր խմել: Վաքիլներն ու միւս հիւրերը պատերից բռնելով անյայտացան գիշերային մթութեան մէջ...



## ՈՒՂԵՐՁԸ

## I

Գիւղական դպրոցի միակ սենեակը, որը համ դասարան է, համ դահլիճ, դպրոցական հանդիսավայր ու հասարակական ժողովարան, ու համ էլ ուսուցչի բնակարան, ծայրէ ծայր լիքն է մարդկանցով: Կանայք չը կան, ի հարկէ՛, ժողովն անչափ բազմամարդ է. ներկայ են գիւղի ղեկավարները՝ իշխանները, բոլոր պաշտօնեաները տանուտէրի գլխաւորութեամբ ու քահանաները. ներկայ է գիւղի ողջ ժողովուրդը: Հազազիւտ դէպքերում է գումարում այդպիսի ժողով ու մեծ դժուարութեամբ, մեծ ջանքերով գլուխ դալիս:

Հրաւիրել է ժողովը տանուտէրը, հրաւիրել է վարժապետի ու միակ պիտակից հոգարարձու Բախշիի խնդրանօք՝ երկար ձգձգումներից, երկար ու բարակ նազ անելուց ու վարժապետի մօտ մի քանի անգամ իր օգնականով ու չօւշով\*) լաւ հիւրասիրելուց, լաւ կոնծելուց յետոյ... Իշխաններից էլ եղել են հիւրասիրողներ. այլ կերպ, միմիայն տանուտէրի բարեհաճութեամբ, ժողովը գլուխ գալ չէր կարող... Գինի-արաղի ու համապատասխան այլ «ային-օյինի» համար ամսաչափ ձգձգումների ընթացքում վարժապետն իր խղճուկ գրպանից հինգ-վեց մանէթ փող ծախսեց, վարժապետական մի ամուսայ ապրուստը վատնեց, փըշացրեց...

\*) Գգիբով:

Կէսօրից մօտիկ ժողովավայրը լցւեց մարդկանցով: Ժողովականները տեղ գրաւեցին աշակերտական նստարանների վրայ. շատերը նստեցին ուղղակի յատակին՝ նստարանների վրայ տեղ չլինելու պատճառով. շատերը կանգնած մնացին, քանի որ յատակի վրայ նստելու տեղ չը մնաց: Հինգ-վեց հոգի՝ երկու քահանան ու մի երկուսը հասակաւոր ազգեցիկներից՝ տեղաւորեցին անկիւնում գտնուող վարժապետի մահճակալի վրայ: Իբրև բռնութի քաշող մարդիկ վարժապետի անկողինը առատութեամբ տողորեցին նրանք ու գելից փողու բուրմուշքով: Տանուտէրն իր ջբախմբով վարժապետի հետ միասին տեղ գրաւեց նրա գրասեղանի մօտ: Ըստ երևոյթին գիւղում էլ փափախաւոր չէր մնացել. բոլորն էլ ժողովավայրում էին, բայց գործի չէին դիմում. ինչ որ մէկի սպասում էին, որը խոստացել էր գալ, բայց դանդաղում էր: Տանուտէրն ինքն էր նրա ետևից գնացել ու խոստում առել: Ժողովից երկու անգամ չօւշին ուղարկեցին ետևից, բայց ապարդիւն. երկրորդ անգամ չօւշը երբ վերադարձաւ, վշտացած դէմքով յայտնեց, որ նա կտրուկ կերպով հրաժարեց ժողովի գալ ու դեռ մի լաւ էլ ուշուց տեղ թէ ժողով հրաւիրողներին և թէ առհասարակ ժողով-մողով աղաթ դնողներին... Տանուտէրն ստիպւած եղաւ ուղարկել նրա ետևից իր օգնականին, որը նոյնպէս դատարկ վերադարձաւ: Երիտանարդներից առաջարկողներ եղան առանց նրա դիմել ժողովի պարապմունքներին, բայց իրականութեան հետ լաւ ծանօթ խելացիները յայտնեցին, որ առանց նրա բան չի գլուխ գալ. պէտք է նա լինի անպատճառ. թէ հու չէ կը քանդի առանց իրեն ընդունած որոշումները, եթէ նոյն իսկ միաձայն լինեն ընդունւած. մարդն ուժ ունի. հանաք չի. քէֆն ուզած վախտը մատի մի շարժումով



գեղը տակն ու վրայ է անում... Իրար դէմքի նայեցին՝ ժողովականներն ու լուռ արտայայտեցին, համաձայնեցին, որ այդ այդպէս է, որ առանց նրան բան չի գլուխ գալ՝ ինչքան էլ այդ բանը օգտաւէտ լինի գիւղի համար... Քիչ մտածելուց յետոյ տանուտէրը գտաւ նրան ժողով բերելու միջոցը. պէտք էք կոնստակերը տալ, գնալ առօք-փառօք բերել. ուրիշ ճար չը կար վերցրեց իր հետ քահանաներից աւագին ու վարժապետին ու գնաց նրա ետեից:

Շուտով դռան մօտ կուտակւած ամբոխը յետ-յետ եղաւ, ճանապարհ բացեց, ու տանուտէրի, տէրտէրի ու վարժապետի ուղեկցութեամբ ժողովավայրը մտաւ ինքը գիւղի տէր-տնօրէնը, Առստամ ապէրը, ամենաազգեցիկը գիւղի ղեկավարներից, գիւղի իշխաններից: Նրան ասում են նաև Առստամ ուղբաշի, Առստամ քեօխալայ, բայց պատկառելի հասակին աւելի վայել է Առստամ ապէր անունը, որով և նա յայտնի է ոչ միայն իրենց ու շրջակայ գիւղերում, այլ և ամբողջ գաւառում. գաւառի ինտելիգենտները նրան Բիսմարկ Առստամ ապէր են ասում:

Խորխտ արտաքինի տէր ծերունին հէնց որ երեւաց շէմքում, ժողովականները ոտքի կանգնեցին. նստած մնացին միմիայն երիտասարդներից մի քանիսը, որոնց Առստամ ապէրը շատ խեթ նայեց, անչափ խեթ. նրանց մեռել-կենդանը կը քաշէր ձեռաց, եթէ փուչ կենդանիների վրայ դաշոյններ ու ատրճանակներ չլինէին: Ջահիր-Չհուլը էն փիս ժամանակը, խմբերի դօվրին, մեծերի ձեռքի տակից դուրս եկաւ ու էնինչ փչացաւ իսպառ. խելքաւոր մարդը պէտք ա նրանց հետ բնաւ գլուխ չդնի... Առստամ ապէրը, իր բխել-քաւոր մարդ, անչափ խելքաւոր, գլուխ չդրեց նրանց հետ ու ուղղեց իր քայլերը դէպի գրասեղանը: Նրան

հրաւիրեցին նրա մօտ նստել, բայց նա, հետեւելով տէրտէրների խորհրդին, գերադասեց վարժապետի փափուկ անկողինը, նստեց յենեւելով ձեռնափայտի վրայ երկու տէրտէրի մէջ, որոնք իսկոյն հանեցին բռնոթամանները ու մօտեցրին նրան: Երկուսին էլ պատուեց Առստամ ապէրը. երկուսի բռնոթամաններից էլ մի-մի պողոճնց ոգելից փոշի վերցրեց ու ակորժակով ձծեց, բռնոթոտ մատները մաքրելով վարժապետի անկողնով: Երբ բոլորն էլ նստեցին, Առստամ ապէրը դիմեց տանուտէրին ու ասաց՝

— Չը, ի՞նչ կայ. խէր ըլի, ի՞նչի համար ա էս մարաքէն\*) հաւաքել էստեղ:

Ժողով բերելիս տանուտէրն ու վարժապետը համառօտ կերպով բացատրել էին Առստամ ապօրը ժողովի նպատակը, բայց այդուամենայնիւ նա ցանկացաւ հրապարակով իմանալ թէ ի՞նչու համար է հրաւիրւած ժողովը:

— Վարժապետն ա խնդրել, Առստամ ապէր, — ասաց տանուտէրը, — նրա խնդրանք եմ մարաքէն հաւաքել: Խորհուրդ ունի մեր պարուն վարժապետը, բան ունի ասելու ժողովրդին. էդ մասնին քաղկէն կազէթ ա եկել վրէն. էն կազէթն էս ա էստեղ կարգալ պտի:

— Բա խելքօլանը շէնը տակն ու վրայ կանի, էսքան մարդէ հաւաքի, թա ի՞նչ ա՛ վարժապետը կազէթ պտի կարդալ, — ասաց Առստամ ապէրը, — կարդում ա կարդայ, մեզ հետ ի՞նչ դարդ ունի. մեզ խի՞ ա բանից գործից գցում... Թէև օրը կիրակի ա, ամա էլի հազար դարդ ունենք էսօր. էն ճամբի փողը թովջի պտենք անիլ, պասրեղնիկի կուշտը մարդ պտենք ուղարկիլ, հանդի պլանը քաշիլ տալու համար փող պլտենք հաւաքիլ. հա՛, լաւ ա միտս ընկաւ, ամենից ա-

\*) Մարաքա — բազմութիւն, հանդիսականների սուլար թիւ:

ուջ էսօր պէտք ա ստրածնիկների չադիրփուլին\*) հա-  
ւաքենք. որ մինն ասեմ. էդ լօխ թող արած, դու էս-  
քան մարդը հաւաքել ես էստեղ, որ թամաշա անենք  
տեսնենք, թա վարժապետը հնց ա կազէթ կարդում:

— Զուր չի դրան ջոկու տեսանք, — ասաց վարժա-  
պետի ականջին հոգաբարձու Բախշին, — դրան պէտք ա  
առաջուց առանձին զոնաղ արած ըլէինք ու բիրանը մի  
լաւ եղած. գլխամեռը գործը փչացնելու ա: Խմած ա-  
րազն ու գցովի չայը ոչինչ. էն բանի տեղ չի անցել:

— Ահր էդհէ չի է, Աստամ ապէր, — ասաց տա-  
նուտէր Շամիրը, — էդ կազէթը, որը վարժապետի վրայ  
եկել ա, ջոկ ջուռա կազէթ ա. նրանցից չի, էն որ  
աման օր վրէն գալիս ա: Ասում են էդ կազէթը օխտը  
տարէնը մի հետ ա դուրս գալիս. քաղկի ամենաերևե-  
լի, էն մեծ իմաստուն մարդիկն են շինել էդ կազէթը,  
մեր մեծերն են շինել էլի, էն որ գիշեր-ցիրեկ մեզ հա-  
մար ցաւում են: Ասուած նրանց բարի տայ. հալբաթ  
նրանում, էն կազէթումը, ժողովրդի, ոահաթի օգտի  
համար, մեր օգտի համար այսինքը, մի բան կայ, որ  
վեր են կալել մեր վարժապետի վրայ ուղարկել. մեզ  
համար ուղարկել: Էն մարդիկն էնտեղ, քաղկի մեր  
մեծերն այսինքը, գիշեր-ցիրեկ նստել են, գլուխ ցա-  
ւացրել, խելք խելքի տւել, մեր օգտի համար թագա  
կազէթ շինել մեզ վրայ ուղարկել. մեզ ինչ կըլի, մեր  
ի՞նչը կը պակասի, որ նստենք լսենք՝ թա ինչ  
ա գրած էն կազէթումը: Է՛, էն կազէթը, էն կա-  
զէթը որ կայ... Ի՛է ես ձեզ հնց հասկացնեմ, թա ինչ  
կայ նրանում, թա նա ինչ ա ասում: Վարժապետը  
կարդացել ա կշտիս ու մանդրամանը լօխ հալել գը-  
լուխս ածել, աման բան ինձ դաւուրը հանել. գործս  
էնքան շատ ա, գլխացաւանքս էնքան մեծ ա, էնքան

\*) Վրանի փող:

շաղւած եմ դուլլուղով \*), որ շատը մտէս ընկել ա,  
վարժապետը պէտք ա դաւուրը հանի, հասկացնի աման  
բան, կազէթի մէջը նրան ա լաւ յայտնի:

— Ատա, վարժապետ, — դարձաւ նա ուսուցչին, —  
ի՞նչ ես տագ արել, հէր օխնած. խօսան, կազէթը կար-  
դաւ մի լաւ տեսնաբանութիւն արա: Աստամ ապէր,  
ի՞նչ ես ասում, — դարձաւ նա Բիսմարկին, — վարժա-  
պետը խօսան, կարդայ կազէթը. ի՞նչ ես խորհուրդ  
տալիս:

— Ի՛է որ մեզ հաւաքիլ ա տւել, պէտք ա համ խօսայ,  
համ կարդայ. իրաւունք ունի: Թագա, ջոկ ջուռա կազէթը,  
հա, ընդունում եմ, թող կարդայ ու նրա մէջը մեզ  
պարզի, — ասաց Աստամ ապէրը. — ա խալխը, լաւ լսե-  
ցէք, — դարձաւ նա ժողովականներին:

Հարած ուշադրութեամբ բոլորն էլ բեւեռեցին  
իրենց հայեացքը վարժապետի վրայ:

## II

Վարժապետն սկսեց խօսել. խօսեց շատ երկար.  
խօսեց Թիֆլիզում կազմակերպւող յօբելեանական տօ-  
նախմբութեան մասին, այն է՝ Շիրվանզադէի յօբելեա-  
նի. պատմեց յօբելեարի կենսագրութիւնը, խօսեց նրա  
գրածքների մասին. բացատրեց՝ թէ իր գրածքներով  
նա ինչ է ասում, ինչ ուսուցանում, ինչպիսի մտքեր  
է քարոզում, ինչպիսի կարգերի է ձգտում: Առանձնա-  
պէս կանգ առաւ նա այն բանի վրայ, որ Շիրվանզա-  
դէն քարոզում է կանանց ազատութիւն, կանանց ու  
տղամարդկանց իրաւունքների հաւասարութիւն, պա-  
հանջում է վերացումն այն ստրկական վիճակի, որում  
գտնւում են կանայք մեզանում, մեր գիւղերում մա-

\*) Մառայութեամբ:

նաւանդ: Բացատրեց յօրելեանական տօնախմբութեան նշանակութիւնը ու այն, թէ հասարակութիւնը, ժողովուրդը, այս կամ այն ազգութիւնը ինչ օգուտ ունի այդպիսի տօնախմբութիւնից ու ինչու պէտք է մասնակցի նրան: Կարգաց ու բացատրեց այն թուղթը, այն լեզուական կազմերը, որն ստացել էր Թիֆլիզից, որ յօրելեանական գրութիւն էր, որով հայ հասարակութեան գիտակից տարրերը հրաւիրուում էին մասնակցելու տօնախմբութեան: Վերջում վարժապետն առաջարկեց հասարակութեան՝ մասնակցել տօնախմբութեան ու այդպիսով խրախուսել, քաջալիրել յօրելեարին. նա առաջարկեց մի շնորհաւորական համախօսական, մի ուղերձ, ուղարկել յօրելեարին գիւղի հասարակութեան անունից՝ բոլոր չափահաս տղամարդկանց ստորագրութեամբ, վաւերացրած տանուտէրական ստորագրութեամբ ու պետական կնքով ու, բացի այդ, հասարակական միջոցներից քսանհինգ ուրբի յատկացնել՝ բերել տալ այդ գումարով թէ նրա գրքերը, թէ ուրիշ գրքեր ու այդ գրքերով յօրելեարի անունով գրադարան հիմնել դպրոցում: Գրադարանի նշանակութիւնն էլ մանրամասնօրէն բացատրեց: Համախօսական-ուղերձը վարժապետը պատրաստած ունէր արդէն. գրել էր մի քանի սնգամ, մեծ խնամքով խմբագրել ու աւելի մեծ խնամքով արտագրել, զեղազրել... Ընդունելութեան դէպքում պէտք է առաջարկէր, որ հէնց նոյն ժողովում ստորագրելու վաւերացւի:

Սկզբում մեծ ուշադրութեամբ լսում էին նրան, լսում էին հանգիստ, անթարթ աչքերը նրան յառած. բայց երբ սկսեց խօսել կանանց մասին, երբ նրանց ու տղամարդկանց իրաւունքների հաւասարութեան վերաբերող մանրամասնութիւնների մէջ ընկաւ, ժողովականների մէջ շարժում սկսեց. իրար դէմ-

քի էին նայում, գլուխները կախում: Ամենամեծ անհանգստութիւն նկատուում էր վարժապետի մահճակալի վրայ, որտեղ նստած էին Աստամ ապէրը, քահանաներն ու ուրիշ ազգեցիկ աղսախկալներ. քահանաները հանեցին բռնութեամբները, բացան ու դժգոհ, վշտացած դէմքերով մօտեցրին նրանց ըստ երևոյթին խիստ ջղայնացած Աստամ ապօրը, մօտեցրին միւս աղսախկալներին. բոլորն էլ անյազօրէն վեր էին ծծում ողբից փողին, վեր էին ծծում անընդհատ, սովորականից մեծ քանակով, պահպանում այդպիսով իրենց պաղարկունութիւնը ու լսում խելքը կորցրած վարժապետին...

Հոգաբարձու Բախշին նկատեց այդ. իսկոյն հասկացաւ ինչու մն է բանը ու, թեքելով վարժապետի ականջին, ասաց նրան կամացուկ՝

—Վարժապետ, էդ թիւշումը կարճ կտրի. կնանունց մասնին շատ խօսալ մի. Աստամ հայի ու մնացած աղսախկալների ուսմուզը \*) խարաբ ըլաւ. գործը փչացնում ես. էդ մասնին տազ արան, բօլ ա...

Արդէն բանը բանից անցել էր. վարժապետն ականաջից չկարողացաւ հետևել Բախշի խելացի խորհրդին ու, իր դասախօսութեամբ յափշտակած, իր ծրագրած ասելիքներն ասաց, շարունակեց մինչև վերջը: Երբ վերջացրեց, մօտ երկու րոպէ մեռելային լուութիւն տիրեց ժողովարանում:

—Ի՞նչ էք տազ արել, ինչո՞ւ չէք խօսում,—խանգարեց լուութիւնը Աստամ ապէրը, դիմելով ժողովականներին:

—Ի՞նչ ասենք, ի՞նչ խօսանք,—լսեց ժողովականների միջից,—մեր մեծ խելքաւորը դու ես. առաջ դու խօսան:

\*) Դէմքի արտայայտութիւնը:



—Վարժապետի ասածները հասկացա՞ք, այ մարդիկ,—հարցրեց նա ժողովականներին:

—Հասկացան, հնց չի. լաւ հասկացան, Առստամ ապէր,—ասաց տանուտէր Շամիրը:

—Չէ, լաւ չի հասկացան, ասաց Առստամ ապէրը, —վարժապետը շատը դրափառ խօսաց. շատերի համար շատ բան անհասկանալի մնաց, որ լաւ հասկանային, հիմի մի մեծ տրաքոց կըլէր էստեղ... Հիմքէն կը քանդէին էս ուսումարանը, հիմքէն...

—Խի՛, Առստամ ապէր. ի՞նչ պատահեց որ ուսումարանը հիմքէն քանդեն,—ասաց շղկւած տանուտէրը,—ուզում եմ, ես վարժապետի ասածը մի լաւ, մեր դայդի, մեր գեղի լեզուաւ, դաւուրը հանեմ, հասկացնեմ ժողովրդին:

—Լաւ, դաւուրը հանի ու թամաշա արն տես ի՞նչ ա ասում խալխը,—ասաց Առստամ ապէրը,—ուզբաշի ես. պրիգօրօր\*) պիտի ձեռք բաշիլ տաս հիմի. դաւուրը հանի:

—Ա՛ խալխը,—դիմեց տանուտէր Շամիրը ժողովըրդին,—մեր վարժապետն ասում ա, որ քաղկումը, Թիֆլիզի ուրան միջումը, մի երևելի կաղէթ գրող ու գիր շինող մարդ կայ. Շիրվանզադով են ասում նրան. մի շամախեցի աղքատ տորոն ծախող մարդի տղայ ա ըլել. ինքն ուրան նամուսի զօռաւ առաջ ա գնացել: Հէրը մի թիւշում լաւ ա ըլել, բայց ետնայ կոտրն ա ընկել ու էլ կարացել չի ուրան տղին Պետրիպօլկ ուղարկի ու թագաւորի ուրան կշտի էն մեծ ուսումարանումը ուսում տայ նրան. նա էնքան դոչաղ ու նամուսաւոր ա ըլել, որ ուրան-ուրան կարդացել ա, ինքն ուրան վարժապետն ա դառել ու էդէնց կարգաւով՝ աւետարանը, ժամգիրքը, սաղմոսն ու ճաշոցը, էն մեծ

հաստ գիրքն է, ժամի ամենամեծ գիրքը, Թամուզ ջուր ա արել, տակէն չլայ գլուխն անգիր սովորել. էդ բաւական չի, դրանից սաւահի հէր օխնածը փաւնգի, ինգլիզի ու ռուսի լիւզու ա սովորել ու թամամ իմաստուն ու բապունի դառել: Վարժապետն ասում ա, որ նա ուրան բան ու գործը թող արած, ուրան դաւըը դրաղ դրած, էսօր դիւզ երեսուն տարի ա, ինչ գիր ու կաղէթ ա շինում ռահաթի, մեր օգտի համար այսինքը. գրաւ ու կաղէթաւ քարոզութիւն ա անում, լաւ հղցայ, լաւ ճամբայ ա նշանց տալիս մեզ. էստեղ, ուսումարանումը, խոխէքը նրա շինած գրերաւն են կարդում, մարդ դառնում: Ոնց ասեցի, էսօր երեսուն տարի ա թամամ, ինչ նա գիր ու կաղէթ ա շինում. քաղկումը մեր մեծերը, մեր սենօթաբեղերը, խորհուրդ, մասլահաթ են արել, որ էս աղաքներիս մայիս ամսումը, էն երեսուն տարին թամամած օրը, նրան մի լաւ քէֆ նշանց տան, փեշքէշ ու խալաթներ անեն նրան, որ նրա դամաղը չաղ կենայ, սերտն ուրախ ըլի միշտ, որ օրէս ետն էլ մեր օգտի համար գիր ու կաղէթ շինի, դհա լաւ գիր ու կաղէթ, որ նրանցով մեր դարդերը, մեր ցաւերը արար աշխարհին յայտնի դարձնի, թագաւորին ուրան յայտնի դարձնի, որ բալքի մեզ համար մի ողորմութիւն ըլի... Մեր վարժապետն ասում ա, որ հայերն էդ օրը աման տեղից՝ թաքաղաքներից, թա գեղերանքից՝ պէտք ա նրան աչքալիսէք անեն, նրան պատիւներ տան. ասում ա, որ մենք էլ մեր շինի կողմանէ մի պրիգօրօր շինենք ու ուղարկենք քաղաք Շիրվանզադովի ուրան անմով, որ միթամ հն, մենք էլ ենք քեզ ընդունում, բո էդ երեսուն տարին շնորհաւոր ենք անում ու խնդրում, մեծապատիւ, որ մեր օգտի համար էլ ետ գրես, չլայ քո կեանքի վերջը գրես, մեր էս ռահաթի ցաւ ու չորը

\*) Мирский разговоръ—համախօսական:

լօխ կազէթ գցես, փոսնգի լիւզաւ, ինզլիզի ու ոռւսի լիւզաւ գրեր ու կազէթներ շինես մեր մասնին, բալքի խարարը գնայ թագաւորին հասնի ու մի ողորմութիւն լինի մեզ համար, մեր հարկերն ու կօռ ու բէգառը բալքի պակասեն... Կազէթի ու գրի դադրը դեռ մենք գիտում չենք. լուսաւորութիւնը նրանցով ա տարածուած, աշխարհիս եօնը կամաց-կամաց նրանցով ա փոխուած, մենք բէյխարար... Վարժապետն ասում ա, որ մի ժամանակ մեր ոռւս թագաւորի հողումը ուհաթը, հենց ոռւսի ոահաթն ինքը, ճորտ ա ըլիլ, բէգերի ձեռքին եսիր ա ըլիլ (փառք Աստու, մենք ու մեր պապերն էստեղ, մեր երկրումը, ճորտութիւն չենք տեսել). երեսիլի ուսումնալ մարդիկը վեր են կալել ու ոահաթի դարդերը կազէթ գցել, գրեր շինել նրանց մասին. էնքան գրել են, որ ախիրն ու վերջը խարարը թագաւորին ա հասել ու ողորմածը ճորտերին թամուզ աղատել ա, նրանց իրաւունքը բէգերի ձեռքից խլել ա ու ասել՝ օրէս ետը դուք էլ ճորտ չէք. գնացէք ձեզ համար ազատ ապրեցէք... Հիմի տեսէք ու հասկացէք, որ կազէթը, գիրը ոահաթի օգտի համար ա գրում. էն Շիրվանդադոյն ուրեմն մեր օգտի համար ա գրում. ուրան առուտուրը, ուրան բան ու գործը, ուրան քեասիրութիւնը թող արած, մտէն գցած, գիշեր-ցերեկ դալամը ձեռքին մեզ համար ա շարչարուած: Հիմի ի՞նչ էք ասում. ընդունում էք որ վարժապետի ասած պրիգօրօրը շինենք ու ուղարկենք նրան:

—Ուզբաշի, բաշի, ներողութիւն արա,—ասաց ունկնդիրները մէկը, էդ պրիգօրօրը որ տանք, հիւ մեր հարկերն աւելանալ չեն, հիւ նոր կօռ ու բէգառ չի գալ մեզ համար:

—Չէ, էդ էնհէնց աչքալիսէքի, ջանսաղութենի

պրիգօրօր ա ըլիլու, այլ ոչ թա նոր հարկի, նոր կօռ բէգառի:

—Իէ որ էդհէնց ա, ես իմ կողմանէ ընդունում եմ,—ասաց հարց տուող ունկնդիրը:

—Մենք էլ ենք ընդունում, լօխս էլ ընդունում ենք,—լուեցին բազմաթիւ ձայներ:

—Իէ Աստուած ջանսաղութիւն տայ ձեզ,—ասաց տանուտէրը,—էն էլ ընդունում էք,—շարունակեց նա, որ հնց վարժապետն ասեց, մի քսանհինգ մանէթ փող թովջի անենք մեր օրչեստի վրայ\*) ու էդ փողոյն էն պարուն Շիրվանդադոյի շինած գրերիցը բերիլ տանք մեր ուսումարանի համար, որ էստեղ մեր խիզանը, մեր խոխէքը\*\*) էն գրերը կարգան ու նրանց միջի իմաստութիւնը սովորեն... Հը՞, ի՞նչ էք տալ արել, բարաթ հէնց ա էդ դժւար ընդունելիս լինէք. քսան հինգ մանէթն ի՞նչ ա մեր օրչեստի համար, որ խնայում էք. հէնց գիտացէք, թա մեր պարուն պրիստաւը տարւայ մէջ մի անգամ էւել ա ղոնաղ եկել մեզ: Ի՞նչ էք ասում. եա հա ասեցէք, եա չէ:

—Ընդունում ենք, էդ էլ ենք ընդունում,—վերջապէս ձայն տւին այս ու այն կողմից:

Ըստ երևոյթի մեծամասնութիւնն ընդունում էր այդ բողոքողներ չկային:

Վարժապետի ուրախութեան չափ ու սահման չկար. նա արդէն երևակայում էր իր գիւղացիների համախօսական ուղերձը ձեռքին յօբելիանական տօնախմբութիւններին մասնակցելիս թիֆլիզում, գրողների ու հրատարակախօսների շրջանում. նա, աշխարհից մոռացած խեղճ գիւղական վարժապետը, կհանքում

\*) Մասնատրեք մեր հասարակութեան վրայ ու հաւաքենք ինչպէս հարկ:

\*\*) Երեսաները:

մի անգամ գոնէ հնարաւորութիւն կունենայ այդպիսով նրանց հետ մտերմաբար ժամանակ անցկացնել:

### III

Քահանաները, աղսախկալները, ևս առաւել Առըստամ ապէրը, մոռայլ էին ու լուռ:

—Հը՞, ի՞նչ էք տազ արել, — դարձաւ դէպի նրանց տանուտէրը. — ոչ հա էք ասում, ոչ չէ՛. Առստամ ապէր, էդ քեզանից չի. խսկի բան չես ասում:

— Ի՞նչ ասեմ դէ. էդ ա ամեն բան դու ասեցիր. ինձ ասելու բան չթողեցիր, — ասաց դժգոհ տոնով Առստամ ապէրը:

— Չէ, քեզ ասելու շատ բան ունես. պէտք ա ասես. լաւ գիտեմ, որ չլայ դու կամք չտաս, էս բանը գլուխ չի գալու. պէտք ա կամք տաս, Առստամ ապէր. պէտք ա հաստատես մեր ընդունածը: Մեր մեծ խելքաւորն ես, լօխն էլ քեզ են մտիկ տալիս, — ասաց տանուտէրը, հաստատ հաւատացած լինելով, որ Առըստամ ապօրը գրաւել պրծել է:

— Էդ Շիրվանդադովը խումբապետ ա, չէ՞ — հարցրեց Առստամ ապէրը:

Տանուտէրը շփոթւեց ու հարցական դէմքով դիմեց վարժապետին: Տունքանդութիւն կը լինէր, եթէ հաստատէր, որ նա խմբապետ է. ի՞նչ կասէր, ի՞նչով կարդարացնէր իրան տանուտէրը, եթէ պրիստաւն ու գաւառապետն այդ բանն իմանային, նրա հրաւիրած ժողովի մասին լսէին. խեղճ մարդը հող ու մոխիր կը կորչէր... Շատ փափուկ հարց տուեց գլխամեծ Առստամ ապէրը: Մինչև վարժապետի պատասխանելը մէջ ընկաւ հոգաբարձու Բախշին ու ասաց՝

— Չէ, նա խումբապետ չի. նա հոգևոր մասնի մարդ ա:

— Ուրեմն տէրտէր ամ, վարդապետ ամ, — հարցրեց Առստամ ապէրը:

— Չէ, մարմնաւոր մարդ ա, աշխարհական ա, — ասաց Բախշին, — ամա եօնը \* ) հոգևորականի ա է. մարդը հոգի ա դատում, հոգու համար ա գրում, էն-հէնց որ...

— Լաւ, լաւ. էլ դէս ու դէն մի ընկնիլ. երկու տարեկան խոխի չես խաբում, — ասաց Առստամ ապէրը, — նա որ մարմնաւոր ա, ուրեմն խումբապետ ա, այլ ոչ հոգևոր մասնի մարդ...

— Հն, խումբապետ ա, մին տակովը, մին գլխովը. դրանով ի՞նչ ես ուզում ասես, ասաց դաշոյն ու մատուղէր կապած մի տաքարիւն երիտասարդ, որը դուրս եկաւ բազմութեան միջից:

Իրութիւնը լրջանում էր: Այդ նկատեցին ու առաջն առան. ժողովականներից երկու հասակաւոր առաջ անցան, գրկեցին տաքարիւն երիտասարդին ու խնդրելով, աղաչելով ու փաղաքշելով նրան, տարան բազմութեան մէջ ու այդպիսով մի կերպ հանդստացրին նրան:

— Ահր ես լաւ գիտում եմ, որ խումբապետ ա, էնդուր եմ հարցնում, թա տեսնամ՝ ի՞նչ էք ասում, — ասաց Առստամ ապէրը. — ձեր էն մեծ խումբապետներիցն ա, էն որ մի ժամանակ զալիս էին էստեղ քարոզներ տալիս. Աստծու ու թագաւորի դէմուքն էին խօսում՝ միթամ թա ոահաթի աչքը բաց էին անում. մեզ էլ հու, գեղի մեծերիս, սախկալասալամ\*\*) չէին տալիս, բանի տեղ չէին դնում բնաւ. ձեզ, ջահիլ-ջնուլիդ

\* ) Ուղղութիւնը:

\*\* ) Սախկալասալամ — յարգանք միրուքին. մեր հասակը չէին յարգում:



երես տւան, թուր ու թւանգը, մօզերն\*) ու խանչալը ձեր աստուածը շինեցին, ձեզ կապուկոտոր արին, բրախ տւան ու մեր մսին արին...

—Ա՛ երէց,—դարձաւ նա քահանաներից աւագին, մտիզ չի՞ ինչ անաստուածութիւն էին անում, ի՞նչեր էին ասում հէնց Աստուծու ուրան դէմումը:

—Մտիս ա, հնց չի,—ասաց աւագ քահանան,—Մինքեանդի կոտորածից յետոյ մեծ լիազօրը զինւած խըմբով շէնից շէն ման էր գալիս ու ասում, շատ հէնց մեր, քահանաներիս, աջղու՛ ան հայեր, օրէս ետը մեր Հայր Աստուածը մօսին հրացանն ա, որդի Աստուածը մաուզէր ատրճանակը, իսկ Հոգին Սուրբը արօյմա պատրօնը. ասում էր, որ մինչև հիմի մենք պաշտել ենք մեր տէրտէրների բռնութաքաշ...

—Տազ արան, տազ արան, ան երէց, էլ ասիլ մի,—ընդհատեց նրան Առստամ ապէրը,—նրա ասած խօսքերից Աստուծու բարկութիւնը մեզ կը բռնի, ոնց ուրան բռնեց. Աստուծու դէմումը որ նա էդհէնց բաներ չասէր, Չիլանդաղի կուռմն սպանելի չէր. Աստուծու դատաստանին մատաղ ես. լաւ պատժեց նրան:

—Աստուած ողորմի մեծ լիազօրին,—ասաց հոգաբարձու Բախշին,—նա մեզ համար կուեց ու մեզ համար մեռաւ. խի՞ ես էդհէնց ասում, Առստամ ապէր:

—Մին նա գլուխներս եղոտ արաւ, մին էլ նա ասելու, որին ուզում էք հիմի պրիգօրօր տաք, ծաղկացնէք, որ դ՛նա մեծ խմբապետութիւն անի մեզ վրայ, որի շինած կազէթներն ու գրերը ուզում էք շինի փողաւ բերել տաք՝ ուսումարան զնացող խոխանների նրանցով կարդացնելու, ու հէնց ձեր էդ ասածն անելու, ձեր էդ խումբապետի գործը գլուխ բերելու համար էդքան խանչալաւոր ու մօզերաւոր էք բերել

\*) Մաուզէր ատրճանակ կամ հրացան:

էստեղ... Դուք էք գիտում. ինչ անում էք, արէք. ինձ իսկի նհախ էք կանչել. ամա էդ բանի խարարը որ հասնի նաչալնիկին ու գրքնատուրին, մեղքը ձեր վիզը...

Ակնարկը պարզ էր ու անչափ ահաբեկիչ...

Ժողովականները շփոթւեցին ու պապանձւեցին: Երիտասարդների մէջ իրարանցում ընկաւ. մի քանիսը նրանցից ձեռքերը շղայնօրէն տարան դէպի ատրճանակներն ու դաշոյնները. փորձեցին առաջ անցնել ու Առստամ ապօր մեռել-կենդանը տակն ու վրայ անել հէնց իրա երեսին... Մեծերը, հասակաւորները. ժողովականներից, իսկոյն նկատեցին այդ, գրկեցին նրանց, այս ու այն անկիւնը քաշեցին ու սկսեցին աղաչել, պաղատել նրանց ասելով կամացուկ՝ «Տղէք, ձեզ մատաղ, տազ արէք. փիս ժամանակներ են. համ ձեզ կը քնասէք, համ գեղի վրայ կրակ կը բերէք. գեղի տունը կը քանդէք, եթէ նրա դէմումը մի բան անէք. խեղճ եկէք մեզ, ձեզ մատաղ, տղէք ջան. հիմի նրա ու նրա պէսների դօվրանն \*) ա:

Տանուտէրը գունաթափուեց ու բոլորովին լիզուն կորցրեց. հայեացքը տաւարի պէս բևեռել էր Առստամ ապօր վրայ ու չէր համարձակուում բան ծպտալ:

Ուսուցիչը փորձեց խօսել, բայց տանուտէրն ու հոգաբարձու Բախշին իսկոյն առաջն առան, խնդրելով կրակի վրայ իւղ չածել ու վարձանք, պատուհաս բերել այդպիսով դիւղի գլխին: «Ես կը խօսամ նրա հետ,—ասաց Բախշին վարժապետին,—բո բանը չի. դու տանգ արա: Պէտք ա նրա կոնատակերը տալ, գրաւել նրան մի կերպ. ուրիշ ճար չկայ»:

\*) Ժամանակը—էպօխան:

## IV

—Առստամ ապէր,—դարձաւ Բախշին ահարկու Բիսմարկին,—էս մարաքի, էս հասարակի առաջին երդում եմ քո մեծութենովը, երդում եմ էսօրեայ պէս ազիզ օրաւը ու իմ խիզանի արևովը, որ էն պարուն Շիր-վանգադովը, ոնց ասեցի, հոգևոր մասնի մարդ ա, խումբապետ չի, գիր շինող ու կազէթ գրող մարդ ամարմաւոր մասնումը նա իսկի չկայ, իսկի. էն մարդը հոգու ա զուլուղ անում, հոգու ա ծառայում, մենակ հոգու...

—Լաւ, խումբապետութիւնը դրադ եմ դնում, տսաց Առստամ ապէրը,—մի պարզն ասեցէք տեսնանք՝ թէ նա հոգու ոնց ա զուլուղ անում: Վարժապետը պրափառ ասեց. մի երկու խելքաւոր մարդից սաւահի մնացածները բան չի հասկացան. ժողովուրդը դիփ տաւարի պէս մնացել ա տազ արած:

—Դէ մեր ուզբաշին պարզեց վարժապետի ասածներն էլի,—ասաց Բախշին:

—Չէ, նա դրադ-բուջադէն պարզեց, մէջտեղը, գըլ-խաւոր մասնը, պրտող ու անհասկանալի մնաց,—ասաց Առստամ ապէրը:

—Դէ դու պարզի, Առստամ ապէր,—ասաց տանուտէրը,—ինձ ներողութիւն արա. զուլուղս շատ ա ու գլուխս խառնւած. շալւած մարդ եմ. բալքի լաւ չիմ դաւուրն ըլել, լաւ չեմ հասկացել վարժապետին. հիմի դու քո գիտեցած կերպաւ պարզի վարժապետի ասածները:

—Լաւ, շատ լաւ. դէ լսեցէք պարզեմ,—ասաց Առստամ ապէրը:

Տիրեց խորին լուռութիւն: Բոլորն էլ լարեցին իրենց ուշադրութիւնը:

Առստամ ապէրը բռնոթի քաշեց, փոշտաց, հազաց մի երկու անգամ, մաքրեց կոկորդն ու սկսեց.

—Ձեր էդ գիր շինող ու կազէթ գրող պարունը հոգու էնհէնց ա զուլուղ անում, որ ասում ա կնանունց կապը բրախ տէք ու ձեզ հաւասարացրէք նրանց. թողէք, ասում ա, ուրանց քէփն ուզած կերպաւ ապրեն, ոնց, հրէն է, քաղաքներում են ապրում: Իսկի տեսել էք՝ քաղաքներում ոնց են ապրում,—դարձաւ նա ունկնդիրներին:

—Տեսել ենք, ոնց չի. շատ ենք տեսել, Առստամ ապէր,—ասացին այս ու այն կողմից:

—Հա, ասում ա էնա էնհէնց կնանիքը գեղերանքումն էլ պէտք ա տղամարդկանց հետ կոնրփոնուկ արած ման գան, ասեն, խօսան՝ թէ մեծի, թէ կուճուրի հետ. ասում ա, որ դիխաբաց ու երեսբաց պէտք ա շէնամէջ դուրս գան, էնհէնց մարաքի մէջ տղամարդկանց հետ խառը նստոտեն ու խօսան, ասեն, ծիծաղեն, հոհոհան. ասում ա, որ աղջիկն ինքը պէտք ա ուրան համար փնսացու ջոկի, ուրան մեծերը, հէրն ու մէրը, խառնւելու ու ուրանց ասածն անելու իրաւունք չունեն...

—Պա, պա, պա, պա,—ընդհատեց Առստամ օպօրն ունկնդիրներից մինը,—որ իմ աղջիկն իմ ջոկած փնսացին հաւան չի կենայ, ուրան գլխու ջոկի, նրան կը մորթեմ ես ու թիքա-թիքա կտորեմ:

—Դէ օղորմի քո հօրը. լսի հլա,—ասաց Առստամ ապէրն ու շարունակեց.—ասում ա, որ եթէ մի կնիկ ուրան մարդին հաւան չի, նրա հետ իր քէփն անելուց ու նրանից կշտանալուց յետոյ, կարող ա նրան թող անի ու ուրիշ տղամարդի գնայ՝ ում որ ուրան սիրուր կը սիրի... էդ թիւշումը նա պէտք ա ազատ ըլի. նրա քէփին ոչ որ չը պէտք ա նի ունի:

—Բա խոխէքը՞,—հարցրեց նոյն ունկնդիրը, —բա նրանց ո՞վ պէտք ա պահի:

—Սոխէքը թող գնան ջուրը թափեն, միայն թա արուռ ու ամօթ կորցրած ու կրակու եկած հայասուզ զանջղը գնայ ուրան քէփն անի՝ ուրան հաւան կացած մի լաքաթա շան տղի հետ,—ասաց զայրոյթով Առստամ ապէրը.—քո ասածն ըզօրայ էնհէնց չի, վարժապետ,—դարձաւ նա ուսուցչին:

Վարժապետն ուզեց խօսել, բայց տանուտէրն ու Բախշին իսկոյն առաջն առան:

—Էն որ դուռումսաղ թող կանի, որ էս շէնուսն էդհէնց բան գոյանայ,—ասաց խիստ բարկացած մի ուրիշ ունկնդիր,—էդհէնց հայասուզ զանջղի ջգարումը օխտը գիւլլա\*) կը մեխեմ ես իմ ձեռքովը. թող մինը գոյանայ էս գեղումը, մինը պհամ գայ, կէնտ մինը ու թամաշա անի:

—Որ հաւասարութիւն ըլի կնանուսնց ու տղամարդկանց մէջ, որ պրիզօրօր տանք էն կազէթ գրող պարունին՝ թա հն, քո օրէնքն ընդունում ենք, շատերը պհամ կը գան, ոչ թա մենակ մինը. հրէ քաղաքներն էդհէնցներու լիքը,—ասաց Առստամ ապէրը:

—Էն որ հարամդաղա պրիզօրօր կը տայ, էն ո՞վ ա ուրան միսը կերել, որ էդհէնց բան անի,—ասաց բարկացած ունկնդիրը,—ով որ էդ պրիզօրօրին ձեռք քաշի, պէտք ա էս շինէն դուրս գայ գնայ քաղաք, պէտք ա կորչի էստեղից, տանով-տեղով կորչի:

—Լաւ ես ասում. հէնց էդհէնց էլ պէտք ա ըլի. օզորմի քո հօրը, Քոչարի,—ասաց Առստամ ապէրն ու շարունակեց.—վարժապետի գրափառ քարոզը լաւ չէք հասկացել. դեռ հլա լսեցէք ինձ: Վարժապետն ասեց, որ փռանգի ու ինդլիզի հողումը կնանիքն աման ջու-

\*) Գնդակ:

ու ա գործ էլ կատարում են. օրինակի համար, կնիկն առանց մարդին հարցնիլի վեր ա ունում կովը ծախում, ձին ծախում, տունը, բաղը, բաղչէն ծախում կամ գրաւ դնում, վեկսիլաւ փող ա պարտքն անում ու ստացած փողերն ուրան քէփին ծախում. մարդը տաւարի պէս տաղ արած մնում ա էն դոլին կաղնած:

—Առստամ ապէր,—ասաց Քոչարին,—բա ասում են, որ ինդլիզն ու փռանգը շատ են դոչաղ. էդ սնց ա, որ կնանիքն էնհէնց բաներ են անում, իսկ նրանք մնում են տաղ արած:

—Կնկայ ձեռին որ իրաւունքներ դնես, որ նրան տղամարդուն հաւասարեցնես, ոչ թա մենակ ինդլիզին, այլ ազրայէլին\*) ուրան կը խեղճացնի ու տաւար շինի,—ասաց Առստամ ապէրն ու շարունակեց.—վարժապետն ասեց, որ ինդլիզի ու փռանգի հողումը կնիկ ուզբաշի կայ, կնիկ սուղիա կայ, կնիկ ատվակատ կայ, չլայ կնիկ պրիստաւ էլ կայ...

—Պայ, պայ, պայ, պայ,—ընդհատեցին անչափ զարմացած ունկնդիրները Առստամ ապօրը,—էդ թամամ խայտառակչութիւն ա. կնիկ պրիստաւից էն ո՞վ կը վախի, էն ո՞վ նրան հարկ կը տայ...

—Գեռ ասում են, թա աշխարհիս լօխից գօռաւ թագաւորը ինդլիզի թագաւորն ա,—ասաց Քոչարին, կնիկ պրիստաւաւ էն սնց ա. թագաւորութիւն անում նա:

—Տաղ արէք հլա. լսեցէք, լաց ըլիլի ա, ոչ թա ծիծաղելի,—ասաց Առստամ ապէրն ու շարունակեց.—մեր կազէթ գրողները, մեր խումբապետ քարոզիչները ուզում են, որ մեզանում էլ էդհէնց ըլի, ուզում են, որ մենք կնանիք դառնանք, իսկ մեր կնանիքը մեր

\*) Հոգէառ հրեշտակին—հրեշտակապետին:



գլխներին ճղոպոր\*) կոտորոջ տղամարդիկ... Կամայ-կամաց էն ա դրա տուտն սկսում ա մեղանում, հիմը դնում ա...

—Ո՞նց, Աստամ ապէր:

—Ո՞նց պտի. էնհէնց, որ մի քանի անարուհ հարմադէք իրանց աղջկերանցը ուսումարան են ուղարկում կարգալու: Գլխարաց ու երեսրաց գնում-գալիս են էս քանդաւոր. հայաստեղութիւն են սովորում էդ կերպաւ: Քանի-քանի անգամ եմ պատահածներէից թակել, կոպալիս տակը տւել, որ համարձակեն ոչ ուսումարան գնալ. շան հանքերը չեն խրատուել. քանի գնում են, աւելի ու աւելի են իրես առնում. երբ նրանց տեսնում եմ, քիչ ա մնում, թա գամ էս ուսումարանի տակին կրակ դնեմ ու վառեմ... Աղջիկ-օլանը կարող չէր էս ուսումարանը մտնի, եթէ տեսուչը, էն խումբապետ տեսուչը, չըլէր, էն որ մօզերաւոր գիւղորին ետեից գցած շէնից շէն ման ա գալիս, առօք-վառօք քարոզում ու երբ ինձ պէս մինը նրա ասածներէի դէմուցը բան ա խօսում, դամշին չաքմիցը\*\*) հանում ա. նշանց տալիս ու ասում՝ խելօք կաց, որ սրանով, էս օրհնաւածովը հիմի կը քարոզեմ քեզ...

է՛, տասն էնհէնց տեսուչ էլ որ ըլի, ես ախիրն իմ ասածն անելու եմ. էս ուսումարանիցը աղջիկօլանի ոտը կտրցնիլ պտեմ, էդ փշութինը, էդ հայաստեղութիւնը էս շէնիցը վերցնիլ պտեմ... Ի՞նչ ասիլ ա կնկայ ու տղամարդի հաւասարութիւն. աստեղութիւնը էդ ընդունում ա. Աստեղ էդ աղաթ ա դրե՛լ, ա՛ երէց, —դարձաւ նա աւագ քահանային:

Հարցն անսպասելի էր: Տէրտէրը շփոթեց. բռ-

\*) Ընկոյզ:

\*\*) Մարտիկը կօշիկէց:

նոթի քաշեց շտապ-շտապ, ճակատը սրբեց թեքով, դարձեալ բռնոթի քաշեց՝ այդպիսով կարգի բերելով վերնատունն ասաց.—Աստեղ մարդկութիւնը դրախտումը ստեղծեց ու դրախտում էլ պէտք է նրան պահէր յաւիտեան. բայց մեր քօռ բախտից այդպէս չեղաւ... Աղբաթիխէր Ադամը խելը կնիկարմատի հետ դրաւ, նրան կատարեալ իսան համարեց, նրան ուրան հաւասար ընդունեց, նրա խօսքին մհալ դրաւ, նրա խորհուրդը լսեց ու կատարեց, արգելած պտղից կերաւ, կնկայ խելքաւ բան բռնեց ու այդպիսով համ ուրան տունը քանդեց, համ մեր... Աստեղ երբ Եւային ստեղծեց, նրան Ադամին տալիս, թափշուր անելիս ասաց՝ «Մրա հետ ապրի, Ադամ, ամա քեզ մղայիթ կաց. զգուշ, շատ զգուշ կաց, ա՛ որդի, սա էնքան էլ ըխտը բարձր») չունի... Սիրուն, գեղեցիկ ա սա, ամա խելքի կողմից բարաթ փյաղայ ա. սրա խելը դիտմամբ մի քանի ծալ պակաս եմ ստեղծել, որ քեզ լսի, քեզ հնազանդւի սա. որ դու լինես սրանից խելօքն ու սրա տէրը, սրա մեծը, այլ ոչ սա քո, քանի որ ընտանիքի երջանկութիւնը կնոջ տղամարդուն հնազանդելու մն է... Հէնց սրան լսեցիր, սրան քեզ հաւասար ընդունեցիր ու խելքդ սրա հետ դրար թէ չէ, կանքախտանաս... Աստեղ սուրբ պատէրը Ադամը մոռացաւ. նզովեալ Եւային ուրան հաւասար ընդունեց, նրան լսեց ու անբախտացաւ... Երբ Տէրն ինքն ուրեմն մեծութիւնը տւել ա տղամարդին, ինչո՞ւ պէտք ա տղամարդն էդ մեծութիւնից հրաժարւի ու ուրան ձեռաւ ուրան տունը քանդի, —ասաց վերջում աւագ-քահանան:

—Հրաժարւիլ չի, ոչ ոք էս շինումը Աստեղ օրէնքը քանդիլ չի, —ասաց վճռաբար Աստամ ապէրը, միայն խելառ, աննամուս ու պիլիկ մարդիկ են իրենց

\*) Կատարեալ խելք ու հաւատարմութիւն:

կապը դնում կնանուց ձեռքին ու իրանք նրանց առաջին մէջմունի պէս պար գալիս... Փռանալն ու ինգլիզը մեզ օրինակ չեն. նրանք ջոկ օրէնքի, ջոկ հաւատի մարդիկ են. նրանք հայ քրիստոնեաներ չեն. մեր բանը նրանց հետ բռնիլ չի... Հիմի ի՞նչ էք ասում, անխախտ, անմարդիկ,—դարձաւ նա ժողովականներին,— խելքի տակ ու գլուխ տւամք էստեղ ասածներն ու լըսածները. ամեն բան թամամ հասկացամք, թէ չէ:

—Հասկացանք, հնց չի, Առստամ ապէր,—ասացին այս ու այն կողմից, քեզ արքայութիւն ըլի, կարգին հասկացրիր մեզ, մեր աչքը բացար:

—Դէ որ հասկացաք, ասացէք տեսնամ,—շարունակեց Առստամ ապէրը,—պրիգօրօք էք տալի՞ս մեր վարժապետի, մեր ուղբաշու ու հոգաբարձի հաւանկացած էն կազէթ գրող խումբապետին էն մասնին, որ մեր կնանիքը, մեր հարսներն ու աղջիկներն էլ կապուկոտոր ըլին, արու ու հայա կորցնեն, փռանդի, ինգլիզի ու ռուսի կնանուց պէս դուրուր գան ու մեզ հետ հաւասարութիւն անեն. նրա օրէնքն ընդունում է՞ք:

Չէ, չէ, չէ, չէ,—աղաղակեցին բազմաթիւ ձայներ,—մեր միսը կեքել չենք հու:

Երիտասարդները, որոնց վրայ վարժապետն ու Բախշին մեծ յոյսեր ունէին դրած, մնացել էին շարուած ու լուռ. մի քանիսը նրանցից, մեքենաբար էր, ինչ էր, «չէ» աղաղակեցին ընդհանուր ժխորի հետ:

Վարժապետն ու Բախշին փորձեցին խօսել, յօգուտ ուղերձի, ի հարկէ՛ նրանց լսող չեղաւ. նրանց ձայները խեղդեցին խառն ու շփոթ աղմուկի մէջ:

Տանուտէր Շամիրը լուռ մնաց մինչև վերջը: Առստամ ապէրը «խումբապետ» բառի ընդգծումներով ու նրան հետևող բազմակէտերով այնպէս անաբեկել էր նրան, որ խեղճ Շամիրի լեզուն կաշկանդւել էր իս-

պառ. նա իրան պաշտօնից զրկւած ու ոչ այնքան հեռաւոր վայրերն աքսորւած էր երևակայում արդէն...

Փառաւոր յաղթութիւնը տարած Առստամ ապէրը հպարտ քայլածքով տէրտէրների ու աւագանու ուղեկցութեամբ դուրս գնաց ժողովարանից. նրան հետևեց ներկայ եղող բազմութիւնը: Վերջինիս անզգոյշ հրմամբ գետին գլորեց վարժապետի գրասեղանը իր վրայ ստորագրութիւնների համար դրած համախօսական ուղերձով ու թանաքամանով. խախուտ սեղանը ջարդւեց՝ ոտներից երկուսը դուրս պրծան, իսկ երրորդը կտորեց: Վարժապետն այդ չը նկատեց. նա առաջին շարքերի հետ, Բախշի ու Շամիրի ուղեկցութեամբ, դուրս էր եկել պատշգամբ, որտեղից հայեացքով ուղեկցում, ճանապարհում էր իր հեռացող հիւրերին: Վերջում Բախշին, Շամիրն ու երիտասարդները խումբը ցաւակցութիւն յայտնեցին վարժապետին ու հեռացան: Նրանց չնալուց յետոյ վարժապետը մենմենակ մտաւ իր ընակարան-դասարանը, որտեղ յամենակ մտաւ իր ընկած տեսաւ ջարդ ու փշուր եղած գրասեղանը ու թանաքով առատօրէն ողողւած ուղերձը: Առանց կարգի բերելու սենեակը, նա գնաց պառկեց իր ձիւլած, բռնոթոտ անկողնի վրայ ու մտախոհ լուռ հայեացքը յառեց առաստաղին:



## ԲՈՎԱՆԳԱԿՈՒԹԻՒՆ

Ճակատին էն էր գրած . . . . .	5
Թաթախումը . . . . .	46
«Ասիստենտը» . . . . .	91
Ցասում . . . . .	125
Քեզ ջնջեցին . . . . .	154
Վաքիլաշին . . . . .	175
Ուղերձը . . . . .	212





- Էրկման-Շատրխան, Մի գիւղացու պատմութիւնը. թարգմ. Վ. Փափաղեանի . . . . . 1 ր. 25 կ.
- » - Ժամագործի յիշողութիւնները. թարգմ Շ. Խաժակնեանի . . . . . — 8 կ.
- Յ. Գառլիկէ, Կապիտալ և կապիտալիզմ. թարգմ. Ս. Թառայեանի . . — 12 կ.
- Պրոֆ. Վ. Զովբարտ, Ինչու այժմ ամեն մարդ հետաքրքրուում է քաղաքատնտեսական և ընկերակալական խնդիրներով. թարգմ. Ս. Թառայեանի . . . . . — 10 կ.
- Պրոֆ. Թ. Ախեւիս, Իրաւունքի ծագումն ու պատմութիւնը. թարգմ. Ս. Թառայեանի . . . . . — 10 կ.
- Ա. Վիրնիուս, Երեխայի քունը. թարգմ. Ս. Լիսիցեան . . . . . — 15 կ.
- Մարգար, Գողը . . . . . — 20 կ.
- Յ. Կոստանեան, Ուղտն ու էջը. պատկ. . . — 25 կ.

*[Faint, illegible handwritten text, likely bleed-through from the reverse side of the page]*

Հայկ. Գրականության Գործընկերություն  
Մատենադարանի Գրադարան  
Երևան, Կոմիտասի պող. 100

« Ազգային գրադարան »  
  
NL0369619



## Ընկերութեան նրատարակութիւնները

1. Լ. Ուոլլէս. Բէն Հուր. հ. I թարգմ. անգլ.  
Փ. Վարդանեան . . . . . — 75 կ.
2. Նոյն, հ. II . . . . . — 75 կ.
3. Շիրվանզադէ. Արտիստը . . . . . — 25 կ.
4. Մուրացան. Գէորգ Մարգպետունի, պատ-  
մական վէպ . . . . . 1 ր. 20 կ.
5. Ժուլիսկի. Քնած արքայադուստրը. պատ-  
կերգ. հէքիաթ. փոխադր. Աթ.  
Խնկոյեան . . . . . — 15 կ.
6. Ստ. Տէր-Աւետիբեան. Պատմաճգներ . . . . . — 50 կ.

ԳԻՆՆ Է 50 Կ.